

მორის მეტარლინიკი

# სიბრძნე და ბედისწერა

ფრანგულიდან თარგმნა  
დათო აკრიანმა



**Maurice Maeterlinck**  
**La Sagesse et La Destinée**  
**Traduit du français par David Akriani**

**© Nectar Publishing pour la traduction**

**ISBN 99940-0-693-2**

**The publication was sponsored by the foundation  
"Raum für Kultur".**

**უნდა ვეძებოთ ყვავეილი,  
მდუმარებაში რომ გაიშლება  
ქარიშხლის შემდეგ, არა მანამდე.**

**ინდური სიბრძნე**

## მადამ ჟორჟეტ ლეკლანკს

გიძღვნიტ წიგნს, რომელიც, ასე ვთქვათ, თქვენივე  
შექმნილია. არსებობს კალმის თანამშრომლობაზე  
უფრო მაღალი და უფრო რეალური — აზრის  
და მაგალითის -- თანამშრომლობა. ალბათ, არ  
მმართვებდა ამ სამძიმო საქმის კეთება: იდეალური  
ბრძენის გადანყვეტილებების და მოქმედებების  
წარმოსახვა ან კიდევ, მშვენიერი ოცნების ბუნდოვანი  
არსის ამოქაჩვა ჩემივე გულიდან. საკმარისი იყო,  
თქვენი სიტყვებისთვის მესმინა; საკმარისი იყო,  
ჩენი მზერა ყველგან ყურადღებით გამოგყოლოდათ,  
ანუ დაკვირვებოდა თქვენს შესტებს, მოძრაობებს,  
ბრძნულ ჩვეულებებს...

მეტარლინიკი

ამ ნიგნში ხშირად შევეხებით ისეთ საგნებს, როგორიცაა სიბრძნე, ფატალობა, სამართლიანობა, ბედნიერება და სიყვარული. თითქოს ერთგვარ ირონიად უღერს ილაპარაკო ბედნიერებაზე, ძლივსღა რომ მოჩანს ამდენ მეტისმეტად რეალურ უბედურებაში; ილაპარაკო სამართლიანობაზე — ეგებ იდეალურზეც კი — შუაგულ და ვაი რომ მეტისმეტად ხელშესახებ უსამართლობაში; სიყვარულზე, რომელიც არცთუ იოლად მოსახელთებელია სავსებით თვალშისაცემ სიძულვილსა და გულგრილობაში... თითქოს უკვე იმის დროც აღარ არის, რომ ადამიანთა გულის ფარულ ნაოჭებში სურვილისამებრ ვეძებოთ რაიმე მოტივი ნდობისა თუ სიმშვიდისათვის, რაიმე მიზეზი მადლიერებისა და აღტაცებისთვის მაშინ, როცა კაცობრიობის უდიდეს ნაწილს, რომლის სახელითაც თავს უფლებას ვაძლევთ ხმა ავიმაღლოთ და რომელიც შორს არის იმისგან, რომ დაენაფოს ნყურვილმოკლული მოაზროვნის მიერ განდიდებულ, თუმცა კი ესოდენ ძნელად მოპოვებულ შინაგან სიხარულებსა და სიღრმისეულ ნუგეშებს, — ამ კაცობრიობას არც თვითრწმენა ჰყოფნის და არც დრო, რომ ბოლომდე გამოცალოს ცხოვრებისეულ უსიამოვნებათა და მწუხარებათა თასი.

მორალისტებს და, მათ შორის, ეპიქტეტეს საყვედურობენ: ყოველთვის მხოლოდ ბრძენი ადამიანი და სიბრძნე აინტერესებთო. როგორც თითქმის ყველა სხვა საყვედურში, ამაშიც არის გარკვეული სიმართლე. არსებითად, თუ გვეყოფა გაბედულება ვუსმინოთ მხოლოდ საკუთარი სინდისის უმარტივეს, უახლოეს და ყველაზე დაჟინებულ ხმას, მაშინ ჩვენი ერთადერთი ეჭვმიუტანელი ვალი ის იქნება, რომ შეძლებისდაგვარად მეტი ტანჯვა ჩავაცხროთ შეძლები-

სდაგვარად ფართო არეალში. უნდა გავმხდარიყავით სანიტარი, ლატაკთა განმკითხველი, მწუხარეთა მანუგეშებელი, სანიმუშო ქარხანა-ფაბრიკების დამფუძნებელი, ექიმი, მუშა, რა ვიცი... ყოველ შემთხვევაში, ლაბორატორიაში მომუშავე მეცნიერისა არ იყოს, მხოლოდ ის უნდა გვექნა, რომ ბუნებისთვის ყველაზე აუცილებელი საიდუმლოები „გამოგვეგლიჯა“. ეგაა, სამყარო, სადაც ადამიანები ერთ რომელიღაც მომენტში მხოლოდ ერთმანეთის შენევნა-დახმარებაში იქნებოდნენ, ამ ქველმოქმედ შრომაში დიდხანს მაინც ვერ დარჩებოდა, თუკი სხვა საქმიანობისთვის აუცილებელ მოცალეობასაც ამგვარ ქველმოქმედებას უმსხვერპლებდა. მხოლოდ ერთი შეხედვით გამოუსადეგარ ადამიანთა ნყალობით თუ იარსებებს უეჭველად გამოსადეგ ადამიანთა გარკვეული სიმრავლე. ჩვენ ირგვლივ ამჟამად შექმნილი სიკეთის საუკეთესო ნაწილი თავდაპირველად ჯერ ერთ-ერთი იმათგანის სულში იბადება, რომლებიც, შესაძლოა, უგულბელყოფენ კიდევ არაერთ უშუალო ვალდებულებას, რათა იაზროვნონ, საკუთარ თავში ჩაბრუნდნენ და ილაპარაკონ. ნიშნავს თუ არა ეს იმას, რომ მათ გააკეთეს საუკეთესო, რისი გაკეთებაც კი შეიძლებოდა? ვინ გაბედავს და ვინ გასცემს პასუხს ამ კითხვაზე? ყოველივე საუკეთესო, რაც შეიძლება რომ გაკეთდეს, თვინიერი და კეთილსინდისიერი ანუ *სათანადო* სულის ყველაზე უბრალო და უახლოესი ვალია, თუმცა ამის გამო მაინც ნაკლებად დასანანი არ არის, რომ ყველა ყოველთვის მხოლოდ უახლოეს მოვალეობაზე ზრუნავდა. ყველა ეპოქაში არსებობდნენ ადამიანები, რომლებსაც შეეძლოთ ლოიალურად ეფიქრათ, რომ მოცემული მომენტის ყველა მოვალეობას მომდევნო მომენტის მოვალეობებზე ფიქრით ასრულებდნენ. მოაზროვნეთა დიდი ნაწილი ხალისით ამტკიცებს, რომ ასეთი ადამიანები არ ცდებიან. კარგია, როცა

მოაზროვნე რამეს ამტკიცებს. ისიც სიმართლეა, რომ სიბრძნე ზოგჯერ სწორედ იმას უპირისპირდება, რასაც ბრძენთაბრძენი ამტკიცებს ხოლმე. მერედა რა? ამას ხომ მისი მტკიცების გარეშე ვერ შევამჩნევდით. ამით ბრძენიც თავის მოვალეობას ასრულებს.

## II

დღეს უბედურება კაცობრიობის ისეთივე სწეულებაა, როგორც სწეულებაა ადამიანის უბედურება. სწეულებისთვის არსებობს წამლები, უნდა არსებობდეს წამლები ადამიანთა უბედურებისთვისაც. მაგრამ ნუთუ იქიდან, რომ სწეული მდგომარეობა მეტისმეტად გავრცელებულია, გამომდინარეობს, რომ არასოდეს არ უნდა მივხედოთ ჯანმრთელობას? და რომ იმან, ვინც, მაგალითად, ანატომიას — მორალთან ყველაზე უფრო უშუალოდ დაკავშირებულ ფიზიკურ მეცნიერებას — სწავლობს, ანგარიში მხოლოდ და მხოლოდ ადამიანის ორგანიზმის მეტნაკლებად საერთო დაქვეითებისგან წარმოქმნილ დეფორმაციებს უნდა გაუწიოს? მნიშვნელოვანია, რომ ანატომიის შემსწავლელი ადამიანი ჯანმრთელი და კარგად აღნაგობილი სხეულიდან ამოვიდეს. ასევე მნიშვნელოვანია, რომ მორალისტი, რომელსაც ანმყოფიდან ხედვა სურს, ან ბედნიერი სულიდან უნდა ამოვიდეს ან, სულ ცოტა, იმისგან, ვისაც ხელთა აქვს ყოველივე (საკმარის შეგნებასთან ერთად), რაც საჭიროა ბედნიერებისთვის.

ჩვენ დიდ უსამართლობაში ვცხოვრობთ, მაგრამ, მე მგონი, ზოგჯერ გულგრილობა ან დაუნდობლობა კი არ გვალაპარაკებს ისე, თითქოს ეს უსამართლობა აღარ არსებობდეს, — უბრალოდ, უამისოდ ვერასოდეს გამოვალთ მისივე მანკიერი წრიდან.

საჭიროა, რომ ზოგიერთმა მაინც იფიქროს,

ილაპარაკოს და იმოქმედოს ისე, თითქოს ყველა ბედნიერი იყო. თუ არადა, რომელ სამართალს, რომელ სიყვარულს, რომელ მშვენიერებას იპოვიან ყველა დანარჩენები იმ დღეს, როდესაც ბედისწერა საჯაროდ გააღებს აღთქმული მიწის ნალკოტებს? მართალია, ისიც შეიძლებოდა გვეთქვა, რომ ეგებ ჯერ „შედლებისდაგვარად სწრაფად“ გვევლო. მაგრამ ასე სვლა ყოველთვის უბრძნესი გადანყვეტილება არ გახლავთ. ხშირად უფრო მეტად ფასობს სწრაფი სვლა „შედლებისდაგვარად მალლა“. თუ ჰოლანდიელი გლეხის საბინადროს ნყლები დატბორავს, მისთვის ყველაზე გადაუდებლად გასაკეთებელი საქმე საქონლის, საკვებისა და ავეჯის გადარჩენა იქნება, ყველაზე ბრძნული კი — კაშხლის თავზე დადგომა, ნყლის სტიქიასთან შებრძოლება და იქ მოხშობა ყველასი, ვინც კი მიმდებარე მიწებზე ცხოვრობს.

აქამდე კაცობრიობა ჰგავდა ავადმყოფს, რომელიც სანოლში წრიალებს და ვერ მოუსვენია. მიუხედავად ამისა, ერთადერთი ნამდვილად მანუგეშებელი სიტყვები მას იმათგან ესმოდა, ვინც ისე ელაპარაკებოდა, როგორც იმთავითვე ჯანმრთელს. ეს იმიტომ, რომ კაცობრიობა ისევეა გაჩენილი ბედნიერებისთვის, როგორც კაცი — ჯანმრთელად ყოფნისთვის. და როცა მას თავის უბედურებაზე ელაპარაკებიან კიდევ უფრო უნივერსალური და უფრო მუდმივი უბედურების წიაღში, ამას ისეთი სახით შვრებიან, თითქოს მხოლოდ შემთხვევით და დროებით სიტყვებს ეუბნებოდნენ. არაფერია უადგილო იმაში, რომ კაცობრიობას ისე მივმართოთ, თითქოს გამუდმებით იმყოფებოდეს დიდი ბედნიერების თუ დიდი გარკვეულობის წინკარში. ის ხომ ნამდვილად იმყოფება იქ თავისი ინსტინქტით, მაგრამ ვერასოდეს ვერ ლახავს ზღურბლს. ურიგო არ იქნება გვწამდეს, რომ კიდევ ცოტაოდენი აზრი,



ცოტაოდენი გამბედაობა, ცოტაოდენი სიყვარული, ცოტაოდენი ცნობისნადილი, ცოტაოდენი სიცოცხლის გზნება საკმარისი იქნებოდა, რომ ერთ მშვენიერ დღესაც სიხარულისა და ჭეშმარიტების კარიბჭე შეგვეღო. ეს სულაც არ არის წარმოუდგენელი. შეგვიძლია იმედი ვიქონიოთ, რომ ერთ დილას ყველა ბედნიერი და გონიერი გამოიღვიძებს. და თუ ეს დილა არ მოდის, მისი ლოდინი მაინც არავის ჩათვლება კრიმინალურ საქმედ.

ყველა შემთხვევაში, სასარგებლოა ბედნიერებაზე საუბარი უბედურებთან, რომ მათაც შეიცნონ მისი არსი. მათ ხომ ბედნიერება უჩვეულო და თითქმის მიუწვდომელ რამედ წარმოუდგენიათ! მაგრამ ისეთები, ვისაც თავი ბედნიერი ჰგონია, მარტივად რომ გამოთქვამდნენ თავიანთი კმაყოფილების მოტივებს, დავინახავდით, რომ მანძილს სევდიდან სიხარულამდე მუდამ განაპირობებს მხოლოდ სხვაობა უფრო მომღიმარე, უფრო ნათელ მიღებასა და მტრულ-პირქუშ დამონებას შორის; ჰარმონიულ-ფართო გაგებასა და ვიწრო-გაჯიუტებულ გაგებას შორის. და მაშინ ისინი შესძახებდნენ: „სულ ესაა? მაშ, ჩვენს გულებშიც მოიპოვება ბედნიერების მარცვლები!“ რა თქმა უნდა, მოიპოვება. ფიზიკური ხასიათის დიდ უბედურებათა გამოკლებით, ისინი ყველას მოეპოვება. ოღონდ ნურასოდეს ახსენებთ ამ ბედნიერებას ზიზღით! სხვაგვარი ბედნიერება მაინც არ არსებობს. ადამიანთა შორის ყველაზე ბედნიერი ის არის, ვინც თავის ბედნიერებას ყველაზე უკეთ იცნობს. ხოლო ასეთებმა ისიც იციან, რომ ბედნიერებას მწუხარებისგან მხოლოდ მაღალი, დაულალავი, გაბედულ-ადამიანური იდეა მიჯნავს.

შეძლებისდაგვარად ხშირი საუბარი ამ იდეაზე, — აი, რა არის ადამიანისთვის მარგებელი. თავს კი არ უნდა მოვახვიოთ იდეა, რომელიც უკვე გვაქვს,

არამედ იმათ გულებში, ვინც ჩვენ გვისმენს, ნელ-ნელა ჩავსახოთ სურვილი, რომ, თავის მხრივ, მათაც ჰქონდეთ მსგავსი იდეა. ეს უკანასკნელი თითოეული ჩვენგანისთვის სხვადასხვაა. თქვენი იდეა ჩემთვის შეუფერებელია და, გთხოვთ, ნუ მიკიჟინებთ მთელი თქვენი მჭევრმეტყველებით: ის ჩემი სიცოცხლის ფარულ ორგანოებს ვერა და ვერ მინვდება. ჩემი იდეა თვითონვე უნდა მოვიძიო საკუთარ თავში. მაგრამ თქვენს იდეაზე საუბრით უნებლიეთ დამეხმარებით ჩემი იდეის ჩამოყალიბებაში. შესაძლოა, იმან, რაც თქვენ გადარდიანებთ, მე მანუგეშოს, ხოლო იმან, რაც გეხმარებათ, გული გამიტეხოს. ეს ბევრს არაფერს ნიშნავს: ის, რაც მშვენიერია თქვენს მანუგეშებელ ხილვაში, ჩემს დაღონებაშიც შეაღწევს, ხოლო ის, რაც თქვენს სევდაში დიდებულია, ჩემს სიხარულშიც გადავა, თუკი ეს უკანასკნელი თქვენი სევდის ღირსია. უნინარეს ყოვლისა, საჭიროა, რომ ჩვენი სულის ზედაპირზე მომზადდეს გარკვეული სიმაღლე, რომელმაც ეს იდეა უნდა მიიღოს. ასე ათავისუფლებდნენ ძველი რელიგიების მღვდელმსახურნი მთის წვერს ყოველგვარი ეკალ-ბარდისგან, რათა იქ ცის ცეცხლი მიეღოთ. შეუძლებელი არ არის, რომ ხვალ მარსიდან გამოგვიგზავნონ საბოლოო იდეა სამყაროს აგებულებისა და მიზნის შესახებ, გამოგვიგზავნონ ბედნიერების ფორმულა. ეს მაინც ვერაფერს შეცვლის, ვერანაირად ვერ გააუმჯობესებს ჩვენს შინაგან ცხოვრებას, თუ უკვე დიდი ხანია მთელი არსებით არ გვსურს და არ ველით ამ გაუმჯობესებას. თითოეული ჩვენგანი მხოლოდ იმდენად ისარგებლებს და იხარებს ამ ფორმულით, თუნდაც თავისთავად უცვლელით, რამდენადაც უფრო უანგარო, განწმენდილ, ყურადღებიან და უკვე განათებულ შინაგან სივრცეს დაახვედრებს. სამართლიანობისა და ბედნიერების მთელი მორალი და მეცნიერება სხვა

არაფერია, თუ არა შეძლებისდაგვარად დიდი, ნაცადი, გულითადი მოლოდინი და მზადება. რალა თქმა უნდა, სხვა ყველაფერთან ერთად, ველოდებით დღეს, როდესაც, ბოლოს და ბოლოს, გარკვეულობაში ანუ მეცნიერულად ზუსტ, ტოტალურ, ურყევ ჭეშმარიტებაში შევებიჯებით. მაგრამ ამ მოლოდინის დროს ჩვენ გვენიჭება კიდევ უფრო მნიშვნელოვან ჭეშმარიტებაში — ჩვენი სულისა და ჩვენი ხასიათის ჭეშმარიტებაში — შეღწევის უნარი. და ზოგიერთმა ბრძენმა ისიც დაგვიმტკიცა, რომ ასეთი ცხოვრება შესაძლებელი ყოფილა თვით უდიდეს მატერიალურ ცდომილებათა გარემოცვაშიც კი.

### III

ამაოა თუ არა ზნეობაზე, სამართალზე, ბედნიერებაზე და ყოველივე ამდაგვარზე საუბარი მანამდე, ვიდრე მეცნიერება თავის გადამწყვეტ სიტყვას იტყვოდეს, სიტყვას, რომელმაც შეიძლება ყველაფერი გადაატრიალოს? შესაძლოა, ჩვენ დროებით წყვილიადში ვიმყოფებით, წყვილიადში კი ბევრი რამ ისე არ ხდება, როგორც დღის სინათლეზე მოხდებოდა.

მიუხედავად ამისა, ჩვენი ფიზიკური და სულიერი ცხოვრების მნიშვნელოვანი მოვლენები ისევე უცილობლად და დასრულებულად ხდება წყვილიადში, როგორც სინათლეში. მუდამ საიდუმლო სიტყვის მოლოდინში უნდა ვიყოთ. მხოლოდ ასე თუ ვიცხოვრებთ ყველაზე ბედნიერად, ყველაზე კეთილშობილად და ყველაზე ძალუმად, მხოლოდ ასე თუ გვექნება ყველაზე მეტი გაბედულება, დამოუკიდებლობა და ნათელხილვა, რათა ველტვოდეთ და ვეძიებდეთ ჭეშმარიტებას. რაც უნდა იყოს, საკუთარი თავის შესწავლაში დახარჯული დრო არასოდეს იქნება დაკარგული. როგორ მიმართე-

ბაშიც უნდა მოვიდეთ ერთ მშვენიერ დღეს ამ სამყაროსთან, რომლის ნაწილსაც ჩვენვე შევადგენთ, მაინც ყოველთვის დარჩება უფრო მეტი განცდა, მისწრაფება თუ საიდუმლო (ადამიანის სულისთვის უცვლელი), ვიდრე დედამიწასთან დაკავშირებული ვარსკვლავები ან მეცნიერების მიერ გაშუქებული საიდუმლოებია. ყველაზე უფრო უცვილობელი და ღრმადმიმავალი ჭეშმარიტების ნიაღში ადამიანი, ალბათ, გაიზრდება, მაგრამ გაიზრდება სწორედაც ადამიანური სულის უცვლელი მმართველობის ქვეშ. და შეგვიძლია დავძინოთ, რომ რაც უფრო ძლიერი და მანუგეშებელი იქნება უნივერსალური გარკვეულობა, მით ყველას თვალში უფრო მეტად მიენიჭება სამართლიანობასთან, ზნეობასთან, ბედნიერებასთან თუ სიყვარულთან დაკავშირებულ საკითხებს დომინანტური და მომზიბლავი ასპექტი, — ასპექტი, რომლითაც ეს საკითხები მუდამ ევლინებოდნენ მოაზროვნის მზერას.

ისე უნდა ვიცხოვროთ, თითქოს გამუდმებით ვდგავართ დიდი აღმოჩენის ზღურბლზე. უნდა ვემზადოთ მის მისაღებად იმდენად სრულად, ისეთი გზებითა და განსულიერებით, რამდენადაც კი ძალგვიძს. და რა ფორმითაც არ უნდა მოგვევლინოს, მისი მიღების საუკეთესო მანერა ის იქნება, რომ *დღეიდანვე* ველოდოთ, ველოდოთ ისეთ ვრცელს, მაღალს, სრულყოფილს, გამაკეთილშობილებელს, როგორადაც წარმოდგენაში მოგვეცა. ამ აღმოჩენას ჩვენ ვერ მივანეროთ საკმარის სისავსეს, სილამაზეს თუ დიდებულებას. უეჭველია, ის ჩვენს საუკეთესო იმედებსაც გადააჭარბებს, რადგან თუ მათგან განსხვავდება და, ეგების, უპირისპირდება კიდევ, მაშინ თვით იმ ფაქტით, რომ ჭეშმარიტებას მოგვიტანს, — მოგვიტანს აგრეთვე რაღაც ყველაზე დიდს, ყველაზე მაღალს, ადამიანური ბუნების ყველაზე მეტად შე-

სატყვისსაც იმასთან შედარებით, რასაც მანამდე ველოდით. ყველაფერი რომ დაკარგოს, რაც მანამდე ალაფრთოვანებდა, ამჯერად ადამიანის ალტაცების საგანი უკვე თვით სამყაროს დაფარული ჭეშმარიტება იქნება. ანუ მისი გაცხადების დღეს გაიფანტება ჩვენი იმედების ყველაზე უფრო მოკრძალებული ნაცარი, ყველა შემთხვევაში დაგვრჩება სამზადისი *განსაცვიფრებლთან* შესახვედრად და ისიც მეტნაკლებად უხვ ნაკადებად შემოგვეღვრება სულში ჩვენივე მოლოდინით გათხრილი კალაპოტის სიღრმე-სიგანისდა მიხედვით.

#### IV

აუცილებელია თუ არა, რომ ჩვენს თავს სამყაროზე მალლა ვაყენებდეთ? — ამაოდ ვეცდებოდით განსჯას. მთელი ჩვენი გონება სხვა არაფერი იქნებოდა, თუ არა ბუნების ერთი მოცრიატე სხივი, უმნიშვნელო ნაწილი *მთლიანისა*, რომლის განსჯა-განკითხვის უფლება ამ სუსტმა სხივმა მიისაკუთრა. და ნუთუ თავისი მოვალეობის აღსასრულებლად სხივმა მისივე მშობელი ლამპრის გადასხვაფერება უნდა ისურვოს?

ჩვენი არსების მწვერვალი, რომლიდანაც ცხოვრების, როგორც ასეთის, გამართლება ან შერისხვა ჩაგვესმის, ამკარად სხვა არაფერია, თუ არა უსწორმასწორობა, რომელსაც მხოლოდ ჩვენივე თვალი ამჩნევს ცხოვრების უკიდევანო სფეროზე. გონივრულია ისე ფიქრი და მოქმედება, თითქოს ყველაფერი, რაც კაცობრიობას ემართება, არსებითად, გარდაუვალი იყო. დიდი ხანი არ გასულა მას შემდეგ (თუ მხოლოდ ერთს დავასახელებთ იმ პრობლემათაგან, რომლის გადასაჭრასაც ინსტინქტურად ცდილობს ჩვენი პლანეტა), რაც, ვგონებ, ევრო-

პელ მოაზროვნეებს სთხოვეს განესაზღვრათ, ბედნიერებად მიჩნეულიყო თუ უბედურებად გაქრობა ან აღზევება ისეთი ენერგიული, შეუპოვარი და ძალუმი რასისა, როგორცაა ებრაელთა მოდგმა, რომელიც ჩვენ, განსხვავებულ არიელთ, ძალზე ბრმად მიღებულ აზრობრივ აკვიატებათა საფუძველზე, სულით თუ გულით ჩვენზე უფრო დაბლამდგომად გვესახება. დარწმუნებული ვარ, ყოვლად მიუღებელი რეზინაციისა და განურჩევლობის გამოორიცხვით, ბრძენის პასუხი ასეთი იქნებოდა: „ბედნიერება ის იქნება, რაც საბოლოოდ მოხდება“. ხშირად მიმდინარე მოვლენებში უსამართლობას ვხედავთ. მაგრამ რა მოიმოქმედა ადამიანურმა გონებამ დღემდე იმაზე უფრო სასარგებლო, ვიდრე ის, რომ იპოვა ბუნების უსამართლობაზე აღმატებული აზრი? ყველაფერი, რასაც ვეყრდნობით და რაც გვებმარება როგორც ფიზიკურ, ისე სულიერ ცხოვრებაში, გამომდინარეობს უცნობი ძალის ნელი და თანდათანობითი გამართლებიდან, ძალის, მანამდე რომ შეუბრალებელი გვეგონა. თუ ჩვენს იდეალთან აბსოლუტურად შესატყვისი რასა ქრება, ეს იმიტომ, რომ თვით იდეალი არ არის სავსებით შესატყვისი იდეალისა *par excellence*, რომელიც, როგორც უკვე ვთქვი, სამყაროს დაფარული ჭეშმარიტებაა.

ჩვენ უკვე ვიცით, როგორ ვისარგებლოთ საკუთარი გამოცდილებით, უკვე ვნახეთ, როგორ დაადასტურა რეალობამ საკვირველი ოცნებები და სურვილები, დიდი იდეები თუ სიყვარულის, მშვენიერების, სამართლიანობის დიდი გრძნობები. თუკი ჩვენს წარმოსახვაში არსებობს კიდევ უფრო დიადი და უფრო მანუგეშებელი სურვილები და გრძნობები, რომლებიც, მიუხედავად ამისა, ცხოვრების ანონიმური და იდუმალი ძალის გამოცდას ვერ გაუძლებდნენ, ეს იმიტომ, რომ ისინი, როგორც ჩანს,

სხვაწაირები უნდა იყვნენ და არა მაინცდამაინც ნაკლებად მშვენიერი, ნაკლებად ფრთაგაშლილი ან ნაკლებად მანუგეშებელი. რეალობის გაცხადების მოლოდინში, ალბათ, უპრიანი იქნებოდა გვექონოდა იდეალი, რომელიც ჩვენს წარმოსახვას ამ რეალობაზე მშვენიერი ჰგონია. ხოლო რეალობის საბოლოოდ გამოვლინების შემდეგ აუცილებელი ხდება, რომ ჩვენი ყველაზე სანუკვარი სურვილებით ნაკვებმა იდეალურმა ცეცხლმა ერთგულად გაანათოს მხოლოდ და მხოლოდ ამავე სურვილთა გამსრესი შთამბეჭდავი მასის უფრო მტკიცე და ნაკლებად თავაზიანი მშვენიერებანი.

არა მგონია, ეს ყველაფერი მონურ მორჩილებას, მძინარე ფატალიზმს ან პასიურ ოპტიმიზმს ნიშნავდეს. შესაძლოა, ბრძენმა ადამიანმა ბევრ შემთხვევაში ნაწილობრივ დაკარგოს კიდევ თავისი შეუპოვარი მგზნებარება, რომელმაც მას განახორციელებინა, ასე ვთქვათ, ზეადამიანური ქმედებები სწორედ იმით, რომ იგი ადამიანური გონების სისავეს არ ფლობდა. მაგრამ, ამასთანავე, კეთილსინდისიერ სულს აშკარად არ მიეტევა, რომ ენერგია, კეთილი ნება, ილუზიები თუ დაბრმავება მის საუკეთესო ფიქრებზე უფრო დაბლამდგომ რეგიონში ეძებოს. შინაგან ცხოვრებაში ჩვენს მოვალეობას, არსებითად, მხოლოდ ჩვენი სულის და ჩვენი საკუთარი ჭეშმარიტების ყველაზე მაღალ რეგიონში თუ აღვასრულებთ ხოლმე. და თუ ყოველდღიურ არსებობაში ზოგჯერ დასაშვებია მოქმედება გარემოებათა მიხედვით, თუ მუდამ არ არის უპრიანი საკუთარ მიჯნებამდე მისვლა, როგორც, მაგალითად, სენ-ჟუსტის<sup>1</sup> შემთხვევაში, — ადამიანის, რომელსაც საოცრად სწყუროდა საყოველთაო სამართლიანობა, მშვიდობა, ბედნიერება და ამისთვის უმნიკველო სინდისით აპყავდა ეშაფოტზე ათასობით მსხვერპლი, — მაშინ აზრობრივ ცხოვრებაში

ჩვენი მოვალეობა, ნებისმიერ შემთხვევაში, მაინც საკუთარი აზრის საზღვრებამდე მისვლაა. ამასთანავე, ამაღლებაში მყოფი აზრი იმასვე ახალისებს, რასაც თვითონვე თრგუნავს. მათთვის, ვინც სათანადო სიმალლიდან უყურებს და წინდანი ალტაცებაში მოდის იმით, რაც მათ ქმედებას დაანგრევს, ბუნებრივად ჩანს ყველაფერ იმის კეთება, რაც კი გონებას, სამართლიანობას, დედამიწის მშვენიერებას, პლანეტის ინსტინქტს გააუმჯობესებდა. მათ იციან, რომ ამ შემთხვევაში გაუმჯობესება არსებითად, მხოლოდ აღმოჩენას, გაგებას, პატივისცემას ნიშნავს. უწინარეს ყოვლისა, მათ სწამთ „სამყაროს იდეა“, სჯერათ, რომ უკეთესისკენ მიმართული ყოველი ძალისხმევა მათ ცხოვრების საიდუმლოსთან აახლოვებს. თუმცა, იმავდროულად, იმასაც სწავლობენ, როგორ მოიპოვონ ახალი საკვები ალტაცების, მგზნებარებისა და იმედისთვის თვით ყველაზე დიდსულოვანი მცდელობების მარცხის თუ ამხელა ქვეყნიერების მიერ მათთვის განეული წინააღმდეგობის დროს.

თუ სალამოხანს მალალ მთაზე ახვალთ, იქიდან დაინახავთ, ნელ-ნელა როგორ ინთქმება ხეობის სიბნელეში ხეები, სახლები, სამრეკლო, მდელოები, ხილის ბაღები, გზა და თვით მდინარეც. თუმცა ადამიანებით დასახლებულ ადგილებში მანათობელი პატარა ნერტილები თქვენს ასვლასთან ერთად არ გაფერმკრთალდება. პირიქით: ზემოთ გადადგმულ ყოველ ნაბიჯთან ერთად თქვენს ფერხთით ჩაძინებული სოფლებიდან გამომკრთალ უფროდაუფრო მეტ სინათლეს მოიხელთებთ. რაოდენ სუსტიც უნდა იყოს, სინათლე ალბათ ერთადერთი რამაა, რაც თვით უზარმაზარ მანძილებზეც კი თითქმის არაფერს კარგავს. იგივე ითქმის ჩვენს შინაგან სინათლეებზეც, როცა ცხოვრებას ოდნავ ზემოდან დავყურებთ. კარგია, თუ ჭკრეტა გვასწავლის, როგორ გავთავისუ-



ფლდეთ ყველა ჩვენი ქვენა მისწრაფებისგან, თუმცა მან არ უნდა შეგვისუსტოს, არ უნდა დაგვიტრგუნოს თვით ყველაზე მოკრძალებული ლტოლვაც კი ჭეშმარიტების, სამართლიანობისა და სიყვარულისკენ.

საიდან მოდის კანონი, რომელსაც მე ამგვარად ვაყალიბებ? თვითონაც არ ვიცი. ეგაა, ეს წესი მე ადამიანური და გარდაუვალი მგონია. და სენტიმენტალური მიზეზების გარდა, მათ სასარგებლოდ სხვა არგუმენტს ვერც კი დავასახელებ. თუმცა სენტიმენტალური მიზეზები ზოგჯერ ყველაზე უფრო მისაღებია. და თუ ფეხს ისეთ მწვერვალზე შევდგამ, რომლიდანაც ეს კანონი უკვე უსარგებლოდ მომეჩვენება, მაშინ კვლავ მივაყურადებ ფარულ ინსტინქტს: ის მეტყვის, რომ არ შეეჩერდე, უფრო მაღლა წავიდე, სანამ კიდევ ერთხელ არ დავინახავ აღნიშნული კანონის მთელ გამოსადეგობას.

## V

ზოგადი შესავლის შემდეგ მეტი დაკონკრეტებით შევებოთ იმ ზეგავლენას, რომელიც სიბრძნემ შეიძლება მოახდინოს ჩვენს ხვედრზე. და რაკი შემთხვევა გვეძლევა, შესაძლოა, ცუდი არ იყოს თავიდანვე შევნიშნოთ, რომ ამ წიგნში ამაოდ დავუნყებთ ძებნას რაიმე მკაცრ მეთოდს. აქ სხვას ვერაფერს ვნახავთ, გარდა ნყვეტილი მედიტაციებისა, მეტ-ნაკლები წესრიგით რომ ივრცობიან ორ თუ სამ თემაზე. იგი არავის დარწმუნებას არ ცდილობს, არაფრის დამტკიცება არ განუზრახავს. სხვა რომ არაფერი, წიგნები ცხოვრებაში იმ როლს ვერ თამაშობენ, რომელსაც ადამიანთა უმრავლესობა — მწერლები თუ მკითხველები — მათ მიაწერს. საკმარისი იქნებოდა, ისევე მოგვესმინა წიგნებისათვის, როგორც ერთ-ერთი ჩემი დიდად ბრძენი მეგობარი უსმენდა ერთხელ ან-

ტონიუს ღვთისმოსავის<sup>2</sup> უკანასკნელი წუთების ამბავს. რაც შეეხება ანტონიუსს, ეს ადამიანი — კიდევ უფრო მეტადაც კი, ვიდრე მარკუს ავრელიუსი — შეგვეძლო დედამიწაზე ოდესმე არსებულ კაცთაგან ყველაზე სრულქმნილად მიგვეჩნია, რადგან თავისი გერის მთელ სიბრძნეს, სიღრმეს, სიკეთესა და სათნოებას იგი ავსებდა და აგვირგვინებდა ისეთი საოცარი ვაჟკაცობით, ენერგიით, პრაქტიკულობით, უბრალო ბედნიერებითა და სპონტანურობით, რომლებიც მის შვილობილს სულ უფრო მეტად აახლოვებდნენ ყოველდღიურ ჭეშმარიტებასთან. ეს მაშინ, როცა თვით ანტონიუსს, სასიკვდილო სარეცელზე მწოლარეს, თვალები უნებლიე ცრემლებით დაბინდოდა და კიდურებიც აგონიის ოფლით დაცვარვოდა. ამ დროს სასახლის დაცვის უფროსი ანტონიუსის ოთახში შევიდა, რათა მისგან მორიგი პაროლი შეეტყო. *„ეკვანიმიტას: ზომიერება“*, — უთხრა ანტონიუსმაც და თავი სამუდამო ნყვდიადისაკენ შეაბრუნა. „ეს სიტყვა უნდა გვიყვარდეს და ფრთებს გვასხამდეს“, მეუბნებოდა მეგობარი. შემდეგ კი დასძენდა: „კიდევ უკეთესია, თუ ყველასთვის — თვით ჩვენთვისაც კი — შეუმჩნევლად გვეცოდინება, როგორ დავუთმობთ შემთხვევის მიერ ნაბოძები დრო ამ სიტყვით აღფრთოვანებას, ანუ პატარა, სასარგებლო და ცოცხალი საქმეების კეთებას, განუწყვეტლივ რომ სთავაზობს იგივე შემთხვევა კეთილნებას ჩვენი გულისა.“

## VI

„ალბათ, მათივე ბედისწერას სურდა, რომ ადამიანებსა თუ მოვლენებს ისინი ყველგან და ყოველთვის დაეთრგუნათ“, — ამბობს ერთი ავტორი თავისი წიგნის პერსონაჟების შესახებ. ეს ითქმის

ადამიანთა უმრავლესობაზე, — ყველაზე, ვისაც არ  
ჟსნავლია, როგორ გამიჯნოს ერთმანეთისგან გარე-  
ჯანი და შინაგანი ბედისწერები. ასეთები ჰგვანან  
იმ ბრმა ნაკადულს, ბორცვიდან რომ დავეყურებდი  
ერთ დილას: ბნელი ხეობის ფსკერზე კლაკვნითა და  
ფორთხვით მიიკვლევდა გზას ტყის მეორე მხარეს  
განთიადის სიმშვიდეში მთვლემარე დიდი ტბისაკენ.  
ერთ მონაკვეთზე მას ოთხჯერ უმრუდებდნენ გზას  
ბაზალტოვანი კლდეები, მეორეგან ბებური ხის ფეს-  
ვები ელობებოდნენ, კიდევ უფრო შორს — სამუ-  
დამოდ გამქრალი დაბრკოლების ხსოვნა მას ამაო  
ბუყბუყით აქცევინებდა პირს თავისივე სათავისაკენ  
და განუსაზღვრელად აშორებდა თავისი მიზნისა და  
ბედნიერებისგან. აი, მეორე მხარეს კი, იმ გადარეუ-  
ლი, უბედური და უსარგებლო ნაკადულის თითქმის  
პერპენდიკულარულად, ინსტინქტურ ძალებზე აღ-  
მატებულ ძალას გრძელი არხი გაეჭრა ჩამოზვავე-  
ბული ქვების, სოფლისა და მორჩილი ტყის გავლით.  
ჰორიზონტის მიღმიდან მომდინარე სავსე, ამწვანებ-  
ული, მშვიდი, უზრუნველი ნაკადი ნყნარად, ნათლად  
და უყოყმანოდ მიემართებოდა იმავე უშფოთველი  
ტბისკენ. ჩემს ფერხით გადამლილიყო ადამიანის  
წინაშე აღმართული ორი დიდი ბედისწერის ხატება.

## VII

ადამიანებისა და მოვლენების მიერ დათრგუნულ-  
თა გვერდით არიან ერთგვარი შინაგანი ძალით მორ-  
ჭმული სულებიც, ძალით, რომელსაც ემორჩილებიან  
არა მხოლოდ ადამიანები, არამედ გარემომცველი  
მოვლენებიც. ისინი აცნობიერებენ ამ ძალას, რო-  
მელიც, სხვათა შორის, სხვა არაფერია, თუ არა  
ადამიანთა ჩვეულებრივი ცნობიერების საზღვრებს  
გამცდარი თავისებური თვითშეგრძნება.

მხოლოდ საკუთარი ცნობიერების ფარგლებში ვართ „შინ“, მხოლოდ აქ ვართ შემთხვევის ახირებებისგან დაცულნი, მხოლოდ მასში ვართ ბედნიერი და ძლიერი. საერთოდ, ამ საგნებზე საკმაოდ ხშირად უსაუბრიათ. უსაუბრიათ მათთან მცირე ხნით შესაჩერებლად მაინც, თუ არა ათვლის წერტილის დასაფიქსირებლად. ადამიანის არსება მხოლოდ იმდენად იზრდება, რამდენადაც ფართოვდება მისი ცნობიერება, და ეს ცნობიერებაც იმდენად ფართოვდება, რამდენადაც იზრდება მისი შინაგანი არსება. აქ ხდება სასწაულებრივი გაცვლა და, როგორც სიყვარულს დაულალავად სწყურია სიყვარული, ასევე ცნობიერებასაც სწყურია გაფართოება, შინაგანი ზრდა, რომელიც, თავის მხრივ, მუდმივ გაცნობიერებას მიელტვის.

## VIII

თუმცა, ჩვეულებრივ, თვითცნობიერება საკმაოდ ხალისით ისაზღვრება ჩვენი ნაკლოვანებებისა და ღირსებების ცოდნით. არადა, შეიძლება უსასრულოდ უფრო თანამგრძობ საიდუმლოებამდეც განვივრცოს. საკუთარი თავის ცნობა არ ნიშნავს მხოლოდ თავის ცნობას დასვენების ჟამს ან — მეტნაკლები მასშტაბით — ანმყოსა თუ წარსულში. „აცნობიერებდე საკუთარ თავს“ ყველაზე დიდი ადამიანებისთვის ნიშნავს „აცნობიერებდე — გარკვეულ წერტილამდე — საკუთარ ვარსკვლავს თუ საკუთარ ბედისწერას“. ასეთებისთვის ნაწილობრივ ცნობილია საკუთარი მომავალი, რადგანაც უკვე თვითონ წარმოადგენენ ამ მომავლის ნაწილს. ისინი თავიანთ თავს ენდობიან, რაკი ამიერიდან იციან, რად იქცევიან მოვლენები მათ სულში. მოვლენა, თავისთავად, ის წმინდა ნყალია, რომელსაც ბედი გვისხამს და

რომელსაც, ჩვეულებრივ, არც გემო აქვს, არც ფერი, არც სურნელი. ის მშვენიერი ან სევდიანი, საამური ან მწარე, მომაკვდინებელი ან გამომაცოცხლებელია მისი მიმღები სულისდა მიხედვით. ჩვენ ირგვლივ მყოფ ადამიანებს ჰეროიკული მარცვლებით სავსე უამრავი ამბავი შეემთხვევათ ხოლმე, თუმცა მას შემდეგ, რაც მორიგი ამბავი ჩაივლის, გმირული არაფერი ხდება. მაგრამ, აი, იესო თავის გზაზე ბავშვებს, მეძავ ქალს თუ სამარიტელ ბანოვანს ხვდება და კაცობრიობაც სამჯერ ზედიზედ ადის ღმერთის სიმაღლემდე.

## IX

ხანდახან ადამიანებს სწორედ ის ემართებათ, რაც თვითონვე სურთ, რომ შეემთხვეთ. ჭეშმარიტად: ჩვენი ზემოქმედება გარეშე მოვლენებზე შეზღუდული და შესუსტებულია, მაგრამ, ამასთანავე, უდიდესი გავლენა გვაქვს იმაზე, რადაც ეს მოვლენები შეიძლება თვით ჩვენში იქცეს, ანუ მათ სულიერ ნაწილზე, რომელიც ყოველგვარი მოვლენის მათელი და მარადიული მხარეა. უამრავი ადამიანია, რომლებშიც ეს სულიერი მხარე (მის დაბადებას მთელი სიყვარული, მთელი მნუხარება თუ მთელი ძალისხმევა სჭირდება) ერთი წამითაც ვერ იცოცხლებდა და ასეთებს ნაფოტებივით მიაქანებს სიცოცხლის მდინარე. არიან ისეთებიც, რომლებშიც ეს უკვდავი ნაწილი სხვა ყველაფერს ნთქავს. ისინი ზღვაზე გაფანტულ კუნძულებს ჰგვანან: მათ ხომ მყარ ნერტილს მიაგნეს, ნერტილს, რომლიდანაც შინაგან ბედისწერას მართავენ. ნამდვილი ბედისწერა კი სწორედ შინაგანი ბედისწერაა. ადამიანთა დიდი ნაწილის ცხოვრებას ის აბნელებს ან ანათებს, რაც მათ შეემთხვევათ ხოლმე. იმათ ცხოვრებას კი, ვისაც მე ვგულისხმობ,

ყოველივე თავს გადამხდარი მხოლოდ და მხოლოდ ასხივოსნებს. თუ შეყვარებული ხარ, თქვენს ბედისწერაში თვით ეს სიყვარული კი არ იჭრება, არამედ საკუთარ თავს აცნობიერებთ ამ სიყვარულში, რომელიც თქვენს ცხოვრებას გადაასხვაფერებს. თუ გილალატეს, ამ დროს მნიშვნელოვანია არა თავისთავად ლალატი. მხოლოდ თქვენს სულში დაბადებული პატიება და ამ პატიების მეტ-ნაკლებად ზოგადი, მეტ-ნაკლებად ამაღლებული, მეტ-ნაკლებად გააზრებული ხასიათი შემოაბრუნებს თქვენს არსებობას ბედისწერის მშვიდობიანი და უფრო ნათელი მხარისკენ, რომელშიც თავს უკეთ დაინახავთ, ვიდრე მაშინ დაინახავდით, არავის რომ არ ელალატა. მაგრამ თუ ლალატი არ გაზრდის თქვენს უბრალოებას, არ ჩაგისახავთ უფრო ამაღლებულ ნდობას, არ განავრცობს თქვენს სიყვარულს, მაშინ თქვენთვის სრულებით უსარგებლოდ ულალატიათ და შეგიძლიათ თქვათ, რომ არაფერი მომხდარა.

## X

ნუ დავივიწყებთ, რომ არაფერი გვემართება ისეთი, რაც თვით ჩვენივე ზნისა თუ ბუნების არ არის. თავს გადახდენილი მთელი თავგადასავალი ჩვენს სულს ჩვეულებრივი აზრების სახით წარმოუდგება. და გმირული საქციელის ჩადენის არანაირი შანსი არ ეძლევა იმას, ვინც ჩუმი და უცნობი გმირი არ არის ხანგრძლივი წლების განმავლობაში. აცოცდით მთაზე ან ჩადით სოფელში, მიაღწიეთ ქვეყნიერების კიდეს ან სახლს შემოუარეთ: — შემთხვევის ბილიკებზე თქვენ ისევ და ისევ თქვენს თავს შეხვდებით. თუ ამ საღამოს იუდა სახლიდან გავა, ის ყველგან იუდას გადაეყრება და ლალატის შანსი მიეცემა. თუ თავისი სახლის კარს სოკრატე შეაღებს, ზღურბლზე კვლავ

ზაძინებული სოკრატე დახვდება და ბრძენკაცად ყოფნის შანსი მიეცემა. ჩვენი თავგადასავლები ისევე დაგვფარფატებენ თავზე, როგორც ფუტკრები დასტრიალებენ სკას ნაყრის გამოსვლის წინ. ეს თავგადასავლები ჩვენი სულიდან დედა-იდეის გამოსვლას ელიან და როდესაც იგი გამოდის, ყველანი წედ ეხუნძლებიან. იცრუეთ — და ტყუილები უცებ მოგროვდებიან. შეიყვარეთ — და თავგადასავლების მტევანი სიყვარულით ათრთოლდება. თითქოს ყველაფერი მხოლოდ შინაგან სიგნალს ელოდება. და თუ ჩვენი მეგობარი მოსაღამოვებასთან ერთად უფრო ბრძენდება, მაშინ დილისთვის მას უფრო ბრძენი უბედურებაც ჩაუსაფრდება.

## XI

არასოდეს გადახდება დიდი შინაგანი ფათერაკი იმას, ვისაც არაფერი უქნია მის გამოსახმობად. არადა, თვით უმნიშვნელო ცხოვრებისეული შემთხვევაც კი რომელიმე დიდი ხდომილების მარცვალს ატარებს. მაგრამ ეს ხდომილებები სამართლიანობის მონები არიან და თითოეულ კაცსაც ის წილი ერგება ნადავლიდან, რომელსაც იმსახურებს. ჩვენ ზუსტად იმად ვყალიბდებით, რასაც თავს დატეხილ ბედნიერებებსა და უბედურებებში ვპოულობთ. ბედის ყველაზე მოულოდნელი ახირებებიც კი იმას მიელტვიან, რომ ჩვენი ფიქრების სახე მიიღონ. ბედისწერის სამოსი, იარალი და სამკაულები — ეს ყველაფერი ჩვენს შინაგან ცხოვრებაში მოიპოვება. თუ სოკრატე და თერსიტე<sup>1</sup> თავ-თავის ერთადერთ შვილს ერთსა და იმავე დღეს დაკარგავდნენ, ისინი მაინც არ გაუბედურდებოდნენ ერთნაირად. თვით სიკვდილი, რომელიც თითქოსდა ყველა შემთხვევაში სიკვდილია, კეთილ და ბოროტ ოჯახებში განსხვავებული

ჩვევებით, განსხვავებული ჟესტებით, განსხვავებული ცრემლებით აღინიშნება. ვიდრე ბრძენს მიაკითხავდეს, უბედურებაც და ბედნიერებაც თითქოს განინმინდება, უფერული ადამიანის სულში შესვლის წინ კი ერთსაც და მეორესაც თავი მკერდზე ჩამოუვარდება ხოლმე.

## XII

სიბრძნეში შესვლასთან ერთად თავს ვალწევთ ზოგიერთ ინსტინქტურ ბედისწერასაც. ყოველ ადამიანში არსებობს სიბრძნის გარკვეული სურვილი, სიბრძნის, რომელიც ცნობიერებად აქცევდა ცხოვრების შემთხვევითობათა დიდ ნაწილს. ხოლო ის, რაც ცნობიერებად იქცა, უკვე მტრულ ძალებსაც აღარ ეკუთვნის. ტანჯვა, რომელიც თქვენმა სულმა სიღბოდ, შეგუებად ან დამთმენ ღიმილად აქცია, ის ტანჯვაა, რომელიც აღარ დაგიბრუნდებათ სულიერი სამკაულების გარეშე. შეცდომა და ცდომილება, რომლებსაც თვალი თვალში გაუყარეთ, უკვე ვერც თქვენ გავნებთ და ველარც სხვებს.

არსებობს განუწყვეტელი ურთიერთკავშირი ინსტინქტსა და ბედს შორის. ისინი ერთმანეთს ეყრდნობიან და, ხელიხელჩაკიდებულნი, განუწყვეტლივ უტრიალებენ უყურადღებო კაცს. მაგრამ ადამიანს, რომელსაც ხელენიფება შეამციროს ინსტინქტის ბრმა ძალა, მის ახლომახლო მოხეტიალე ბედისწერის ძალასაც ამცირებს. ასეთი ადამიანი თითქოს ერთგვარ თავშესაფარს ქმნის, მით უფრო ხელშეუხებელს, რაც უფრო ბრძენია მისი შემქმნელი. და მათ, ვინც შემთხვევით ამ ადამიანის მიერ მოხვეჭილი ცნობიერების განათებულ ზონაში მოხვდება და იქ შეყოვნდება, მოულოდნელობის აღარ უნდა ეშინოდეთ. მოახვედრეთ სოკრატე ან იესო შუაგულ



აჭრიდებში: ვიდრე ისინი აგამემნონის სასახლეში იქნებიან, ორესტიც<sup>1</sup> აღარ მოხდება. თუ ისინი იოკასტას სასახლის ზღურბლზე დასხდებოდნენ, მაშინ არც ოიდიპოსს მიუვიდოდა საქმე თვალების დათხრამდე. ფატალობა ვერ ბედავს გარკვეულ უბედურებათა ჩადენას იმ სულის თანდასწრებით, რომელსაც ეს ფატალობა არაერთხელ დაუმარცხებია, და იქ, სადაც ბრძენი ჩაივლის, მრავალი ტრაგედია აღარ ხდება.

### XIII

ჭეშმარიტად: ბრძენი ადამიანის მუნყოფნა ბედისწერას ადამბლავებს. ალბათ, არ არსებობს ერთი ტრაგედიაც კი, რომელშიც ნამდვილი ბრძენი ჩნდებოდეს, და თუ გამოჩნდება, მაშინ ამბავი ჯერ კიდევ ცრემლების და სისხლის დაღვრამდე ჩერდება. ტრაგედიები არ ხდება არათუ მხოლოდ ბრძენ ადამიანთა წრეში, არამედ თითოეული მათგანის სიახლოვეშიც კი. შეუძლებელია იმის წარმოდგენა, რომ ტრაგიკული ამბავი მოხდეს იმ ადამიანთა შორის, რომლებმაც სერიოზულად მოიარეს საკუთარი ცნობიერება. დიდი ტრაგედიების გმირები კი თავიანთ სულს არასოდეს უსვამენ ნამდვილად ღრმა კითხვებს. სწორედ ამიტომ ხდება, რომ ტრაგიკული პოეტი მუდამ მეტ-ნაკლებად შებორკილ სილამაზეს გვიჩვენებს, რადგან როგორც კი მისი პერსონაჟები იქამდე ავლენ, სადამდეც ჭეშმარიტი გმირები უნდა ამაღლდნენ, ისინი იარაღს იშორებენ და ტრაგედიაც სინათლეში დავანებად იქცევა. ბრძენი ადამიანის ერთადერთ ტრაგედიას ვპოულობთ „ფედონში“, „პრომეთეში“, ქრისტეს ვნებაში, ორფეოსის მოკვდინებაში თუ ანტიგონეს მსხვერპლში. მაგრამ გვერდზე გადავდოთ ეს ტრაგედია — სიბრძნის

ერთადერთი ტრაგედია — და დავუკვირდეთ, რომ ტრაგიკული პოეტები ძალზე იშვიათად ბედავენ რომელიღაც მომენტში სცენაზე ბრძენის გამოყვანას. ისინი ხომ ამალლებულ სულს უფრთხიან, რაკი ამ უკანასკნელს მოვლენებიც ერიდებიან, და ბრძენის წინაშე ჩადენილი მკვლევობაც უკვე სხვა სახისაა, ვიდრე იმათ წინაშე, ვისი სულელებიც ჯერ საკუთარ თავს ვერ ხედავენ. ოიდიპოსს ერთ-ერთი ისეთი სიცხადე რომ ჰქონოდა, რომლის მოხვეჭა ყველა მოაზროვნეს შეუძლია, და საკუთარ თავშივე აეგო მუდმივად ღია თავშესაფარი, როგორიც, მაგალითად, მარკუს ავრელიუსმა აიგო, მაშინ რაღას იზამდა ბედისწერა, რას მოიხელთებდა თავისი ხაფანგებით, თუ არა წმინდა სინათლეს, დიდ სულს რომ ავსებს და უიღბლობაში კიდევაც უფრო მშვენიერდება?

სად არის ბრძენი „ოიდიპოსში“? ნუთუ ტირეზიასია ბრძენი? მან მომავალი იცის, თუმცა არ იცის, რომ მომავალში სიკეთე და პატიება მეუფებს; იცის საკრალური ჭეშმარიტება, ადამიანურ ჭეშმარიტებას კი ვერ ცნობს. ვერ ცნობს იმ სიბრძნეს, რომელიც მკლავებში იყვანს უბედურებას და თავის ძალას გადასცემს. მცოდნეებმა სინამდვილეში არაფერი იციან, თუკი სიყვარულის ძალას არ ფლობენ, რადგან ჭეშმარიტი ბრძენი ის კი არ არის, ვინც ხედავს, არამედ ის, ვინც ყველაზე შორს იყურება და ყველაზე ღრმად უყვარს. უსიყვარულო ხედვა ნყვდიადში ცქერაა.

#### XIV

გვიმტკიცებენ, რომ ყველა დიდი ტრაგედია მხოლოდ ადამიანისა და ფატალობის ბრძოლას გვიხატავს. მე პირიქით მგონია: არ არსებობს თუნდაც ერთი ტრაგედია, რომელშიც რეალურად ზეობდეს ფატალობა. ამაოდ გავიხსენებ სათითაოდ, — ერთსაც ვერ

ვიპოვი, რომელშიც გმირი ნათელ და მარტივ ბედის-  
წერას ერკინებოდა. არსებითად, იგი ბედისწერას კი  
არ ებრძვის, არამედ სიბრძნეს. ნამდვილი ფატალოზა  
მხოლოდ ზოგიერთ გარეგან უბედურებაში არსე-  
ბობს, ისეთებში, როგორცაა სნეულებები, უბედური  
შემთხვევები, საყვარელ ადამიანთა მოულოდნელი  
სიკვდილი და მისთანანი. მაგრამ არ არსებობს *შინა-  
განი ფატალოზა*. სიბრძნის ნება ფლობს ძალას — გა-  
მოასწოროს ყველაფერი, რაც ჩვენს სხეულს სასიკვ-  
დილოდ არ წყლავს. ხშირად ის თვით გარეგან ფატა-  
ლოზებშიც კი იჭრება. თუმცა ისიც მართალია, რომ  
ადამიანმა საკუთარ თავში მძიმე, დამთმენი საუნჯე  
უნდა დააგროვოს, რათა კრიტიკულ წამში ამ ნებამ  
საჭირო ძალები მოიძიოს.

## XV

ბედისწერის ქანდაკება ხეობაში ვეება აჩრდილს  
აფენს, ხეობაში, რომელსაც ის თითქოს წყედიადით  
ტბორავს. თუმცა იმათ მზერაში, ვინც მთის ფერდო-  
ბიდან დაჰყურებს, ამ ჩრდილს ძალზე სუფთა კონ-  
ტურები აქვს. მართალია, ჩვენ მასში ვიბადებით, მა-  
გრამ არაერთ ადამიანს ეძლევა მისგან გამოსვლის  
უფლება. და თუ ჩვენი სისუსტე ან ნაკლოვანებები  
აღსასრულის დღემდე ამ ჩაბნელებულ რეგიონში გვ-  
ტოვებენ, ისიც რალაცას ნიშნავს, რომ დროდადრო  
იქაურობას სურვილით ან აზრით მაინც გამოვერი-  
დოთ. შესაძლებელია, ბედისწერამ რომელიმე ჩვენ-  
განზე უფრო მეტად იბატონოს, ვიდრე დანარჩე-  
ნებზე, იბატონოს მემკვიდრეობის, ინსტინქტის თუ  
კიდევ უფრო უდრეკი, ღრმა, უცნობი კანონების  
ძალით. მაგრამ თუნდაც მან დაუმსახურებელი და  
გამაოგნებელი ვარამით დაგვამძიმოს, თუნდაც იმის  
კეთება გვაიძულოს, რასაც არასოდეს ვიზამდით

მისი ძალადობის გარეშე, — როდესაც უბედურება გვეწვევა და მოსახდენი მოხდება, შემდეგ უკვე ჩვენზე იქნება დამოკიდებული, ექნება თუ არა მას რაიმე გავლენა ჩვენი სულის შემდგომ მოძრაობებზე. ბედისწერის ლახვარი შესაძლოა კეთილი ნების გულს მოხვდეს, მაგრამ იმას მაინც ვერ აღკვეთავს, რომ ჩავლილმა მწუხარებამ თუ აღიარებულმა შეცდომამ მასში სინათლის წყარო არ გახსნას; ვერ აღკვეთავს, რომ სულმა თავისი ყოველი გამოცდილება აზრებად, გრძნობებად, ხელშეუხებ სიკეთეებად აქციოს. როგორც უნდა იყოს ბედისწერის ძალმოსილება გარეთ, ის მუდამ ჩერდება, როცა შინაგანი ცხოვრების ერთერთი მდუმარე მცველის ზღურბლზე აღმოჩნდება. და თუ მალულ საბინადროში შესვლის უფლება მიეცემა, მაშინ იქ მხოლოდ კეთილისმქმნელ სტუმრად შეაღწევს, რათა გახევებული ატმოსფერო გამოიაცოცხლოს, თავისუფლება განაახლოს, სინათლე გაზარდოს, სიმშვიდე განავრცოს და თვალსაწიერი გაანათოს.

## XVI

ვთქვათ კიდევ ერთხელ: რას იზამდა ბედისწერა, სულის ამორჩევაში რომ შემცდარიყო და ოიდიპოსისთვის დასაგები ხაფანგი ეპიკურესთვის, მარკუს ავრელიუსისთვის ან ანტონიუს ღვთისმოსავისთვის დაეგო? თანახმა ვარ ვიფიქრო, რომ ამ ბედისწერას შეეძლო ჩაეთრია, მაგალითად, ანტონიუსი და რომ ისიც მოკლავდა მამას და, იმავე არცოდნის საფუძველზე, დედასთან გაიყოფდა სარეცელს. მაგრამ, საბოლოოდ, მაინც რას შეარყევდა ბედისწერა კეთილშობილი ხელმწიფის სულში? ხომ არ დასრულდებოდა ეს ყველაფერი კვანძის ისეთივე გახსნით, როგორც დიდი ტრაგედიები მთავრდება ხოლმე, ანუ — დიდი უბედურებით, მაგრამ, ამასთანავე, მისგანვე შობი-

ლი და უკვე მისივე ნახევრად დამმარცხებელი დიდი სინათლითაც? ანტონიუსი ისევე იტირებდა, როგორც ყველა მამაკაცი ტირის. მაგრამ თვით უმძიმესი ცრემლებიც ვერ ჩაუქრობს სხივს იმ სულს, რომელსაც ეს სხივები სხვისგან არ უსესხია. ბრძენი ადამიანისთვის, მწუხარებიდან სასონარკვეთამდე გრძელი გზაა, რომელსაც, საბოლოოდ, სიბრძნე არასოდეს გადის. იმ სულიერ სიმაღლეზე, რომელზე დგომასაც თვით ანტონიუსის ცხოვრება გვიდასტურებს, უფროდაუფრო მზარდი აზრები და უფროდაუფრო კეთილშობილური გრძნობები ყველანაირ ცრემლს ასხივოსნებს. უბედურებას იგი თავისი სულის უვრცეს და უნმინდეს ნაწილში მიიღებდა, უბედურება კი, ნყლისა არ იყოს, იმ ჭურჭლის ფორმას ლებულობს, რომელშიც შევიდა. პო, ანტონიუსი შეეგუებოდა, — ვამბობთ ჩვენ. მაგრამ მაშინ ისიც უნდა ვთქვათ, რომ ეს სიტყვა ძალზე ხშირად მალავს იმას, რაც მხოლოდ დიდ გულში შეიძლება მოხდეს. პირველივე შემხვედრისათვის ადვილი წარმოსადგენია, როგორ ეგუება ისიც. მაგრამ, ეჰა, რომ შეგუება არ არის ის, რაც ჩვენ გვანუგეშებს, განგვენმენდს და გვამაღლებს, არამედ ის აზრები და სათნოებანი, რომლის სახელითაც ჩვენ ქედს ვიდრეკთ. სწორედ აქ უნაზღაურებს სიბრძნე თავის ერთგულებს თითოეული მათგანის დამსახურებისამებრ.

არსებობს იდეები, რომლებსაც ვერანაირი კატასტროფა ვერ ხელყოფს. ჩვეულებრივ, საკმარისია, რომ იდეა ყოველდღიურ ამაოებაზე, განურჩევლობასა და ეგოიზმზე ამაღლდეს, რათა ადამიანი, ვისაც ეს იდეა კვებავს, თვითონაც აღარ იყოს მონყვლადი. სწორედ ამიტომ, ბედნიერებაა მის თავს თუ უბედურება, ყველაზე ბედნიერი მუდამ ის იქნება, ვისშიც ყველაზე დიდი იდეა ყველაზე დიდ სულისკვეთებასთან თანაარსებობს. ფატალობას რომ

მოესურვებინა, ანტონიუს ღვთისმოსავს, შესაძლოა, ინცესტიც ჩაედინა და მამის მკვლელადაც ქცეულიყო, მაგრამ მისი შინაგანი ცხოვრება ისე კი არ განადგურდებოდა, როგორც ოიდიპოსისა, არამედ თავს დამტყდარი უბედურებებითვე მომაგრდებოდა, ხოლო ბედისწერა გაქცევით უშველიდა თავს და იმპერატორის სასახლის ირგვლივ თავის ბაღებსა და დამსხვრეულ იარაღს დატოვებდა. რადგან ისევე, როგორც მაშინდელი კონსულებისა და დიქტატორების ტრიუმფი მხოლოდ რომში იყო შესაძლებელი, ბედისწერის ნამდვილი ტრიუმფიც მხოლოდ სულში შეიძლება მოხდეს.

## XVII

სად ვეძებთ ფატალობა „ჰამლეტში“, „მეფე ლირსა“ და „მაკბეტში“? განა ჰამლეტის ტახტი მოხუცი მეფის შუაგულ განუსჯელობაში არ დგას, ახალგაზრდა პრინცის წარმოსახვის ქვედა საფეხურებზე და კავდორის თენის<sup>6</sup> ავადმყოფური სურვილების მწვერვალზე? ნუ ვისაუბრებთ კავდორზე, ნურც კორდილიას მამაზე, რომლის აშკარა შეუგნებლობა აღარავის ეეჭვება... მაგრამ ჰამლეტი? ბრძენია თუ არა ეს მოაზროვნე? საკმაოდ მაღლიდან უყურებს თუ არა ელსინორში მომხდარ ბოროტმოქმედებს? თითქოს ხედავს კიდევ აზროვნების მწვერვალებს... მაგრამ განა ზოგიერთი გრძნობის, სიკეთის, ნდობის, შემწყნარებლობისა და სიყვარულის მწვერვალები აზრის მწვერვალებზე მაღლა არ დგანან სიბრძნის მთაგრეხილის სხივმოსილ ჯაჭვში? რა მოხდებოდა, თუ ჰამლეტიც ისეთი სიმაღლეებიდან შეხედავდა ელსინორის ბოროტმოქმედებს, საიდანაც ამ უკანასკნელთ განჭვრეტდნენ, ვთქვათ, მარკუს ავრელიუსი ან ფენელონი?<sup>7</sup> და, უწინარეს ყოვლისა,

განა ხშირად არ ხდება, რომ დანაშაული, რომელიც პრინციპულად აღმატებული ძალმოსილების მზერით დასჯერის, ისევე ჩერდება ნყვდიადში, როგორც ფუტკრები ნყვეტენ ხოლმე მუშაობას სკაში დღის მზის პორველი სხივის შეჭრისას?

ყველა შემთხვევაში, ჭეშმარიტი ანუ შინაგანი ბედისწერა, რომელსაც პირისპირ შეეჩვენენ კლავდიუსი და გერტრუდა<sup>8</sup> (ბედისწერას ხომ მხოლოდ მაშინ ხვედებიან, როცა ბოროტებას სჩადიან), დამნაშავეთა სულებში თავის გზას დაადგებოდა. მაგრამ ნუთუ მაინც გამოვიდოდა, მაინც გაბედავდა და გადალახავდა იმ კამკამა და ბრალმდებელ ზღუდეს, რომელსაც ზემოთდასახელებულ ბრძენთაგან ერთ-ერთის უბრალო მუნყოფნაც კი სამუდამოდ აღმართავდა სასახლის შესასვლელთან? თუ ნაკლებად ბრძენთა ხვედრზე ნება-უნებლიეთ ზემოქმედებს ცხოვრების გზაზე შეხვედრილი ბრძენი ადამიანის ბედისწერა, მაშინ ამ უკანასკნელის ხვედრს იშვიათად თუ ეხება უფრო დაბლამდგომთა სვე-ბედი. გარდუვალობის საუფლოში მდინარეები ისევე არ უკუიქცევიან თავიანთი სათავისკენ, როგორც ამ ჩვენს დედამიწაზე. მაგრამ იმისათვის, რომ პირველ იდეასთან დაბრუნდეთ, თავი არა ელსინორში მყოფ ჰამლეტად, არამედ ისეთივე ძალუმ და მეუფე სულად წარმოიდგინეთ, როგორიც იყო იესო. ნუთუ ასეთ შემთხვევაშიც ყველაფერი ოთხი სიკვდილით დასრულდებოდა? ნუთუ ღრმა სიბრძნის გვერდით თვით ყველაზე მარჯვედ მოწყობილი დანაშაულიც კი, ცოტა არ იყოს, იმ წარმოდგენებს არ ემსგავსება, რომლებსაც საღამოობით აწყობენ ხოლმე მცირეწლოვანი ბავშვებისთვის და რომელთა სიმწირესა და სიცრუეს მზის პირველივე სხივი გამოავლენდა? ნუთუ წარმოგიდგენიათ იესო ან, უბრალოდ, რომელიმე ბრძენი, რომელიც კი ცხოვრების გზაზე შეხვედრიათ, ელსინორის თვით-

ნებურ წყვდიადმი? განა ჰამლეტი, არსებითად, ბრმა აზრს არ მიჰყვება, აზრს, რომელიც ეუბნება, რომ შურისძიებაა მისი ერთადერთი მოვალეობა? მაგრამ ნუთუ ზეადამიანური ძალისხმევაა საჭირო იმის მისახვედრად, რომ შურისძიება არასოდეს არ არის ადამიანის მოვალეობა? ვიმეორებ: ჰამლეტი ბევრს ფიქრობს, მაგრამ ის ბრძენი არ არის. თითქოს არც კი ეჭვობს, სად გაბზარულა, სინამდვილეში, ბედისწერის ჯავშანი. ამ უკანასკნელის დასამარცხებლად ყოველთვის არ კმარა ამალღებული აზრების არსენალი, რადგან ბედისწერამ იცის, როგორ დაუპირისპირდეს ასეთ აზრებს კიდევ უფრო მაღალი აზრებით... მაგრამ რომელი ბედისწერა დაპირისპირებია ნაზ, უბრალო, კეთილ და ლოიალურ აზრებს? არსებობს ბედისწერის დამორჩილების ერთადერთი გზა: ვიმოქმედოთ მუდამ იმ ბოროტების საპირისპიროდ, რაც მას სურს, რომ ჩაგვადენინოს. არ არსებობს აუცდენელი ტრაგედია. ელსინორის კატასტროფები მხოლოდ იმიტომ ხდება, რომ მის მონაწილე არცერთ სულს თვალის გახელა არ სურს. მაგრამ ცოცხალი სული ყველა სხვას უპირისპირდება და თვალს ფართოდ ახელს. სად წერია, რომ ლაერტი, ოფელია, გერტრუდა, ჰამლეტი და კლავდიუსი მაინცდამაინც უნდა დახოცილიყვნენ, თუ არა ისევ თვით ჰამლეტის საბრალო დაბრმავებაში? მაგრამ რა იყო აუცდენელი ამ სიბრმავეში? ნუ შემოვუშვებთ ბედისწერას იქ, სადაც უკვე ერთ მართებულ აზრს მომაკვდინებელი ძალების განიარაღება ძალუძს. ბედისწერას უამისოდაც მშვენიერი ადგილი ეთმობა. მე მას ვპოულობ იმ კედელში, რომელიც თავზე მეცემა, შტორმში, რომელიც გემს შუაზე ხლეჩს, ეპიდემიაში, რომელიც მსხვერპლად იწირავს ჩემთვის საყვარელ ადამიანებს... მაგრამ ბედისწერა არასოდეს შედის იმათ სულში, ვინც მას არ მოუხმობს. ჰამლეტი უბედურია, რადგან არაადამიანურ წყვდი-



ადში მიაბიჯებს და სწორედ მისივე არცოდნაა, მის ტრაგედიას რომ აუცდენელს ხდის. ამქვეყნად ფატალობა ყველაზე მეტად იმათ ემორჩილება, ვინც მისთვის ბრძანებების მიცემას ბედავს. ჰორაციოს თავად შეეძლო ბრძანებები მიეცა ბედისწერისთვის, მაგრამ მას არ აღმოაჩნდა თავისი ბატონის ჩრდილისგან თავდასახსნელად საჭირო ენერგია. საკმარისი იქნებოდა სულს გამბედაობა მოეკრიფა და ელსინორში ყველას გასაგონად დაეყვირა ჭეშმარიტება, რათა იქ მიმდინარე ამბავიც მთლიანად ცრემლებში და საშინელებაში არ დანთქმულიყო. მაგრამ თუ ბოროტი შემთხვევა სიბრძნის თითებში ლერწამივით მოქნილია, სამაგიეროდ შეუგნებლობის ხელებში იქცევა მომაკვდინებლად ხისტ ძელად. ვთქვათ კიდევ ერთხელ: აქ ყველაფერი ეკიდა არა ბედისწერაზე, არამედ მათ შორის ყველაზე უფრო ბრძენის სიბრძნეზე. და რადგან ყველაზე ბრძენი ჰამლეტი იყო, ამიტომაც — თვით თავისი მუნყოფნით — სწორედ ის გახდა ელსინორის გმირი. ჰამლეტის სიბრძნე კი მხოლოდ და მხოლოდ მისივე სულზე ეკიდა.

## XVIII

თუ თქვენ უკუაგდებთ ყოველგვარ წარმოსახვით ტრაგედიას და რეალურ ისტორიაში მომხდარ რომელიმე დიდ დრამაში ჩაყვინთავთ, დაინახავთ, რომ ბედისწერას და ადამიანს იქ ერთნაირი ურთიერთობები, ერთნაირი ჩვევები, ერთნაირი მოუთმენლობები, ერთნაირი დაქვემდებარებები და ერთნაირი ამბოხებები აქვთ. დაინახავთ, რომ აქაც ყველაზე აქტიური ნაწილი იმისა, რასაც, ჩვენდა საამურად, „ფატალობად“ მოვიხსენიებთ, ადამიანთა მიერ შექმნილი ძალაა. მართალია, იგი ვეებერთელაა, მაგრამ იშვიათად თუა გადაულახავი. მოცემულ მომენტში „ფატალ-

ლობა“ უღმობელი და უძირო უფსკრულიდან კი არ ამოდის, არამედ მას ქმნის ენერგია, სურვილები, აზრები, ტანჯვა, თანამოძმეთა ვნებები, და ეს ვნებები ჩვენ უნდა შევიცნოთ, რადგან ისინი ჩვენსას ჰგავს. მაგრამ თვით ყველაზე უფრო უცხო მომენტებში, ყველაზე უფრო იდუმალ და გაუთვალისწინებელ უბედურებებში, ჩვენ თითქმის არასოდეს ვებრძვით უხილავ ან სრულებით უცნობ მტერს. ნუ განვაფრცობთ ფატალობის საუფლოს ჩვენივე სიამოვნებისთვის. ნამდვილად ძლიერმა ადამიანებმა იციან, რომ არ იცნობენ ყველა ძალას, რომლებიც მათ გეგმებს უპირისპირდება, მაგრამ ამ ძალებს ისინი ისევე გაბედულად ებრძვიან, თითქოს სხვა არანაირი ძალა არ არსებობდეს, და ხშირად იმარჯვებენ კიდევ. ჩვენ განსაკუთრებით გავამყარებთ ჩვენს უსაფრთხოებას, მშვიდობასა და ბედნიერებას იმ დღეს, როცა ჩვენივე არცოდნა და დაუდევრობა ფატალურად აღარ მოიხსენიებს ყოველივე იმას, რისთვისაც ჩვენს ენერგიას და აზროვნებას ბუნებრივი და ადამიანური უნდა ეწოდებინა.

## XIX

აი, ბედისწერის ერთი დაუვინყარი მსხვერპლი: ლუი XVI. თითქოს არასოდეს ამაზე უფრო შეუბრალებლად არ მოუსურვებია ფატალობას საბრალო, ნესიერი, კეთილი, რბილი და სათნო ადამიანის უბედურება... მაგრამ თუ ამ ისტორიას უფრო ახლოდან შევხედავთ, მაშინ იმასაც ვიკითხავთ: რისგან დაგროვდა ამ ფატალობის შხამი, თუ არა თვით მსხვერპლის სისუსტეების, მერყეობების, პატარ-პატარა ორგულობების, არათანმიმდევრულობის, ამაოებისა და სიბრმავისაგან? თუ მართალია ის ამბავი, რომ კონკრეტული ადამიანის ცხოვრების ყველა გარემოებას გარკვეული

წინასწარგანსაზღვრულობა წარმართავს, მაშინ ეს უკანასკნელი მხოლოდ და მხოლოდ ჩვენს ხასიათში ძევს. მაგრამ განა ხასიათი არ არის ის, რაც კეთილი ნების ადამიანში ყველაზე უფრო იოლად უნდა გარდაიქმნას? განა, არსებითად, სწორედ ეს არ იცვლება ადამიანთა დიდ ნაწილში? გაქვთ თუ არა ოცდაათი წლის ასაკში იგივე ხასიათი, რაც ოცი წლის ასაკში გქონდათ? ეს ხასიათი უკეთესია ან უარესი იმისდა მიხედვით, თუ როგორ გაიმარჯვა თქვენში სიცრუემ და სიძულვილმა, უპატიოსნობამ და ბოროტებამ ან, პირიქით, ჭეშმარიტებამ, სიყვარულმა და სიკეთემ. და სიძულვილისა თუ სიყვარულის, ჭეშმარიტებისა თუ სიცრუის გამარჯვებაც თქვენს არსებაში განხორციელდა იმ მეტ-ნაკლებად ამაღლებული იდეის მიხედვით, ნელ-ნელა რომ შეიქმენით ბედნიერებაზე და ცხოვრების მიზანზე. სწორედ ჩვენი იდუმალი სურვილი წარმართავს ჩვენს ცხოვრებას. თუ საგნებს ბოროტების მხრიდან შეხედავთ, მაშინ ბოროტება ყველგან იმარჯვებს. მაგრამ თუ მზერა მიჩვეული გაქვთ იმაზე, რომ მუდმივად ხედავდეს უბრალოებას, სინაფელესა და ჭეშმარიტებას, მაშინ ყველაფრის წიაღში მხოლოდ თქვენი საყვარელი საგნების ძლევამოსილ და მდუმარე გამარჯვებას იხილავთ.

## XX

უპირველეს ყოვლისა, ნუ განვსჯით ლუი XVI იმ ხედვის წერტილიდან, რომელზეც ჩვენ ვდგავართ. დავაყენოთ თავი მის ადგილზე, მისი გაურკვევლობების, სიძნელეების, ბუნდოვანებების შუაგულში. ძალზე იოლი განსაჭვრეტია, რა უნდა მომხდარიყო მას შემდეგ, რაც უკვე ყველაფერი გაირკვა. ჩვენც — ამ ჩვენს წუხილებში, მერყეობებში, საკუთარი მოვალეობის არცოდნაში — მანამდე არ უნდა განგვსაჯონ, ვიდრე

არ აპყვებიან ჩვენს ბოლო ნაფეხურებს ქვიშის პატარა  
 ბორცვზე, რომლის წვერიდანაც მომავლის დანახვას  
 ვცდილობდით. ვიცით თუ არა ლუი XVI უკეთ, რისი  
 გაკეთება გვმართებს ამ მომენტში? ვიცით თუ არა,  
 რა უნდა მოვიშოროთ თავიდან და რა დავიცვათ? შევ-  
 ძლებთ კი ლუიზე უკეთ ცურვას ადამიანური გონების  
 უფლებებსა და გარემოებათა უფლებებს შორის? განა  
 კეთილსინდისიერი მერყეობა ხშირად მოვალეობის  
 ყველა ნიშანს არ ატარებს? უბედური მეფის მაგალით-  
 მა კი, ამასობაში, შეიძლება ფრიად მნიშვნელოვანი  
 რამ გვასწავლოს: ის, რომ დიდი და კეთილშობილი  
 ეჭვით შეპყრობილებმა მუდამ პირდაპირ და გაბედუ-  
 ლად უნდა ვიაროთ და უსასრულოდ გავცდეთ იმას,  
 რაც კეთილგონიერული, რეალიზებადი და სამარ-  
 თლიანი გვგონია. იდეა, რომელსაც მოვალეობის,  
 სამართლიანობისა და ჭეშმარიტებისგან ვიქმნით,  
 — ეგზომ ნათელი, პროგრესული, დამოუკიდებელი,  
 როგორადაც ის გვეჩვენება, — არასოდეს არ არის ის-  
 ეთი, როგორიც სრულებით ბუნებრივად იქნება რამ-  
 დენიმე წლის ან რამდენიმე საუკუნის შემდეგ. ამიტომ  
 გონიერულია, რომ შეძლებისდაგვარი სისწრაფით  
 ვიაროთ იმ ყველაფრის ბოლო წერტილისკენ, რასაც  
 ვხედავთ და რისი იმედიც გვაქვს. ლუი XVI რომ ისე  
 მოქცეულიყო, როგორც ჩვენ მოვიქცეოდით მის ადგ-  
 ილზე, მაშინ ახლა, როდესაც უკვე ვიცით, რა უნდა  
 ექნა, ანუ ვიცით, რომ გაბედულად უნდა უკუეგდო  
 მეფურ ახირებათა ყოველგვარი სიგიჟე და ლოიალუ-  
 რად მიეღო ახალი ჭეშმარიტება და უზენაესი სამარ-  
 თალი, რომელსაც მას სთავაზობდნენ, — ახლა ჩვენ  
 მოგვხიბლავდა მისი გენია. მართლაც: შესაძლოა, ლუი  
 XVI, რომელიც არც ბოროტი იყო და არც იმბეცილი,  
 თუნდაც ერთი წუთით ისევე დაინახა თავისი სიტუა-  
 ცია, როგორც უანგარო ფილოსოფოსი დაინახავდა.  
 ნებისმიერ შემთხვევაში, ისტორიულად ან ფსიქოლო-

გიურად ეს შეუძლებელი არ არის. დიდებული ეჭვებით გარემოცულებმა, ჩვენ საკმაოდ ხშირად ვიცით, სად არის მყარი წერტილი, მოვალეობის უცვლელი მწვერვალი, მაგრამ გვეჩვენება, რომ სადღეისო მოვალეობიდან იმ ძალზე მარტოხელა და მოელვარე მწვერვალამდე ისეთი მანძილია, რომლის აჩქარებული გავლა არაკეთილგონივრული იქნებოდა. და მაინც: განა კაცობრიობის ისტორია და მთელი ჩვენი ცხოვრებისეული გამოცდილება არ გვიმტკიცებს, რომ მხოლოდ ყველაზე მაღალ მწვერვალს აქვს აზრი და გამართლება და რომ ყველაფერი იქ ასვლით უნდა დამთავრდეს მას შემდეგ, რაც ფრიად ძვირფასი დრო შუალედურ ბორცვებზე ასვლა-ჩამოსვლამ წაიღო? რას წარმოადგენს ბრძენი, გმირი, დიდი ადამიანი, თუ არა იმას, ვინც სრულებით მარტო და სხვებზე ადრე ავიდა უკაცრიელ ზეგანზე, ყველა რომ ხედავდა მეტნაკლები სიცხადით?

## XXI

ჩვენ არ ვაცხადებთ, რომ ლუი XVI ასეთი კატეგორიის კაცი და გენიალური ადამიანი იყო, მიუხედავად იმისა, რომ თითქმის მოვალეობაა გენიოსობა მაშინ, როდესაც ამდენი თანამემამულის ბედი შენს ხელშია. არც იმას ვაცხადებთ, რომ ჩვენ შორის საუკეთესონი არ ჩაიდენდნენ მის შეცდომებს, რასაც შედეგად იგივე უბედურებები მოყვებოდა. არა, მაგრამ ერთი რამ ცხადია: ამ უბედურებათაგან არცერთი არ ყოფილა ზეადამიანური წარმოშობის და არც ზებუნებრივად თუ იდუმალად აუცდენელი. ისინი სხვა სამყაროდან არ მოსულან, საზარელ, გაუგებარ და ახირებულ ღმერთს არ გამოუგზავნიან. მათ საფუძვლად დაედო სამართლიანობის აუღიარებელი იდეა, რომელმაც ცხოვრებაში მყისიერად შე-

მოაბიჯა, თუმცა კი ადამიანის გონებაში არასოდეს სძინებია. და რა არის ამქვეყნად უფრო დამამშვიდებელი, უფრო ახლობელი, უფრო ღრმად ადამიანური, ვიდრე საკუთრივ სამართლიანობის იდეა? ლუი XVI მშვიდი ბუნებიდან გამომდინარე, დასაბუთებდა, რომ ამ იდეამ სწორედ მისი მმართველობის დროს გამოიღვიძა. არსებითად, მას ბედისწერისთვის თითქმის სხვა არაფერი აქვს სასაყვედურო. და დიდი ნაწილიც საყვედურებისა, რომლებსაც, ჩვეულებრივ, მისი მისამართით გამოვთქვამთ, ასეთი კატეგორიისაა.

თუმცა სრულებით კანონიერად შეგვიძლია ვიფიქროთ, რომ ერთიენერგიული ქმედება, ლოიალური, უანგარო და კეთილად ნათელმხილველური სიბრძნის ერთი ნაბიჯი მოვლენათა მთელ მდინარებას შეცვლიდა. ორგულობის და დანაშაულებრივი სისუსტის გამომხატველი აქტი — ვარენში გაქცევა — ოდნავ ნაკლებად ბავშვურად, ნაკლებად აბსურდულად რომ ყოფილიყო ორგანიზებული, როგორც ამას რეალურ ცხოვრებასთან ახლოს მდგარი ნებისმიერი სხვა ადამიანი მოიმოქმედებდა, მაშინ ლუი XVI სიცოცხლე ნამდვილად არ დასრულდებოდა ეშაფოტზე. რომელიმე ღმერთმა უბიძგა თუ მისივე ბრმა შემწყნარებლობამ მარი-ანტუანეტის მიმართ, რომ იმ დამლუპველი მოგზაურობის სამზადისიცა და მიმართულების შერჩევაც სულელ, პატივმოყვარე და მოუხერხებელ დეფერსენს<sup>9</sup> მიანდო? დიდი საიდუმლოებით აღსავსე ძალა იყო თუ თვით მეფის სიმჩატე, უზრუნველობა, შეუგნებლობა, საკუთარი ვარსკვლავის მიტოვება და, იმავდროულად, გამონევევა, — როგორც უდარდელეები და სუსტები იქცევიან ხოლმე საფრთხეში მოხვედრისას, — რაც მას აიძულებდა, რომ ცხენების ყოველი გამოცვლისას სამგზავრო ეტლის ფანჯრიდან თავი გაუფრთხილებლად გამოეყო და სამჯერ თუ ოთხჯერ მნახველებს ეცნოთ? და გადამწყვეტ მომენტში, ვარე-

ნის იმ ჟრუანტელისმომგვრელ და დახუთულ ლამეში, — ერთ-ერთ იმ ისტორიულ ლამეთაგანში, როდესაც ფატალობა შეურყეველი მთასავით წამოიმართება ხოლმე ჰორიზონტზე, — განა ეს ფატალობა ყოველ ფეხის ნაბიჯზე არ მიტორტმანებდა ახალფეხადგმული ბავშვივით, რომელმაც არ იცის, თეთრი კენჭი წააქცევს თუ ბალახის ბლუჯა ბილიკის ერთ-ერთ მზარეს? სამგზავრო ეტლის ტრაგიკული შეჩერება შავ ლამეში, ახალგაზრდა დრუეს საშინელი შეძახილი — „ერის სახელით!..“, ეტლში მჯდარი მეფის მიერ გაცემული ბრძანება, მათრახის გატყლაშუნება, დიდი ძალვა... და ჩვენ — თქვენ და მე — ალბათ ქვეყანას აღარ მოვევლინებოდით, რაკი მსოფლიოს ისტორია უკვე სხვა იქნებოდა. ამას მოჰყვება მონიწებით აღსავსე, შემკრთალ-შეყოყმანებული ქალაქის მერი, რომელიც მხოლოდ ერთ მბრძანებლურ სიტყვას ელოდება, რათა ყველა კარიბჭე გახსნას; შემდეგ — სასტუმრო, ბატონი სოსის — სოფლის ყოჩალი მედუქნის ბუტიკი, დაბოლოს — გოგელასა და შუაზელის შესასვლელთან დახვედრილი ჰუსარები და ოცგზის გამეორებული სამხედრო სალაში: — განა ამ ყველაფერს ერთი „ჰო“ ან „არა“, ერთი ნაბიჯი, ერთი ჟესტი, ერთი მზერა არ წყვეტდა? სათითაოდ ჩააყენეთ თქვენთვის კარგად ნაცნობი ათი ადამიანი საფრანგეთის მეფის სიტუაციაში და თქვენ შეუცდომლად განჭვრეტთ, რითი დასრულდებოდა ის ათი ლამე. აი, თურმე სად ყოფილა ფატალობით დაფეხმძიმებული ის სამარცხვინო ლამე! შეესწრებივართ კი ოდესმე უფრო თვალნათლივ ამ დიდი და იღუმალი ძალის მორჩილებას, მის უმწეო და დაბნეულ მდგომარეობას, ძალის, ასე რომ გვანება ხოლმე ჩვენს მეტისმეტად ქედდადრეკილ ნუთებში? გვინახავს კი თავისი ნათხოვარი, თითქოსდა შთამაგონებელი, არსებითად კი — შეცდომაში შემყვანი სამოსისგან ოდესმე ასე განძარცული, ლაპალუპით

ცრემლჩამომდინარი, სიკვდილიდან სიცოცხლემდე და სიცოცხლიდან სიკვდილამდე ასგზის ზედიზედ ნასულ-დაბრუნებული, დაბოლოს, თავზარდაცემული ქალივით ჩავარდნილი ამ ბედკრული, მასზე ოდნავ უფრო მეტად არსებული და ოდნავ უფრო მეტად გაბედული კაცის მკლავებში, რათა დილამდე მუდარით ეთხოვა მისთვის გადანყვეტილების მიღება, ეთხოვა არსებობა, რომელიც მხოლოდ და მხოლოდ ადამიანური აზროვნებისა და ნებელობის ნიაღში თუ მოიპოვება?

## XXII

მიუხედავად ამისა, მთელი ჭეშმარიტება აქ არ ძევს. მარგებელია საგნების ამგვარად წარმოდგენა, ფატალობის როლის ასეთი შემცირება, მისი შედარება დაბნეულ და შეყოყმანებულ ქალთან, რომელიც უნდა შეიფარო და გზაზე დააყენო. სახიფათო ნუთის მოლოდინში ეს ჩვენ აღგვჭურვავს ნდობით, ინიციატივით, გაბედულებით, ურომლისოდაც რიგიანსა და სასიკეთოს ვერაფერს მოვიმოქმედებთ. მაგრამ ამით იმის თქმა არ გვსურს, რომ სხვა არაფერი არსებობს და რომ მხოლოდ საკუთარი ნება და აზროვნებაა ანგარიშგასანევი. აზროვნება და ნებელობა, როგორც ძლევამოსილი ჯარისკაცები, უნდა შეეჩვიონ იმით ცხოვრებას, რაც მათ ომს აწყებინებს: უნდა ისწავლონ, როგორ იკვებონ იმ შეუცნობლით, მათზე რომ მეუფებს. ისინი არ გადიან უმისიო ადამიანთა ძალზე შეზღუდული ბედნიერების საზღვრებიდან, არ ტოვებენ ჩვეულებრივ აქტივობათა რკალს. თვითნებური უეჭველობით მიუყვებიან ნაცნობ ბილიკს, თუმცა არ ნყვეტენ ფიქრს იმ შეუცნობელ სივრცეზე, რომელშიც ეს ბილიკი მიიკლაკნება. ისე უნდა ვიმოქმედოთ, თითქოს ყველაფერი ჩვენ გვექვემდე-



ბარება, თუმცა ის აზრიც უნდა დავუშვათ, რომ ჩვენც კეთილშობილად დავექვემდებარებით გზად შემოყრილ დიდ ძალებს. აუცილებელია ჩვენმა ხელმა იცოდეს, რომ ყველაფერი გათვალისწინებული გვაქვს, მაგრამ ჩვენს ფარულ, შეურყვენელ, ხელშეუხებელ იდეასაც არასოდეს არ უნდა დაავინყდეს, რომ ყოველივე დიადი თითქმის ყოველთვის გაუთვალისწინებელია. სწორედ ეს გაუთვალისწინებელი და შეუცნობელი აკეთებს იმას, რასაც ჩვენ ვერასოდეს გავბედავდით. მაგრამ გაუთვალისწინებელი და შეუცნობელი არასოდეს მოვა დასახმარებლად, თუ ჩვენი გულის სიღრმეში მის სახელზე აგებული საკურთხეველი არ ეგულება. დაუკვირდით იმ წილს, რომელსაც ნაპოლეონივით დიდი ნებელობით დაჯილდოებული ადამიანები იღბალს გადაუნახავდნენ ხოლმე თავიანთ უჩვეულო დემარშებში. ისინი, ვისაც არანაირი დიდსულოვანი იმედი არ გააჩნია, შემთხვევას საპყრობილეში ამწყვდევენ. სხვები შემთხვევას სთავაზობენ უსაზღვრო ველ-მინდორს, რომლის შემოვლა მათ, როგორც ადამიანებს, ჯერ კიდევ არ ძალუძთ, თუმცა არც მხედველობიდან არ კარგავენ.

### XXIII

ისტორიის ეს კონველსიური საათები ზღვაზე ატეხილ ქარიშხლებს ჰგავს. დაბლობებიდან მოსულები ზღვასთან გავდივართ, ნაპირის კლდეებიდან ვიყურებით, რაღაცას ველით და ვეება ზვირთებს ბავშვური ცნობისნადილით ვეკითხებით. აი, გამჭვირვალეკუნთებიანი ურჩხულივით მოიწევს ჩვენკენ სხვებზე სამგზის უფრო მაღალი და სამგზის უფრო გამმაგებული ზვირთი. ჰორიზონტის სიღრმიდან იგი აჩქარებით მოიგრაგნება და თითქოს სასიცოცხლოდ მნიშვნელოვანი და გადამწყვეტი რამ უნდა

გაგვიმხილოს. უკან იმსილრმე კვალს ტოვებს, რომ, როგორც ჩანს, ჩვენკენ ოკეანის ერთ-ერთ საიდუმლოს მოაქანებს. და როგორც პანია უზრუნველი ტალღები აგორდებიან ხოლმე ერთმანეთს უქარო და უღრუბლო დღეებში, ეს გამჭვირვალე და თვალჩაუნვდენი ზვირთებიც ასე აგორდებიან სხვა გამჭვირვალე და თვალჩაუნვდენ ზვირთებს. მათ არასოდეს ამოჰყოლია ერთი ცოცხალი არსება, ერთი ბალახი, ერთი ქვაც კი.

თუ ბრძენ ადამიანს რაიმე დათრგუნავდა (რომელიც ბრძენი არ ყოფილა, რაკი დათრგუნვის მოულოდნელი მოტივი მის განცვიფრებას არ ასხივოსნებს და არც მის ცნობისნადილს ინვევს), ეს არის ის, რაც მრავლად მოიპოვება იმავე საფრანგეთის რევოლუციიში, ანუ — ლუი XVI უსასრულოდ უფრო ბნელი, უფრო გამსრესი და უფრო აუხსნელი ბედისწერა. მე ვფიქრობ ჟირონდისტებზე, <sup>10</sup> განსაკუთრებით კი — საკვირველ ვერნიოზე<sup>11</sup>. დღესაც კი, როცა ჩვენ უკვე ვიცით ყველაფერი, რასაც მომავალი მას უმაღავდა, და როცა ვხვდებით, საითკენ მიანიშნებდა იმ გამორჩეული საუკუნის ინსტინქტური იდეა, — ალბათ, მაინც ვერ მოვიქცევით ვერნიოზე უფრო ბრძნულად და უფრო კეთილშობილურად. ყოვლისნამლეკავ კოცონში ჩავარდნილი ნებისმიერი ადამიანისთვის ყველა შემთხვევაში ძნელი იქნებოდა უფრო დიდი გონების შერწყმა უფრო დიდბუნებოვან ხასიათთან. მშვენიერი არსება შიშის, ქვენა აზრების, ცდომილებების, სისუსტეების გარეშე, როგორსაც ზოგჯერ გულის სიღრმეში ვქმნით ხოლმე ჩვენი უნმინდესი ძალებით, მთელი ჩვენი სიბრძნითა და სიყვარულით, — აი, ასეთი შეუსვრელი ლანდი ისურვებდა ჩამომჯდარიყო მის ახლოს, კონვენტის<sup>12</sup> უკვე დაცარიელებულ სკამებზე, „სადაც თითქოს სიკვდილის აჩრდილი ლივლივებდა ჰაერში“, ჩამომჯდარიყო, რათა მისებრ

ეფიქრა, მისებრ ელაპარაკა, მისებრ ემოქმედა. მან შეამჩნია ის, რაც ტრაგიკული მომენტის მიღმა მარადიული და წარუხოცელი იყო; მან უერთგულა ჰუმანურობას და შემწყნარებლობას იმ საზარელ დღეებში, როცა ერთიცა და მეორეც სამართლიანობის იდეალის ყველაზე უარეს მტრებად მოჩანდნენ, სამართლიანობის, რომელსაც ვერნიომ ყველაფერი შენირა. და „დიდი და კეთილშობილი ეჭვით შეპყრობილმა, მან პირდაპირ და გაბედულად იარა და უსასრულოდ გაცდა იმას, რაც კეთილგონივრული, რეალიზებადი და სამართლიანი ჩანდა“. სიკვდილი — ძალმომრეობითი, თუმცა მოსალოდნელი — მას ჯერ კიდევ ნახევარი გზის გავლამდე შემოეყარა, ვინძლო ჩვენთვისაც ესწავლებინა, რომ საკმაოდ ხშირად ადამიანსა და ბედისწერას შორის მომხდარ ამ უცნაურ ბრძოლებში მაინცდამაინც სხეულის შენარჩუნებაზე კი არ უნდა ვიზრუნოთ, არამედ ჩვენი ულამაზესი გრძნობებისა და საუკეთესო აზრების გადარჩენაზე.

„რა მნიშვნელობა აქვს ჩემს საუკეთესო აზრებს, თუ მე აღარ ვიქნები?“ — იტყვიან ერთნი. „რალა დარჩება ჩემგან, თუ ყოველივე, რაც მიყვარს, უნდა დამელუპოს გულშიც და გონებაშიც ჩემი ფიზიკური სიცოცხლის გადარჩენის სანაცვლოდ?“ — პასუხობენ მეორენი. და განა აქ გაკეთებულ არჩევანზე არ დაიყვანება მთელი ადამიანური მორალი, სათნოება და შემართება?

## XXIV

მაგრამ რას წარმოადგენს, ბოლოს და ბოლოს, ეს სიბრძნე, რომელზეც ასე ელაპარაკობთ? ნუ ვეცდებით მის განსაზღვრას მეტისმეტად ზუსტად, რადგან ეს მისი დატუსაღება იქნება. ვინც სიბრძნეს

სინჯვას დაუწყებს, იმ კაცს დაემსგავსება, რომელიც ჯერ სინათლეს ჩააქრობს, მერე კი მისი ბუნების შესწავლას შეუდგება. ასეთ შემთხვევაში, იგი მხოლოდ ჩამქრალ პატრუქსა და ნაცარს იპოვის. „ბავშვისთვის ნათქვამი ბრძნული სიტყვა ის სიტყვაა, რომელიც მას მუდამ ესმის და რომლის ახსნას არ ითხოვს“, ამბობს უუბერტი.<sup>13</sup> მივიღოთ ეს სიტყვა, როგორც ბავშვი იღებს, სიტყვა, რომელიც ჩვენთან ერთად იზრდება. ვთქვათ სიბრძნეზე იგივე, რაც დიდი ხნის წინ თქმულა სიყვარულის შესახებ: „მისი უღრმესი უფსკრული მისი ულამაზესი ფორმაა“. ის კი არ არის აუცილებელი, რომ სიბრძნეს ფორმა ჰქონდეს, არამედ ის, რომ მისი სილამაზე ისეთივე ცვალებადი იყოს, როგორც ცეცხლის ენების სილამაზე. ეს არ არის ტახტზე უძრავად ნამომჯდარი ქალღმერთი. ეს მინერვაა, რომელიც თან გვახლავს, ჩვენთან ერთად ადის და ჩამოდის, ტირის და იცინის. მხოლოდ მაშინ ხართ ნამდვილი ბრძენი, თუ თქვენი სიბრძნე გამუდმებით იცვლება ბავშვობიდან მოყოლებული სიკვდილამდე. რაც უფრო მეტად ღრმავდება და მშვენიერდება აზრი, რომელსაც ბრძნულ სიტყვას ანიჭებთ, მით უფრო ბრძენდებით თავადაც. და სიბრძნისკენ სვლისას გავლილი თითოეული საფეხურიც სულის მზერაში ზრდის სივრცეს, რომელსაც სიბრძნე ვერასოდეს გასწვდება.

## XXV

ბრძენობა საკუთარი თავის შეცნობას ნიშნავს. თუმცა როდესაც საკუთარ თავს უკვე საკმაოდ ფართოდ ვაცნობიერებთ, იმასაც ვამჩნევთ, რომ ჭეშმარიტი სიბრძნე ცნობიერებაზე უფრო ღრმაა. ხოლო ცნობიერების ზრდა მხოლოდ იმდენად არის სასურველი, რამდენადაც ამ დროს რიდე ეხდება

უფროდაუფრო მაღალ არაცნობიერს. და სწორედ ახალი არაცნობიერის სიმაღლეებზე თუ ვპოულობთ უწმინდესი სიბრძნის წყაროებს. არაცნობიერის სამემკვიდრო ყველა ადამიანს ერთნაირი აქვს, მაგრამ ამ საუფლოს ერთი ნაწილი ნორმალური ცნობიერების გამოღმაა, მეორე კი — გაღმა. ადამიანთა დიდი ნაწილი პირველ ზონას არ ტოვებს, ხოლო სიბრძნის მაძიებლები კი მანამდე არ ისვენებენ, სანამ მეორე ზონისკენ მიმავალ ახალ გზებს არ გახსნიან. თუკი მე მიყვარს და ჩემი სიყვარულით იმდენად სრული ცნობიერება მოვიპოვე, რამდენადაც კი ადამიანს ხელენიფება, მაშინ ეს სიყვარული სულ სხვა ბუნების არაცნობიერით განათდება, ვიდრე ის არაცნობიერია, რიგით სიყვარულებს რომ აბნელებს. მეორე არაცნობიერი მხოლოდ ცხოველურს მოიცავს, პირველი კი — ღმერთსაც, თუმცა განცდაში ეს მხოლოდ მაშინ შემოდის, როცა ცხოველურის შეგრძნებას განერიდება. არაცნობიერიდან არასოდეს გამოვდივართ, მაგრამ შეგვიძლია გამუდმებით გავაუმჯობესოთ ხარისხი იმ არაცნობიერისა, ჩვენ რომ გველამუნება.

## XXVI

ბრძენობა მხოლოდ საკუთარი გონების თაყვანისცემას არ ნიშნავს და არც მხოლოდ ამ გონების ჩვევას — იოლად სძლიოს მდაბალ ინსტინქტებს. ეს მეტისმეტად ბერწი გამარჯვებები იქნებოდა, თუ გონებას არ ასწავლიდნენ კიდევ უფრო დიდ დაქვემდებარებას სხვაგვარი ინსტინქტისადმი, რომელიც *სულის ინსტინქტია*. ყოველდღიური ძლევა კი მხოლოდ იმდენადაა ღირებული, რამდენადაც უფროდაუფრო ღვთაებრივ ინსტინქტს უფროდაუფრო თავისუფლად გამოვლენის საშუალებას აძლევს. ამდენად,

ეს გამარჯვებები თვითმიზანი არ არის. მათი დანიშნულებაა, განმინდონ ჩვენი სულის ბედისწერის — მუდამ განწმენდისა და სინათლის ბედისწერის გზა.

## XXVII

გონება კარს უღებს სიბრძნეს, მაგრამ ყველაზე ცოცხალი სიბრძნე საკუთრივ გონებაში არ ძევს. ცუდ ბედისწერებს გონება კარს უკეტავს, კეთილმოსურნე ბედისწერების თვალსაწიერისკენ გამავალ მეორე კარს კი თვით სიბრძნე აღებს. გონება თავს იცავს, კრძალავს, უკუიქცევს, გამორიცხავს, ანგრევს, სიბრძნე კი უტევს, უბრძანებს, წინ მიიწევს, ამატებს, ზრდის და ქმნის. სიბრძნე ჩვენს სულს უფრო ეჭაშნიკება, ვიდრე ჩვენს გონებას. სიბრძნე გონებაზე უფრო მალლამხედაია. ნამდვილ სიბრძნეს უამრავი ისეთი რამის ქმნა სჩვევია, რასაც გონება ან არ ადასტურებს ან — მხოლოდ თანდათანობით. ამიტომ იყო, რომ ერთხელაც სიბრძნემ გონებას უთხრა, ბოროტებაზე სიკეთით უნდა უპასუხო და მტრები უნდა გიყვარდესო. იმ დღეს გონება თავისი საუფლოს უმაღლეს ნერტილზე ამაღლდა და სიბრძნის ეს მითითება დაუშვა. მაგრამ სიბრძნე ამითაც არ კმაყოფილდება და სრულიად მარტო განაგრძობს ძებნას გაცილებით დაშორებულ რეგიონებში.

## XXVIII

მხოლოდ გონებას რომ ემორჩილებოდეს და მხოლოდ ინსტინქტთა რჩევების დამარცხებას კმარობდეს, მაშინ სიბრძნე მხოლოდ თავისი თავის მსგავსი იქნებოდა. იარსებებდა ერთადერთი სიბრძნე, რომელიც ადამიანს შემოვლილი ექნებოდა, რაკი გონებამ უკვე არაერთგზის შემოუარა თავის საბრძანისს.

მართალია, სიბრძნეს აქვს რამდენიმე მყარად ფიქსირებული მომენტი, მაგრამ მაინც არაფერი ისე არ განსხვავდება ერთმანეთისგან, როგორც სოკრატესა და ქრისტეს, არისტიდესა<sup>14</sup> და მარკუს ავრელიუსის, ფენელონისა და ჟან-პოლის სიბრძნეთა ატმოსფერო. არაფერი ისე სრულად არ გადასხვაფერდებოდა, როგორც ერთი და იგივე მოვლენა, რომელიც ერთსა და იმავე დღეს ამ ადამიანთა სიბრძნის ცოცხალ წყლებში აღმოჩნდებოდა. მათივე გონების დამდგარ წყალში მოხვედრილი იგივე მოვლენა კი მუდამ უცვლელი და თავისივე თავის მსგავსი დარჩებოდა. წარმოიდგინეთ, რომ იესო და სოკრატე მეძვე ქალს შეხვედროდნენ. მათი გონება თითქმის ერთსა და იმავეს იტყოდა, მათი სიბრძნის მოძრაობები კი — მათივე სიტყვებისა და აზრების მიღმა — სხვადასხვა სამყაროს კუთვნილება იქნებოდა. ეს თვით სიბრძნის სიცოცხლეა, რომელსაც განსხვავებები დიახაც რომ სურს. ყველა ბრძენი ერთი და იმავე წერტილიდან — გონების ზღურბლიდან იწყებს. შემდეგ კი, იმ მომენტიდან მოყოლებული, სადაც გონება უკვე ურყევად იმარჯვებს, ანუ საიდანაც თავისუფლად შედიან აღმატებული ცნობიერების საუფლოში, — ისინი ერთმანეთს შორდებიან.

## XXIX

დიდი სხვაობაა ორ გამოთქმას შორის: „ეს კეთილგონივრულია“ და „ეს ბრძნულია“. ის, რაც კეთილგონივრულია, უცილობლად ბრძნული არ არის, ხოლო ის, რაც ნამდვილად ბრძნულია, ცივი გონებისთვის თითქმის არასოდეს არ არის კეთილგონივრული. მაგალითად, გონება ქმნის სამართლიანობას, სიბრძნე — სიკეთეს, რომელიც, მოხუცი პლუტარქეს თქმით, „სამართლიანობაზე გაცილებით უფრო

შორს მიდის“. რაზეა დამოკიდებული გმირის მოქმედება — გონებაზე თუ სიბრძნეზე? შეიძლება ითქვას, რომ სიბრძნე არის ჩვენს სულიერ ცხოვრებასთან მისადაგებული უსასრულობის შეგრძნება. მართალია, მსგავსი შეგრძნება გონებასაც აქვს, მაგრამ მისთვის ეს გრძნობა მხოლოდ უსიცოცხლო კონსტატაციაა. თვით ამ გრძნობის დამსახურებით ხდება, რომ ცხოვრებაში მას არავითარ ანგარიშს არ უწევს. აი, სიბრძნე იმდენად უფროა სიბრძნე, რამდენადაც მის ქმედებაში უფრო ცოცხლად დომინირებს უსასრულობა.

გონებაში სიყვარული არ სახლობს, სიბრძნეში კი ბევრი სიყვარულია. და უმაღლესი სიბრძნეც არ განირჩევა იმისგან, რაც კი სიყვარულში უნმინდესია. მართლაც: სიყვარული უსასრულობის ყველაზე ღვთაებრივი ფორმაა. და რაკი ყველაზე ღვთაებრივია, ალბათ, სწორედ ამიტომაც ყველაზე ღრმად ადამიანურიც. ეგებ ისიც შეიძლებოდა გვეთქვა, რომ სიბრძნე არის ღვთაებრივი გონების გამარჯვება ადამიანურ გონებაზე?..

### XXX

არ გემართებს მეტისმეტი კეთილგონიერება, — მხოლოდ სიბრძნეს აქვს უფლება მოუნოდოს გონებას. ბრძენს ვერ ვუნოდებთ იმას, ვის გონებასაც ჯერ არ უსწავლია, რომ სიყვარულის პირველივე ნიშანს დაემორჩილოს. რას იზამდა იესო, რას იზამდნენ გმირები, მორჩილებაში რომ არ ჰყოლოდათ გონება? განა ჰეროიკული საქციელი მუდამ გონების საზღვრებს არ სცილდება? და, მიუხედავად ამისა, ვინ გაბედავს იმის თქმას, რომ გმირები ნაკლებად ბრძენები არიან, ვიდრე ისინი, რომლებიც არაფერს იქმან, რაკი მხოლოდ გონებას უსმენენ?



უნდა გავიმეოროთ: არა გონება, არამედ სიყვარული უნდა იყოს ის ლარნაკი, რომელშიც ჭეშმარიტი სიბრძნე აღმოცენდება. მართალია, სიბრძნის ფესვებთან გონება სახლობს, მაგრამ საკუთრივ სიბრძნე გონების ყვავილი არ არის. რადგან აქ ლაპარაკია (თუ სხვა მეტაფორას მივმართავთ) არა ლოგიკურ სიბრძნეზე, არამედ იმაზე, რომელიც სიყვარულის უსაყვარლესი დაა და რომელსაც ლოგიკური სიბრძნე მხოლოდ შვილიშვილად თუ ერგება.

თავიდან გონება და სიბრძნე ხელჩართულ ბრძოლაში არიან, მაგრამ სიბრძნე ბადებს მშვიდობას, რომელიც ბოლოს სიყვარულსა და გონებას შორისაც მყარდება. ეს მშვიდობა კი იმდენად უფრო ღრმაა, რამდენადაც გონება უფროდაუფრო მეტ უფლებას უთმობს სიყვარულს.

### XXXI

სიბრძნე სიყვარულის შუქია, სიყვარული — სინათლის საზრდო. სიყვარული, რაც უფრო ღრმაა, მით უფრო ბრძენდება. თავის მხრივ, რაც უფრო მალღდება სიბრძნე, მით უფრო უახლოვდება სიყვარულს. გიყვარდეთ და დაბრძენდებით, დაბრძენდით და გეყვარებათ. როცა ჭეშმარიტად გვიყვარს, ვუკეთესდებით კიდევ. უკეთესობისკენ სვლა დაბრძენებასაც ნიშნავს. არ არსებობს ადამიანი, რომლის სულში რაღაც არ უმჯობესდება, როცა მას მეორე ადამიანი უყვარს (თვით ვულგარული სიყვარულის შემთხვევაშიც კი). ხოლო ისინი, ვისაც განუწყვეტლივ უყვართ, მხოლოდ იმიტომ განაგრძობენ სიყვარულს, რომ სულ უფრო უკეთესები ხდებიან. სიყვარული ასაზრდოებს სიბრძნეს, სიბრძნე — სიყვარულს, და ეს სინათლის წრეა, რომლის ცენტრში შეყვარებულები ბრძენებს ეხვევიან. სიბრძნე და სი-

ყვარული ერთმანეთისგან განუყოფელია და სვედენ-ბორგის სამოთხეშიც ცოლი სხვა არაფერია, თუ არა „ბრძენის სიბრძნის სიყვარული“.

## XXXII

„ჩვენი გონება მხოლოდ და მხოლოდ ჩვენს ნათელ იდეებშია“, ამბობს ფენელონი. ჩვენი სიბრძნე კი, — დავუმატებთ ჩვენ, — ანუ ყოველივე საუკეთესო, რაც კი სულში და ხასიათში გვაქვს, ჩვენს ჯერ კიდევ ბუნდოვან იდეებში დაბუდებულია. თუ ცხოვრებაში მხოლოდ ნათელი იდეებით ვხელმძღვანელობთ, მაშინ მცირედ სიყვარულს და მცირედ დაფასებას ვიმსახურებთ. არსებითად, არაფერია უფრო ბუნდოვანი, თუ არა მიზეზები, რომელთა გამო თავს ვირწმუნებთ, რომ უნდა ვიყოთ კეთილნი, სამართლიანნი, დიდსულოვანნი; ყოველგვარ მოქმედებაში შეძლებისდაგვარად კეთილშობილი გრძნობები და აზრები უნდა გვამოძრავებდეს. საბედნიეროდ, რაც უფრო მეტი ნათელი იდეა გვაქვს, მით მეტ პატივს ვცემთ ჯერ კიდევ ბუნდოვან იდეებს. უნდა ვეცადოთ, რომ რაც შეიძლება მეტი შეძლებისამებრ ნათელი იდეა გვქონდეს, რათა ჩვენს სულში კიდევ უფრო მეტმა ბუნდოვანმა იდეამ გაიღვიძოს. ნათელი იდეები ზოგჯერ თითქოს ჩვენს გარეგან ცხოვრებას წარმართავს, თუმცა შინაგან ცხოვრებას სათავეში უეჭველად სხვა იდეები უდგას და ხილული ცხოვრებაც მუდამ უხილავის დაქვემდებარებით მთავრდება. მართლაც: ჩვენი ნათელი იდეების რაოდენობა, ხარისხი და ძალმოსილება განსაზღვრავს ჩვენივე ბუნდოვანი იდეების რაოდენობას, ხარისხსა და ძალმოსილებას. დიდად შესაძლებელია, რომ ჩვენ მიერ ასეთი გზნებით ნაძებნი საბოლოო ჭეშმარიტებები თავიანთ ჟამს მოთმინებით ელიან ჩვენივე ბუნ-

დოვანი იდეების შუაგულში. ეს მოლოდინი უნდა შემოკლდეს. მშვენიერი ნათელი იდეა, რომელსაც ჩვენში ვალეიძებთ, თავის მხრივ, ყოველთვის გამოაღვიძებს მშვენიერ ბუნდოვან იდეას. და როცა ეს უკანასკნელი განათდება თავისივე დაბერების კვალდაკვალ (განა სრულყოფილი სინათლე, როგორც ნესი, იდეების დაღლილობის ნიშანი არ არის?), ისიც, თავის მხრივ, ძილბურანიდან გამოიყვანს მორიგ ბუნდოვან იდეას, უფრო მშვენიერსა და მაღალს, ვიდრე ეს უკანასკნელი იყო თავის ნყვდიადში. და, შესაძლოა, ჩაძინებული მწკრივების ასეთი თანმიმდევრული და ნირნაუმხდარი სინჯვა-სინჯვით, ერთ-ერთი ასეთი იდეა თავისი პატარა, თითქმის უხილავი ხელით დიდ ჭეშმარიტებას შეეხოს.

### XXXIII

ნათელი იდეები, ბუნდოვანი იდეები, გული, აზროვნება, ნებელობა, გონება, სული: აი, არსებითად, სიტყვები, რომლებიც ერთსა და იმავე საგანს — ადამიანის სულიერ საუნჯეს გამოხატავენ. სული უეჭველად ჩვენი აზროვნების უმშვენიერესი სურვილია და, ვინ იცის, ეგებ ჩვენი სულის საუკეთესო სურვილი *ღმერთია*? ამ ყველაფერში იმდენი ბუნდოვანებაა, რომ, უკეთეს შემთხვევაში, შეგვიძლია ვცადოთ და ნყვდიადი დიდი წრფეებით დავყოთ, ხშირად — თვით დასაყოფ სივრცეზე კიდევ უფრო ჩაბნელებულით. ალბათ, საკუთარი თავის შეცნობაა ჩვენთვის მისაღები ერთადერთი იდეალი. მაგრამ მაინც სადამდე უვრცელდება ასეთი დამოკიდებულება ამ ცოდნას, რომელიც ერთი შეხედვით მხოლოდ ჩვენს გონებაზე ჰკიდია? განა ყველაზე უკეთესი, ყველაზე სამართლიანი, ყველაზე ჭეშმარიტი, ერთი სიტყვით, ყველაზე განსულიერებული ის ადა-

მიანი არ უნდა იყოს, რომელიც ყველაზე ზუსტად აცნობიერებს თავის მდგომარეობას სამყაროში? თუმცა მას გულწრფელად უნდა სწამდეს, რომ ნამდვილად აცნობიერებს ამას. და ყველაზე უფრო პოზიტიურ მორალსაც ხომ ერთგვარი მისტიკური არაცნობიერის სახით გაუქვინთავს მთელი მისი ფესვები? ჩვენი აზროვნების უმშვენიერეს სურვილს თვით აზროვნება გვამცნობს, თუმცა ამაოდ ნუ ვიფიქრებთ, რომ მოსავეალი, რომელიც გზაზე გამოატარეს, ზედ გზაზევე აიღეს. ყველაზე სუფთა გონება — თვით მაშინაც კი, როცა საკუთარ სფეროს იკვლევს — ნამდუნუმ ტოვებს ხოლმე ამ სფეროს.

მიუხედავად ამისა, სწორედ აზროვნებით ვინყებთ ჩვენი ზემოთნახსენები სურვილის მორთვა-მოკაზმვას, დანარჩენი კი მთლიანად ჩვენზე არ არის დამოკიდებული. თუმცა ეს დანარჩენი ისევე დაისევ აზროვნებამ უნდა აამოძრაოს. გონება — ჩვენი აზროვნების უფროსი ქალიშვილი — ჩვენი სულიერი ცხოვრების ზღურბლზე უნდა ჩამოჯდეს მას შემდეგ, რაც გახსნა მინისქვეშა კარი, რომლის მიღმა პატიმრებს — ჩვენი არსების ცოცხალ და ინსტინქტურ ძალებს სძინავთ. ჰოდა, ზღურბლზე ზის, ლამპარი უჭირავს და ელოდება. თუნდაც მხოლოდ მისი მუნყოფნა ამ ზღურბლს უკვე მიუვალს ხდის ყოველივესთვის, რაც ჯერ კიდევ არ მიესადაგება სინათლის ბუნებას. მოშორებით, სადაც მისი სხივები ვერ აღწევს, უნინდებურად გრძელდება ბნელი ცხოვრება. გონებას ეს არ ადარდება, პირიქით — ახარებს კიდევ. მან იცის, რომ ყოველივე ის, რაც განათებულ არეალში არ მოხვედრილა, — სიზმარი, აზრი, თვით მოქმედება, — მისთვის სასურველი ღვთის თვალში ვერაფერს დაამატებს და ვერაფერს გამოაკლებს იმ იდეალურ არსებას, რომელსაც იგი ქმნის. მისი ლამპრის ვალია, შეძლებისამებრ ნათ-

ლად და შორს ანათოს და არასოდეს დატოვოს თავი-  
სი სადარაჯო პოსტი. გონება არ ყოყმანობს, როცა  
ირგვლივ სხვა არაფერია, მდაბალი ინსტინქტებისა  
და ნყვდიადის გარდა. მაგრამ ზოგჯერ ისეც ხდება,  
რომ ტყვეები — მასზე უფრო კაშკაშა ძალები — ილ-  
ვიძებენ და ზღურბლს უახლოვდებიან. ისინი ავრცე-  
ლებენ უფრო არამატერიალურ, უფრო გაბნეულ,  
უფრო გაუგებარ სინათლეს, ვიდრე ის მკაფიო და  
მკერივი ცეცხლია, რომელიც გონების ლამპარში  
ციმციმებს. ეს არის სიყვარულის, გამოუთქმელი  
სიკეთის და კიდევ უფრო იღუმალი და უსასრულო  
ძალები, რომლებიც გატარებას ითხოვენ. რა უნდა  
გაკეთდეს ამ დროს? გონება ზღურბლზე ზის მაშინ,  
როცა იქ დაჯდომის უფლება არ მოუპოვებია, რაკი  
აქამდე ჯერ არ გაუბედავს გაეგო, რომ მის გარდა  
ამქვეყნად სხვა რამეც არსებობს. ამიტომაც ნუხს,  
ეშინია და კარს კეტავს. და თუ ოდესმე გადაწყვეტს,  
რომ ისევ გაალოს, იქ სხვას ვერაფერს ნახავს,  
ბნელი საფეხურების ძირში დაყრილი ერთი მუჭა  
მსუბუქი ნაცრის გარდა. მაგრამ თუ ძლიერი ხელი  
არ აუკანკალდება (რადგან ამ ყველაფერმა, სულ  
ცოტა, ის მაინც გააგებინა, რომ არანაირი სინათლე  
სახიფათო არ არის და რომ გონებრივ ცხოვრებაში  
თვით გონებაც კი შეიძლება სასწორზე შევაგდოთ  
მასზე უფრო დიდი სინათლის სახელით), მაშინ —  
ლამპრიდან ლამპრამდე — ზღურბლზე გაუგონარი  
ცვლილებები მოხდება. რომელიღაც ციური ზეთის  
წვეთები ადამიანური სიბრძნის ზეთს შეერევა და  
როცა თეთრი უცნობები ჩაივლიან, გონების ლამ-  
პრის ალი, ან სამუდამოდ სახეცვლილი, უფრო მალ-  
ლა აინევს და გაფართოებულ კარიბჭესაც უფრო  
ძალუმად და წმინდად გაანათებს.

დავტოვოთ განყენებული სიბრძნე და დავუბრუნდეთ იმ სიბრძნეს, საფლავისკენ რომ მიაბიჯებს მრავალ ადამიანურ ბედისწერასთან ერთად. ნუთუ დასაშვებია იმის თქმა, რომ ბრძენკაცის ბედისწერა ერთია და ბოროტი ან შეშლილი ადამიანის ბედისწერა — მეორე? პირიქით: ყველა არსებობა განუწყვეტლივ ჰკვეთს ერთმანეთს და უამრავი თავგადასავლის ქსოვილშიც ოქროს ძაფები კანაფთან ერთად ჩანსულან. არსებობს ოიდიპოსის ან ელსინორის პრინცის უბედურებებზე უფრო ნელი და ნაკლებად თავზარდამცემი შემთხვევები, რომლებიც სამართლიანობის, სიყვარულისა თუ ჭეშმარიტების წინაშე თვალებს არ ხრიან. ვინც სიბრძნის უპირატესობებზე ლაპარაკობს, მხოლოდ იმ შემთხვევაშია უფრო ბრძენი, როცა ალაღად — სიმნრის განცდისა და ამპრატავენების გარეშე — აღიარებს, რომ სიბრძნე თითქმის არაფერს აძლევს მის ერთგულს იმაზე მეტს, რომ აღარ ეზიზღებოდეს უვიცნი თუ გულღვარდლიანნი. ხშირად ისეც ხდება, რომ ბრძენი ბევრს ვერაფერს ცვლის იმაში, რასაც ადამიანები ხედავენ. იქნებ იმიტომ, რომ მეტისმეტად შეაგვიანდა, ან იმიტომ, რომ ძალზე სწრაფად ჩაიარა და ღრმა კონტაქტში ვეღარ შევიდა, ან კიდევ იმიტომ, რომ მრავალი ადამიანის მიერ მრავალი დღის განმავლობაში დაგროვილი ძალების წინააღმდეგ მოუწია ბრძოლა. იგი გარეგან სასწაულებს არ ახდენს. ხელს მხოლოდ იმას ჰკიდებს, რისი გადარჩენაც ჯერ კიდევ შეიძლება ცხოვრების ჩვეულებრივი წესებით. არც ის არის გამორიცხული, რომ თვითონაც დიდმა მორევმა ჩაითრიოს. მაგრამ თვით მაშინაც კი, როცა იღუპება, ბრძენს მაინც შეუძლია თქვას, რომ ამას ისე იქმს (როგორც ეს თითქმის ყოველთვის —

კატასტროფამდე მრავალი თვის, მრავალი წლის წინ ხდებოდა), რომ არასოდეს იქცევა საკუთარი სულის დაღუპვის უძლურ და სასონარკვეთილ მონმედ. გარდა ამისა, ჩვენ გვესმის, რომ მავანის გადარჩენა მაინცდამაინც იმას კი არ ნიშნავს, რომ ეს ადამიანი სიკვდილს ან გარეგან უბედურებებს გამოგლიჯონ ხელიდან, არამედ იმას, რომ უფრო ბედნიერი გახადონ მისივე შინაგანი გაუმჯობესების გზით. აქ საქმე გვაქვს მხოლოდ ზნეობრივ გადარჩენასთან. ეს კი — როგორც ყველაფერი, რაც ადამიანის პიროვნულ მწვერვალზე ხდება — თითქოს ბევრი არაფერია. მაგრამ ნუთუ იმ კეთილ ავაზაკს ხსნა არ მოევლინა არა მხოლოდ ქრისტიანული, არამედ კიდევ უფრო უნივერსალური აზრით? მიუხედავად იმისა, რომ სიკვდილი მაინც არ ასცდებოდა, ის სამუდამოდ ბედნიერი წავიდა, რაკი უკანასკნელ წამს შეიყვარეს და უსასრულოდ ბრძენმა ადამიანმა შეძლო მისთვის ერვენებინა, რომ არც ყაჩაღის სულია უსარგებლო, რომ ისიც კეთილია და რომ მის არსებობას დედამიწაზე შეუმჩნევლად არ ჩაუვლია...

## XXXV

რაც უფრო ქვემოთ მოვუყვებით ცხოვრების კიბეს, მით უფრო მეტი მწუხარებისა და უძლურების საიდუმლოში შევდივართ. ამ დროს ვხედავთ, რამდენი სული დაყიალობს ჩვენ შორიახლო უმიზნოდ, რადგან მათ თავი უსარგებლო არსებებად მიაჩნიათ, ისეთებად, ვისთვისაც ზედაც არავის შეუხედავს და ვისაც არაფერი აქვს ისეთი, რის გამოც შეიყვარებდნენ. მაგრამ ხომ დაჰკრავს, ბოლოს და ბოლოს, ბრძენისთვის ის ჟამი, როცა უყურებს, ამართლებს და ამქვეყნად არსებული ყველა სული უყვარს, თუნდაც იმიტომ, რომ ამ სულს არსებობის იდუმალი

ჯილდო ებოძა? ჟამი, როდესაც ყოველგვარი სისუსტის, ბინიერებისა თუ სიცრუის სიღრმეში ბრძენი ყოველგვარ ძალას, ჭეშმარიტებას და სათნოებას ხედავს? ეს ის ჟამია, როცა ბოროტება სხვა არაფერია, თუ არა მეგზურდაკარგული სიკეთე, ლალატი — ის ერთგულება, ბედნიერების გზას რომ ველარ პოულობს, სიძულვილი კი — ის სიყვარული, რომელიც ძრწოლით ადებს თავისი საფლავის კარს. ეჭვი არაა, სწორედ ამ დროს იქცევა კეთილი ავაზაკის ამბავი გულმართალი კაცის ირგვლივ მობოდილად ყველა ადამიანის ამბად. და ადამიანთაგან ყველაზე უბრალოშიც კი, რომელიც ერთმა მზერამ, ერთმა სიტყვამ, ერთმა დუმილმა იხსნა, ნამდვილ, ბედისგან დაუძლეველ ბედნიერებას ღამის დადგომამდე დაავინყდება (სოკრატესი არ იყოს), რომ სასიკვდილო თასი მზის ჩასვლამდე შეისვა.

## XXXVI

მაგრამ შინაგანი ცხოვრება, შესაძლოა, სულაც არ არის ის, რასაც მასზე ფიქრობენ. არსებობს იმდენივე ტიპის შინაგანი ცხოვრება, რამდენიც გარეგანია. ამგვარ ცხოვრებათაგან ყველაზე პატარები ისევე კარგად შედიან ამ მშვიდ საუფლოებში, როგორც დიდები, — და არა ყოველთვის აზროვნების კარიდან. ხშირად ისეც ხდება, რომ მავანი, რომელმაც ყველაფერი იცის, ამ კარზე ამაოდ აკაკუნებს, ხოლო ის, ვინც არაფერი არ იცის, მას შიგნიდან პასუხობს. რასაკვირველია, ყველაზე უტყუარი, ყველაზე ღამაზი და ყველაზე მტკიცე შინაგანი ცხოვრება ის ცხოვრებაა, რომელსაც ჩვენი ცნობიერება ნელ-ნელა აშენებს საკუთარ თავში ჩვენივე სულის ყველაზე ნათელი ელემენტებით. ბრძენია ის, ვინც ასეთ ცხოვრებას ყოველდღიურ შემთხვევითობებთან ათანხმებს.



ბრძენია ის, ვის სიბრძენსაც გზად შემოყრილი სი-  
ცრუე თუ ლალატი კიდევ უფრო ნმენდს. ბრძენია ის,  
ვისშიც თვით ბოროტებაც კი იძულებულია, რომ სი-  
ყვარულის კოცონი კვებოს. ბრძენია ის, ვისაც უკვე  
ჩვევად აქვს, რომ თავის ტანჯვაში დაინახოს მხოლოდ  
სინათლე, და ვინც არასოდეს უყურებს ჩრდილს,  
რომელსაც ეს ტანჯვა მისივე მომყენებლებზე აფენს.  
კიდევ უფრო ბრძენია ის, ვის არსებაშიც სიხარულები  
და სევდები მხოლოდ ცნობიერებას კი არ განავრცო-  
ბენ, არამედ იმასაც აჩვენებენ, რომ არსებობს ცნო-  
ბიერებაზე აღმატებული რამ. აი, სად ვალნევთ შინა-  
განი ცხოვრების მწვერვალებს, საიდანაც, ბოლოს და  
ბოლოს, ამ შინაგანობის გამცისკროვნებელ ცეცხლს  
ვეუფლებით. მაგრამ ეს მცირერიცხოვან ადამიან-  
თა ხვედრია. შესაძლებელია ბედნიერად ცხოვრება  
უფრო ნაკლებად ციცაბო ხეობებშიც, სადაც ამ ცე-  
ცხლის ჩაბნელებული ფესვები მიმოიძვრის. მრავალ-  
მა უფრო ბნელმა ადამიანურმა ყოფიერებამაც იცის,  
სად შეაფაროს თავი. არსებობს ინსტინქტური შინა-  
განი ცხოვრების ფორმებიც. არიან სულები ინიცია-  
ტივის ან აზროვნების გარეშე, რომლებიც ვერასოდეს  
იპოვიან მათივე სიღრმეში ჩამავალ ბილიკს და ვერა-  
სოდეს დაინახავენ, რას ატარებენ საკუთარ თავში,  
მაგრამ რომლებიც, მიუხედავად ამისა, იმ სულები-  
ვით იქცევიან, რომელთა აზროვნებას თავისი ყველა  
საუნჯე ანონილი აქვს. არიან ადამიანები, რომლებ-  
საც წარმოდგენა არა აქვთ, რომ არსებობს უმაღლესი  
ცნობიერების ერთადერთი მყარი ვარსკვლავი, და  
რომლებსაც მხოლოდ სიკეთის სურვილი ამოძრავებთ  
ისე, რომ არც კი უწყიან — რატომ. მართლაცდა, მთე-  
ლი შინაგანი ცხოვრება, უწინარეს ყოვლისა, ჯერ იქ  
ინყება, სადაც სული კეთილდება, და მხოლოდ შემდეგ  
იქ, სადაც განვითარებას ინყებს აზროვნება. საკმაოდ  
უცნაურია, რომ შეუძლებელია შინაგანი ცხოვრების

წარმართვა ბოროტების წიაღში. გარკვეული კეთილ-შობილების გარეშე ვერავინ იცხოვრებს შინაგანი ცხოვრებით. ასეთი ადამიანი ამაოდ ჩაუკვირდება თავის თავს; შესაძლოა, დაინახოს, რატომ არ არის კეთილი, მაგრამ ვერასოდეს მოიხვეჭს იმ ძალას, იმ თავშესაფარს, იმ საგანძურს, რომლებსაც ფლობს ნებისმიერი სხვა, ვინც კი თავის გულში უშიშრად შედის. შინაგანი ცხოვრება სულის გარკვეული ბედნიერებით იქმნება, სული კი მხოლოდ მაშინ არის ბედნიერი, როცა შეუძლია სიყვარულით ატაროს რაღაც კრისტალურად ნმინდა. ზოგჯერ ისეც ხდება, რომ სული ცდება. მაგრამ თვით ამ შემთხვევაშიც კი, ის უფრო ბედნიერი იქნება, ვიდრე მეორე სული, რომელსაც არ მიეცა არჩევანის გაკეთების შესაძლებლობა.

## XXXVII

ესეც მავანის ნაწილობრივი ხსნაა, თუ მოვახერხებთ, რომ ბოროტება ოდნავ გადავაყვაროთ, რადგან ამით ისეთი თავშესაფრის აგებაში დავებმარებით, რომელზეც ბედისწერა ხელებს დაიმტვრევს. ეს თავშესაფარი ცნობიერების ან სიყვარულის მონუმენტია, სულერთია — რომლის, რადგან სიყვარული თავისი თავის ჯერ კიდევ სიბნელეში მძებნელი ცნობიერებაა, ხოლო ჭეშმარიტი ცნობიერება — თავისი თავის სინათლეში მპოვნელი სიყვარული. სწორედ ამ თავშესაფრის უშინაგანეს ნიშაში აჩალებს სული თავისი სიხარულის ფარულ ცეცხლს. სულის სიხარული, თავიდან რომ იშორებს ცუდი ბედისწერებისგან დატოვებულ კაეშანს, როგორც ფიზიკური ცეცხლი იშორებს ხოლმე მინიერ სნეულებებს, — სულის ეს სიხარული სხვა სიხარულებს არ ჰგავს. ის არც გარეგანი ბედნიერებიდან მოდის და არც

თვითმოყვარებიდან. რადგან თვითმოყვარების ქვე-  
მოთ, — იმ თვითმოყვარების, სულის უკეთესობისკენ  
სვლასთან ერთად რომ მცირდება, — სახლობს წმინ-  
დად სიყვარულისმიერი სიხარული, რომელიც სუ-  
ლის გაკეთილშობილებასთან ერთად უფროდაუფრო  
იზრდება. არა, ამ სიხარულის სათავე მედიდურობა  
არ გახლავთ. არც იმიტომ გრძნობს სული თავს ბედ-  
ნიერად, რომ საკუთარ სილამაზეს უღიმის. სულს,  
რომელმაც საკუთარი თავი რამდენადმე მაინც გააც-  
ნობიერა, აქვს უფლება იცოდეს, რომ ის მშვენიერია.  
მაგრამ სხვა ყველაფერი, რასაც ის ძალზე თვითნე-  
ბურად უმატებს საკუთარი სილამაზის ცნობიერებას,  
შესაძლოა, სიყვარულის არაცნობიერიდან ამოაქვს.  
და თავისი თავის აღმომჩენი ცნობიერების უპირვე-  
ლესი მოვალეობაა გვასწავლოს პატივისცემა არაც-  
ნობიერისა, რომელსაც ჯერ გამუდმება არ სურს.  
თუმცა ზემოთნახსენები სიხარული სიყვარულს არ  
ართმევს იმას, რასაც ცნობიერებას ამატებს. პირიქ-  
ით: თვით ცნობიერება საზრდოობს სიყვარულით და,  
თავის მხრივ, ზრდის ამ სიყვარულს. მზარდი გონება  
განიცდის ბედნიერებას, რომელიც არასოდეს სცოდ-  
ნია ბედნიერ სხეულს. მაგრამ უკეთესობისკენ მსვ-  
ლელ სულს აქვს სიხარულები, რომელსაც ვერასოდეს  
გაიგებს მზარდი გონება. მართალია, შინაგანი შენო-  
ბის განსამტკიცებლად ასეთი გონება და ასეთი სული  
ერთობლივ შრომას უნდა მიეჩვიონ, მაგრამ ისეც ხდე-  
ბა, რომ ზოგჯერ ისინი ცალ-ცალკე მუშაობენ და ორ  
მშენებარე გალავანს ერთმანეთთან არაფერი აკავ-  
შირებს. თუ ჩემთვის უსაყვარლესი ადამიანი მოვა და  
მთხოვს ვურჩიო, რომელზე შეაჩეროს თავისი არჩევ-  
ანი, ანუ თუ მკითხავს, რომელი თავშესაფარია უფრო  
ღრმა, უფრო მიუვალი და უფრო საამო, მე ვეტყვი,  
რომ თავისი ბედი იმ სავანეს მიანდოს, რომელშიც  
სული უკეთესდება.

## XXXVIII

ბრძენი თუ შეიძლება რომ დაიტანჯოს? ნუთუ არანაირი ავდარი არ მოქუფრავს მისი საბინადროს ცას? ვერავინ დაუგებს ხაფანგს? ვერც ცოლი უღალატებს და ვერც მეგობრები? ნუთუ არასოდეს იქცევა სულმდაბლობად ის, რაც ბრძენს კეთილშობილებად მიაჩნია? სხვებივით დაიხოცებიან თუ არა მისი დედ-მამა, შვილები, ძმები? ანგელოზები და-იცავენ თუ არა ყველა გზას, რომლითაც მნუხარება ჩვენამდე მოდის? განა იესომ არ იტირა ლაზარეს საფლავთან? განა მარკუს ავრელიუსი არ დაიტანჯა თავისი ვაჟის, კომოტის, და ცოლის, ფაუსტინას გვერდით, როდესაც პირველში უკვე ურჩხული იღვიძებდა, მეორე კი სიყვარულზე სიყვარულით არ პასუხობდა? განა პაულიუს-ემილიანეც<sup>15</sup> (ისეთივე ბრძენკაცი, როგორც ტიმოლეონი<sup>16</sup>) არ ააქვითინა ბედისწერამ, როცა რომში ტრიუმფით შესვლამდე ხუთი დღით ადრე უფროსი ვაჟი დაელუპა, სამი დღის შემდეგ კი — უმცროსიც? ნუთუ სიბრძნე მხოლოდ ასეთ თავშესაფარს სთავაზობს ბედნიერებას? ეგებ დავივიწყოთ ყველაფერი, რაც აქამდე ვთქვით, და ეგებ სიბრძნეც იმ ილუზიათაგანია, რომლებითაც ადამიანის სული იმ სურვილების გამართლებას ცდილობს, იმთავითვე უგუნურებად რომ მიიჩნევდა ცხოვრებისეული გამოცდილება?

## XXXIX

სინამდვილეში, სიბრძნეც იტანჯება და ეს ტანჯვა მისი ერთ-ერთი ელემენტია. შესაძლოა, ბრძენი სხვებზე უფრო მეტადაც იტანჯება, რაკი ის უფრო დასრულებული ადამიანია. მეტად იტანჯება, რადგან რაც უფრო ნაკლებად მარტონი ვართ, მით მეტად

ვიტანჯებით, ადამიანი კი, რაც უფრო ბრძენია, მით ნაკლებად გრძნობს თავს მარტოდ. იგი ტანჯვას განიცდის თავის სხეულში, გულსა და გონებაში, რადგან სამივეს — სხეულს, გულსა და გონებას — აქვს თავთავისი მხარე, რომლებსაც ამქვეყნად არსებული ვერცერთისიბრძნევერ შეედავება. გარდაამისა, ჩვენ ტანჯვა კი არ უნდა ავიცდინოთ, არამედ ამ ტანჯვით მოგვრილი დათრგუნულობა და ბორკილები, რომლებსაც ჩვენს კარზე მოსული ბატონივით ვიღებთ და არა უფრო მნიშვნელოვანი პირის მიერ გამოგზავნილი შიკრიკივით, პირის, რომელიც მოსახვევეში დგას და ჯერჯერობით თვალს ეფარება. რასაკვირველია, როგორც მის ნებისმიერ მეზობელს, ბრძენსაც ისევე ნამოახტუნებს აბეზარი შიკრიკის კაკუნი, რომლის ექო მთელ საბინადროს შეუზანზარებს. უნდა ჩამოვიდეს, კარი გაუღოს, დაელაპარაკოს. და, აი, ამ დილას მოულოდნელი უბედურების მაცნესთან ლაპარაკის დროს მასპინძელი რამდენჯერმე გახედავს მის მხარზემთ ჰორიზონტის ნისლში გახვეულ დიდ იდეას, რომელმაც, შესაძლოა, ეს მაცნე გამოგზავნა. არსებითად, შუაგულ ბედნიერებაში მყოფებს გვგონია, რომ ბედისწერის მოულოდნელი დარტყმა მაინცდამაინც ვერაფერს გვავნებს. არადა, ვგრძნობ, რომ ასეთი დარტყმის შემდეგ პროპორციები შეიცვლება. ამასთანავე, არც ის მეეჭვება, რომ თუ ბედისწერას ჩვენი სიმხნევის დაუშრეტელი კერიის ჩაქრობა სურდა, მაშინ უნდა ემარჯვა და გაეუფასურებინა ყველაფერი, რაც გულის სიღრმეში გვიყვარს, რასაც ალტაცებაში მოვყავართ, რასაც ვეთაყვანებით. და რომელი გარეშე ძალა გაგვიუფასურებს გრძნობას თუ იდეას, თუ მათ ჩვენ თვითონვე არ ჩამოვაგდებთ ტახტიდან? ფიზიკურ ტკივილს თუ არ ჩავთვლით, არსებობს კი ტკივილი, რომელიც, ჩვენი აზრების გარდა, რომელიმე სხვა გზას იპოვის ჩვენამდე მო-

სასვლელად? ტკივილი, რომელიც ჩვენს აზრებს ან იერიშის მომტანი იარაღით აღჭურვავს ან თავდასაცავით? ნაკლებად ვიტანჯებით თვით ტანჯვით, გაცილებით უფრო მეტად ვიტანჯებით იმით, თუ როგორ ვიღებთ ამ ნაღველს. „ის საკუთარმა თავმა გააუბედურა, — ამბობს ანატოლ ფრანსი ერთ-ერთი იმათგანის შესახებ, რომლებიც არასოდეს იყურებიან ტლანქი შიკრიკის მხარზემთ, — ის საკუთარმა თავმა გააუბედურა, რადგან ყველა ნამდვილი უსიამოვნება შინაგანია და ჩვენგანვე მოდის. ვცდებით, როცა გვგონია, რომ ისინი გარედან მოდიან. მათ ჩვენში ვქმნით ჩვენივე არსით.“

## XL

მოვლენის რეალური ძალა მხოლოდ იმაშია, თუ როგორ მოვიაზრებთ ამ მოვლენას. თავი მოუყარეთ ათ ადამიანს, რომლებიც, პაულიუს-ემილიანესი არ იყოს, ორ შვილს დაკარგავენ თავიანთი ცხოვრების უმშვენიერეს წუთებში. შედეგად მიიღებთათს რულებით განსხვავებულ კაემანს. უბედურება მოდის, მაგრამ მხოლოდ იმას გვმართებს, რასაც ვეტყვით რომ დაგვმართოს. ის თესავს, აოხრებს და, საბოლოოდ, იმ მითითების მიხედვით იმკის, რომელსაც ჩვენს ზღურბლზე წარწერილს პოულობს. თუ ჩემი უღიმღამო მეზობლის ორი ვაჟი იმ მომენტში დაილუპება, როდესაც მათ მამას იღბალი ენევა და სურვილები აუსრულდება, ყველაფერი ნყვდიადში დაინთქმება, ერთი ნაპერწკალიც კი არსად იელვებს, და ლამის თავისივე თავით გაბეზრებულ უბედურებას აღარაფერი დარჩება ზურგსუკან, ერთი მუჭა გაუფერულებული ფერფლ-ნაცრის გარდა. არ მჭირდება მისი მონახულება, უკვე ვიცი პატარ-პატარა რაღაცები, რაც მწუხარებამ დამართა. ეს უკანასკნელი

ხომ მუდამ მხოლოდ იმას გვიბრუნებს, რაც ჩვენივე სულისგან მიიღო ჩვენს ბედნიერ დღეებში.

## XLI

მაგრამ ასეთივე უბედურება დაატყდა პაულიუს-ემილიანესაც. გარინდებულა თავზარდაცემული რომი, რომლის ქუჩებში ჯერ კიდევ ტრიუმფალური მარშის ექო ბუბუნებს. მართლაცდა, რა მოხდება? ღმერთებმა ბრძენი არაფრად ჩააგდეს და რითი უპასუხებს იგი? რა უქნა გმირმა მწუხარებას ან მწუხარებამ რა დამართა გმირს? თითქოს სწორედ ასეთ მომენტებში აცნობიერებს კაცობრიობა, რომ ბედისწერა კიდევ ერთხელ სცდის თავისი მკლავის ძალას და თუ ვერ არყვეს იმას, რასაც უტევს, მაშინ თვით კაცობრიობისთვის შეიცვლება რაღაც. იმასაც შეხედეთ, რა მღელვარებით ეძებს ასეთ ჟამს კაცობრიობა თავისი ლიდერების თვალელებში სიტყვა-გასაღებს უძლეველი მეტოქის წინააღმდეგ!

მაგრამ პაულიუს-ემილიანე მისივე მიერ მოხმობილი ხალხის შუაგულში გამოდის და სერიოზულად მიმართავს: „არასოდეს მშინებია იმის, რაც ადამიანთა მხრიდან შეიძლება მოვიდეს. აი, ღვთიურ საქმეთა შორის კი მუდამ მაშინებდა ბედის უკიდურესი მერყეობა და მისეულ დარტყმათა ამოუნურავი მრავალგვარობა. ეს განსაკუთრებით ეხება ამ ომს, რომლის დროსაც იღბალი ზურგის ქარივით მიწყობდა ხელს ყველა ჩემს წამოწყებაში. გამუდმებით ველოდი ქარიშხლის ამოვარდნას და ჩემი ბედნიერების გადაყირავენას. დიახ, ერთ დღეში გადავცურე იონიის ზღვა ბრინდიდან კორსირამდე. შემდეგ ხუთი დღე დამჭირდა დელფოსში ჩასასვლელად, სადაც აპოლონს მსხვერპლიც შევწირე. კიდევ ხუთ დღეში მაკედონიამდე მივედი, სადაც ჩემი ჯარი განვწმინდე კიდევ სათანადო რიტ-

უალებით. დაუყოვნებლივ დავინყე სამხედრო ოპერაციები და სულ რაღაც თხუთმეტ დღეში ომი დიდებულნი გამარჯვებით დავასრულე. ასეთი წარმატება ბედისადმი უნდობლობას აღმიძრავდა. მტრისაგან მოსვენებულს და უკვე ხიფათგამოვლილს, ქალღმერთის მერყეობისა მე სწორედ შინისკენ გზაზე მეშინოდა. და ეს მაშინ, როცა ასეთი წარმატებული ჯარი შევკრიბე, როცა ამდენი ნაალაფარი მომქონდა და ტყვე მეფეებიც მომყავდა!

როცა თქვენამდე მშვიდობიანად მოვალნიე და სიხარულში, დღესასწაულებში და მსხვერპლშენივამი ჩაფლული ქალაქი დავინახე, ჩემი უნდობლობა ბედისწერის მიმართ მაინც არ ჩამცხრალა, რადგან ვიცოდი, რომ იგი ერთ-ერთი იმ წყალობათაგანი არ არის, არასოდეს არაფერი რომ არ ჩრდილავს, და რომ დიდ წარმატებას შურიც განუყრელად თან ახლავს. მტკივნეული მოუსვენრობით აღსავსე ჩემს სულს, რომელიც ცახცახით ელოდა, რა ჰქონდა რომს მისთვის სამომავლოდ გადანახული, მხოლოდ მაშინლა ჩამოეხსნა შიშები, როცა თვალი მოვკარი უბედურებადატეხილ ჩემს სახლს, საიდანაც იმ სადღესასწაულო დღეებში საკუთარი ხელით გავასვენე და დავფალი ორი ჭაბუკი ვაჟიშვილი — ჩემი ერთადერთი მემკვიდრეები. ახლა აქ ვარ, ან სამშვიდობოს გასული და დიდ საფრთხეთაგან დაცული, და მტკიცედ მნამს, რომ თქვენს კეთილდღეობას დიდხანს ვერაფერი შეარყევს. ბედმა ჩემი წარმატებებისთვის უკვე საკმარისად მომიზლო და როგორც გამარჯვებულის, ისე ტყვის ხვედრში ადამიანური სიმყიფის გამოგნებელი მაგალითი მიჩვენა. ეგაა, დამარცხებულ პერსევსს<sup>17</sup> შვილები ცოცხალი ჰყავს, გამარჯვებულ პაულიუს-ემილიანეს კი ორივე დაელუპა.“



## XLII

აი, როგორ ხვდებოდნენ რომაელები უდიდეს მწუხარებას, რომელიც კი შეიძლებოდა დასტეხოდა ადამიანს თავის უმგრძნობიარეს მომენტში, ანუ უდიდესი ბედნიერების ჟამს. არსებობს თუ არა მწუხარების სხვაგვარი დახვედრაც? დიახ, არსებობს. ამ დახვედრის იმდენივე ფორმა არსებობს, რამდენი დიდსულოვანი იდეა თუ გრძნობაც არსებობს ამ მიწაზე. თითოეულ იდეას, თითოეულ გრძნობას აქვს თავისი ჯადოსნური ჯოხი, რომელიც ზღურბლზე ფეხშემომდგარ ტანჯვას სახესა და სამოსელს უცვლის. იობმა გვითხრა: „ღმერთმა მომცა და ღმერთმა წამართვა. კურთხეულ იყოს მისი სახელი!“ ეს კი მარკუს ავრელიუსის სიტყვებია: „თუკი უფლება აღარ მაქვს, მიყვარდეს ისინი, ვინც აქამდე ყველაზე და ყველაფერზე მეტად მიყვარდა, ეს ალბათ იმიტომ, რომ ამჯერად იმათი სიყვარული ვისწავლო, ვინც ჯერ არ მყვარებია“.

## XLIII

ნუ ვიფიქრებთ, რომ ისინი თავს ცარიელი სიტყვებით ინუგეშებდნენ. ასეთი სიტყვები ცუდად დამალავდნენ მით უფრო მტკივნეულ ჭრილობას, რაც უფრო მეტად სურთ მისი დამალვა. ჯერ ერთი, უკეთესია თავის დამშვიდება ფუჭი სიტყვებით, ვიდრე საერთოდ არდამშვიდება. მეორეც, თუ საჭიროა დავუშვათ, რომ ეს ყველაფერი ილუზიაა, მაშინ, იმავდროულად, იმის დაშვებაც სამართლიანი იქნება, რომ ილუზია ყოფილა ერთადერთი რამ, რასაც სული შეიძლება ფლობდეს და, ასეთ შემთხვევაში, კიდევ რომელი ილუზია გვაძლევს ამ ილუზიის შეზიზღების უფლებას?

რასაკვირველია, როცა ჩემ მიერ ნახსენები დიდად ბრძენი ადამიანები საღამოს შინ დაბრუნდებიან, კერძოდ მდგარ სავარძლებში კი შვილები აღარ დახვდებოდათ, მაშინ ისინი ნანილობრივ მაინც შეიცნობენ იმ მწუხარებას, რომელსაც მთლიანად იცნობენ სხვები, ვის არსებაშიც ეს ვარამი ერთ კეთილშობილ აზრსაც არ ბადებს. ტყუილუბრალოდ ნუ მივანერთ ასეთებს იმ სათნოებას, რომელიც მათ არ გააჩნიათ. არსებობს გარეგანი ცრემლები, რომლებსაც ისინი ვერ იძრობენ. არსებობს საკრალური ნუთებიც, როცა ადამიანს თვით სიბრძნეც ვერ ამშვიდებს. მაგრამ — ვთქვათ ეს უკანასკნელად — ტანჯვა კი არ უნდა ავიცდინოთ (ის აუცდენელია), არამედ უნდა ამოვირჩიოთ, რა დაგვიტოვოს ამ ტანჯვამ. ეგებ გვითხრან, რომ ეს არჩევანი, რომელსაც თვალი ვერ ხედავს, სინამდვილეში, საკმაოდ მცირე რაჟია და ვერ გააუქმებს იმ ჭმუნვას, რომლის მიზეზი განუწყვეტილ თვალწინ გვაქვს. მაგრამ განა ფიზიკურ და ინტელექტუალურ სიხარულებზე გაცილებით უფრო ღრმა სულიერი სიხარულებიც სწორედ ასეთი პატარ-პატარა რაღაცებისგან არ იქმნება? სიტყვებად რომ გვეთარგმნა ის ვრძნობა, რომელიც გმირს თავის გამირობას ადენინებს, ბევრს ვერაფერს მივიღებდით. ისეთივე პანია რამ შეგვრჩებოდა ხელში, როგორც ის იდეა, რომელიც კატონ მცირემ<sup>18</sup> შექმნა მოვალეობისგან და რომელსაც, საბოლოოდ, მთელი იმპერიის შეზანზარება და სისხლიანი სიკვდილი მოჰყვა. მაგრამ განა ეს იდეა მაინც არ აღემატება ყველა იმ სახელმწიფოებრივ მოშლილობას და მისგანვე გამონვეულ სიკვდილს? განა კატონი დღესაც მართალი არ არის? და ამ იდეის ნყალობით, რომელიც ადამიანურ გონებას იმდენად უცხოდ ეჩვენება, რომ ვერც კი აუნონია თავის სასწორზე, — ამ იდეის ნყალობით, ვისი ცხოვრება იყო უფრო შინაგანად,

უფრო კეთილშობილურად ბედნიერი, ვიდრე ისევ-დაისევ კატონის?

ყველაფერი, რაც ჩვენს არსებობას აკეთილშობილებს, რასაც თვითონვე ვცემთ პატივს ჩვენს არსებაში, ჩვენი სათნოების მოტივები და ის სენტიმენტალური საზღვრები, რომლებსაც ყველა ადამიანი თვითონვე უდგენს საკუთარ მანკიერებებსა და თვით დანაშაულებს, — ეს ყველაფერი ჩვენი გონების გადასახედიდან, მართლაცდა, მცირე რამედ ჩანს. მიუხედავად ამისა, სწორედ აქედან მოდის თითოეული ჩვენგანის სასიცოცხლო ორიენტირები. და რომელი ადამიანი იარსებებს ისე, რომ არ იხელმძღვანელოს რამდენიმე ჭეშმარიტებით, რომლებიც არ ექვემდებარებიან გონებას? თვით ყველაზე საბრალოებიც კი ემორჩილებიან ამ ჭეშმარიტებათაგან რომელიმეს. რაც უფრო დიდია მის ცხოვრებაში ასეთ ჭეშმარიტებათა რიცხვი, მით ნაკლებად საბრალოა ადამიანი. ის, ვისაც კაცი მოუკლავს, გეტყვით: „მართალია, მე ვკლავ, მაგრამ არ ვქურდობ“. ვინც ქურდობს, სამაგიეროდ არ ღალატობს. ვინც ღალატობს, საკუთარ ძმას მაინც არ ღალატობს. ამრიგად, თითოეული მათგანის თავშესაფარი უკანასკნელი გადარჩენილი ზნეობრივი ღირებულებაა. ადამიანთაგან ყველაზე დაცემულსაც კი აქვს საკრალური ადგილი, ერთგვარი გასახიზნი საკუთარ სულში, რომელშიც ცოტაოდენ სუფთა ნყალსა და ცხოვრების გასაგრძელებელ ძალას პოულობს. გონება არც ამ შემთხვევაშია ნუგეშისმცემელი და ამიტომაც უნდა შეჩერდეს ქურდის თუ მოღალატის ბოლო თავშესაფრის ზღურბლზე, ისევე როგორც ჩერდება ანტიგონეს მიერ გაღებული მსხვერპლის, იობისეული მორჩილებისა თუ მარკუს ავრელიუსისეული სიყვარულის ზღურბლზე. ჩერდება, თავის თავს ანგარიშს აღარ უნევს, აღარაფერს ამტკიცებს და, ამასთანავე, გრძნობს: ახლა რომ აჯანყდეს, მაშინ

იმ სინათლეს აუჯანყდება, რომლის მარტოოდენ ხილულ ჩრდილსაც თვითონ წარმოადგენს, რადგან ისევე დგას ამ ყველაფრის შუაში, როგორც მზის გულზე გასული კაცი. დგას და ხედავს მინაზე განრთხმულ საკუთარ ჩრდილს, რომელიც შეუძლია აამოძრავოს და კონტურებიც შეუცვალოს ჩაჯდომა-ადგომით. ეს ჩრდილი ერთადერთი რამაა, რასაც ის ფლობს, რაზეც მეუფებს და რომელსაც შეუძლია ბრძანებები აძლიოს მზის დამაბრმავებელ სინათლეში. ასე მანიპულირებს ჩვენი გონება აღმატებულ ნათელში. მის მიერ დაფენილი ჩრდილი არ ზემოქმედებს გარემომცველ უძრავ ბრწყინვალეობაზე. მარკუს ავრელიუსი და მავანი მოლაღატი — ესოდენ ურთიერთდამორებული არსებებიც კი — მისტიკურ წყალს ერთსა და იმავე წყაროდან ენაფებიან, წყაროდან, რომელიც მათივე აზროვნებაში არ ჩქეფს.

საკმაოდ უცნაურია, რომ მთელი ჩვენი სულიერი ცხოვრების სამკვიდრო ჩვენივე გონება არ არის. ის კი, ვინც მხოლოდ და მხოლოდ გონების მიხედულებით იცხოვრებს, ადამიანთაგან ყველაზე საბრალო იქნება. არ არსებობს სათნოება, არც ესა თუ ის კეთილი აქტი, არც რაიმე კეთილშობილი აზრი, რომლის თითქმის ყველა ფესვი იმის გვერდით არ ჩადის, რაც შეგვიძლია გავიგოთ და ავხსნათ. მიუხედავად ამისა, განა ამპარტავნება არ იქნება, რომ ადამიანმა მთელი თავისი სათნოება, მთელი შინაგანი ცხოვრება, მთელი სიხარული ეძიოს ერთადერთ რამეში, რაც დანამდვილებით აქვს, ერთადერთში, რასაც შეუძლია სრულად მიენდოს, ანუ ისევდაისევ საკუთარ გონებაში? თუმცა ამას ამაოდ იზამს, — რომელიმე ყოვლად უმნიშვნელო მოვლენა მალე დაანახებს, რომ გონებას ვერასოდეს შეაფარებს თავს. ჩვენ ხომ კიდევ სხვანიც ვართ და არა მხოლოდ „კეთილგონიერი არსებები“.

მაგრამ თუ ჩვენი გონება არ ირჩევს, რა მოგვიტანოს ტანჯვამ თუ მწუხარებამ, მაშ, ვინ ირჩევს? ვინ და, ჩვენი განვლილი ცხოვრება, რომელმაც სული ჩამოგვიყალიბა. სიბრძნის ნაყოფებს დღიდან დღემდე არ ვკრეფთ. თუ ჩემი ცხოვრება პაულიუს-ემილიანესას არ ჰგავდა, მაშინ მისი მანუგეშებელი ვერცერთი აზრი მე ვერ მანუგეშებს, თუნდაც დედამინის ყველა ბრძენი შეიკრიბოს და დღედაღამ მიჩიჩინოს პაულიუსის აზრები. ჩვენი ცრემლების შესაშრობად მოსული ანგელოზები ზუსტად იმ ფორმასა და სახეს იღებენ, რაც გვითქვამს, გვიფიქრია და, უნინარეს ყოვლის, გვიკეთებია მწუხარების მოსვლის წინაყამს. როდესაც ორმოცნობიანი თანაცხოვრების შემდეგ თომას კარლაილს<sup>19</sup> — „შავ“ ბრძენს — მეუღლე, ჯენი უელჩი გარდაეცვალა (ადამიანი, რომელიც მას უღრმესი სიყვარულით უყვარდა), მისმა ნაღველმაც დაუჯერებელი სიზუსტით მიიღო მათი გარდასული სიყვარულის ფორმა. ამიტომაც იყო ეს მწუხარება ესოდენ ღრმა, მტანჯველი და, იმაჯდროულად, მანუგეშებელიც თავისი საყვედურების, სინაზისა და სინანულების მთელი სიდიადით, როგორც ლოცვა და ჭვრეტა ჩაბნელებული ზღვის ნაპირზე. გარკვეულწილად, ეს არის თითოეული ჩვენგანის გარდასული დღეების გაერთიანებული ხატება, მოსიყვარულე ან არაკეთილმოსურნე ერთგულებით რომ იბადება ჩვენი გულის ჭმუნვაში. თუ ცხოვრებაში სხვა არაფერი დამრჩენია, დაბინდული და არცთუ დიდსულოვანი მოგონებების გარდა, მაშინ იმ გარდაუვალი ნამის დადგომისას, როცა მოგონებები ცრემლებად იქცევიან ხოლმე, ჩემი ცრემლებიც დაბინდული და არადიდსულოვანი იქნება. ჩვენს ცრემლებს, თავისთავად, ფერი არ აქვთ, ვინძლო ჩვენივე სულის

წარსული აირეკლონ. და ის, რასაც ირეკლავენ, ჩვენთვის გამოგზავნილი სასჯელი ან საჩუქარია. ერთადერთი რამ არსებობს, რაც არასოდეს გვექცევა ტანჯვად: — ჩვენ მიერ ჩადენილი სიკეთე. როცა საყვარელ არსებას ვკარგავთ, უნუგეშო ცრემლებს იმ მომენტების გახსენება გვაყრევინებს, როცა ის ადამიანი არასაკმარისად გვიყვარდა. სიცოცხლეში მისთვის მუდამ ღიმილით რომ გვემზირა, მაშინ არ გვეცოდინებოდა ის ყველაფერი, რასაც მნუხარება გვაკლებს ხოლმე, და ისეთი ცრემლებით ვიტირებდით, რომლებსაც ჯერ კიდევ შერჩენილი ექნებოდა ცოტაოდენი გარდასული ალერსი და სათნოებანი. რადგან ჭეშმარიტი სიყვარულის მოგონებები — სიყვარულის, რომელიც ყველა სხვა სათნოებას მოიცავს -- ისეთსავე კეთილისმქმნელ ცრემლებს გვალვრევინებს, როგორიც თვით ამ მოგონებების სათავეში მყოფი უმშვენიერესი საათები იყო. არაფერია მნუხარებასავით გულმართალი და, როგორც სასხმელი ფორმა ელოდება დამდნარ ბრინჯაოს, მთელი ჩვენი ცხოვრებაც ასე ელის, რომ ჭმუნვის საათმა დაჰკრას და გასამრჯელო გადაგვიხადოს.

## XLV

აქ, სადაც ბედისწერის ტახტის ყველაზე მძიმე საყრდენია, კიდევ ერთხელ ვხედავთ, რაოდენ იზღუდება მისი ძალმოსილება იმ ადამიანებში, რომლებიც მასზე უკეთესნი ხდებიან. ის ხომ ბარბაროსი იყო და ბარბაროსად დარჩა და, ამდენად, ზოგიერთ ადამიანს მაინც ჩამორჩება სიმაღლით. თავის იარაღებს ის ჩვეულებრივ ცხოვრებაში პოულობს, იარაღებს, რომლებიც შენელებულად მოქმედებენ. იგი გარეგნულადაც გვიტევს, როგორც ოიდიპოსის დროს გვიტევდა. ისრებს ზუსტად თავის პირდაპირ

ისერის, როგორც ბრმა მოისარი. და როდესაც მიზნის მისაწვდომად მშვილდს ოდნავ უფრო მალლა მიმართავს, ისრები უსიცოცხლოდ ცვივიან ძირს.

ტანჯვა, სინანული, ცრემლები, მწუხარება და ყოველივე დანარჩენი: აი, იმ საგანთა აღმწერი ერთმანეთის მსგავსი სახელები, რომლებიც არასოდეს ჰგვანან ერთმანეთს. თუ ამ სახელების სულამდე ჩავაღწევთ, აღმოვაჩენთ, რომ ისინი თვით ჩვენივე შეცდომების ნაკვალევითვის გვიწოდებია. იქ კი, სადაც ჩვენი შეცდომები კეთილშობილია (კეთილშობილი შეცდომებიც ისევე არსებობს, როგორც პატარა სათნოებები), ჩვენი უბედურება უფრო ახლოს იქნება ჭეშმარიტ ბედნიერებასთან, ვიდრე იმათი ბედნიერება, ვინც ცნობიერების გაუფართოებლად ბედნიერი. ნუთუ გჯერათ, რომ თავის სულში დიდი და ნაზი ყვავილივით გაფურჩქნილ მწუხარებას კარლაილი მის ჩელსიელ მეზობელთა უსინათლო-უჰორიზონტო ბედნიერებაზე გაცვლიდა? და განა ერნესტ რენანის<sup>20</sup> კაეშანიც, რომელმაც იგი ღვიძლი დის, ჰენრიეტას დაღუპვის შემდეგ მოიცვა, თავისი სულით უკეთესი არ იყო, ვიდრე ამ სევდის არარსებობა ათასობით ადამიანში, რომლებსაც არასოდეს სცოდნიათ დის სიყვარული? ვინ უნდა შევიბრალოთ: ის, ვინც ზოგჯერ, დამდამობით, უსასრულო ზღვის პირას ტირის, თუ ის, ვინც თავის პატარა ოთახში მთელი სიცოცხლე უმიზეზოდ იცინის? ბედნიერება. უბედურება. ერთი ნუთით ჩვენი თავიდან რომ გავსულიყავით და გმირთა მწუხარება დაგვეგემოვნებინა, რამდენი ჩვენგანი დაუბრუნდებოდა დაუნანებლად თავის შეზღუდულ ბედნიერებას?

მაშ, სიმართლეა თუ არა ის, რომ ბედნიერება თუ უბედურება — თუნდაც გარედან მოსული — მხოლოდ *ჩვენში* არსებობს? ყოველივე გარემომცველი ან ანგელოზად იქცევა ან დემონად ჩვენი გულის მდ-

გომარეობისდა მიხედვით. ჟანა დ'არკს წმინდანების ხმა ესმის, მაკბეტს — კუდიანების, და ეს ყოველთვის ერთი და იგივე ხმაა. ბედისწერა, რომელზე ჩივილიც ასე გვსიამოვნებს, შეიძლება არ იყოს ის, რაც წამის წინ გვეგონა. მას მხოლოდ ის იარაღები აქვს, რომლებსაც ჩვენ თვითონვე ვუწვდით. ის არც სამართლიანია, არც უსამართლო და არასოდეს გამოაქვს განაჩენი. ის, რასაც ღმერთად მივიჩნევთ, მხოლოდ და მხოლოდ შენიღბული მაცნეა. ჩვენი ცხოვრების ზოგიერთ დღეს იგი უბრალოდ გვაფრთხილებს, რომ ახლოვდება საათი, როცა ჩვენი თავი ჩვენვე უნდა განვსაჯოთ.

## XLVI

ისიც სიმართლეა, რომ მეორე რანგის ადამიანები თავიანთ თავს თვითონვე არ განსჯიან. ნამდვილად ასეა, რადგან ისინი უარს ამბობენ იმაზე, რომ შემთხვევამ განსაჯოს. ასეთები თითქმის უცვლელ ბედისწერას ექვემდებარებიან. ეს უკანასკნელი ხომ მხოლოდ მას შემდეგ იცვლება, როცა ადამიანი საკუთარი თავის განსჯას იწყებს. იმის ნაცვლად, რომ მეცვალონ გზად შემოყრილი მოვლენა, ამ უკანასკნელთან პირველივე შესება მათ თვითონვე ცვლის. მეყსეულად იღებენ იმ უბედურების სახეს, რომელზეც თავად გოდებენ, ყოვლად საბრალო და ყოვლად ჩვეულებრივ სახეს. ყველაფერს, რაც ემართებათ, ბედისწერის სუნი უდის. ერთისთვის ეს პროფესიაა, რომელსაც ის გულში იკრავს, მეორისთვის — მეგობრობა, რომელიც კარს უღებს, მესამისთვის — ქალი, რომელსაც ხვდება. მათთვის *შემთხვევა* და *ბედისწერა* იდენტური ტერმინებია. შემთხვევა კი იშვიათად თუ იქცევა ხელშემწყობ ბედისწერად. ყველაფერს, რასაც ჩვენს შიგნით ჩვენივე სულის



ძალმოსილება არ განაგებს, განაგებს მტრული ძა-  
 ლები. დაცარიელებული გული ან გონება ფატალურ  
 გავლენათა რეზერვუარად იქცევა. შექსპირის ოფე-  
 ლია და გოეთეს მარგარიტა ბედისწერამ იმსხვერ-  
 პლა, რადგან ისინი იმდენად მყიფენი აღმოჩნდნენ,  
 რომ მათი თანდასწრებით გაკეთებული ნებისმიერი  
 ჟესტი თვით ბედისწერის ჟესტად იქცეოდა. რამდენ-  
 ნადმე მაინც რომ ჰქონოდათ სოფოკლეს ანტიგონეს  
 ძალა, ნუთუ ეს ქალები ვერ შეცვლიდნენ არათუ მხ-  
 ოლოდ საკუთარ, თვით ჰამლეტის და ფაუსტის ხვე-  
 დრსაც? და ვენეციელ მავრსაც დეზდემონას ნაცვ-  
 ლად კორნელის პოლინა რომ ჰყოლოდა ცოლად,  
 ნუთუ ფიქრობთ, რომ დეზდემონას ბედისწერა ერთი  
 ნამით მაინც გაჭაჭანდებოდა პოლინას ნათელი სი-  
 ყვარულის სიახლოვეში? სად იმალებოდა ბნელი ფა-  
 ტალობა — მათ სხეულში თუ მათ სულში? და თუ სი-  
 მართლეა ის, რომ ზოგჯერ სხეული საკუთარი ძალა-  
 უნარის ზღვარს აღწევს, სულს ხომ მაინც ყოველთ-  
 ვის შეუძლია დამატებითი ძალის გამოძებნა? გულ-  
 დასმით ჩავუკვირდეთ: ადამიანთა უმეტესობისთვის  
 წარმოსადგენია ერთადერთი რეალური ბედისწერა,  
 — ის, რომელიც იტყოდა: „დღეიდან დაწყებული,  
 შენი სული ველარ მომაგრდება და ველარ გაიზრდე-  
 ბა“. მაგრამ არსებობს კი ბედისწერა, რომელსაც  
 ჩვენთან ასეთი ლაპარაკის უფლება ჰქონდეს?

## XLVII

ამავე დროს, სათნოება საკმაოდ ხშირად ისჯება  
 და ზოგჯერ თვით სულის ძალაც კი თავისივე უბე-  
 დურების მოსვლას აჩქარებს. რაც უფრო მეტად გვი-  
 ყვარს, მით მეტ სივრცეს ვუთმობთ კეთილშობილ  
 ქმუნვას. თუმცა ბრძენ ადამიანს უყვარს ამ სივრცის  
 გაზრდა: ის ხომ მშვენიერია!

ჰო, უნდა ვთქვათ, რომ ბედისწერა მუდამ უკუნეთის სიღრმეში არ რჩება. არის მომენტები, როცა მას ყველაზე ნმინდა მსხვერპლი სჭირდება, მსხვერპლი, რომელსაც დღისით-მზისით შეიპყრობს თავისი დიდი და გაყინული ხელებით. ახლახან ვახსენე ტრაგიკული სახელი ანტიგონე და, ალბათ, სწორედ მასზე მეტყვიან: „ხომ ხედავთ: ძლიერი სულის მიუხედავად, ბედისწერამ მაინც იპოვა მსხვერპლი, ამოდ რომ ეძებდით აქამდე...“. ამას ვერ უარვყოფთ. ანტიგონე გულცივი ღმერთის ნადავლია, რადგან ამ ქალს ნებისმიერ სხვა ქალზე სამგზის უფრო ძლიერი სული აღმოაჩნდა. იგი იღუპება, რადგან ბედისწერამ ისეთ ვითარებაში მოახვედრა, როცა მას არჩევანი უნდა გაეკეთებინა სიკვდილსა და იმას შორის, რასაც თვითონვე მიიჩნევდა თავის ნმინდათანმიდა დაძმურ მოვალეობად. იგი უცებ ემწყვდევა სიკვდილსა და სიყვარულს -- ყველაზე უფრო ნმინდა და სრულებით უანგარო სიყვარულს შორის, რაკი საქმე ეხება იმ აჩრდილს, რომელსაც ის ველარასოდეს შეხვდება დედამინაზე. რატომ მიამწყვდევს ამ ქალს ბედისწერა ასეთ მომაკვდინებელ კუთხეში, როგორსაც მის ზურგსუკან ქმნის *სიკვდილი* და *მოვალეობა*? — მხოლოდ იმიტომ, რომ სხვებზე აღმატებული ანტიგონე ხედავს მოვალეობის გადაულახავ ზღუდეს, რომელსაც მისი საბრალო და, ისმენე, ვერ ამჩნევს თვით მაშინაც კი, როცა ამ ზღუდის წინ დააყენებენ. იმ მომენტში, როდესაც ორივენი სასახლის ზღურბლზე დგანან, მათ ირგვლივ ერთი და იგივე ხმები გაისმის. მაგრამ ანტიგონეს მხოლოდ ციდან ჩამოსული ხმა ესმის და სწორედ ამიტომაც კვდება. ხოლო ისმენე არც ეჭვობს, რომ არსებობს კიდევ სხვა ხმა, გარდა იმისა, რომელიც ქვემოდან მოდის, და ამიტომაც ცოცხალი რჩება. ჩაუნერგეთ ანტიგონეს ცოტაოდენი ოფელიასეული ან მარგარიტასეული

უძლურება და ბედისწერა სიკვდილს აღარაფერს ანიშნებს იმ მომენტში, როცა ოიდიპოსის ქალიშვილი კრეონტის სასახლის შესასვლელში გამოჩნდება. ბედისწერა ანტიგონეს მხოლოდ იმიტომ იპყრობს, რომ მას ძლიერი სული აქვს.

ბედისწერა სინამდვილით მოქმედებს. აი, გულმართალი კაცის, გმირის და ბრძენის ნუგეში! ბედისწერა მხოლოდ იმ სიკეთით მეუფებს მათზე, რომლის კეთებას თვითონვე აიძულებს. სხვა ადამიანები ჰგვანან ქალაქებს ას-ასი კარით, საიდანაც ბედისწერა მათში იჭრება ხოლმე. მაგრამ გულმართალი კაცი დაკეტილი ქალაქია, რომელსაც ერთადერთი და ისიც სინათლის კარი აქვს, კარი, რომელსაც ბედისწერა მხოლოდ იმ შემთხვევაში გააღებს, თუკი ზედ სიყვარულს დააკაკუნებინებს. სხვა ადამიანებს იმას უშვრება, რაც მოესურვილება. არადა, თუკი თავისუფალია, ბედისწერას მხოლოდ ცუდის ქმნა სურს. მაგრამ თუ მართალი კაცის დაპყრობა სურს, მაშინ სიკეთის ქმნაც უნდა ინებოს. ასეთ დროს, მარტო ნყვდიადის დახმარებით ველარ შეუტევს. გულმართალი ადამიანი საკუთარი სინათლის თავშესაფარშია და მისი დამარცხება მხოლოდ უფრო ძლიერ სინათლეს თუ ძალუძს. ამ შემთხვევაში, ბედისწერა თავისი მშვენიერებით მსხვერპლს უნდა აღემატოს. ჩვეულებრივ ადამიანებს იგი მწუხარებასა და სხვების უბედურებას შორის აყენებს, მაგრამ გმირსა და ბრძენს მხოლოდ პირად ტანჯვასა და სხვათა ბედნიერებას შორის თუ მოიხელთებს. პირველებზე თავდასხმისას ის ყოველგვარ სიმახინჯეს მიმართავს, ხოლო მეორეებს მხოლოდ ამქვეყნად უმშვენიერეს საგანთა დახმარებით თუ გაუმკლავდება. პირველების სანინაალმდეგოდ უამრავი იარაღი არსებობს, თვით გზაზე აკრეფილი ქვებიც კი. მეორეთა მოსანადირებლად ბედისწერას ერთადერთი

მახვილი აქვს: მსხვერპლისა და მოვალეობის მხურვალე მახვილი. ანტიგონეს ამბავი ამონურავს ბრძენ ადამიანზე ბედისწერის მეუფების მთელ ისტორიას. იესო, რომელიც ჩვენთვის აღესრულება, სოკრატე, რომელიც არ ჩუმდება, მონყალების და, რომელიც ავადმყოფის სასთუმალთან კვდება, უბრალო გამვლელი, რომელიც იღუპება მეორე გამვლელის გადასარჩენად, — თითოეულ მათგანს არჩევანი უნდა გაეკეთებინა და თითოეული ანტიგონეს დიად ჭრილობას ატარებს. რასაკვირველია, მშვენიერი განსაცდელები სინათლეშიც არსებობს და სახიფათოა ბრძენად ყოფნა იმისთვის, ვისაც საკუთარი თავის მსხვერპლად მიტანა აშინებს. თუმცა ვისაც ეს აშინებს, ისინი — როცა საზეიმო საათი დაჰკრავს — სათანადო სიბრძნეს ვერ გამოიჩენენ.

## XLVIII

როცა წარმოვთქვამთ სიტყვას „ბედისწერა“, არ არსებობს ადამიანი, რომელიც ამ დროს რაღაც ბნელს, თავზარდამცემსა და მომაკვდინებელს არ წარმოიდგენდეს. ადამიანთა ფიქრში, *ბედისწერა* მხოლოდ სიკვდილისაკენ მიმავალი გზაა. უმეტეს შემთხვევაში, ის მხოლოდ სახელია, რომელშიც ჯერ კიდევ არმოსულ, თუმცა უკვე გზაში მყოფ სიკვდილს ვგულისხმობთ. ის არის მომავალში წარმოსახული აღსასრული და ცხოვრებაზე დაფენილი სიკვდილის აჩრდილი. „თავის ბედისწერას ვერავინ გაექცევა“, ვამბობთ ჩვენ და ვფიქრობთ მახეზე, გზის მოსახვევში რომ დაუგიათ მოგზაურისთვის. მაგრამ თუ მოგზაური ბედნიერებას ეწევა, მაშინ ბედისწერას ან აღარ ვახსენებთ ან ისე მოვიხსენიებთ, თითქოს უკვე სხვა ღმერთზე ვლაპარაკობდეთ. და მაინც: ნუთუ დაუშვებელია, რომ იმან, ვინც ცხოვრების გზას მი-

უყვება, უბედურებაზე უფრო დიდი და სიკვდილზე უფრო მნიშვნელოვანი ბედნიერება იპოვოს? ნუთუ შეუძლებელია, რომ ისეთ ბედნიერებას გადაეყაროს, რომელსაც ჩვენ ვერ ვხედავთ, რომელიც თავისი ბუნებით უფრო ნაკლებად თვალშისაცემია, ვიდრე უბედურება, და რომელიც, რაც უფრო მალღდება, მით უფრო უხილავი ხდება? თუმცა ამას არავითარ ანგარიშს არ ვუწევთ. თუ ეს რაღაც უბადრუკი შემთხვევაა, მთელი სოფელი, მთელი ქალაქი მოიყრის თავს. მაგრამ თუ ეს არის კოცნა, მშვენიერების სხივი, რომელმაც უნდა დაგვატყვევოს, ან სიყვარულის სხივი, რომელმაც გული უნდა გაგვინათოს, მაშინ ამას არავინ უყურებს. თუმცა ამბორი ისეთივე მნიშვნელოვანი შეიძლება იყოს სიხარულისთვის, როგორც ტრილობა — ტკივილისთვის. ჩვენ სამართლიანად არ განვსჯით, რადგან თითქმის არასოდეს ვაკავშირებთ ბედისწერას ბედნიერებასთან. და თუ უშუალოდ სიკვდილს არ ვუიგივებთ, ესეც იმიტომ, რომ თვით მასზე უფრო დიდ უბედურებას გავუტოლოთ.

## XLIX

მართალია, მე ოიდიპოსის, ჟანა დ'არკის ან აგამემნონის ხვედრზე გელაპარაკებით, მაგრამ თქვენ ამ სამი ადამიანის ცხოვრებას ვერ დაინახავთ, დაინახავთ მხოლოდ უკანასკნელ ბილიკებს, რომლებმაც თითოეული მათგანი თავის აღსასრულამდე მიიყვანა. ალბათ, თქვენთვის აღნიშნავთ კიდევც, რომ არცერთს არ ერგო ბედნიერი ხვედრი, რაკი არცერთი არ მოკვდა ბედნიერი სიკვდილით. მაგრამ ნუ გავინყდებათ, რომ სიკვდილი არასოდეს არ არის ბედნიერი იმათ თვალში, ვინც ჯერ არ კვდება. არადა, ჩვენ სწორედ ისე ვმსჯელობთ, თითქოს სიკვდილი ყველაფერს ნთქავდეს. და თუ ოცდაათწლიან ბედ-

ნიერ ცხოვრებას შემთხვევითი სიკვდილი წყვეტს, ოცდაათივე წელი მწუხარების წყვდიადში დანთქმულად გვესახება.

## L

ამ გზით, ბედისწერას სულ ტყუილუბრალოდ ვუკავშირებთ სიკვდილს თუ უბედურებას. როდის უკუვავდებთ იდეას, რომ სიკვდილი უფრო მნიშვნელოვანია, ვიდრე სიცოცხლე? მავანის ხვედრის ანონ-დანონისას, რატომ ვუყურებთ მას ყოველთვის მხოლოდ ცრემლების და არასოდეს — ღიმილის მხრიდან? ვინ გვითხრა, რომ სიცოცხლე სიკვდილის დახმარებით უნდა შევაფასოთ და არა პირიქით? ვწუხვართ სოკრატეს, დუნკანის<sup>21</sup>, ანტიგონეს, ჟანა დ'არკის და სხვა არაერთი მართალი ადამიანის ხვედრის შემხედვარენი, რაკილა მათი აღსასრული მოულოდნელი ან სასტიკი იყო, და ჩვენთვის აღვნიშნავთ, რომ სიბრძნე თუ სათნოება უბედურებას ვერ უმკლავდება. მაგრამ, ჯერ ერთი, თქვენ არც ბრძენი ყოფილხართ და არც სამართლიანი, თუ სიბრძნეში და სამართლიანობაში სხვა რამეს ეძებთ, საკუთრივ სიბრძნისა და სამართლიანობის გარდა. მეორეც, საკითხავია: რა უფლებით ვახდენთ ადამიანის მთელი არსებობის ფოკუსირებას მაინცდამაინც სიკვდილის წამში? რატომ მეუბნებით: ანტიგონეს და სოკრატეს სიბრძნე-სათნოებამ ეს ადამიანები გააუბედურა, რაკი ორივეს უბედური აღსასრული წილხვდაო? არადა, ბრძენზე საუბარი მისი დაბადების წუთიდან უნდა დაგეწყოთ. ჩვენ ბედნიერებს ან უბედურებს სწორედ ის გვხდის, რასაც დაბადებიდან სიკვდილამდე ვიქმთ. ადამიანის ბედნიერება-უბედურება და ჭეშმარიტი ხვედრი მის გარდაცვალებამდე განვლილ დღეებშია საძებნი.

ცოცხალი არ იყოს, ისე ვმსჯელობთ, თითქოს ბრძენ ადამიანს (რომლის საშინელი სიკვდილის ამბავი მათიანემ გადმოგვცა) ისე გაეტარებინოს თავისი არსებობა, რომ ძნელი განსაჭვრეტი არ უნდა ყოფილიყო მისი ნაღვლიანი ფინალი. სინამდვილეში კი, ბრძენს გაცილებით ნაკლებად ანუხებს სიკვდილის იდეა, ვიდრე მავან უკეთურს. სოკრატეს მაკბეტივით არ ეშინოდა, ყველაფერი ცუდად დასრულდებაო. და თუ ყველაფერი ცუდად მთავრდება, ეს ყოველგვარ მოლოდინს ენინაალმდეგება, და სოკრატესაც ისე არ გაუტარებია ცხოვრება, რომ კავდორის თენივით წინდანინ მომკვდარიყო. თუმცა ძალზე ხშირად სადღაც სიღრმეში გვგონია, რომ სულ რამდენიმე საათით პირგახსნილი ჭრილობა მთელი დანარჩენი ცხოვრების მშვიდობას აქარწყლებს.

## LI

მე არ ვამბობ, რომ ბედისწერა სამართლიანია, ანუ კეთილებს აჯილდოვებს და ბოროტებს სჯის. რომელ სულს დაერქმეოდა კეთილის სახელი, ჯილდო რომ გარანტირებული იყოს? მაგრამ ჩვენ თვით ბედისწერაზე უფრო უსამართლონი გამოვდივართ, რაკი მას განვსჯით. ბრძენ ადამიანს მხოლოდ უბედურების კუთხით ვხედავთ, ყველაფერი ვიცით ამ უკანასკნელის შესახებ, მაგრამ არაფერი ვუნწყით მის ბედნიერებაზე, რადგან ზუსტად ისეთივე ბრძენი ან ისეთივე გულმართალი უნდა ვიყოთ, რომ მისი ბედნიერება შევიცნოთ.

როცა სულმდაბალი ადამიანი ბრძენკაცის ბედნიერების ანონას ცდილობს, ეს უკანასკნელი ნყალივით ეღვრება თითებშუა. მეორე ბრძენის ხელებში კი იგივე ბედნიერება ოქროსავით მკვრივი და მბრწყინავი ხდება. ბედნიერების გარდა, სხვა არაფერი

გვაქვს, რის გაგებასაც შეეძლებდით. ხშირად ხდება, რომ ბრძენის უბედურება სხვა ადამიანის უბედურებას ჰგავს, აი, მის ბედნიერებას კი არაფერი აქვს საერთო იმასთან, რასაც არაბრძენი „ბედნიერებას“ უწოდებს. ბედნიერებაში გაცილებით უფრო მეტი უცნობი მინაა, ვიდრე უბედურებაში. უბედურებას მუდამ ერთი და იგივე ხმა აქვს, ბედნიერება კი მით უფრო ნაკლებად ხმაურობს, რაც უფრო ღრმავდება.

როდესაც უბედურებას სასწორის ერთ თასზე ვდებთ, თითოეული ჩვენგანი მეორე თასზე დებს იმ იდეას, თვითონვე რომ შეუქმნია ბედნიერების შესახებ. ველური ადამიანი ამ თასზე დადებდა ალკოჰოლს, დენტსა და ბუმბულებს, ცივილიზებული კაცი — ცოტაოდენ ოქროს და ზარხოშის რამდენიმე დღეს, ბრძენი კი — უამრავ ისეთ რამეს, რაც თვალთ არ ჩანს, შესაძლოა — მთელ თავის სულს და მის მიერვე განწმენდილ უბედურებასაც კი.

## LII

არაფერია ბედნიერებასავით სამართლიანი, არაფერია, უფრო ერთგულად რომ იღებდეს ჩვენი სულის ფორმას, უფრო ზედმინევნით რომ ავსებდეს სიბრძნის მიერ მისთვის გახსნილ სივრცეებს. თუმცა, ამასთანავე, არაფერია ბედნიერებასავით უხმო. მნუხარების ანგელოზი ყველა ენაზე ლაპარაკობს და ყველა სიტყვა იცის, ბედნიერების ანგელოზი კი მხოლოდ მაშინ აღებს პირს, როცა ისეთ ბედნიერებაზე უნდა ილაპარაკოს, თვით ველურიც რომ გაიგებდა. უბედურებამ თავისი ბავშვობა რამდენიმე საუკუნის წინ დატოვა, ბედნიერებას კი თითქოს ისევ თეთრ სახვევებში ძინავს.

რამდენიმე ადამიანმა ბედნიერებას მიაგნო, მაგრამ სად არიან ისინი, რომლებიც ამ თავის ნეტარე-



ბაში მათი სულის გამცისკროვნებელი მთავარანგელოზის მაგივრად ილაპარაკებენ? საიდან მოდის ეს უსამართლო დუმილი? ბედნიერებაზე ლაპარაკი ხომ ცოტათი მის სწავლებასაც ჰგავს? მისი სახელის ყოველდღიური ხსენება ხომ მისი მოხმობაა? და განა ბედნიერთა ერთ-ერთი მშვენიერი მოვალეობა ის არ არის, რომ სხვებსაც ასწავლონ ბედნიერად ყოფნა? ეჭვი არაა, ჩვენ ამას ვსწავლობთ და არაფერი ისე იოლად არ ისწავლება, როგორც ბედნიერება. თუ თქვენ იმ ადამიანთა შორის ცხოვრობთ, რომლებიც საკუთარ არსებობას ლოცავენ, თქვენც მალევე დალოცავთ თქვენსას. ღიმილი ისევე გადამდებია, როგორც ცრემლები, „ბედნიერად“ კი ზოგ ეპოქას ხშირად მხოლოდ იმიტომ მოიხსენიებენ, რომ იმ დროს მცხოვრები ზოგიერთი ადამიანი თავს ბედნიერად გრძნობდა. როგორც წესი, ჩვენ ბედნიერება კი არ გვაკლია, არამედ *ბედნიერების მეცნიერება*. არაფერია შეძლებისდაგვარად ბედნიერად ყოფნა, თუ ამას არ ვაცნობიერებთ. ხოლო უმცირესი ბედნიერების შეგნება უფრო მეტს ნიშნავს ჩვენი ნეტარებისთვის, ვიდრე თვით უდიდესი ბედნიერება, რომელსაც ჩვენი სული უყურადღებოდ ტოვებს. ძალიან ბევრ ვინმეს წარმოუდგენია, რომ ბედნიერება რალაც სხვა რამეა და არა ის, რაც მათ უკვე აქვთ. ამიტომაც იმათ, ვინც მას უკვე ფლობს, უპრიანია გვიჩვენონ, რომ ისეთს არაფერს ფლობენ, რასაც თითოეული ადამიანი საკუთარ გულში არ ატარებს.

ბედნიერად ყოფნა ნიშნავს, რომ უკან გქონდეს ჩამოტოვებული ბედნიერების მოუსვენრობა. საჭიროა, რომ შესაშური, გაცისკროვნებული, ზეადამიანური ხვედრით დაჯილდოებულმა ადამიანმა დროდადრო უბრალოდ გვითხრას: „მე მივიღე ყველაფერი, რასაც თქვენი სურვილები დღიდან დღემდე უხმობენ. მაქვს სიმდიდრე, ჯანმრთ-

ელობა, სიჭაბუკე, დიდება, ძალა და სიყვარული. დღეს შემიძლია ვთქვა, რომ ბედნიერი ვარ. არა იმ საჩუქრების გამო, რაც იღბალმა ჩემთვის გაიმეტა, არამედ იმით, რომ ამ ძღვენმა თვით ბედნიერებაზე უფრო მალლა ხედვა მასწავლა. ჩემს საოცარ მოგზაურობებში, გამარჯვებებში, ძალასა და სიყვარულში მშვიდობა და ნეტარება ვიპოვე, რადგან ამ ყველაფერმა მასწავლა, რომ ჭეშმარიტი მშვიდობა და ნეტარება თვით მათში არ ძევს. ყველა ეს გამარჯვება თავდაპირველად მხოლოდ ჩემში არსებობდა, მათი განხორციელების შემდეგაც ისევდაისევ ჩემშია და ვიცი, რომ ცოტა მეტი სიბრძნე რომ მქონოდა, ეს ყველაფერი მაინც დამრჩებოდა, ოღონდ — ამდენი ბედნიერების გარეშე. ჰოდა, დღეს კიდევ უფრო ბედნიერი ვარ, ვიდრე გუშინ ვიყავი, რადგან ახლა უკვე ვიცი, რომ ბედნიერებას აღარ ვსაჭიროებ იმისთვის, რომ სული გავითავისუფლო, ფიქრი დავიმშვიდო და გული გავინათო.“

### LIII

ბრძენმა ადამიანმა ეს ისეც იცის, ზეადამიანური ბედნიერებისგან სწავლებას აღარ საჭიროებს. ეს იცის გულმართალმაც, მიუხედავად იმისა, რომ ნაკლებად ბრძენია და ცნობიერებაც ნაკლებ განვითარებული აქვს. აღსანიშნავია, რომ სამართლიანი ან კეთილი საქციელი მის ჩამდენს უყალიბებს ერთგვარ დაუნანევრებელ, ღრმა აზროვნებიდან მომდინარე შეგნებაზე უფრო ქმედით, უფრო თავდადებულ, უფრო დედობრივ თვითშეგნებას, განსაკუთრებით კი — ბედნიერების სპეციფიკურ ცნობიერებას. უმაღლესი კატეგორიის აზრები თითქმის ყოველთვის ბუნდოვანი და ცვალებადია და შეიძლება ამოოდაც დაშვრნენ. კეთილისმქმნელი ქმედება კი მყარია და

პერმანენტული. ღრმა აზრი რამდენადმე დეკორატიულია, ხოლო გულმონყალების აქტი თუ პეროიკული ვალის აღსრულება თვითშეგნებიდან მოდის, ანუ მოქმედებაში მყოფი ბედნიერებაა. მარკუს ავრელიუსი, რომელიც მომაკვდინებელ შეურაცხყოფას პატიობს, ვოშინგტონი, რომელიც პოსტიდან მიდის, როდესაც მისი დიდება სადაცაა მისივე ხალხის ცდომილების წყაროდ უნდა იქცეს, და ვინმე საზიზღარი და მანკიერი ადამიანი, რომელიც შემთხვევით აღმოაჩენს გრავიტაციის დიდ კანონს, — ყველა ესენი ერთნაირად ბედნიერები ვერ იქნებიან.

არსებობს გრძელი გზა, რომლის ნაპირებს ხეთა მწკრივივით მიუყვება ზამთრის არმოშიში მარტოხელა სიხარულები, წყურვილმოკლული გულის წყურვილმოკლული აზროვნება. ბედნიერება არის მცენარე, რომლის ფესვები გაცილებით მეტად არის გადგმული სულიერ ცხოვრებაში, ვიდრე ინტელექტუალურში. ცნობიერება და, განსაკუთრებით, ბედნიერების ცნობიერება თავის საუკეთესო საუნჯეს მეტწილად აზროვნებაში არ მაღავეს. ის კი არა, სათნოების ამა თუ იმ კონკრეტული აქტის გაუვლელად, ზოგჯერ აზროვნების ყველაზე მაღალი და ყველაზე მანუგეშებელი მხარეებიც კი ვერ ყალიბდებიან თვითშეგნებად. საკმარისი არ არის ახალი ჭეშმარიტების აღმოჩენა იდეების თუ ფაქტების სამყაროში. ჭეშმარიტება ჩვენთვის მხოლოდ იმ მომენტიდან ცოცხლდება, როცა ჩვენს სულში რაღაცას გადაასხვაფერებს, განწმენდს, შეარბილებს. შინაგანი სრულქმნა: — აი, რა არის თვითშეგნების ჭეშმარიტი არსი, მისი უმნიშვნელოვანესი აქტივობა. არიან ძალზე გონიერი ადამიანები, რომლებიც თავიანთ გონიერებას არასოდეს ახმარენ შეცდომის აღმოჩენას ან ლმობიერების გრძნობის ნაქეზებას. ეს უფრო ხშირად ქალებში ხდება. ერთნაირი ინტელექ-

ტუალური ძალმოსილების მქონე ქალისა და მამაკაცის შემთხვევაში, ქალი გაცილებით ნაკლებად ახმარს ამ ძალმოსილებას საკუთარ თვითშეგნებას. მართლაც: აზროვნება, რომელიც თვითშეგნებისკენ არ მიდის, თითქოს სიცარიელეში მოქმედებს. ჩვენი ტვინის მთელი ძალმოსილება, რომელიც მეყსეულად არ გროვდება ჩვენივე გულის უწმინდეს ლარნაკებში, ნამდვილად შეიძლება ნახდეს და დაიკარგოს. ყველა შემთხვევაში, ეს ძალმოსილება ბედნიერებას არ ხმარდება, პირიქით — ეგების წყალს უბედურების წისქვილზეც კი ასხამს. შესაძლოა, მავანს ერთობ მაღალი და ძალუმი აზროვნება ჰქონდეს, მაგრამ ბედნიერებას მაინც ვერასოდეს მიაგნოს. მაგრამ შეუძლებელია, რომ ნაზი, წმინდა და კეთილი სულის ადამიანს უბედურების მეტი არაფერი განეცადოს. ისიც სიმართლეა, რომ აზროვნებისა და თვითშეგნების საზღვრები ყოველთვის ისე მკაფიოდ გამიჯნული არ არის, როგორც აქ აღვნიშნავთ, და რომ ხშირად მშვენიერი აზრიც თავისთავად კარგი საქმეა. მაგრამ ისიც ფაქტია, რომ მშვენიერი აზრი, რომელიც კეთილშობილი ქმედებიდან არ მოდის ან თვითონვე არ შობს მას, ბევრს ვერაფერს გვმატებს. აი, კეთილი საქციელი კი, თუნდაც არავითარ აზრს არ დაუდოს სათავე, კეთილისმქმნელი წვიმასავით მუდამ გამოგვიცოცხლებს ხოლმე ბედნიერების განცდას.

## LIV

„უარი უნდა თქვა ბედნიერებაზე, რომ აქამდე მიხვიდე! — შესძახა რენანმა მარკუს ავრელიუსის განდგომილებაზე საუბრისას. — ვერასოდეს გავიგებთ იმას, რითაც ეს საბრალო გული იტანჯებოდა, რა სიმწარესაც ეს ფერმკრთალი, ყოველთვის

მშვიდი და თითქმის მომღიმარი შუბლი მალავდა. რასაკვირველია, ბედნიერებასთან დამშვიდობება სიბრძნის დასაწყისია და კვლავ ბედნიერების პოვნის უსანდოესი გზა. არაფერია უფრო საამო, როგორც სიხარულის დაბრუნება მასზე უარის თქმის შემდეგ; არაფერია უფრო ცოცხალი, ღრმა, მომხიბლავი, როგორც აღტაცება განხიბლულისა.“

ასე აღწერს ერთი ბრძენი მეორეს. და მაინც: ნუთუ რენანის და მარკუს ავრელიუსის ბედნიერება მხოლოდ სიხარულის დაბრუნებასა და განხიბლულის აღტაცებაში მდგომარეობს? ასე რომ ყოფილიყო, მაშინ ნაკლები სიბრძნე უნდა ვარჩიოთ — ნაკლებად განვიხიბლებით. მაგრამ მაინც რა სურს სიბრძნეს, რომელიც თავის თავს განხიბლულად აცხადებს? რას ეძებს, თუ არა ჭეშმარიტებას, და როგორია ეს ჭეშმარიტება, რომელმაც ასე დაანგრია წრფელ გულში თვით ჭეშმარიტების სიყვარული?

თუ ჭეშმარიტება გასწავლით, რომ ადამიანი ბოროტია, ბუნება — უსამართლო, სამართლიანობა — უსარგებლო, სიყვარული კი — უძლური და თუ, იმავდროულად, არ ჩაგაგონებთ უფრო დიდ ჭეშმარიტებასაც, რომელიც წინა ჭეშმარიტების ხელით ჩამქრალ ათას ეფემერულ სინათლეზე უფრო კაშკაშა და უფრო დღეგრძელ სინათლეებს აანთებს, მაშინ უნდა აღიაროთ, რომ ის თქვენ არაფერს გასწავლით. ჭეშმარიტებას საზღვრები არ აქვს და ამიტომ სიბრძნესაც არასოდეს არა აქვს უფლება ქედმაღლობის პირველივე გზაჯვარედინზე გაშალოს განხიბვლისა და განდგომილების პატარა საბრალო კარავი. ეს ხომ გაუგონარი და საკმაოდ მყიფე ქედმაღლობაა: თავი დაკმაყოფილებულად გამოვაცხადოთ იმით, რომ ამქვეყნად ვერაფერი გვაკმაყოფილებს! ამგვარი კმაყოფილება სხვა არაფერია, თუ არა უკმაყოფილება, რომელსაც ფეხზე ნამოდგომის და-

ლაც კი აღარ აქვს, უკმაყოფილება კი, არსებითად, გაგების უსურვილობას ნიშნავს.

როცა ადამიანი წარმოიდგენს, რომ ბედნიერებაზე უარის თქმა მისი მოვალეობაა, განა ამ დროს ისეთ რამეზე არ ამბობს უარს, რაც ჯერ კიდევ *ბედნიერება* არ არის? და, გარდა ამისა, მაინც რომელ ბედნიერებებს უნდა დავემშვიდობოთ იმ დამშვიდობებით, რომელსაც ასე აკლია სისადავე? რა თქმა უნდა, ნამდვილად უნდა მოვერიდოთ ყოველგვარ ბედნიერებას, რომელსაც სხვებისთვის ცუდი მოაქვს. მაგრამ რამდენად შესაძლებელია, რომ ბრძენმა ადამიანმა ხანგრძლივად იხაროს სხვებისთვის ცუდის მომტანი ბედნიერებით? მან ხომ, არსებითად, დაკმაყოფილების სხვა, აღმატებული ნყაროები შეიცნო...

ნურასოდეს გავიზიარებთ ისეთ სიბრძნეს და ისეთ ბედნიერებას, რაღაცის ზიზღს რომ ეფუძნება. ზიზღი და განდგომილება — ზიზღის ხეიბარი ვაჟი — მხოლოდ მოხუცებისა და სუსტების თავშესაფარს გვთავაზობენ. ჩვენ მხოლოდ მაშინ გვექნებოდა სიხარულის შეზიზღების უფლება, თუ ისიც კი აღარ გვეცოდინებოდა, რომ *გვეზიზღება*. მაგრამ რამდენადაც ზიზღმა თუ განდგომამ თავისი სიტყვა უნდა თქვას ან აზრი მაინც აგვიმოძრაოს გულის სიღრმეში, ამდენად, ჯერ კიდევ გვჭირდება ის სიხარული, რომელიც უარყავით.

ვერიდოთ სულში სათნოების ზოგიერთი პარაზიტის შეშვებას. განდგომილება ხომ ხშირად პარაზიტია და სხვა არაფერი. თვით მაშინაც, როცა არ გვასუსტებს, შინაგან ცხოვრებას მაინც გვიფორიაქებს. როცა რომელიმე პატარა ცხოველი სკაში შეიპარება, ფუტკრები ერთიანად წყვეტენ მუშაობას. სწორედ ასევე, როდესაც სულში ზიზღი ან განდგომილება შემოდის, ამ სულის ყველა ძალა და სათნოება თავ-

თავის საქმიანობას წყვეტს, რათა ქედმაღლობის ხელით მოყვანილ საგანგებო სტუმარს გარშემო-ერტყას. რადგან იმდენად, რამდენადაც ადამიანმა იცის, რას განუდგა, ამ განდგომილების სიხარულიც მეტწილად ქედმაღლობიდან იშვება. მართლაც, თუ რამეს უნდა განვუდგეთ, უნინარეს ყოვლისა — ქედმაღლობის ბედნიერებას, ყველაზე მაცდურსა და ყველაზე ცარიელს.

## LV

რაოდენ ხელსაყრელია და, იმავდროულად, რაოდენ დაცლილი ყოველგვარი გაბედულებისა და ენერჯისგან დაცლილი ეს „ხიბლი“! მაგრამ რა ვუნოდოთ კაცს, რომელიც უარს ამბობს ბედნიერებაზე და ურჩევნია დღესვე დაკარგოს ეს ბედნიერება იმის შიშით, ვაითუ ხვალ დაკარგო შემთხვევის ნებით? ნუთუ სიბრძნის ერთადერთი დანიშნულება ისაა, რომ უსმინოს გაურკვეველ მომავალში გახმიანებულ ნაბიჯებს იმ ტანჯვისა, რომელიც შეიძლება არც კი მოვიდეს, და არ მიაყურადოს ბედნიერების ფრთების ფართქუნს, დღესვე რომ ავსებს მთელ სივრცეს?

ვეძებოთ ჩვენი ბედნიერება განდგომილებაში მაშინ, როდესაც სხვაგან ველარსად ვპოულობთ. ადვილია ბრძენობა, როცა იმ ბედნიერებით კმაყოფილდები, რომელსაც ბედნიერების არარსებობაში პოულობ. მაგრამ ბრძენი იმისთვის არ შექმნილა, რომ უბედური იყოს. უფრო დიდებულია და უფრო ადამიანური, რომ ბრძენად დარჩე თვით ბედნიერებაში. სიბრძნის უზენაესი მიზანიც ისაა, რომ ცხოვრებაში ბედნიერების მყარი ნერტილი იპოვოს. მაგრამ ამ ნერტილის ძებნა განდგომილებაში და სიხარულზე უარის თქმაში, ეს იგივეა, რაც მისი ძებნა სიკვდილში. იოლია საკუთარი თავის ბრძენად მიჩნევა, როცა

ადგილიდან არ ვიძვრით. მაგრამ ნუთუ ადამიანი იმისთვის შეიქმნა, რომ გაუნძრევლად იყოს? უნდა ამოვირჩიოთ: სიბრძნე ან ჩვენი მისწრაფებებისა და გრძნობების, მთელი ჩვენი აზრებისა და სურვილების საპატიო მეუღლე უნდა იყოს ან კიდევ, სიკვდილის მელანქოლიური საცოლე. ჯობს უძრავი სიბრძნე საფლავს გადავუნახოთ, სხვაგვარი სიბრძნე კი — იმ სახლს, რომელშიც კერია ჯერ კიდევ ღვივის.

## LVI

გარემომცველ ბედნიერებებზე უარის თქმა კი არ გვაბრძენებს, პირიქით: დაბრძენებასთან ერთად ჩვენდაუნებურად უკუვაგდებთ იმ ბედნიერებებს, რომლებიც ჩვენამდე ველარ მალღებთან. ასე ტოვებს ხოლმე ზრდაში წასული ბავშვი ძველ სათამაშოებს: ველარ ართობს და იმიტომ. და როგორც ეს ბავშვი ზოგიერთ რამეს თამაშით უკეთ ითვისებს, ვიდრე სავალდებულო მეცადინეობით, ასევე სიბრძნეც უფრო სწრაფად მიაბიჯებს ბედნიერებაში, ვიდრე უბედურებაში. უბედურებისეული გაკვეთილები სულის მხოლოდ ერთ რომელიღაც ნაწილს ანათებენ. და ის, ვინც უბედურებამ დააბრძენა, ჰგავს მიჯნურს, რომლის სიყვარულიც უპასუხოდ დატოვებს. ასეთ კაცს არ ეცოდინება სიბრძნეში ის, რაც მიჯნურს არ ეცოდინება თავის უიღბლო სიყვარულში.

„ნამდვილად იმდენი სიხარულია ბედნიერებაში, რამდენსაც საერთოდ მიაწერენ?“ — ჰკითხა ერთხელ ორ ბედნიერ სულს ხანგრძლივი უსამართლობით ცოტა არ იყოს დანაღვლიანებულმა ფილოსოფოსმა. არა, მთლად ასეც არ არის. ბედნიერება ერთდროულად მეტად შესაშურიც არის და ნაკლებადაც. ის ხომ სრულებით სხვა რამეა, ვიდრე ისინი ფიქრობენ, ვინც არასოდეს ყოფილა ბოლომდე ბედნიერი. მხიარუ-



ლად ყოფნა ისევე არ ნიშნავს ბედნიერებას, როგორც ბედნიერება არ ნიშნავს მუდმივ მხიარულებას. აქ მხოლოდ პატარ-პატარა სიხარულებია, რომლებიც ილიმებიან და თვალებს ამ ღიმილის დამთავრებამდე ხუჭავენ. მაგრამ განსაზღვრულ სიმაღლეზე მყოფი მუდმივი ბედნიერებაც არანაკლებს ინონის, ვიდრე კეთილშობილი სევდა. ბრძენი ადამიანები გვასწავლიან, რომ არ გვმართებს ბედნიერად ყოფნა, რათა მას დღემუდამ მიველტვოდეთ. მაგრამ თუ ბრძენი არასოდეს ყოფილა ბედნიერი, საიდან ეცოდინება, რომ სიბრძნე ერთადერთი რამაა, რაც ბედნიერების დროს არც სევდიანდება და არც ილლება? ბედნიერებასთან ნაზიარებმა მოაზროვნეებმა უფრო ინტიმურად შეიყვარეს სიბრძნე, ვიდრე იმათ, ვინც უბედურებაში იცხოვრა. ის სიბრძნე, რომელსაც უბედურებისა სწამს, დიდად განსხვავდება მეორე სიბრძნისგან, რომელიც ბედნიერების წიაღში ვითარდება. პირველი ბედნიერებაზე ლაპარაკით გვანუგეშებს, მეორე კი მხოლოდ თავისივე თავზე ლაპარაკობს. უბედური ადამიანის სიბრძნის სამიზნე ბედნიერებაა, ბედნიერის კი — ისევდაისევ სიბრძნე. თუ სიბრძნის მიზანი ბედნიერების პოვნაა, მაშინ მხოლოდ ბედნიერად ყოფნის ძალით მოვიპოვებთ ცოდნას, რომ ეს მიზანი საკუთრივ სიბრძნეშია.

## LVII

გზად შეხვედრილი პირველივე სული ბედნიერების სავანე ვერ იქნება. ბედნიერებას ისევე სჭირდება გამბედაობა, როგორც უბედურებას. ეგებ ბედნიერების გაგრძელება მეტ ძალასაც კი საჭიროებს, ვიდრე უბედურად დარჩენა, რადგან ჯერარარსებულის მოლოდინი გულს მეტ სიხარულს აძლევს, გულს, რომელსაც ნანატრ-ნასურვების მხოლოდ

მთლიანად დაუფლება თუ აბრძენებს. მხოლოდ უწყვეტი ბედნიერების მწვერვალიდან ჩანს ამ გულის სურვილები, გულის, რომელიც თითქოს მხოლოდ შიშით და იმედით იკვებება და რომელიც ასე ცუდად იკვებება იმით, რაც აქვს, — თვით მაშინაც კი, როცა ყველაფერი აქვს.

ხშირად ვხედავთ ბედნიერებისგან დამარცხებულ ძლიერ და ზნეობრივი კეთილგონიერებით აღსავსე ადამიანებს. რაკი ბედნიერებაში ვერ იპოვეს ყველაფერი, რასაც ეძებდნენ, ისინი ამ ბედნიერებას არც ისე იცავენ და არც ისე ენერგიულად ინარჩუნებენ, როგორც ამას ცხოვრება მოითხოვს. ო, ნამდვილად ბრძენი უნდა იყო და აღარ გაგიკვირდება, რომ ბედნიერებას სევდაც მოაქვს ხოლმე. თუმცა ნურც ეს სევდა გადაგვხრის აზრისკენ — როგორც ჩანს, ჯერჯერობით ნამდვილად ბედნიერი მაინც არ ვართო! ბედნიერებაში საუკეთესო ხომ ის თვალსაჩინოებაა, რომ ბედნიერება კი არ გათრობს, არამედ გაფიქრებს. ბედნიერება უფრო მისაწვდომი ხდება და უფრო ხშირად გვსტუმრობს მას შემდეგ, რაც გავიგეთ, რომ ერთადერთი ნიჭი, რომლითაც ის საამისოდ მზადყოფნა სულს მოსავეს, ესაა ცნობიერების გაფართოების ნიჭი, რომელსაც სული სხვაგან ვერსად მოიპოვებდა. ადამიანის სულისთვის ბედნიერების ფასის ცოდნა უფრო მნიშვნელოვანია, ვიდრე მისით დატკობა. ბევრი რამის ცოდნაა საჭირო იმისთვის, რომ ეს მდგომარეობა ხანგრძლივად გიყვარდეს. კიდევ უფრო მეტი უნდა იცოდე იმის მისახვედრად, რომ უქარიშხლო ბედნიერების მყარი და ურყევი ნაწილი მხოლოდ და მხოლოდ ჩვენი ცნობიერების სიღრმეში მყოფი ძალაა, რომელსაც შეუძლია ბედნიერი გვამყოფოს თვით შუაგულ უბედურებაშიც კი. თქვენს თავს მანამდე ვერ უწოდებთ ბედნიერს, სანამ ბედნიერებას იმსი-

მალღებე არ აუყვანიხართ, საიდანაც მზერა უსასრულობაში იკარგება, თუმცა, იმავდროულად, არ იკარგება თვით სიცოცხლის სურვილი.

## LVIII

ჩვენ ვიცნობთ მარადიულის, უსასრულოსა და საყოველთაოს დიადი გრძნობით გამსჭვალულ ღრმა მოაზროვნეებს — პასკალს, ჰელოს, შოპენჰაუერს, რომლებიც არ ტოვებენ ბედნიერი ადამიანების შთაბეჭდილებას. მაგრამ შევცდებოდით, თუ წარმოვიდგენდით, რომ კაცობრიული სევდის გამოხატვა ყოველთვის პირად სასონარკვეთასაც გულისხმობს. არაინსტინქტური, არაეგოისტური, არაულიმდამო აზრის სიმაღლიდან განჭვრეტილი ადამიანური ტრაგედიის თვალსაწიერი, არსებითად, ხილული ბუნების თვალსაწიერს ჰგავს. ყოველივეს შემდეგ, დიდი მნიშვნელობა არა აქვს ჰორიზონტის თავზე მოსრიალე ღრუბლების შეფერილობას — პირქუშია ის თუ ნათელი. მოგზაურს ის ამშვიდებს, რომ ისეთ სიმაღლეზე ავიდა, საიდანაც დაუსაზღვრავი სივრცე იშლება. აუცილებელი არ არის, რომ თეთრმა აფრებმა განუწყვეტლივ ისრიალონ ტალღებზე, ვინძლო ზღვა საკვირველი და იღუმალებით აღსავსე გვეჩვენოს. და დღევანდელი შტორმიც ისევე ვერ გვისუსტებს სულის ცხოვრებას, როგორც წყნარი და ნათელი დღე. აი, ჩვენი პანია, სულმოკლე, დავრდომილი, ფარღალალა აზრების ოთახში გამოკეტვა კი სულს სწორედაც რომ გვიდუნებს. და ეს მაშინ, როცა ჩვენი საბინადროს ირგვლივ გაბრდღვიალებული ცა და ოკეანე გადაშლილა!

მაგრამ, ალბათ, არის სხვაობა მოაზროვნესა და ბრძენს შორის. ისეც ხდება, რომ მწვერვალებზე ასულ მოაზროვნეს სევდა შეიპყრობს, ბრძენს კი

იქ ისე ბუნებრივად და ადამიანურად ელიმება, რომ მთის ძირში ყვავილივით ჩამოვარდნილ ამ ღიმილზე თითქოს მის ყველაზე უფრო მოკრძალებულ თანამოძმესაც მიუწვდება ხელი. მოაზროვნე ხსნის „ხილულიდან უხილაისკენ მიმავალ გზას“, ბრძენი კი — გზას, რომელიც იმას, რაც დღეს გვიყვარს, აკავშირებს იმასთან, რაც ხვალ უნდა შეგვიყვარდეს. ეს ის ბილიკებია, რომლებიც იქიდან, რაც დღეს აღარ გვანუგეშებს, ადის იქითკენ, სადაც კიდევ ხანგრძლივი ნუგეში გველის. აუცილებელია, მაგრამ არასაკმარისი, რომ ადამიანზე, ღმერთზე, ბუნებაზე ცოცხალი და გაბედული მოსაზრებები გვექონდეს. ან რას წარმოადგენს ღრმა აზრი, რომელსაც ნუგეში და თანადგომა არ მოაქვს? ზოგიერთი ისეთი აზრისა არ იყოს, ჯერ ჩვენს ყოველდღიურობაში რომ არ გამჯდარა, — ამ „ღრმა აზრსაც“ ხომ მოაზროვნე ჯერჯერობით მთლიანად ვერ ფლობს? უფრო იოლია დაღონება და ამ დაღონებაში ჩარჩენა, ვიდრე დაუყოვნებლივ ნაბიჯის გადადგმა, რაც გარკვეული ხნის შემდეგ ყოველთვის დაღონებიდან გასვლით მთავრდება. უფრო იოლია ღრმა ჩანდე შენს უნდობლობასა და ნყვდიადში, ვიდრე იმ ნდობასა და ნრფელ ნათელში, სადაც ადამიანებმა უნდა იცხოვრონ. ვართ კი დარწმუნებული იმაში, რომ, მთელი ადამიანური საძმოს სახელით, მაქსიმალურად ჩავუღრმავდით ცხოვრების სევდას? ნუთუ აზროვნების ბოლო საფეხური ისაა, რომ იაზროვნო, ნუგეშით კი ვერავინ ანუგეშო? მხოლოდ იმას კი ნუ მეუბნებით, რატომ ჩივიხართ, — ჯობს მარტივად გამაგებინოთ თქვენი უფრო ღრმა და უფრო ძალუმი მოტივები, რომელთა გამო ინსტინქტურად არ უკუაგდებთ თქვენსავე მიერ „გასაჩივრებულ“ არსებობას.

რომელი ჩვენგანი არ ხედავს — ყოველგვარი ძებნის გარეშე — უამრავ მიზეზს იმისთვის, რომ

თავი ბედნიერად ვერ იგრძნოს? ჰოდა, ბრძენმაც ამ მიზეზებს შორის უმაღლესები უნდა მიგვითითოს, რადგან ასეთები ყველაზე ახლოს დგანან იმ ნერტილთან, სადაც საპირისპიროთი უნდა შეიცვალოს, ანუ, ბოლოს და ბოლოს, თავი ბედნიერად გვაგრძნობინონ. ეგაა, ყველა ის მიზეზი, რომლებიც სიდიადისა და ბედნიერების მარცვალს არ ატარებს (გონებრივ ცხოვრებაში ნამდვილად აღმოჩნდა უამრავი სივრცე, სადაც სიდიადე და ბედნიერება ერთმანეთს თანხვდება), ჩამოთვლას არ იმსახურებს. ბედნიერი იმისთვის უნდა იყოს, რომ სხვებიც გააბედნიეროს. სხვები იმისთვის უნდა გააბედნიეროს, რომ შენი ბედნიერებაც გაგრძელდეს. ჯერ იმისთვის გავიღიმოთ, რომ ღიმილი ჩვენმა ძმებმაც ისწავლონ, მათი მომღიმარი სახეების დანახვაზე კი უფრო რეალურადაც გავიღიმებთ. «არ შემფერის, რომ ტკივილი მივაყენო ჩემს თავს: მე, რომელსაც საკუთარი ნებით არავისთვის მიმიყენებია ტკივილი», — აი, მარკუს ავრელიუსის ერთ-ერთი უმშვენნიერესი სტრიქონი. განა საკუთარი თავისთვის ტკივილის მიყენებით და, იმავედროულად, სხვებისთვის ტკივილის მიყენების სწავლით ნაკლებად ბედნიერები არ ვიქნებით, ვიდრე შეგვეძლო რომ ვყოფილიყავით?

## LIX

პატარა აზრი, რომელიც კმაყოფილ მზერას, კეთილისმქმნელ საქციელს ან ბედნიერ ნუთთაგან ყველაზე მშვიდსა და მოკრძალებულს რაღაც მშვენნიერთან, მყართან და მარადიულთან აკავშირებს, — ასეთი პატარა აზრი უფრო ღირებულია და ცხოვრების საიდუმლოებებისთვის გაცილებით უფრო ძნელად «დასაცინცლავი», ვიდრე დიდი და ბნელი მედიტაცია, რომელიც მნუხარებას, სი-

ყვარულს, სასონარკვეთას განუხრელად აჯაჭვავს სიკვდილთან, ბედისწერასთან თუ ჩვენი არსებობის თანმხლებ ინდიფერენტულ ძალებთან. დე, მოჩვენებითობა ნუ შეგვაცდენს! ჰამლეტი, რომელიც უფსკრულის პირას გოდებს, რატომღაც უფრო ღრმად და უფრო მიმზიდველად გვესახება, ვიდრე ანტონიუს ღვთისმოსავი, რომელიც იმავე ძალებს მშვიდად უყურებს, იღებს და მშვიდადვე უსვამს კითხვებს, იმის ნაცვლად, რომ წყევლა-კრულვა შეუთვალოს და მათში შეძრწუნების მოტივები ეძებოს. ყველაფერი, რასაც დღის განმავლობაში ვშვრებით, ნაკლებად დიადი ჩანს, ვიდრე ღამით ჩადენილი უმცირესი ქმედება, მაგრამ ადამიანი დღისით მუშაობისთვის გაჩნდა და არა წყვდიადში სამოქმედოდ.

## LX

გარდა ამისა, თვით უმცირესი მანუგეშებელი აზრიც კი ატარებს ისეთ ძალას, როგორც არასოდეს არა აქვს უდიდეს ჩივილს ან უმშვენიერეს მელანქოლიურ იდეას. დიდი იდეა, ღრმა და სევდიანი, ესაა ენერგია, რომელიც თავისივე საკნის კედლებს ანათებს და რომელსაც ფრთები სიბნელეში უცვდება. ხოლო რწმენით ნასაზრდოები, გარდაუვალი კანონების გიჟმაჟურად უგულვებლმყოფელი თვით ყველაზე მოკრძალებული აზრი უკვე ის ქმედებაა, რომელიც საყრდენ ნერტილს ეძებს, რათა ფრთები შეისხას საარსებოდ. ცუდი არ იქნება, ხანდახან ჩვენივე თავის წინაშე ვალიაროთ, რომ დიდბუნებოვანი და უანგარო აზრი მშვენიერი რამაა, მაგრამ რეალობა მოქმედებით იწყება. კაცმა რომ თქვას, მთელ ჩვენს ბედისწერას ჩვენი აზრების სწორედ ის ნაწილი შეადგენს, რომლებსაც — დანარჩენი უსრული, ბუნდოვანი, თითქმის გაურკვევე-

ლი აზრებით აჩქარებულებს — აღმოაჩნდათ ძალა ან, ბოლოს და ბოლოს, დანებდნენ საჭიროებას, რომ მოვლენებად, უესტებად, გრძნობებად, ჩვევებად ქცეულიყვნენ. ეს იმას არ ნიშნავს, რომ სხვა ყველა აზრი უნდა უკუვაგდოთ. ჩვენი აზრები ჩვენს რეალურ ცხოვრებას ისე შემოხვევიან გარს, თითქოს ქალაქისთვის ალყა შემოურტყამთო. ალბათ, ქალაქის ალების შემდეგ ჯარისკაცთა დიდი ნაწილი გარეთ დარჩება. უწინარეს ყოვლისა, არ შეუშვებენ დამხმარე ჯარებს, ბარბაროსებს, ყველა ჯურის უყოფაქცევო ბანდას, ერთი სიტყვით — ყველას, ვინც მეტისმეტად ადვილად მიეტანებოდა ძარცვა-გლეჯას, ცეცხლსა და სისხლს. ისიც მოსალოდნელია, რომ ჯარების ორმა მესამედმა საერთოდ არ მიიღოს მონაწილეობა გადამწყვეტ ბრძოლაში. თუმცა საკმაოდ ხშირად დგება გამოუყენებელი ძალების საჭიროებაც: ქალაქი აშკარად არ შეირყეოდა და არასოდეს გახსნიდა ჭიშკარს, თუ მისი მკვიდრნი არ დაინახავდნენ, რომ მომხდურთა ჯარი მთელ გარემომცველ ველ-მინდორს ფარავს, ქალაქის კედლებთან მოსული ნაწილები კი კარგად დისციპლინირებულია. იგივე ხდება ჩვენს გონებრივ ცხოვრებაშიც. ის აზრები, რომლებიც რეალობად ვერ იქცნენ, სულაც არ გაისარჯნენ ამაოდ. ისინი უბიძგებდნენ ან ზურგს უმაგრებდნენ წარმატებულ აზრებს, რომლებმაც მათი ნყალობით მოახერხეს და ბოლომდე განახორციელეს თავიანთი მისია. და ამიტომაც ჩვენი ბუნდოვანი და დანადვლიანებული იდეების მჭიდრო რიგების წინ ყოველთვის უნდა ვაკონტროლოთ უფრო სარწმუნო, უფრო ადამიანურ, უფრო მარტივ და ცხოვრებაში უფრო გაბედულად შემოსაბიჯებლად მზადმყოფ აზრთა გუნდები.

არამინიერი სიკეთის უნმინდესი ნადილით შეჰყრობილნი, ამაოდ მოვინდომებდით გარკვეულ რეალობებზე აღმატებას. ერთი კონკრეტული უესტი ათას განზრახვაზე მეტი ღირს. არა იმიტომ, რომ ჩვენს განზრახვებს არავითარი ღირებულება არ გააჩნია. სიკეთით, სიმამაცით, სამათლიანობით დატვირთული უმცირესი უესტიც კი ათასობით კეთილ განზრახვას აღემატება.

ქრომანტები ამტკიცებენ, რომ მთელი ჩვენი ცხოვრება ჩვენივე ხელისგულზე წერია. „ცხოვრებაში“ ისინი გულისხმობენ გარკვეულ მოქმედებებს, რომლებიც — შესრულებამდე თუ შესრულების შემდეგ — წარუშლელად აღიბეჭდება ჩვენს კანზე. აი, ჩვენი აზრები და განზრახვები კი ჩვენს ხელისგულზე არავითარ კვალს არ ტოვებს. შემიძლია დიდხანს ვატარო გულში მკვლელობის, ღალატის, გმირობისა თუ მსხვერპლის გაღების გეგმები, — ჩემი ხელისგულიდან მაინც ვერავინ ვერაფერს შეიტყობს. მაგრამ თუ შემთხვევით ან შეცდომით მოვკალი ვინმე ქუჩის მოსახვევში, სადაც მომეჩვენა, რომ ეს ადამიანი მემუქრებოდა, ან თუ იმავე ქუჩაზე ჩავლილმა, ცეცხლმოდებულ სახლში დარჩენილი ახალშობილი ვიხსენი, მაშინ ხელისგულზე მთელი სიცოცხლის განმავლობაში წარუხოცელად დამრჩება ერთი ადამიანის მოკვდინების ან მეორის გადარჩენის კვალი.

ნაკლებად მნიშვნელოვანია, ილუზიებში არიან ქრომანტები თუ არა. აღნიშნულ სხვაობას დიდი ჭეშმარიტება უდევს საფუძვლად. ამა თუ იმ აზრმა, შესაძლოა, მთელი სიცოცხლე სამყაროს ერთ წერტილში მამყოფოს, მოქმედება კი მუდამ თითო საფეხურით ამწევს ან ჩამომწევს ადამიანთა იერარქიულ კიბეზე. აზრი იზოლირებული და ალაღბედზე მონანნალე ძა-



ლაა, რომელიც დღეს გამოჩნდა და ხვალ შეიძლება გაქრეს. მოქმედება კი გულისხმობს იდეებისა და სურვილების მუდმივ არმიას, რომელმაც იცის, დიდი ძალისხმევის შემდეგ როგორ მოიხვეჭოს საყრდენი ნერტილი რეალობაში.

## LXII

აი, ჩვენ აქ ვართ, გვარიანად შორსმყოფნი კეთილ-შობილი ანტიგონესა და უნაყოფო სათნოების მარადიული პრობლემისგან. აშკარაა, რომ ბედისწერა — თუ ამ სიტყვას ჩვეულებრივად ანუ მხოლოდ სიკვდილისაკენ მიმავალი გზის მნიშვნელობით გავიგებთ — სათნოებას არ სწყალობს. ამ უფსკრულთან მისულებს (თითქოს ეს ცენტრალური აუზია, რომელშიც საბოლოოდ იწმინდება ან იმღვრევა აქამდე მოსულ ადამიანთა სული თუ გონება), გვაიძულებენ ამოვიჩიოთ ორში ერთი: ან გავამართლოთ შემთხვევა ან სამუდამოდ შევრისხოთ. მოვალეობისთვის შენირულ ადამიანთა უმრავლესობა შეგვიძლია ანტიგონეს ტიპის მსხვერპლს მივაკუთვნოთ. რომელი ჩვენგანი არ შესწრებია დასჯილი გმირობის არა ერთსა და ორ შემთხვევას თავის სიახლოვეში? ერთხელ სამუდამო სარეცელს მიჯაჭვულმა ერთმა ჩემმა მეგობარმა თითით მიჩვენა ყველა მისახვევ-მოსახვევი, რომლებზეც ბედისწერამ ატარა, ვიდრე ერთ უცხო ქალაქში ჩაიყვანდა და მის მოსაკვდინებლად მომზადებულ მონამლულ ნყალს დააღვინებდა. არაფერი იყო ამ ნაამბობში ისე თვალშისაცემი, როგორც ბედისწერის ხელით ადამიანის სიცოცხლის გარშემო აურაცხელი ძაფისგან მოქსოვილი ხლართი. თვით უმცირეს შემთხვევასაც კი თითქოს შეუდარებელი შორსჭვრეტისა და ბოროტგანზრახვის ბეჭედი ესვა. არადა, ჩემი მეგობარი იმიტომ აღმოჩნდა იქ, რომ აღესრულებინა

ერთ-ერთი იმ მოვალეობათაგანი, რომლებსაც მხოლოდ ბრძენი, გმირი ან წმინდანი თუ ხედავს თავისი ცნობიერების ჰორიზონტზე. რა პასუხი უნდა გავცეთ ასეთ შემთხვევას? ამ მომენტს მალე დავუბრუნდებით, ჯერჯერობით კი გავჩუმდეთ. თუ გადარჩებოდა, მეორე დღესვე უნდა გამგზავრებულიყო სხვა ქალაქში, სადაც სხვა მოვალეობა უხმობდა. არც კი უკითხავს საკუთარი თავისთვის — კიდევ უნდა ვუპასუხო თუ არა მოვალეობის ხმობასო. არიან ადამიანები, რომლებიც ასე ემორჩილებიან თავიანთი გულის თითოეულ ჩურჩულ-ბრძანებას. ასეთებს სრულებით არ ადარდებთ ბედის უსამართლობა თუ სათნოების დაუნახაობა, მხოლოდ ადამიანთა უსამართლობა აინტერესებთ და თითქოს თავის თავს ეუბნებიან -- სხვები ჯერ არ გვიყურებენო.

ნუთუ ნამდვილად არასოდეს არ უნდა იყოყმანოს ადამიანმა და ისე ბუნებრივად აკეთოს თავისი მოვალეობა, რომ არც კი ფიქრობდეს ამაზე? მოგვეთხოვება თუ არა, რომ ისეთ წერტილამდე ავმალდეთ, საიდანაც *მოვალეობა* უკვე ჩვენი უკეთილშობილესი გრძნობების არჩევანად კი აღარ ჩანს, არამედ ჩვენი შინაგანი ბუნების მდუმარე აუცილებლობად?..

## LXIII

არიან ისეთებიც, რომლებიც ელოდებიან, შეკითხვებს სვამენ, მსჯელობენ, ნონიან და მხოლოდ შემდეგ იღებენ გადაწყვეტილებას. ისინიც მართლები არიან. რა მნიშვნელობა აქვს, მოვალეობას ინსტინქტურად ასრულებ თუ შეგნებული გადაწყვეტილების საფუძველზე? ჩვეულებრივ, ინსტინქტით ნაკარნახევი უესტები, ბავშვის უესტებისა არ იყოს, ოდნავ ბუნდოვანი, გულუბრყვილო, მოულოდნელი სილამაზით ხასიათდება და ეს უფრო მეტად გვიხიბლავს. მაგრამ,

შეორეს მხრივ, განა გააზრებული კეთილი ნებიდან  
შომდინარე უესტებს უფრო სერიოზული და მტკიცე  
იმშენიერების ბეჭედი არ აზის? ბევრ გულს არ ებოძა  
:გულუბრყვილო მომხიბლაობის ნიჭი, ხოლო იმათში,  
ვისაც ებოძა, ტყუილუბრალოდ დაუუნყებდით ძებ-  
ნას ჩვენს მოვალეობათა ყველა ნეს-კანონს. მაგრამ  
გააზრებული კეთილი ნება — თვით მაშინაც კი, როცა  
არავითარი ილუზია აღარ აქვს — ხედავს უამრავ ნა-  
კლებად მაცდუნებელ მოვალეობას, რომელსაც ვერ  
ხედავს ინსტინქტი. და ადამიანის ზნეობრივი ღირე-  
ბულებაც განა იმ მოვალეობათა რიცხვით არ ფასდე-  
ბა, რომლებსაც იგი ამჩნევს და რომელთა აღსრულე-  
ბაც დაუზარებლად განუზრახავს?

კარგია, რომ უმრავლესობა მეტისმეტი ჩაძიებით  
არ ახორციელებს თვითგამოკითხვას (საკმაოდ  
დიდხანს უნდა უსვამდე კითხვებს საკუთარ თავს  
საიმისოდ, რომ ცნობიერების პასუხები, ბოლოს და  
ბოლოს, ინსტინქტის პასუხებს დაემსგავსოს); კარ-  
გია, რომ უმრავლესობა მოვალეობის სახელით გას-  
აღები მსხვერპლის ინსტინქტს ელოდება. ასეთები  
დახუჭული თვალეებით მიჰყვებიან სინათლეს, რო-  
მელიც მათ წინ მათსავე საუკეთესო წინაპრებს მი-  
აქვთ. მაგრამ საბოლოო იდეალი ამაში არ არის. ის,  
ვინც თანამოდძისთვის სულ მცირე რამეს იმეტებს  
და იცის, რას და რატომ იმეტებს, ზნეობრივ იერარქ-  
იაში უფრო მაღალ საფეხურზე დგას, ვიდრე ის, ვინც  
უკანმოუხედავად თმობს სიცოცხლეს.

#### LXIV

ქვეყანა სავსეა სუსტი და კეთილშობილი ადამი-  
ანებით, რომლებიც ფიქრობენ, რომ მოვალეობის  
უმალლესი გამოხატულება *თვითშენიერვაა*. ქვეყანა  
სავსეა მშენიერი სულებით, რომლებმაც არ უწყიან,

რა გზას დაადგნენ, მსხვერპლად საკუთარი სიცოცხლის მიტანას აპირებენ და ეს უზენაეს სათნოებად ითვლება.

არადა, უზენაესი სათნოება ეს კი არ არის, არამედ იმის ცოდნა, რა არის რეალურად გასაკეთებელი, და იმის არჩევის უნარი, თუ, სახელდობრ, რას მიუძღვნა შენი სიცოცხლე. მხოლოდ დროებითი ამბავია, რომ თითოეული ჩვენგანის მოვალეობა ის არის, რასაც თვითონ მიიჩნევს თავის მოვალეობად. ნათელი მოვფინოთ თვით *მოვალეობის იდეას*: — აი, ჩვენი უპირველესი მოვალეობა! სიტყვა „მოვალეობა“ ხშირად შეიცავს უფრო მეტ ცდომილებას და ზნეობრივ დაუდევრობას, ვიდრე საკუთრივ სათნოებებს. კლიტემნესტრა თავის ცხოვრებას იმას უძღვნის, რომ შური იძიოს აგამემნონზე, რომელმაც იფიგენია მოკლა. ორესტი კი თავს იმისთვის გადადებს, რომ კლიტემნესტრას მიუზღას სამაგიერო აგამემნონის მოკვლისათვის. არადა, საკმარისი იქნებოდა, მავან ბრძენს ჩაეველო და ეთქვა — მიუტევეთ თქვენს მტრებსო — და შურისძიების ყველა მოვალეობა ერთიანად ამოიშლებოდა ადამიანთა ცნობიერებიდან. ეგებ საკმარისი აღმოჩნდეს, რომ ერთხელ სხვა ბრძენმაც ჩაიაროს, ვინძლო ასევე გაუქმდეს თვითშენირვისკენ მომნოდებელ სხვა მოვალეობათა უმრავლესობაც. მანამდე კი, განდგომილებასთან, რეზინაციასთან და თვითშენირვასთან დაკავშირებული ზოგიერთი იდეა დიდ მანკიერებებზე და თვით ბოროტმოქმედებებზე უფრო მეტად შრეტს კაცობრიობის უმშვენიერს სულიერ ძალებს.

## LXV

დიახ, რეზინაცია კარგია და აუცილებელი ცხოვრების დიდი და გარდაუვალი მოვლენების წინაშე. მაგრამ ყველგან და ყოველთვის, სადაც

და როდესაც ბრძოლა შეიძლება, რეზინაცია სხვა არაფერია, თუ არა შენიღბული უვიცობა, უძლურება თუ სიზარმაცე. იგივე ითქმის თვითშენირვაზეც, რაც ხშირად მარტოდენ დასუსტებული, ჯერ კიდევ სიცარიელეში მოქანავე ფარხმალდაყრილი მკლავია. კარგია, როცა იცი, როგორ გაიღო მსხვერპლი მარტივად და ამით ადამიანებს ნამდვილი ბედნიერება მიანიჭო. მაგრამ არც ბრძნულია და არც სასარგებლო, რომ ცხოვრება თვითშენირვის ძიებას მიუძღვნა და ამ ძიებაში დაინახო სულის ხორცზე გამარჯვების საუკეთესო გზა. აქვე სასხვათაშორისოდ დავძენ, რომ, როგორც წესი, სულის ხორცზე გამარჯვებას უსასრულოდ დიდი მნიშვნელობა ენიჭება, ხოლო ეს ვითომცდა გამარჯვებები, უხშირეს შემთხვევაში, სხვა არაფერია, თუ არა სრული ცხოვრებისეული კრახი. თვითშენირვა შეიძლება იყოს ყვავილი, რომელსაც სათნოება ჩავლისას ნყვეტს, მაგრამ ის ხომ გზას ამისთვის არ გასდგომია! მძიმე შეცდომას ვუშვებთ, თუ სულის მშვენიერებას თვითშენირვისკენ სწრაფვის ხარისხით განვსაზღვრავთ, — სულის ნაყოფიერი სილამაზე მისივე ცნობიერებაში, მის ამაღლებასა და მისი სიცოცხლის ძალმოსილებაშია. მართალია, არსებობენ სულელები, რომელთაც სიცოცხლის შეგრძნება მხოლოდ თვითშენირვისას აქვთ, თუმცა ისიც სიმართლეა, რომ იმავე სულებს არ შესწევთ განსხვავებული შინაგანი ცხოვრების მოძიების ძალა. საერთოდ, გაცილებით იოლია თვითშენირვა, ანუ საკუთარი შინაგანობის დატოვება სხვის სასარგებლოდ, ვიდრე ინდივიდუალური სულიერი ბედისწერის აღსრულება და ბოლომდე მიყვანა იმ საქმისა, რომლისთვისაც ბუნებამ შეგვქმნა. მთლიანობაში, გაცილებით იოლია სხვებისთვის თავის დადება მორალურად და თვით ფიზიკურადაც, ვიდრე იმის სწავლა, თუ როგორ იცხოვრო

ადამიანებისთვის. უამრავი ვინმე მთელ თავის ინიციატივას, მთელ თავის არსებობას ასე აძინებს ვითომცდა თვითშენიშვნისთვის მუდმივი მზადყოფნის იდეაში. ცნობიერება, რომელიც თვითშენიშვნის იდეას ვერ გაცდა და რომლის მოთხოვნილებაც იმით ამოიწურება, რომ მუდმივად ეძებოს შესაძლებლობა გასცეს, რაც კი მოეპოვება, ის ცნობიერებაა, რომელსაც თვალეები დაუხუჭავს და მთის ძირას ჩაუძინია. თვითგაცემა კარგია და, სხვათა შორის, მხოლოდ თვითგაცემის ძალით თუ ვეუფლებით რაღაცას. მაგრამ ბევრს ვერაფერს აძლევ თანამოდმეებს მათში მხოლოდ თვითგაცემის სურვილის ჩანერგვით. მაშ, ვიდრე გავცემდეთ, მიღება ვცადოთ, და ნუ ვიფიქრებთ, რომ გაცემის დროს მიღება აღარ გვევალება. რაღაც უნდა ვაკეთოთ და ასე ველოდოთ თვითშენიშვნის ყამს. ბოლოს და ბოლოს, ეს ყამი დაჰკრავს, ოღონდ დროს ნუ დავკარგავთ მისი გამუდმებული ძებნით ცხოვრების ციფერბლატზე.

## LXVI

მსხვერპლიც არის და მსხვერპლიც. აქ მე ძლიერთა მსხვერპლზე არ ვლაპარაკობ. ანტიგონესი არ იყოს, ასეთებმა იციან უარის თქმა საკუთარ თავზე იმ მომენტში, როცა ბედისწერა, რომელიც თვალნათლივ იღებს თანამოდმეთა ბედნიერების სახეს, ძლიერ ადამიანებს პირად ბედნიერებაზე და პირად ცხოვრებაზე უარის თქმას უბრძანებს. მე ვლაპარაკობ სუსტთა მსხვერპლშენიშვნაზე, — მსხვერპლზე, ბავშვური კმაყოფილებით რომ იკეტება საკუთარ ამაოებაში და იმით კმაყოფილდება, რომ ბრმა ძიძასავით გვარნიოს განდგომილებისა და უსაგნო ტანჯვის მჭლე მკლავებში. მოვუსმინოთ, რას გვეუბნება ამ თემაზე ჩვენი დროის შესანიშნავი მოაზროვნე

ჯონ რასკინი:

„ღმერთის ნებაა ის, რომ ჩვენ ჩვენივე თანამოძმეთა ბედნიერებით და სიცოცხლით ვცხოვრობთ და არა მათი უბედურებითა და სიკვდილით. შესაძლოა, ამა თუ იმ მიზეზით, შვილი მშობლებს უნდა მოუკვდეთ, მაგრამ, განგების ჩანაფიქრით, ბავშვმა მათთვის უნდა იცოცხლოს. არა მსხვერპლად ქცევით, არამედ თავისი ძალით, თავისი სიხარულით, თავისი სიცოცხლის ძალმოსილებით უნდა იქცეს იგი მშობლების სულიერ განახლებად და, ასე ვთქვათ, მძლე ისრად გოლიათის ხელში. იგივე ითქმის ყველა სხვა ჭეშმარიტ ადამიანურ ურთიერთობებზეც. ადამიანები ერთმანეთს თავიანთი სიხარულებით ეხმარებიან და არა ტანჯვა-წამებით. ისინი იმ მიზნით კი არ შექმნილან, რომ ერთმანეთისთვის დაიხოცონ, არამედ იმისთვის, რომ ერთმანეთი განაძლიერონ. და არასწორი გამოყენებით წამხდარ უმშვენიერეს საგანთა შორის, მე მგონი, ერთ-ერთი ყველაზე საბედისწეროა ერთგვარი შეუგნებელი და მეტისმეტად ნაზი თვითშენირვა. მეტისმეტად კარგად დაარწმუნეს ზოგიერთი სული საკუთრივ ტანჯვის სათნოებაში. ასეთები ისე იღებენ ჭკივილსა და მწუხარებას, როგორც თავიანთ გარდაუვალ ხვედრს, და არ ესმით, რომ მათი მარცხი ნაკლებად სავალალო არ არის, რადგან ეს კიდევ უფრო ფატალურია მათი მტრებისთვის, ვიდრე თვით მათთვის.“

## LXVII

გვეუბნებიან: „გიყვარდეს მოყვასი შენი, ვითარცა თავი თვისი“. მაგრამ თუკი თქვენ თქვენი თავი შეზღუდულად, ბავშვურად და შიშნეულად გიყვართ, მაშინ მოყვასიც ასე გეყვარებათ. მაშ, ისწავლეთ, როგორ გიყვარდეთ საკუთარი თავი ფართოდ, ჯან-

საღად, ბრძნულად და დასრულებულად. ეს უფრო ძნელი განსახორციელებელია, ვიდრე ერთი შეხედვით შეიძლება გვეგონოს. ძლიერი და გამჭრიახი სულის ეგოიზმი უფრო ქმედითად მონყალეა, ვიდრე ბრმა და ულონო სულის ერთგულება. ვიდრე სხვებისთვის დაინყებდეთ არსებობას, ჯერ თქვენთვის უნდა არსებობდეთ; ვიდრე თავს გასცემდეთ, ჯერ მოიპოვეთ ეს თავი. დარწმუნებული იყავით, რომ თქვენი ცნობიერების ერთი ნაწილაკის მოპოვება, საბოლოო ჯამში, ათასგზის უფრო მნიშვნელოვანია, ვიდრე მთელი თქვენი არაცნობიერის გაცემა.

ამქვეყნად ყველა სიდიადე თითქმის მხოლოდ იმ ადამიანებმა შექმნეს, რომლებსაც თავის შენირვა აზრადაც არ მოსვლიათ. პლატონს აზროვნებაზე უარი არ უთქვამს იმ მიზეზით, რომ თავისი ცრემლები იმათ ცრემლებში შეერია, ვინც მაშინდელ ათენში იტანჯებოდა; ნიუტონს თავისი განაზრებანი არ მიუტოვებია, ეგების სადმე გულმონყალების ან სევდის საგანი ვიპოვოო; განსაკუთრებით კი მარკუს ავრელიუსს (რადგან აქ საქმე გვაქვს ყველაზე ხშირ და ყველაზე სახიფათო ზნეობრივ მსხვერპლთან), — მარკუს ავრელიუსს არ ჩაუქრია თავისი სულის სინათლე, აქაოდა უფრო მეტად გაებედნიერებინა ნასზე დაბლამდგომი ფაუსტინას სული. ის, რაც სამართლიანია პლატონის, ნიუტონის თუ მარკუს ავრელიუსის არსებობაში, ასევე სამართლიანია ყველა სულის ყოფიერებაში, რადგან თითოეულს თავის სფეროში იგივე მოვალეობები აქვს თავისი თავის მიმართ, რაც უდიდეს ადამიანთა სულებს. კიდევ ერთხელ ვთქვათ დარწმუნებით, რომ ჩვენი სულის ძირითადი მოვალეობაა იყოს შეძლებისამებრ სრულქმნილი, ბედნიერი, დამოუკიდებელი და დიადი. ეგოიზმი ან ქედმაღლობა აქ არაფერ შუაშია. ჩვენ ვერ გავხდებით ქმედითად დიდსულოვანნი და ჭკუმაღრიტად მოკრძა-



ლებულნი, თუკი თავს ნათლად, დარწმუნებულად და მშვიდად არ ვიგრძნობთ. ამ მიზანს თვით მსხვერპლის გალების ვნებაც კი შეიძლება შევნიროთ, რადგან ეს უკანასკნელი არათუ გაკეთილშობილების საშუალება, თვით მისი ნიშანიც კი არ უნდა იყოს.

## LXVIII

დე, ვიცოდეთ, როცა ეს საჭიროა, როგორ შევთავაზოთ მწუხარებაში მყოფ თანამოძმეებს ჩვენი სიმდიდრე, ჩვენი დრო, ჩვენი ცხოვრება. ეს გულისხმობს რამდენიმე საგანგებო საათის საგანგებო მიძღვნას. მაგრამ ეს იმას არ ნიშნავს, რომ ბრძენმა იმისთვის უგულებელყოს საკუთარი ბედნიერება და ყოველივე გარემომცველი, ვინძლო მეტ-ნაკლები შემართებით შეეჭიდოს ამერთ თუ ორ საგანგებო საათს. ზნეობრივ ჭრილში, უწინარეს ყოვლისა, საჭიროა მივხედოთ ჩვენს ყოველდღიურ მოვალობებს, იმ ძმურ-მეგობრულ ქმედებებს, ბოლო რომ არ უჩანს. ამ თვალსაზრისით, ცხოვრების ჩვეულებრივ სვლაში, ერთადერთი რამ, რაც სულ ახლიდან და ახლიდან შეგვიძლია გავუნანილოთ ბედნიერ თუ უბედურ სულებს, ჩვენს პარალელურად რომ მოაბიჯებენ იმავე გზებზე, ესაა ჩვენივე სულის ძალა, რწმენა, მშვიდი თვითმყოფადობა. ამიტომაც ხდება, რომ კაცთაგან ყველაზე თავმდაბლები საკუთარ სულს უნდა გაუფრთხილდნენ, უნდა გაზარდონ იგი, თითქოს ერთ დღესაც ამ სულს ღმერთის სანუგეშებლად ან გასართობად მოუხმობენო. როდესაც ლაპარაკია სულის შემზადებაზე, მაშინ ის მუდამ ღვთაებრივი მისიისთვის უნდა მზადდებოდეს. მხოლოდ ამ სფეროში და ამ პირობით თუ ამზადებს ადამიანი ჭეშმარიტ ძღვენს, რათა აღასრულოს მართლაცდა უზენაესი თვითშენიშვნა. და როცა ამის დრო დაჰკრავს, ნუთუ ფიქრობთ, რომ

ის, რასაც სოკრატე ან მარკუს ავრელიუსი გასცემს, — რომელთაგან თითოეულმა ათასი ცხოვრება იცხოვრა, რაკი არაერთხელ დალაშქრა მეცნიერების დარგები, — ნუთუ ფიქრობთ, რომ ეს ათასგზის არ აღემატება იმ ყველაფერს, რისი გაცემაც შეუძლია იმას, ვისაც ერთი ნაბიჯიც არ გადაუდგამს საკუთარ ცნობიერებაში? ნუთუ მიგაჩნიათ, რომ თუ ღმერთი არსებობს, იგი ჩვენ მიერ გაღებულ მსხვერპლს ჩვენივე ფიზიკური სისხლით წონის, ხოლო სულის სისხლს კი, ანუ ჩვენს სათნოებას, ჩვენს თვითგანცდას, მთელ ჩვენს შინაგან ცხოვრებას და წლების მანძილზე დაგროვილ ჩვენს ძალმოსილებას აინუნშიც არ აგდებს?

## LXIX

სული თვითშენირვით არ დიადდება. ზრდასთან ერთად, მას მზერიდან ისევე ეკარგება ეს იმპულსი, როგორც მთაზე ასულ მოგზაურის თვალს — ხეობაში დარჩენილი ყვავილები. თვითშენირვის ვნება შინაგანი მოუსვენრობის კარგი ნიშანია, მაგრამ საჭირო არ არის მოუსვენრობის შენარჩუნება თვით მისივე სახელით. გამოღვიძებული სულებისთვის ყველაფერი მსხვერპლშენირვაა. ცოტა რამესლა ჰქვია მსხვერპლის სახელი იმ სულისთვის, ვინც ისეთი ცხოვრება იპოვა, რომლისთვისაც თავდადება, შებრალება და თვითგანდგომა აუცილებელი ფესვები კი აღარ არის, — უხილავი ყვავილებია. სინამდვილეში, უამრავი ადამიანი განიცდის საჭიროებას, რომ თუნდაც უმიზეზოდ დაანგრიოს თავისი კუთვნილი ბედნიერება, სიყვარული, იმედი, ვინძლო თავისი თავი საზვარაკე ცეცხლის ენებში გახვეული იხილოს. ასეთებს, გეგონებათ, ხელში ისეთი ლამპა უჭირავთ, რომლის გამოყენება არ იციან და რომლის

სანვავს, როცა ღამდება და სინათლე ეხარბებათ, სხვათა ცეცხლზე ასხამენ.

ისე ნუ მოვიქცევით, როგორც შუქურის მცველი (ლეგენდის პერსონაჟი), რომელიც ოკეანის გასანათებელი დიდი ფარნებისთვის განკუთვნილ სანვავს მეზობლად მდგარი ქოხმახების ღარიბ ბინადრებს ურიგებდა. საკუთარ წიაღში ყოველი სული მეტ-ნაკლებად აუცილებელი შუქურის მცველია. ყველაზე უპრეტენზიო, პატარ-პატარა დედობრივ მოვალეობებში დანთქმული ქალი თავის სანვავს ღარიბებს ურიგებს, მისი შვილები კი მთელი ცხოვრება წვალობენ იმის გამო, რომ მათი დედის სული ისეთი განათებული არ არის, როგორიც შეიძლებოდა ყოფილიყო. ჩვენს გულში მანათობელმა არამატერიალურმა ძალამ ჯერ საკუთარი თავისთვის უნდა ანათოს. მხოლოდ ამ ფასად თუ გაანათებს სხვებისთვის. ნუ გაცემთ თქვენი პატარა ღამის მკვებავ ზეთს, გაეცით მხოლოდ ზემოთ მოქცეული ალი.

## LXX

უეჭველია, ალტრუიზმი იყო და რჩება კეთილშობილი სულების შინაგანი სიმძიმის ცენტრად. სუსტი სულები სხვებში იკარგებიან, ძლიერები კი სხვებში თავიანთ თავს პოულობენ. აი, კარდინალური სხვაობა. ჯობს, საკუთარი თავი გიყვარდეს მოყვასში, ვიდრე საკუთარი თავივით გიყვარდეს იგი. არის სიკეთე, რომელიც ზოგიერთ ადამიანს წინ უძღვის, არის ისეთიც, კაცს უკან რომ მოჰყვება. არის სიკეთე, რომელიც გვფიტავს, არის, რომელიც გვკვებავს. ნუ დავივიწყებთ: სულთა ურთიერთობაში მუდამ ისინი არ არიან დიდსულოვნები, რომლებიც ფიქრობენ, რომ გაცემენ. ძლიერი სული განუწყვეტილვ იღებს (თვით უღარიბესი სულებიდანაც), სუსტი სული კი

ყოველთვის გასცემს (თვით უმდიდრესი სულებისთვისაც). მაგრამ არსებობს ისეთი გაცემაც, რომელიც მხოლოდ ნირნამხდარი გაუმაძღრობიდან მოდის. თვით ღმერთს რომ აენონა, შეიძლებოდა დაგვენახა, როგორ გავცემთ ალებისას და როგორ ვართმევთ გაცემისას. ხშირად ხდება, რომ ერთ-ერთი ყოველად უფერული სული ზრდას მხოლოდ იმ დღიდან იწყებს, როდესაც მის გამომფიტავ მეორე სულს ხვდება.

## LXXI

რატომ არ უნდა ვაღიაროთ, რომ ჩვენი უპირველესი მოვალეობა ნამდვილად არ არის ყველა მოტირალთან ერთად ტირილი, ყველა ტანჯულთან ერთად ტანჯვა ან გულის შეთავაზება გვერდით ჩავლილისთვის, რომელიც ამ გულს ან ჩანახლავს ან მოეფერება? ცრემლები, ურვა, ჭრილობები ჩვენ ვერც ნაგვადგება, თუმცა ვერც მხნეობას ნაგვართმევს. დე, ნურასოდეს ნუ დავივიწყებთ: როგორიც უნდა იყოს ჩვენი მისია ამ მიწაზე, ჩვენი ძალისხმევისა და იმედების საბოლოო მიზანი, ჩვენი სევდა-ნალველის და სიხარულების შედეგი, — უნინარეს ყოვლისა, ჩვენ მაინც სიცოცხლის ბრმა მატარებლები ვართ. აი, რას ვფლობთ სრული გარკვეულობით, რა არის ადამიანური მორალის ერთადერთი მყარი წერტილი. ჩვენ სიცოცხლე მოგვეცა, არც კი ვიცით — რა მიზნით, მაგრამ აშკარაა, რომ არა მის შესასუსტებლად ან დასაკარგად. ყველაფერთან ერთად, ამ პლანეტაზე ჩვენ სიცოცხლის სრულებით სპეციფიკურ სახეს წარმოვადგენთ: ესაა აზრის, გრძნობების სიცოცხლე. ამიტომაც არის, რომ ყველაფერი, რაც აზრთა და გრძნობათა მგზნებარებას ამცირებს, ამორალური ჩანს. მაშ, ვეცადოთ, რომ ეს სულისკვეთება მოძრაობაში მოვიყვანოთ, გავამშვენიეროთ, გავა-

ფართოვით. უპირველეს ყოვლისა, გავზარდოთ ჩვენი რწმენა ადამიანის სიღიადებში, ძალმოსილებასა და ბედისწერაში. მართალია, არანაკლებ შემეძლო მეთქვა საპირისპიროც: მის სიპატარავეში, სისუსტეში და უბედურებაში. დიდ უბედურებაში ყოფნის იდეა ისევე იტაცებს გონს, როგორც დიდ ბედნიერებაში ყოფნისა. ყოველივეს შემდეგ, დიდი მნიშვნელობა არა აქვს, ადამიანი გვეჩვენება საკვირველად თუ სამყარო, მთავარი ისაა, რომ აღტაცების მიზეზი გვექონდეს და ხოტბა შევასხათ უსასრულოს ჩვენულ ცნობიერებას. ჩვენ მიერ აღმოჩენილი ერთი ვარსკვლავი არაერთ სხივს უმატებს ადამიანის აზრებს, მისწრაფებებს, გაბედულებას. გარესამყაროს მთელი მშვენიერება უკვე ჩვენს გულში ზის, ხოლო რაც ჩვენში დიადი და სათაყვანოა, იმას სხვებშიც ვპოულობთ. თუ ამ დილით გაღვიძებული ჩემი სული თავის მოსიყვარულე ფიქრებში პოულობს იდეას, რომელიც მას ოდნავ უფრო აახლოვებს ღმერთთან, ანუ, როგორც ზემოთ ვთქვით, მის სურვილთაგან უმშვენიერესთან, მაშინ იგივე იდეას მე იმ საბრალოშიც ვხედავ, რომელიც ერთი წუთის შემდეგ ჩემს ფანჯრებქვეშ ჩაივლის და რომელიც მე უფრო მეტად მიყვარს, რათა უკეთ შევიცნო.

ნუ ვიფიქრებთ, რომ ასეთი სიყვარული უსარგებლოა. მხოლოდ ნელ-ნელა გაღრმავებული სიყვარულის წყალობით დაინახავს ადამიანი ერთ მშვენიერ დღეს, თუ რა უნდა მოიმოქმედოს. ჭეშმარიტი ზნეობა გაცნობიერებული და უსასრულო სიყვარულიდან უნდა იშვას. გაკეთილშობილება დიდად სამადლო საქმეა, მაგრამ მე თქვენ ვერ გაგაკეთილშობილებთ, თუ მანამდე თვითონ არ გამივლია ეს გზა; ვერც თქვენით აღფრთოვანდები, თუ ჯერ ჩემში არ ვიპოვე აღფრთოვანების საგანი. თუ მე კეთილშობილ საქციელს ჩავიდენ, ამის საუკეთესო ანაზღაუ-

რება ის უფროდაუფრო ბუნებრივი, უფროდაუფრო უდავო უეჭველობა იქნება, რომ თქვენც შეძლოთ იგივე ნაბიჯის გადადგმა. ყოველი აზრი, რომელიც ჩემს გულს ზრდის, იმავდროულად ზრდის ჩემში სიყვარულს და პატივისცემას ადამიანის მიმართ. მაგრამ თუ თქვენს შესაყვარებლად — რაკი თქვენი სიყვარული ჯერ კიდევ უფროა — მე ფრთები უნდა წავაჭრა ჩემსას, ამას მოჰყვება ორგზის უფრო მეტი უსარგებლო ცრემლი და ჩივილი ხეობის სიღრმეში, სიყვარული კი მწვერვალისკენ ერთ ნაბიჯსაც ვეღარ გადადგამს. გვიყვარდეს მუდამ იმ უმაღლესი ნერტილიდან, რომლის მიღწევაც შეუძელით. ნულარ გვეყვარება სიბრალულით, თუკი სიყვარულით შეგვიძლია გვიყვარდეს; ნუ ვაპატიებთ სიკეთით, თუკი შეგვიძლია ვაპატიოთ სამართლიანობით; ნუ ვისწავლით ნუგეშისცემას, თუკი შეგვიძლია პატივისცემა ვისწავლოთ. ო, დაულაღვად გავაუმჯობესოთ ადამიანებისაკენ მიმართული ჩვენი სიყვარულის ხარისხი მწვერვალეზზე აღებული ამ სიყვარულის ერთი ფიალა ბანალური ქველმოქმედების ცისტერნებიდან ამოღებულ ას ფიალას უდრის. რა ბედენაა, თუ ის ადამიანი, რომელიც თქვენ აღარ გიყვართ შემბრალე სიყვარულით ან მხოლოდ იმიტომ, რომ ცრემლებს ღვრის, ვერასოდეს მიხვდება, რომ ამჯერად სწორედ მისი და თქვენივე თავის გაკეთილშობილების მიზეზით გიყვართ! თქვენ მოიმოქმედეთ ის, რაც საუკეთესოდ მიგაჩნდათ, მიუხედავად იმისა, რომ ეს საუკეთესოც შეიძლებოდა ჯერჯერობით არაფერში გამომდგარიყო. განა ამ ცხოვრებაში ყოველთვის ისე არ უნდა ვიქცეოდეთ, თითქოს ჩვენი გულის უზენაესი სურვილის მონადინე ღმერთი თვალმოუშორებლად გვჭყრეტს?

მაგრამ დაუბრუნდეთ დიდ არათანმიმდევრულ კანონებს. ბევრი დრო არ გასულა მას შემდეგ, რაც ერთ თავზარდამცემ კატასტროფაში<sup>22</sup> ბედისწერამ კიდევ ერთხელ და მანამდე არნახული სიცხადით გამოამჟღავნა ის, რასაც ადამიანები ბედის უსამართლობად, დაბრმავებად თუ თავკერძობად მოიხსენიებენ. ამ შემთხვევაში ბედისწერა თითქოს იმისთვის გამოჩნდა, რომ არაორაზროვნად დაესაჯა გარეგან სათნოებათაგან ერთადერთი, რომელიც გონებამ შემოგვინახა, ანუ მოყვასის სიყვარული. მოსალოდნელია, რომ ტერიტორიაზე, სადაც იმ დღეს ბედისწერა დაეშვა, რამდენიმე ნაწილობრივ უმნიცვლო პიროვნებაც იმყოფებოდა. ისიც უეჭველი ჩანს, რომ იქ, სულ ცოტა, ერთი ჭეშმარიტად გულმართალი და ყოვლად უანგარო ადამიანიც იყო. სწორედ ამ კაცის მუნყოფნა, რაც თითქმის დამტკიცებულია, მთელი თავისი მართებულებით ბადებს საზარელ კითხვას, რომელიც არ შეგვიძლია არ დავსვათ. რომ არა ეს ადამიანი, შეგვეძლო გვეფიქრა: არ ვიცით, რომელმა აღმატებულმა სამართლიანობამ შვა ესოდენ გაუგონარი უსამართლობაო. შეგვეძლო გვეფიქრა, რომ ის, რასაც იქ „ქველმოქმედებად“ ნათლავდნენ, სინამდვილეში შეიძლებოდა მხოლოდ გამუდმებული უსამართლობის ერთობ თავხედური ყვავილი ყოფილიყო. ადამიანი ვერაფრით ვერ იჯერებს, რომ ყოველივე გარეგანში სხვა არაფერია მხედველობაში მისაღები და დასაპირისპირებელი, ბრმა მოვლენების და ძალების — წყლის, ცეცხლის, ჰაერის, მიზიდულობისა და ზოგიერთი სხვა კანონის — გარდა. ჩვენ განვიცდით საჭიროებას მივუტევოთ შემთხვევას. და როცა მას ფორმალურად ვადანაშაულებთ, განა ამასაც ისე არ ვშერებთ, თითქოს წარსულში ან მო-

მავალში მაინც ვპატიობდეთ იმ მძიმე გაკვირვებით, რომელსაც ვგრძნობთ ხოლმე კეთილი კაცის მიერ ჩადენილი სულმდაბალი და მანკიერი ქმედების შეტყობისას? გვიყვარს თვით ჩვენზე უფრო სამართლიანი იდეალური შემთხვევითობის წარმოდგენა. და როცა ის უპატიებელ უსამართლობას სჩადის, გაოგნებიდან გამოსვლის შემდეგ გულის სიღრმეში მაინც ნდობას ვუცხადებთ და თან ვფიქრობთ, რომ ჩვენ არ ვიცით ყველაფერი, რაც მან იცის, და რომ იგი ჩვენთვის შეუცნობელ კანონებს ემორჩილება. ქვეყანა ხომ მეტისმეტად ბნელად წარმოგვიდგებოდა, თუ შემთხვევითობა თავისი არსით უზნეო აღმოჩნდებოდა. როგორიც უნდა ყოფილიყო ჩვენი საკუთარი ზნეობა თუ სამართლიანობა, ეს ამბავი ყოველგვარი ზნეობის და სამართლიანობის უარყოფად მოგვეჩვენებოდა. ჩვენ უკუვაგდებთ პოზიტიური რელიგიების მიერ შემოთავაზებულ დასჯა-დასაჩუქრების შეზღუდულ და მდაბიურ მორალს. ეგაა, ერთი რამ გვაავიწყდება: შემთხვევითობა სამართლიანობის ელემენტარული გრძნობით რომ იყოს დაჯილდოებული, მაშინ ჩვენი ნაოცნებარი მაღალი და უანგარო ზნეობა ველარასდროს განხორციელდებოდა. თუ დარწმუნებული არ ვართ, რომ შემთხვევას, თავისთავად, არანაირი სამართლიანობა არ ახასიათებს, მაშინ სრულებით არ ვიმსახურებთ, რომ სამართლიანები ვიყოთ. ჩვენ უარვეყოფთ ნმინდანთა იდეალს და გვჯერა, რომ ამა თუ იმ მოვალეობის შესრულებას რაიმე ჯილდოს იმედით (თუ არ ჩავთვლით საკუთრივ მოვალეობის შესრულებით მოგვრილ კმაყოფილებას) ყოველადბრძენი ღმერთის თვალში დაახლოებით იგივე ღირებულება უნდა ჰქონდეს, რაც ბოროტების კეთებას გამორჩენის მიზნით. ნებაყოფლობით ჩავაგონებთ ჩვენს თავს, რომ თუ ღმერთი ისეთივე მაღალია, როგორც მისივე მიერ ადამიანთა მოდგმის საუკეთესო



წარმომადგენელთა გულებში ჩადებული იდეა, მაშინ მან უნდა უკუაგდოს ყველა, ვისაც კი მისი გულის მოგება სურს, ანუ ვინც ისე არ იქმს სიკეთეს, თითქოს უფალი საერთოდ არ არსებობდეს, და ვისაც სათნოება თვით ღმერთზე უფრო მეტად არ უყვარს. მაგრამ, რეალობაში, თვით ყველაზე უმნიშვნელო მოვლენის წინაშეც კი ვამჩნევთ, რომ ბავშვობის დროინდელ „პრაქტიკული ზნეობის“ ტრაქტატებს ვერ გავცდენივართ, ტრაქტატებს, რომლებშიც ყველა დანაშაული სამაგალითოდ არის დასჯილი. არადა, პირიქით, „დასჯილ სათნოებათა კრებულები“ უფრო დაგვეჭირდებოდა: ისინი უფრო მეტად წაადგებოდა ჭეშმარიტ სულებს და სიკეთის ძალა-ენერგიასაც უკეთ განავერცობდა. არ დაგვაინყდეს, რომ საკუთრივ შემთხვევითობის ამორალური ბუნე-ბიდან უნდა დაიბადოს უფრო მშვენიერი მორალი. აქაც, ისევე როგორც ყველგან, რამდენადაც უფრო მიტოვებულად გრძნობს ადამიანი თავს, მით მეტად პოულობს თავის შინაგან ძალას. შემთხვევის მიერ ჩადენილ დიდ უსამართლობებში ყველაზე მეტად გვანუხებს მალაღზნეობრივი კანონის უარყოფა. მაგრამ ამ უარყოფიდან დაუყოვნებლივ იბადება აღმატებული ზნეობრივი კანონი. სასჯელისა და ჯილდოს პრიციპის უკუგდებასთან ერთად იშვება სიკეთის სიკეთისთვისვე ქმნის აუცილებლობა. დე, ნურასოდეს შეგვანუხებს ზნეობრივი კანონის მოჩვენებითი გაქრობა. ყოველთვის დარჩება თაღარიგში კიდევ უფრო დიდი კანონი. ყველაფერი, რასაც ბედისწერის ზნეობრიობას ვამატებთ, ჩვენი უწმინდესი ზნეობრივი იდეალიდან მოგვაქვს. რაც უფრო მეტად ვრწმუნდებით ბედისწერის უსამართლობაში, მით უფრო ვწმენდთ და ვაფართოებთ ჩვენს წინ გადაშლილ უკეთესი ზნეობის ველ-მინდვრებს. ნუ წარმოვიდგენთ, რომ სათნოებას საძირკველი გამოეცლება,

რაკი ღმერთი უსამართლო გვეგონია. სწორედ თავისი ღმერთის აშკარა უსამართლობაში იპოვის ადამიანური სათნოება ურყევ საძირკველს.

## LXXIII

შევეგუოთ ბუნების გულგრილობას ბრძენი ადამიანის მიმართ. ეს განურჩევლობა მხოლოდ იმიტომ გვეუცხოვება, რომ არასაკმარისად ბრძენნი ვართ. სიბრძნის ერთ-ერთი მოვალეობა ხომ ის არის, რომ საკმარისად ზუსტი და საკმარისად მოკრძალებული წარმოდგენა შეიქმნას იმ ადგილის შესახებ, რომელიც ადამიანს უჭირავს სამყაროში.

ადამიანი ისეთივე დიდი ჩანს თავის სფეროში, როგორც ფუტკარი — ფიჭის უჯრედზე. მაგრამ აბსურდი იქნებოდა წარმოგვედგინა, რომ სკაში დედა ფუტკრის გმირული შრომის გამო კიდევ ერთი ყვავილი გაიშლება ველებზე. ნუ დავიპაატარავენთ თავს სამყაროს გაზრდის ხარჯზე. საკუთარი თავი გვეჩვენება დიადი თუ დანარჩენი სამყარო, ჩვენს სულში უწინდებურად იტრიალებს უსასრულობის განცდა — ყოველგვარი სათნოების სისხლი სისხლთაგანი.

რას წარმოადგენს სათნოების აქტი ისეთს, რომ საგანგებო დაჯილდოებას ველოდოთ? ეს ჯილდოები ჩვენშივე უნდა ვიპოვოთ და არა მიზიდულობის კანონებში. სიკეთისთვის გასამრჯელოს ითხოვენ მხოლოდ ისინი, ვინც სიკეთის რაობა არ იცის. უწინარეს ყოვლისა კი, ნუ დაგვავიწყდება, რომ სათნოების აქტი ყოველთვის ბედნიერების აქტია. ის სხვა არაფერია, თუ არა ხანგრძლივი ბედნიერ-კმაყოფილი შინაგანი ცხოვრების ყვავილი, და მუდამ გულისხმობს ჩვენი სულის ყველაზე მშვიდობიან მთებზე გატარებულ გრძელ საათებსა და დღეებს. ვერანაირი

სიკვდილის შემდგომი ანაზღაურება ვერ შეცვლიდა სიცოცხლეშივე მიღებულ მშვიდ ჯილდოს. ზემოხსენებულ კატასტროფაში დაღუპული გულმართალი კაციც (რომელზეც მე კიდევ ვისაუბრებ) მხოლოდ იმიტომ აღმოჩნდა იქ, რომ მისმა სულმა სიკეთეში ისეთი სიცხადე და მშვიდობა ჰპოვა, როგორსაც ვერავითარი ბედნიერება, დიდება და სიყვარული ვერ მისცემდა. თუ ზოგჯერ ასეთ ადამიანთა წინაშე ცუცხლის ფარდა იხსნებოდა, ნყლები უკუიქცეოდნენ, სიკვდილი ყოყმანობდა, მაშ, ამიერიდან რა ულით გმირებს და გულმართლებს? სად იქნება ბედნიერება იმ სათნოებისა, რომელიც მხოლოდ იმიტომ არის სავსებით ბედნიერი, რომ კეთილშობილი და ანკარაა, და რომელიც იმიტომ არის კეთილშობილი და ანკარა, რომ არანაირ ანაზღაურებას არ ელის? არსებობს სიხარული, რომელსაც ადამიანი განიცდის სიკეთის კეთებისას გარკვეული მიზნით; არსებობს ღვთიური სიხარული სიკეთის ქმნისა ყოველგვარი მოლოდინის გარეშე. როგორც წესი, ადამიანებმა ვიცით, რატომ ჩავდივართ ბოროტებას. ნაკლებად გვესმის, რისთვის ვიქმთ სიკეთეს, — მით უფრო ნაკლებად, რაც უფრო წმინდაა ეს სიკეთე. იმის გასაგებად, თუ რა ღირებულება აქვს გულმართალს, ვკითხოთ, რატომ არის ასეთი. სავარაუდოა, რომ ვისაც ყველაზე ნაკლები სათქმელი ექნება, ყველაზე გულმართალიც ის აღმოჩნდეს. შესაძლოა, რაც უფრო მეტად იზრდება აზროვნება, მით თითქოს უფრო მცირდება გმირობის ჩასადენი მიზეზები, თუმცა, იმავედროულად, აზროვნება ხედავს, რომ სხვა იდეალი არ მოეპოვება, უფროდაუფრო ფარული და უანგარო გმირობის გარდა.

ასეა თუ ისე, ის, ვისაც სურს სათნოება იმით გაზარდოს, რომ ამ უკანასკნელს კვერი დაუკრას ბედისწერამაც და ქვეყნიერებამაც, ჯერ სათნოების არსს

ვერ ჩანვდენია. მხოლოდ მაშინ ვმოქმედებთ უდავოდ რიგიანად, როდესაც მხოლოდ ჩვენთვის და ყოველგვარი მოლოდინის გარეშე ვმოქმედებთ (გარდა იმისა, რომ უკეთ და უკეთ გავიგოთ, რას წარმოადგენს სიკეთე, „რომლის ერთადერთი მონმე — ჩვენივე გულია“, როგორც ამბობს სენ-ჟუსტი). ღვთის თვალში, შესამჩნევი განსხვავებაა ორგვარ სულს შორის: იმას, ვინც დარწმუნებულია, რომ სათნო ქმედებიდან გამოსული სხივები უსაზღვროებამდე ივრცობა, და იმას, რომლის აზრით ეს სხივები, როგორც ჩანს, იმისთვის არ შექმნილა, რომ საკუთარი გულის კიდევს გაცდეს. ერთობ პატივმოყვრულმა — თუ არა საეჭვო — ჭეშმარიტებამ რაღაც მომენტში შეიძლება უფრო ძლიერი ტალღა ააგოროს. მაგრამ უფრო მოკრძალებული და უფრო ადამიანური სიმართლე, საბოლოოდ, უფრო დამთმენ და დარბაისლურ ძალას იძლევა. რომელია უმჯობესი: იმ ჯარისკაცად ყოფნა, რომელიც დარწმუნებულია, რომ მისი თითოეული დარტყმა მომავალ გამარჯვებას განაპირობებს, თუ იმად, რომელმაც მხოლოდ ის იცის, რომ ხელჩართულ ბრძოლაშია და მაინც იგივე შეუპოვრობით იბრძვის? კეთილი კაცი მოყვასს არასოდეს მოატყუებს, თუმცა საკმაოდ მიდრეკილია იმ აზრისკენ, რომ ცოტაოდენი თავის მოტყუება იდეალური აქტია.

მაგრამ დავუბრუნდეთ მართალი კაცის გულგატეხილობას. ვფიქრობ, სათნოება სარგებლის მომტანი რომ ყოფილიყო, ჩვენ შორის საუკეთესონი სხვა ბედნიერებას დაუნყებდნენ ძებნას, და ღმერთიც — თუ ასეთებს ხშირად დაასაჩუქრებდა — ამით სიცოცხლის დიდ მიზანს წაართმევდა. როგორც ჩანს, არაფერია აუცილებელი, არაფერია გარდაუვალი, და თუ სულს აღარ ექნება სიხარული სიკეთის კეთებისა თვით სიკეთისთვის, მაშინ სხვა, კიდევ უფრო წმინდა

სიხარულს იპოვის. მაგრამ ჯერჯერობით ეს მისი უმშვენიერესი სამკაულია და უმიზეზოდ ნუ შევეხებით. ნურც სათნოების ტრაგედიებს შევეხებით იმის რიდით, რომ, იმავდროულად, შეიძლება მისეული ბედნიერების უნათლეს არსს შევეხოთ. სულელებს, რომლებიც ამ ბედნიერებას რეალურად აგემოვნებენ, ისევე განაცვიფრებდათ, მათი დაჯილდოება რომ გვეფიქრა, როგორც სხვა სულელებს განაცვიფრებდათ, უბედურების დასჯა რომ განგვეზრახა. მხოლოდ ისინი ჩივიან დღემუდამ, ვინც თვითონ არ ცხოვრობს სამართლიანად.

## LXXIV

ინდურისიბრძნესიმართლეს ლაღადებს: „იმუშავე, როგორც მუშაობენ პატივმოყვარენი; პატივი ეცი ცხოვრებას, როგორც პატივს სცემენ ისინი, ვისაც ცხოვრება სურთ; იყავ ბედნიერი, როგორც ისინი, ვინც სიცოცხლის ბედნიერებისთვის ცხოვრობს“.

და ეს არის ადამიანური სიბრძნის ცენტრალური მომენტიც: იმოქმედო ისე, თითქოს ყოველი ქმედება თავის თავში არაჩვეულებრივ და მარადიულ ნაყოფს ატარებდეს, თუმცა ისიც იცოდე, რომ სამყაროს წინაშე სამართლიანი ქმედება ბევრი არაფერია; გქონდეს დისპროპორციის განცდა და, მიუხედავად ამისა, მაინც ისე იარო, თითქოს პროპორციები ადამიანურ ფარგლებს არ სცილდებოდეს; არ დაკარგო მხედველობიდან დიადი სფერო, თუმცა კი იმოდრავო პატარაში ისეთი ნდობით, სერიოზულობით, თვითრწმენითა და სიამოვნებით, თითქოს ეს პატარა იმ დიდსაც მოიცავდეს.

გვჭირდება თუ არა ილუზიები სიკეთის ჩვენეული სურვილის შესანარჩუნებლად? რომ გვჭირდებოდეს, მაშინ ისიც უნდა გველიარებინა, რომ ეს

სურვილი თანხმობაში ვერ მოდის ადამიანურ ბუნე-  
ბასთან. კეთილგონივრული არ იქნებოდა გვეფიქრა,  
რომ გულს ხანგრძლივად სჯერა ისეთი საგნების,  
რომლებსაც გონებას აღარ სწამს. აი, გონებას კი  
შეუძლია გულში არსებული საგნებისა სჯეროდეს.  
ბოლოს და ბოლოს, გონება იქითკენ მიდის, რომ  
ყოველთვის, როცა მის საუფლოში ღამე ეშვება,  
უფროდაუფრო მარტივად პოულობს თავშესაფარს  
გულში. ეს იმიტომ, რომ გულთან მიმართებაში გონ-  
ება გამჭრიახი, თუმცა სრულებით ნორჩი ქალიშ-  
ვილია, რომელსაც ხშირად სჭირდება თავისი ბრმა  
და მომღიმარი დედის რჩევები. დგება მომენტი,  
როცა სულიერი მშვენიერება ინტელექტუალურზე  
უფრო აუცილებელი ხდება; როცა გონების ყველა  
მონაპოვარი სულის სიდიადეში უნდა ჩაიღვაროს,  
რათა უმწეოდ არ დაიშრიტოს ველზე იმ მდინარესა-  
ვით, რომელმაც ზღვამდე ვერ მიაღწია.

## LXXV

ოღონდ ნურაფერს გავაზვიადებთ სიბრძნესთან  
დაკავშირებით, თუნდ თავად სიბრძნეს. თუ გარე-  
განი ძალები ყოველთვის არ ჩერდებიან კეთილი  
კაცის ზღურბლთან და შიგნითაც იჭრებიან, მაშინ  
შინაგან ძალთა უმრავლესობა მაინც მას ექვემდებ-  
არება. ადამიანთა თითქმის ყველა ბედნიერება და  
უბედურება შინაგანი ძალებიდან მოდის. ზემოთ ჩვენ  
ვთქვი: სადაც ბრძენი ჩაივლის, იქ მრავალი ტრაგე-  
დია აღარ ხდებაო. თვით თავისი უბრალო მუნყოფ-  
ნითაც კი იგი უმეტესწილად აუქმებს ცდომილები-  
დან თუ ბოროტებიდან შობილ ტრაგედიებს. აუქმებს  
საკუთარ თავშიც და თავის ირგვლივაც. ადამიანები,  
რომლებიც უამრავ სისულელეს ან ბოროტებას ჩაი-  
დენდნენ, ამას აღარ შვრებიან, რადგან მარტივი და

ცოცხალი სიბრძნით აღსავსე პიროვნებას გადაეყარნენ. დედამიწის მკვიდრთა უმრავლესობა წვრილმანი ბუნებისაა და, შემთხვევისდა მიხედვით, ან მტანჯველ ნაკადში უნდა მოხვდეს ან მშვიდობიანში. ვთქვათ, უან უაკ რუსოს გარშემო ყველაფერი ოხრავს და მზაკვრობს, ყველგან ხრიკი და ქვენა აზრია. უან-პოლის ირგვლივ კი ყველაფერი ლოიალურია, ყველაფერი კეთილშობილი და ნათელი ჩანს, ყველაფერი მშვიდდება და ყველაფერს სიყვარული გარემოიცავს. იმას, რასაც საკუთარ თავში ვფლობთ, იმავდროულად, ირგვლივ მყოფებშიც ვეუფლებით. გულმართალი კაცის გარშემო იქმნება დიდი, მშვიდობიანი წრე, რომლის სიღრმეში ბოროტების წვერდაჩლუნგებული ისრები ველარ აღწევს. ასეთი კაცის სულიერი შეჭირვებები ადამიანებზე აღარ არის დამოკიდებული. მართლაც, ადამიანთა სიბოროტე მხოლოდ იმ სფეროებში თუ აგვატირებს, სადაც არც ჩვენ დაგვიკარგავს მტრების ატირების სურვილი. თუ შურის ისრები ჯერ კიდევ გვესობა და გვასისხლიანებს, ეს იმიტომ, რომ ჩვენც შეგვეძლო იგივე ისრები გვეტყორცნა. თუ ლალატი ცრემლებს გვადენინებს, ესეც იმიტომ, რომ ჩვენც ძალგვიძს ვულალატოთ. სულს მხოლოდ იმ შეურაცხმყოფელი იარაღით თუ დაჭრიან, რომელიც მას ჯერ თვითონვე არ მოუსროლია სიყვარულის კოცონში.

## LXXVI

რაც შეეხება სიკეთის ტრაგედიებს, ისინი თამაშდება ისეთ სცენაზე, რომელიც ბრძენისთვის და არაბრძენისთვის ერთნაირი იდუმალებითაა მოცული. ჩვენ მხოლოდ კვანძის გახსნას ვხედავთ, მაგრამ არ ვიცით, რომელ წყვდიადში ან რომელ სინათლეში გამოინასკვა ეს კვანძი. გულმართალი კაცი ვე-

რაფერს შეჰირდება თავის თავს, გარდა იმისა, რომ ბედისწერამას გულმონყალების ან სამართლიანობის რომელიმე აქტში წაასწრებს. ასეთი კაცია ყოველთვის მხოლოდ მადლიან (ქრისტიანთა გამოთქმით), ანუ შინაგანი ბედნიერების მდგომარეობაშია. ეს კი უკვე კარის დაკეტვას და ყოველგვარი ცუდი შინაგანი ბედისწერისა და გარეგან შემთხვევითობათა უმრავლესობის არშემოშვებას ნიშნავს.

რამდენადაც უფრო მალდება მოვალეობასთან და ბედნიერებასთან დაკავშირებული ჩვენი იდეა, მით მეტად ინმინდება ზნეობრივი ტანჯვის საუფლოც. და განა ეს არ არის ბედისწერის ყველაზე ტირანული საუფლო? საბოლოო ჯამში, ჩვენი ბედნიერება ჩვენს შინაგან თავისუფლებაზე ჰკიდია. ეს უკანასკნელი იზრდება, როცა სიკეთეს ვიქმთ, და მცირდება, როცა — ბოროტებას. არა მეტაფორულად, არამედ სრულუბნით რეალურად თავისუფლდება მარკუს ავრელიუსი ყოველ ჯერზე, როდესაც შემწყნარებლობის საკითხში ახალ ჭეშმარიტებას პოულობს, როცა მიუტევენს ან თუნდაც, უბრალოდ, აზროვნებს. კიდევ უფრო პირდაპირი გაგებით აკაბალებს მაკბეტი თავის თავს ყოველ ახალ დანაშაულთან ერთად. და ყველაფერი, რაც მართებულია სამეფო კარზე მომხდარ დიდ დანაშაულში ან ჰეროიკული ცხოვრების დიდ სათნოებაში, არანაკლებ ითქმის ყოვლად ჩვეულებრივი ცხოვრების ყველაზე მოკრძალებულ შეცდომათა და უცნობ სათნოებათა შესახებაც. ჩვენ ირგვლივ ყველგან ბავშვი-ავრელიუსებია, ისევე როგორც მაკბეტები, რომლებიც თავიანთი ოთახიდან არ გამოდიან. რა არასრულყოფილიც უნდა იყოს ჩვენი იდეა სიკეთის შესახებ, როგორც კი ერთი წამით განვეშორებით, მაშინვე არაკეთილმოსურნე გარეგანი ძალების სამიზნე ვხდებით. ჩემი გულის დუმილში ჩამარხულმა უბრალო სიცრუემ საკუთარი თავის მიმართ,



შესაძლოა, ისეთი დამლუპველი დარტყმა მიაყენოს ჩემს შინაგან თავისუფლებას, როგორც საჯაროდ ჩადენილმა ღალატმა. და როგორც კი ჩემი შინაგანი თავისუფლება მოწყლულია, ბედისწერა ჩემს გარეგან თავისუფლებას ისევე უახლოვდება, როგორც მტაცებელი — მსხვერპლს, დიდხანს რომ უთვალთვალეზდა მანამდე.

## LXXVII

არსებობს თუ არა ტრაგედია, რომელშიც სრულყოფილად ბრძენი და სრულყოფილად მშვენიერი ადამიანი ისევე ღრმად იტანჯებოდეს, როგორც მავანი უკეთური? როგორც ჩანს, ამქვეყნად ბოროტება თავის სასჯელს უფრო მტკიცედ ამკვიდრებს, ვიდრე სათნოება — მისეულ ჯილდოს. ამავე დროს, დანაშაულს თავისი თავის ხმამაღლა დასჯა სჩვევია, სათნოება კი თავის მოქმედებას ღუმელში — მისივე ბედნიერების დახურულ ბაღში — ინაზღაურებს. ბოლოს და ბოლოს, ბოროტება მოვა და თავის კატასტროფებსაც მოიყოლებს, სათნოების აქტი კი მხოლოდ ადამიანური არსებობის უღრმესი კანონებისადმი მიტანილი უენო ზვარაკია. და, ალბათ, სწორედ ამიტომ გვეჩვენება, რომ დიდი სამართლიანობის სასწორი უფრო ხალისიანად იხრება წყვილიადის, ვიდრე სინათლის მხარეს. მაგრამ თუ ნაკლებად მოსალოდნელია, რომ რეალურად არსებობდეს „ბედნიერება დანაშაულში“, ნუთუ უფრო ხშირად შევხვედრივართ „უბედურებას სათნოებაში“? უწინარეს ყოვლისა, გვერდზე გადავდოთ ფიზიკური ტკივილები, ყოველ შემთხვევაში — ისინი მაინც, რომელთა სათავე შემთხვევითობის უღრან ტყეებში ჩაკარგულა. თქმა არ უნდა: ჯალათთა ხროვა თვალის დაუხამხამებლად დააკრავდა სპინოზას ნამების საწოლზე, ისევე რო-

გორც ვერაფერი დააბრკოლებდა ყველაზე მძიმე სნეულებებს — თავს დასტეხოდნენ სხვა დიდებულ ადამიანებს. ეს არის ტკივილის არა ადამიანური, არამედ ცხოველური მხარე. ამასთანავე, ისიც გავითვალისწინოთ, რომ ბედისწერის საუფლოში და, კონკრეტულად, ფიზიკური ტკივილის ზონაში სიბრძნე თავის უნორჩეს დას — მეცნიერებას აგზავნის. თუმცა, ყოველივეს მიუხედავად, ამ სამფლოლოში მუდამ იქნება მიუწვდომელი კუნჭული, სადაც ფათერაკი იმეფებს. ყოველთვის იარსებებს შეუმცირებელი უსამართლობის მსხვერპლი, რომელიც იმას მაინც გვასწავლის, რომ პოზიტიური, ადამიანური და კეთილშობილი სიბრძნე ცოტაოდენი მისტიკური სიბრძნითაც უნდა შევავსოთ.

მხოლოდ იმ დღიდან გავხდებით ჭეშმარიტად სამართლიანნი, როდესაც სამართლიანობის მოდელს მარტოოდენ საკუთარ თავში მოვიძიებთ. არადა, ბედისწერის უსამართლობა ადამიანს მისთვის კუთვნილ ადგილზე აბრუნებს ბუნებაში. ჰოდა, ადამიანსაც დიდად ვერაფრად წაადგება, რომ ჯერაც დედის მძებნელი ბავშვივით დღენიადაგ თვალები აცეცოს. ნუ ვირწმუნებთ, რომ ამ გულგატეხილობებმა მორალურად უნდა დაგვეჯაბნოს. რაოდენ ნირნამხდენიც უნდა იყოს, ჭეშმარიტება გარდაქმნის იმათ მხნეობას, ვინც იცის ამ ჭეშმარიტების მიღება. ყველა შემთხვევაში, დამთრგუნველი ჭეშმარიტება (დამთრგუნველი თუნდაც იმიტომ, რომ ის *ჭეშმარიტებაა*) ყოველთვის მეტად ფასობს, ვიდრე გამამხნეებელ სიცრუეთაგან საუკეთესო. მაგრამ არ არსებობს დამთრგუნველი ჭეშმარიტება, არსებობს მხოლოდ არაჭეშმარიტი მხნეობა. ის, რაც სუსტებს არყევს, ძლიერებს განამტკიცებს.

აი, რას წერდა ერთი ქალი:

„ჩვენი სიყვარულის დღეზე ვფიქრობდი. იმ დღეს

ზღვაზე გამავალ დიდ ფანჯარასთან ვიდექით და პორ-  
იზონტიდან მომავალ უამრავ თეთრ ნავს გავეყურებ-  
დით. ყველა მათგანი მორჩილად უნდა გაჩერებულიყო  
ნავმისადგომში, რომელსაც ჩვენ გადავცქეროდით...  
ახლაც თვალწინ მიდგას ის ყველაფერი.. გახსოვს თუ  
არა ის ერთადერთი ნავი, რომელსაც თითქმის შავი  
აფრა ჰქონდა და რომელიც პორტში უკანასკნელი  
შემოვიდა? ის თუ გახსოვს, რომ უკვე ჩვენი ნასვლის  
დრო იყო (რაც ასე გვემძიმებოდა) და რომ გამგზა-  
ვრების სიგნალად სწორედ იმ ნავის შემოსვლა მივი-  
ლეთ? იმ დამთხვევაში, რომ ბოლო ნავი თალხი ფერისა  
იყო, ჩვენ შეგვეძლო მელანქოლიის საბაბი გვეპოვა.  
მაგრამ როგორც შეყვარებულებმა, რომლებმაც  
ცხოვრება „მიიღეს“, ეს ფაქტიც ღიმილით მივიღეთ და  
კიდევ ერთხელ ამოვიცანით ერთმანეთი.“

სწორედ ასე უნდა ვიქცეოდეთ მთელ ცხოვრებაში.  
არც ისე იოლია გაღილება ყოველთვის, როცა შავაფრი-  
ანი ნავი მოგადგება. მაგრამ შესაძლებელია ცხოვრე-  
ბაში ისეთი რამეც ვიპოვოთ, რაც ჩვენზე მეუფებს,  
ოღონდ ისევე არ გვანადვლიანებს, როგორც ამ წერ-  
ილის დამწერ ქალბატონზე მეუფებდა სიყვარული,  
მაგრამ არ ანადვლიანებდა. რაც უფრო ფართოვდება  
ადამიანის აზრი და გული, მით ნაკლებს ლაპარაკობს  
უსამართლობაზე. ნუგეშისმომცემი იქნებოდა ჩვენი  
თავისთვის გვეთქვა: რამდენადაც ამ სამყაროს ნაყ-  
ოფები ვართ, იმდენად ყოველივე სამყაროსეული  
ჩვენს სასიკეთოდ ხდებაო. სამყაროს კანონი, სასტიკი  
რომ გვეგონია, როგორც ჩანს, უფრო შეესატყვისება  
ჩვენს არსებას, ვიდრე ყველა საუკეთესო კანონი,  
რომლებიც კი შეგვეძლო წარმოგვედგინა. როგორც  
ჩანს, მოვიდა დრო, როცა ადამიანმა უნდა ისწავლოს  
თავისი სიამაყის თუ სიხარულების ცენტრის სხვა-  
გან — არა საკუთარ თავში — მოძებნა. როცა თვა-  
ლები გვეხილება, ჩვენზე უფროდაუფრო დიდი ძა-

ლის მეუფებას ვგრძნობთ, თუმცა, პარალელურად, იმ უეჭველობასაც ვიძენთ, რომ თვითონვე ვხდებით ამ ძალის ნაწილი. და როცა გვირტყამს, მაშინაც ისე შევხარით მას, როგორც ყრმა ტელემაქე შეჰხაროდა მამისეული მკლავის ძალას.

ნელ-ნელა შევეჩვიოთ იმას, რომ ბუნების შეუცნობლობასაც იმავე ცნობისნადილითა და კმაყოფილი განცვიფრებით შევხედოთ, როგორც ზოგჯერ ჩვენივე არაცნობიერის წინაღუდგომელ მოძრაობებს ვუყურებთ ხოლმე. მერე რა, რომ ხანდახან ჩვენი გონების პატარა ლამპარს მიმოვატარებთ იმაში, რასაც სამყაროს თუ ჩვენს საკუთარ არაცნობიერს ვუნოდებთ? ორივე თანაბრად ინტიმურად გვეკუთვნის.

„საკუთარი ძალმოსილების გაცნობიერების შემდეგ, — ამბობს გუიო<sup>23</sup>, — ადამიანის ერთ-ერთი უმაღლესი პრივილეგიაა თავისივე უძღურების გაცნობიერება (ყოველ შემთხვევაში — ინდივიდუალურის). თვით იმ დისპროპორციიდან, რომელიც არსებობს იმ უსასრულობას (რომელიც გვანადგურებს) და იმ არარაობას (რომელსაც ჩვენ წარმოვადგენთ) შორის, ერთგვარი სიდიადის გრძნობა გვიჩნდება. გვიჯობს, მთამ გაგვსრისოს, ვიდრე ქვამ; გვირჩევნია, ათასი კაცის წინააღმდეგ ბრძოლაში მოვკვდეთ, ვიდრე ერთის. ჩვენი უსაზღვრო უძღურების სარკეში ჩახედვის შემდეგ აზროვნება დამარცხების სინანულისგან გვათავისუფლებს.“

ვინ იცის? არის მომენტები, როცა ის, რაც გვამარცხებს, თითქოს ჩვენი არსების დამარცხებულ ნაწილზე უფრო ახლობელი ხდება. არაფერი ისე იოლად არ იცვლის კერას, როგორც თვითმოყვარება, რადგან ინსტინქტი გვაფრთხილებს, რომ ყველაფერი უწინდებურად ჩვენს განკარგულებაში რჩება. ძლევამოსილი მეფის ირგვლივ მყოფ კურტიზანთა თვითმოყვარება უფრო ბრწყინვალე თავშესაფარს ეძებს ამ მე-

ფის ყოვლისშემძლეობაში და ძრწოლისმომგვრელი ტახტის სიმაღლიდან მათ თავებზე დამტყდარი დამცირებაც მით უფრო ნაკლებად უმსხვერვეს სიამაყეს, რაც უფრო მაღლიდან ატყდებათ. ბუნება, რომლის გულგრილობა უფროდაუფრო კლებულობს, საკმარისად უკიდევანო აღარ მოგვეჩვენება. უსასრულოს ჩვენეულ განცდას თავისუფლად სამოძრაოდ მთელი თავისი უსასრულობა, მთელი თავისი განურჩევლობა სჭირდება... და ჩვენი სულის რომელიდაც კუნჭულსაც მუდამ ერჩივნება, რომ ზოგჯერ უსაზღვრო სივრცეში იტიროს, ვიდრე მუდმივად ბედნიერი იყოს დასაზღვრულში.

ბედისწერა რომ უცვლელად სამართლიანი ყოფილიყო ბრძენი ადამიანის მიმართ, ეს დიდებული იქნებოდა თვით თავისი არსებობის ფაქტით. მაგრამ რამდენადაც ბედისწერა განურჩეველია, ეს კიდევ უკეთესია და ეგებ უფრო დიადიც. ნებისმიერ შემთხვევაში, ამით სამყაროს ის მნიშვნელობა უბრუნდება, ჩვენს ქმედებებს რომ ერთმევა. აქ ჩვენ არაფერს ვკარგავთ, რადგან ბუნების კუთვნილება იქნება ის თუ მისივე გულის ნაწილი — ბრძენისთვის არავითარი სიდიადე არ იკარგება. ასე რატომ უნდა გვადარდებდეს უსასრულობის ამბავი? — ყოველივე მისეული, რაც კი ადამიანს შეიძლება ეკუთვნოდეს, მხოლოდ და მხოლოდ იმისი იქნება, ვინც უსასრულობას თაყვანს სცემს.

## LXXVIII

ბალზაკის რომანი თუ გახსოვთ, სახელად „პიერეტა“, ციკლიდან „უცოლო კაცები“? არა, ეს თხზულება ბალზაკის ერთ-ერთი შედევრთაგანი არ არის და მეც ამ კუთხით არ მიხსენებია. მასში მოთხრობილია ნაზ და უმანკო ბრეტონელ ობოლ გოგონაზე,

რომელსაც თავისი ბოროტი ვარსკვლავი საყვარელ პაპა-ბებიას მონყვეტს და პროვინციულ ქალაქში მცხოვრები ბიძისა და მამიდის ნაღვლიან სახლში ჩამარხავს. წარსულში გალანტიერიით მოვაჭრე ბატონი როგრონი და მისი და, ქალბატონი სილვია, მკაცრი და უფერული ბურჟუები, ბრიყვულად პატივმოყვარენი და ძუნწები, მოუსვენარი, უოჯახო, პირქუში და ინსტინქტურად მოძულე ადამიანები არიან.

მათთან დასახლებისთანავე იწყება უწყინარი და მოსიყვარულე პიერეტას ნამება. არ აყოვნებს არც ფულთან დაკავშირებული ამაზრზენი მომენტები: ყველაფერში მომჭირნეობა, არავითარი ქორწინება, მიდრეკილებების ალაგმვა, მემკვიდრეობაზე უარის თქმა და ა.შ. მეზობლები — როგრონების მეგობრები — აუღელვებლად ესწრებიან ქალიშვილის ხანგრძლივ ნამებას და მათი ინსტინქტიც ძლიერის მხარეს იკავებს. ყველაფერს აგვირგვინებს პიერეტას შესაბრალისი სიკვდილი, როგრონების ტრიუმფი, გულისამრევი ადვოკატი და ყველა ის ადამიანი, ვინც მათ გვერდში ედგა. თითქოს თვით შემთხვევითობაც კი როგრონების მხარეზე იყო და საგანთა მდინარებაში თავისი ნების სანინაალმდეგოდ ჩათრეული ბალზაკიც ამ ამბავს ისეთი ფრაზით ამთავრებს, თითქოს სინანულს გამოთქვამსო: „ჩვენში დარჩეს და, კანონიერება საუცხოოდ მოერგებოდა საზოგადოებრივ თაღლითობას, — რომ არა ღმერთი.“

აუცილებელი არ არის, რომ მსგავსი ტრაგედიები მაინცდამაინც რომანებში ვეძებოთ. ასეთი ამბები ყოველდღიურად ხდება ადამიანთა სამყაროში. და ამჯერად ბალზაკს მეც მხოლოდ იმიტომ მოვუხმე, რომ ამ რომანში მწვერვალურად ვლინდება უსამართლობის ტრიუმფის ყოველდღიური ამბავი. არაფერია ასეთ მაგალითებზე უფრო ზნეობრივი და, ალბათ, მორალისტთა უმეტესობა ამაოდ შეა-

სუსტებდა მათში მოცემულ დიდ სწავლებას იმით, რომ შეძლებისამებრ შეეცდებოდა ბედისწერისთვის იმისეულ უსამართლობათა მიტევენებას. ზოგს იმის იმედი აქვს, რომ დაჩაგრულ უმანკოებას ისევდაისევ ღმერთი შეენწევა. სხვები იმასაც გვეუბნებიან, რომ ბალზაკის რომანში ყველაზე უფრო შესაბრალებელი თვით მსხვერპლი არ არის. და ამის მოქმელნი, ალბათ, რამდენიმე თვალსაზრისით მართლებიც არიან. პატარა პიერეტას, დეენილსა და უბედურს, აქვს ისეთი სიხარულები, რომლებიც უცნობია მისი ჯალათებისთვის. იგი ტირილის დროსაც კი ნაზი, მოსიყვარულე და ალერსიანი რჩება და ამ ცრემლებში მეტი ბედნიერებაა, ვიდრე ცივ, ეგოისტურ, ღვარძლიან ღიმილში. სევდისმომგვრელია, როცა სიყვარულზე სიყვარულით არ გპასუხობენ, მაგრამ კიდევ უფრო გულდასაწყვეტია, როცა საერთოდ არაფერს გიყვარს. ან როგორ შეეძაროს როგრონების გონჯი კმაყოფილება, მათი პანია, სულმდაბალი და გონებაშეზღუდული იმედები ამ უსამართლობის შეწყვეტის მომლოდინე გოგონას დიდ იმედს? არაფერი გვანიშნებს, რომ ფერმკრთალი პიერეტა მის ირგვლივ მყოფებზე უფრო ჭკვიანია. მაგრამ ის, ვინც უსამართლობაში იტანჯება, ამ ტანჯვაში იქმნის ჰორიზონტს, რომელიც მანამდე ივრცობა, სანამ მხოლოდ მალლამდგომი სულისთვის ნიშნულ სიხარულებს არ შეეხება (თითქოს ასე ეხება მინაცვას თვალსაწიერზე, თუნდაც მთის წვერიდან არ ვუყურებდეთ). ჩვენ მიერ ჩადენილ უსამართლობას მალე დავყავართ პატარ-პატარა მატერიალურ სიხარულებამდე და, რამდენადაც უფრო მეტად ვეძლევიტ მათ, მით მეტად გვშურს ჩვენი მსხვერპლის უნარი — უფროდაუფრო ცოცხლად შეჰხაროდეს ყველაფერ იმას, რაც ვერ ნავართვით, რასაც ვერ მივწვდით, რაც მატერიასთან უშუალო შეხებაში არ

მოდის. უსამართლობის აქტი ყურთამდე უღებს მსხვერპლს იმ კარს, რომელსაც ჯალათი თავის სულში კეტავს. და ადამიანი, რომელიც იტანჯება, მის მტანჯველზე უფრო სუფთა ჰაერით სუნთქავს. ასჯერ უფრო მეტად განათებულა დევნილის გულის სიღრმე მდევნელის გულის სიღრმესთან შედარებით. და განა ბედნიერების მთელი სიჯანსაღე ჩვენს შიგნით არსებულ სინათლეზე არ ჰკიდია? ადამიანი, რომელიც ტკივილს გვაყენებს, თავის თავში იმდენ ბედნიერებას აქრობს, რამდენსაც ჩვენში ვერ ჩააქრობს.

საქმე არჩევანზე რომ მიმდგარიყო, რომელი ჩვენგანი არ ისურვებდა უფრო პიერეტას ადგილზე ყოფნას, ვიდრე როგრონებისაზე? ბედნიერების ჩვენულმა ინსტინქტმა იცის: შეუძლებელია, გულმართალი ადამიანი უფრო ბედნიერი არ იყოს, ვიდრე ის, ვისაც ბრალი მიუძღვის, — მიუძღვის თუნდაც სამეფო ტახტის სიმალლიდან. ისიც შეიძლება დავუშვათ, რომ როგრონებმა თავადაც არ უწყიან, რა უსამართლობას სჩადიან. მერედა რა გაუცნობიერებელ ბოროტებაში სული ისევე იხუთება, როგორც გაცნობიერებულში. და პირიქით: მას, ვინც იცის, რომ ბოროტებას იქმს, ზოგჯერ საკნიდან თავის დაღწევის სურვილი უჩნდება. სხვები იქვე კვდებიან ისე, რომ აზრშიც კი არასოდეს დასხლტომიან კედლებს, ეგზომ ნალვლიანად რომ მალავენ მათგან ადამიანის ქეშმარიტ რაობას.

## LXXIX

რისთვის ვეძებოთ სამართლიანობა იქ, სადაც ის ვერ იქნება? ან კი არსებობს სადმე, თვინიერ ჩვენი სულისა? ენა, რომელზეც ის მეტყველებს, თითქოს ადამიანური გონების ბუნებრივი ენაა. მაგრამ როგორც კი სამყაროში მოგზაურობას გადწყვეტს,



უკვე სხვა სიტყვები უნდა ისწავლოს. არ არსებობს იდეა, რომელზეც სამყარო უფრო ნაკლებად ფიქრობდეს, ვიდრე სამართლიანობაზე ფიქრობს. ის მხოლოდ წონასწორობაზე ზრუნავს. და რასაც ჩვენ სამართლიანობას ვუწოდებთ, მხოლოდ და მხოლოდ წონასწორობის კანონთა ადამიანური ტრანსფორმაციაა (როგორც თაფლია ყვაველთა წვენი ტრანსფორმაცია). ადამიანის გარეთ არავითარი სამართლიანობა არ არსებობს, თვით ადამიანში კი სამყარო არასოდეს ირცხვენს თავს უსამართლობის ჩადენით. სხეულს შეუძლია დატკბეს შეუფერებელი სიამეებით, სული კი მხოლოდ მისივე სათნოებით მიღებულ კმაყოფილებას აღიარებს. ჩვენს შინაგან ბედნიერებას წონის მოსამართლე, რომელსაც ვერავინ და ვერაფერი მოისყიდის. ამის მცდელობა ხომ იგივეა, რომ კიდევ რაღაც წაართვა უკანასკნელ ჭეშმარიტ ბედნიერებას, რომელიც ამ მოსამართლემ სასწორის მანათობელ თასზე უნდა დადოს. ამკარად გულგამგმირავია უწყინარი ადამიანის დაჩაგვრა და დედამიწაზე მისთვის გამოყოფილი მცირეოდენი წლების დაბნელება, როგორც ამას როგრონები სჩადიან. მაგრამ არ გვმართებდა ლაპარაკი უსამართლობაზე, თუკი როგრონების ქმედება მათ შინაგან ნეტარებასა და მშვიდობას ჰგვრიდა, აზრსა და ზნეს უმაღლებდა, ანუ იმასვე აძლევდა, რასაც სათნოება, მედიტაცია და სიყვარული აძლევდა სპინოზას ან იმავე მარკუს ავრელიუსს. ისიც მართალია, რომ ბოროტების კეთება ადამიანს გარკვეულ ინტელექტუალურ სიამოვნებას ჰგვრის. მაგრამ ეს ბოროტება უცილობლად ზღუდავს აზრს, რომელიც პირადულ-ეფემერულ საზღვრებს ველარ სცილდება. უსამართლობის ჩადენით ჩვენ ვამჟღავნებთ, რომ ჯერ არ მიგვიღწევია იმ ბედნიერებისთვის, რომლის მიღწევაც ადამიანს ხელენიფება. ვთქვათ უკანასკნელად:

თვით ბოროტებაშიც მოიძიება გარკვეული თავისუფლება, საკუთარი არსების გარკვეული გაფურჩქნა, რასაც უკეთური ადამიანი ესწრაფვის. ამ გაფურჩქნის დროს მას შეუძლია თავი ბედნიერადაც კი იგრძნოს... მაგრამ იგრძნობდა თუ არა თავს ბედნიერად ასეთი გაფურჩქნის ნუთში სხვა გაფურჩქნისა და სხვა სიმშვიდის მცნობელი მარკუს ავრელიუსი? ავიღოთ ბავშვი, რომელსაც ჯერ ზღვა არ უნახავს და რომელიც დიდი ტბის პირას მიიყვანეს. მას ჰგონია, რომ ზღვას ხედავს და სიხარულით ტაშსაც შემოჰკრავს. ის მეტს აღარ ითხოვს. მაგრამ ნუთუ იმიტომ, რომ ნამდვილი ზღვა არ არსებობს?

ბედნიერია თუ არა ის, ვინც ბედნიერებას არ იმსახურებს და ვისი „ბედნიერებაც“ დამოკიდებულია უამრავ პატარ-პატარა ტრიუმფზე, რომლებიც შურმა, პატივმოყვარეობამ, გულგრილობამ უნდა მოუტანოს ყოველდღიურად? თქვენთვისაც ისურვებდით თუ არა ცხოვრების მისეულ ცნობიერებას, მისი სულისთვის დამაკმაყოფილებელ რელიგიას, მისი სანუხარ-საზრუნავის შესატყვის სამყაროს? არადა, განა ეს ყველაფერი არ ქმნის მეტ-ნაკლებად ფართო და მეტ-ნაკლებად ღრმა კალაპოტს, რომელშიც ბედნიერება მიედინება? შეიძლება მასაც იგივე საგნები სწამს, რაც ბრძენს: რომ ღმერთი არსებობს ან არ არსებობს; რომ ყველაფერი ამ ცხოვრებით მთავრდება ან რომ არსებობა სიკვდილის შემდეგაც გრძელდება; რომ მხოლოდ მატერია ან მხოლოდ სული არსებობს... მაგრამ ნუთუ ფიქრობთ, რომ ეს საგნები მას იმნაირადვე სწამს, როგორც ბრძენს ან გულმართალს? ბედნიერება, რომელსაც იმაში ვპოულობთ, რაც გვწამს, ანუ ბედნიერება, როგორც ცხოვრების გარკვეულობა, შინაგანი ყოფიერების რწმენა და სიმშვიდე, არა ფარხმალდაყრილი, არამედ აქტიური, ბუნების კანონებისთვის კითხვების დამსმელი და ამ

კანონებთან სისხლხორცეულ თანახმიერებაში მყოფი არსებობა, — ასეთი ბედნიერება ხომ იმით უფრო განისაზღვრება, როგორ გვწამს, ვიდრე იმით, თუ რა გვწამს? მე შემოძლია სწორედაც რომ რელიგიურად და უსასრულოდ მწამდეს, რომ ღმერთი არ არსებობს; რომ ჩემს მოსვლას ამქვეყნად სხვა მიზანი არა აქვს, თვინიერ ამ მოსვლისა; რომ ჩემი სულის არსებობა ამ უკიდევანო ქვეყანას ერთი დღემოკლე ყვავილის არსებობაზე მეტად არ სჭირდება. ამავე დროს, თქვენ შეიძლება წვრილმანურად გწამდეთ, რომ ერთადერთ და ყოვლისშემძლე ღმერთს უყვარხართ და გმფარველობთ. მე მაინც თქვენზე ბედნიერი ვიქნები, თუკი ჩემი გაურკვეველობა თქვენს რწმენაზე უფრო დიდი, უფრო სოლიდური და უფრო კეთილშობილურია, თუ ამ გაურკვეველობამ უფრო სიღრმისეულად გამოჰკითხა ჩემს სულს, უფრო ფართო თვალსაწიერი მოიარა, უფრო მეტი რამ შეიყვარა. ასეთ შემთხვევაში, ღმერთი, რომელიც მე არ მწამს, უფრო ძალუმი და მანუგეშებელი იქნება, ვიდრე ის, რომელიც თქვენ გწამთ, თუკი დავიმსახურე, რომ ჩემი ეჭვი უფრო ვრცელ და უფრო წმინდა აზრ-გრძნობებს ეყრდნობოდეს, ვიდრე თქვენი უეჭველობის მამოძრავებელი აზრ-გრძნობებია. ვთქვათ კიდევ ერთხელ: საგულისხმოა არა რწმენა ან ურწმუნობა, არამედ იმ მიზეზთა კეთილსინდისიერება, მასშტაბი, უანგარობა და სიღრმე, რომელთა გამოც ჩვენ გვწამს ან არა გვწამს.

## LXXX

ამ მიზეზებს კი არ ვირჩევთ, არამედ ვიმსახურებთ, როგორც ჯილდოს და საზღაურს. ხოლო ისინი, რომლებსაც ვირჩევთ ხოლმე, შემთხვევის ხელით ნაყიდი მონებია: მათ ცოცხლებიც კი არ ერქმით, არაფერთან არ არიან კავშირში და თვალი

სულ გაქცევისკენ უჭირავთ. ხოლო დამსახურებული მიზეზები ფიქრიანი და ერთგული ანტიგონეებივით გვიმხნევენ ნაბიჯებს. თუმცა მათ ჯერ სულში არ ვუშვებთ. ჯერ საკმაოდ დიდხანს უნდა იცხოვრონ ჩვენში, იქ გაატარონ ბავშვობა, ყველა ჩვენეული ფიქრით, ყველა მოქმედებით უნდა იკვებონ და იქვე დაიგროვონ წრფელი და სიყვარულით აღსავსე ცხოვრების ათასი მოგონება. ზრდასთან და სულის თვალსაწიერის გაფართოებასთან ერთად ფართოვდება ბედნიერების ჰორიზონტიც, რადგან ჩვენი ბედნიერება მხოლოდ ჩვენივე გრძნობებითა და აზრებით დაკავებულ სივრცეში თუ იმოდრავებს. მას ფიზიკური სივრცე არ სჭირდება, სულიერი კი არასოდეს არ არის საკმარისად დიდი. მუდამ უნდა ვეცადოთ მის გაზრდას — მანამდე, სანამ ჩვენი ბედნიერება აღარ მოგვთხოვს სხვა საკვებს, გარდა საკუთრივ იმ სივრცისა, რომელსაც თვითვე პოულობს ზრდა-ამაღლებასთან ერთად. აი, მაშინ კი ადამიანი იწყებს ბედნიერად ყოფნას საკუთარი არსების ნამდვილად ადამიანურ და ხელშეუხებელ ნაწილში. ყველა სხვა ბედნიერება, არსებითად, სხვა არაფერია, თუ არა გაუცნობიერებელი ფრაგმენტები ამ ბედნიერებისა, რომელიც მედიტაციაშია, იყურება და ვერანაირ სამანს ველარ ხედავს ვერც თავის თავში და ვერც ყოველივე გარემომცველში.

## LXXXI

ეს სივრცე დღიდან დღემდე ბოროტებაში მომწყვდეულა, რადგანაც ადამიანის გრძნობები და აზრები ძალაუნებურად ბოროტებაში ემწყვდევიან. მაგრამ რამდენადმე ამაღლებული კაცი უკეთურებას აღარ იქმს, რადგან ბოროტება, საბოლოო ჯამში, მხოლოდ შეზღუდული აზრიდან და უღიმღამო

გრძნობიდან იბადება. ასეთი კაცი ბოროტებას აღარ ჩაიდენს, რადგან მისი ფიქრები ამაღლდა და განინმინდა. ეს ფიქრები თვითონაც ინმინდება იმის გამო, რომ ამ ადამიანს აღარ ძალუძს ბოროტების ჩადენა. ამგვარად, ჩვენი მოქმედებები და ჩვენი აზრები — მას შემდეგ, რაც მოიპოვებენ აუზღვრეველ ცას, სადაც დაუბრკოლებლად იშლება ჩვენი სულის სიცოცხლე — ფრინველის ორი ფრთასავით განუყოფელნი არიან ერთმანეთისგან. ხოლო ის, რაც ფრინველისთვის წონასწორობის კანონია, ადამიანისთვის სამართლიანობის კანონი ხდება.

## LXXXII

ვინ გვეტყვის: ეგებ ის უბადრუკი სიამოვნება, უკეთური რომ პოულობს ბოროტებაში, მანამდე ეხება სულს, სანამ მასში არ გაკრთება სიკეთის თუ გულმონყალების სუსტი და ბუნდოვანი სურვილი, შორეული აღთქმა თუ შესაძლებლობა?

ვიდრე მსხვერპლს ხელში ჩაიგდებდეს, ეგებ ბოროტი ადამიანი მხოლოდ იმ წამში ამჩნევს თავისი მავნე სიხარულის უფრო ნათელ და უფრო სასარგებლო მხარეს, როცა ფიქრობს, რომ შეეძლო მიეტევიებინა? თითქოს თავისი ტრიუმფის გასანათებლად ზოგჯერ ბოროტებას სიკეთის სხივი სჭირდება. შეუძლია კი ადამიანს, ისე ილიმოს სიძულვილში, რომ ჯერ სიყვარულში არ სურდეს გაღიმება? მაგრამ სიძულვილის დიმილი ნამიერია. შეგვეძლო გვეთქვა, რომ არ არსებობს სული, რომელშიც ბედნიერების კიბე ზუსტად იმავე ნიშნულებს არ ატარებდეს, რასაც სამართლიანობის ან გულმონყალების კიბე. აქ მე ერთმანეთს ვამთხვევ ორ სიტყვას, რადგან გულმონყალებაც და სიყვარულიც სამართლიანობაა, რომელსაც სხვა აღარაფერი აქვს დასათვლელი, ძვირფასი ქვების გარდა. კაცი,

რომელიც ბედნიერების მომკას ბოროტებაში აპირებს, ამითადასტურებს, რომ ისეთი ბედნიერი არ არის, როგორც მეორე ადამიანი, რომელიც მას ამ საქმიანობაში ხედავს და არ ამართლებს. არადა, მასაც იგივე მიზანი აქვს, რაც გულმართალს. ისიც ბედნიერებას ეძებს, ეძებს — ვერც კი ვიტყვი — რომელიღაც სიმშვიდეს თუ გარკვეულობას. მაშ, რისთვის დავსაჯოთ? იმისთვის ხომ არ დავსჯით ღარიბს, სასახლეში რომ არ ცხოვრობს და, სვეგამწარებული, უბადრუკ ქობმახში შეყუყულა. იმის თვალში, ვინც უხილავს ხედავს, ყველაზე უსამართლო კაცის სულსაც კი მუდამ სამართლიანობის უმნიკვლო სამოსი აცვია, მუდამ ამ უკანასკნელის ატრიბუტებს ატარებს და მუდამ მის ნმინდა აქტივობაში იქნება. იგი მუდამ ანონ-დანონის მშვიდობას, სიყვარულს, სიცოცხლის ცნობიერებას, მინის თუ ცის ღიმილებს ან იმას, რაც ამ ღიმილებს აუქმებს, ამდაბლებს, შხამავს, და ამ ყველაფერს ისეთივე ზრუნვით ახორციელებს, როგორითაც ნმინდანის, გმირის, მოაზროვნის სული იზამდა. შესაძლოა, არაფერს ვაშავებთ, რომ იმ სამყაროს სამართლიანობა გვალეღვებს, რომელსაც სულაც არ ალელვებს თავისი თავი, ისევე როგორც ფუტკარი არ აშავებს, როცა თაფლს არა მისივე მიერ შექმნილ ფიჭაში დებს. მაგრამ იმაში კი ვცოდავთ, რომ გარეგანი სამართლიანობა გვსურს: ის ხომ არ არსებობს. უნდა ვიმყოფინოთ ის სამართლიანობა, რომელიც ჩვენშია. ჩვენს თავს ჩვენ თვითონვე განვსჯით, უფრო კი — ჩვენი ბედნიერება განვსჯის.

### LXXXIII

ისიც შეგვეძლო გვეთქვა, რომ, ბოროტებისა არ იყოს, სიკეთესაც აქვს თავისი დამარცხებები და განხიბვლები. ეგაა, ეს დამარცხებები და განხიბვლები აზრს

არ გვიბნელებს და გვიუქმებს, პირიქით: გვინათებს და გვიმშვიდებს. სათნოების აქტი შეიძლება სიცარიელეში დაინთქას, მაგრამ ჩვენ ხომ სწორედ ასეთ დროს ვზომავთ სულისა და ცხოვრების სიღრმეებს. და სათნოებაც იმ სიცარიელეში ხშირად ჩვენს აზრებზე უფრო ძალუმად მანათობელი ქვასავით ვარდება. როდესაც ქალბატონი როგრონის ბოროტი გეგმა იფუშება პიერეტას უმანკოების წინაშე, ბურჟუა ქალის სული კიდევ უფრო პატარავდება. მაგრამ როდესაც ტიტუსის<sup>24</sup> ერთ-ერთი სიკეთე ეფინება უმადურ ადამიანს, რომელზეც არც მიტევაა ჭრის, არც სიყვარული, ამას ტიტუსის მზერა მიტევაზე უფრო შორს, სიყვარულზე უფრო შორს გადააქვს. არასასურველია, რომ ადამიანი რამეში ჩაიკეტოს, თვით სიკეთეშიც კი. დე, სათნოების უკანასკნელი შესტი იმ ანგელოზის შესტი ყოფილიყოს, რომელიც კარს აღებს.

კურთხეულ იყოს ეს დამარცხებები! თუკი შემთხვევა ისურვებდა, რომ ყოველ ჯერზე, როცა კი მტერს მივუტევებდით, ეს უკანასკნელი მეგობრად ქცეულიყო, ჩვენ იმის უცოდნელად მოვკვდებოდით, თუ რა ანათებს ჩვენს წინდაუხედავ, თუმც დაუნანებელ გულმონყალებას. ისე მოვკვდებოდით, რომ არ მოგვეცემოდა საშუალება გაგვეზომა ჩვენი ცხოვრების გარემომცველი ძალები თვით ჩვენივე სულში არსებული უდიდესი ძალის დახმარებით. სიკეთის აქტის უსარგებლობა, ამაღლებული ან, უბრალოდ, კეთილსინდისიერი აზრის ამკარა არაქმედითობა უამრავ საგანს იმისგან განსხვავებულ სხივს აფენს, რაც შეიძლებოდა სასარგებლო სიკეთეს მოეფინა. რასაკვირველია, დიდი სიხარული იქნებოდა, რომ მუდამ სიყვარულის უცვლელი ტრიუმფი აღგვენიშნა. მაგრამ ამ ილუზიის გავლით ჭეშმარიტებამდე მისვლის კიდევ უფრო დიდი სიხარულიც არსებობს. აი, რას ამბობს მოაზროვნე, რო-

მელიც სიკვდილმა მეტისმეტად ადრე ნაგვართვა:

„ძალზე ხშირად — მთელი ისტორიის მანძილზე — ადამიანი თავის ღირსებას ცდომილებებში ხედავდა, ხოლო ჭეშმარიტებას, უნინარეს ყოვლისა, საკუთარი თავის დამცრობაში. ჭეშმარიტება ყოველთვის არ ღირს ოცნებად, — იმიტომ, რომ ის სინამდვილეა. აზრის საუფლოში არაფერია ჭეშმარიტებაზე უფრო ზნეობრივი.“

და ეს ჭეშმარიტება მნარე არ არის. ბრძენისთვის არცერთი ჭეშმარიტება არ არის მნარე. მასაც შეეძლო ეოცნება, რომ სათნოებას მთები გადაედგა და რომ სიყვარულს სამარადისო სილბო შეეტანა ყველა თანამოძმის სულში. მაგრამ დღეს იგი შეიცნობს, რომ ჯობს ასე არ იყოს. და არა მისივე სიამაყის ხელით აქ აკრეფილ სიამოვნებათა მიზეზით. ბრძენი თავის თავს სამყაროზე მალლა კი არ აყენებს, პირიქით — უფრო ნაკლებ მნიშვნელობას ანიჭებს. მის სულში არსებულ ლტოლვას სამართლიანობისკენ ამ ლტოლვის მიერ მოტანილი სულიერი ნაყოფებისთვის კი აღარ ავითარებს, არამედ ყოველივე არსებულის პატივისცემის ნიშნად და მისივე აზროვნებაში ამავე სამართლიანობით შობილი მოულოდნელი ყვავილებისთვის. ბრძენი არ წყველის უმადურს, თვით უმადურებასაც კი; თავის თავს არ ეუბნება: „მე ამ ადამიანზე უკეთესი ვარ“ ან „მე ამ მანკიერებაში არ ჩავეფლობი“. უმადურება მას ასწავლის, რომ სიკეთეში არსებობს უფრო ტევადი სიხარულები, უფრო ნაკლებად პირადული და საყოველთაო სიცოცხლესთან უფრო თანახმიერი, ვიდრე ის სიხარულებია, რომელსაც იგი აღიარებისგან ელოდა. ურჩევნია სცადოს იმის გაგება, რაც არის, ვიდრე იმის დაჯერება, რაც მას სურს, რომ იყოს. დიდხანს ისე იცხოვრა, როგორც თავისი ქოხიდან ბრწყინვალე სასახლეში გადაყვანილმა ლატაკმა. გაღვიძებისთანავე მოუსვენრად იწყებდა ბოდიალს ვეებერთელა დარბა-



ზებში და თავისი ციციქნა ოთახის გახსენებას ცდილობდა. ნეტავ სად იდგა კერია და სანოლი, მაგიდა, ჯამი და ტაბურეტი? სადღაც იქვე იპოვა თავისი ღამის ღამპა, რომლის მბუჭტავი ალი სასახლის მაღალ თალებს ვედარ წვდებოდა და მხოლოდ უახლოეს სვეტამდე თუ აღწევდა. მაგრამ ნელ-ნელა მან თვალი შეაჩვია ახალ სამყოფელს. უამრავი დარბაზი შემოიარა. ყველაფერს, რასაც ღამპა ვერ ანათებდა, ისეთივე სიხარულით ათვალიერებდა, როგორც დანარჩენს, რასაც ღამპა ასე თუ ისე ჰყოფნიდა. თავდაპირველად სურდა, დარბაზიდან დარბაზში გასასვლელი უამრავი კარი ცოტა უფრო დაბალი ყოფილიყო, კიბეები — არა ასეთი განიერი, დერეფნები — ისეთი, სადაც მზერა არ ჩაიკარგებოდა. მაგრამ თანდათან ყველაფერს შეეჩვია და შეიგრძნო აქაურობის სიღიადე და მშვენიერება, რომლებიც მისი ოცნებებისგან განსხვავებული აღმოჩნდა. თავი ბედნიერად იგრძნო, როცა დარწმუნდა, რომ აქაც ყველაფერი მაგიდასთან და სანოლთან არ მიჭუჭყნულიყო, როგორც თავის ძველ ქოხში. ნეტარებდა, რომ სასახლე მისი უბედურების უღიმღამო თარგზე გამოჭრილი არ აღმოჩნდა. მან შეძლო ხედვის გაფართოება და იმით აღტაცება, რასაც მისი სურვილი უპირისპირდებოდა.

ყოველივე არსებული ბრძენ ადამიანს ანუგეშებს და განამტკიცებს, რადგან სიბრძნე იმაში მდგომარეობს, რომ აღმოაჩინოს და მიიღოს *ყოველივე არსებული*.

#### LXXXIV

სიბრძნე როგრონებსაც კი არ უკუაგდებს. ცხოვრება თავის შიშველ მოცემულობაში მას კიდევ უფრო მეტად აინტერესებს, ვიდრე სამართლიანობა ან სათნოება. და თუ ისე მოხდა, რომ დიდი და ძალ-

ზე განყენებული სათნოება ვინრო კედლებს შორის მოფუსფუსე პანია ცხოვრების გვერდით აღმოჩნდა, მაშინ სიბრძნე არჩევს თვალი მიაპყროს სწორედ ამ ცხოვრებას და არა დიდ, უძრავად გარინდებულ და მედიდურად განკერძოებულ სათნოებას.

უნინარეს ყოვლისა კი, სიბრძნეს არაფერი ეზიზღება. არაფერია ამქვეყნად მისთვის სრულებით საზიზღარი, თვით ზიზღის ჩათვლით. ძალზე ხშირად ხდება, რომ მათ, ვინც აზროვნებენ, ეზიზღებათ ისინი, ვინც ცხოვრებაში უაზროდ მიხტუნაობს. რალა თქმა უნდა, აზრს დიდი მნიშვნელობა აქვს და, პირველ ყოვლისა, შეძლებისამებრ ხანგრძლივად და შეძლებისამებრ ღრმად უნდა ვიაზროვნოთ. მაგრამ გარკვეული გაზვიადება იქნება იმის დაჯერებაც, რომ ზოგადი იდეებით მანიპულირების მეტ-ნაკლები უნარი ადამიანებს ასე ძირეულად განასხვავებს ერთმანეთისგან. მთლიანობაში, უდიდეს მოაზროვნეებსა და პროვინციაში მცხოვრებ წვრილ ბურჟუებს შორის ხშირად იმდენივე სხვაობაა, რამდენიც ორ ჭეშმარიტებას შორის, რომელთაგან ერთი პერიოდულად თავის ფორმულას პოულობს, მეორე კი ვერასოდეს ვერ იღებს სათანადო სახეს. ეს განსხვავება დიდია, როგორც ღრმა თხრილი, მაგრამ არა როგორც უფსკრული. რაც მეტად მალღდება აზრი, მით უფრო პირობით-დროებითად ესახება ზღვარი აზროვნების გარეშე მცხოვრებ და მუდმივი აზროვნების ნიაღში მყოფ ინდივიდებს შორის. პატარა ბურჟუა ახირებების, სასაცილო მისწრაფებების, შეზღუდული, წვრილმანი და ხშირად საკმაოდ მდაბალი იდეების გროვაა. მიუხედავად ამისა, დააყენეთ იგი ბრძენი ადამიანის გვერდით რომელიმე საჭირობოროტო ცხოვრებისეულ ვითარებაში — მწუხარების, სიკვდილის, სიყვარულის, კონკრეტული გმირობის გარემოებებში — და ნახავთ, რომ ბრძენი

არაერთგზის მიუტრიალდება თავის მოკრძალებულ კომპანიონს, როგორც არანაკლებ ადამიანური და სარწმუნო ჭეშმარიტების მფლობელს.

არის მომენტები, როცა ბრძენი აცნობიერებს თავისი სულიერი საუნჯის ამოებას; როდესაც ხედავს, რომ სხვა ადამიანებისგან მას მხოლოდ ზოგიერთი ჩვევა, ზოგიერთი სიტყვა თუ განასხვავებს; როდესაც ეჭვი შეაქვს თავისი სიტყვების ღირებულებაში. ეს სიბრძნის ყველაზე ნაყოფიერი ნუთებია. აზროვნებდე ხანდახან ნიშნავს ცდებოდე და მოაზროვნეს, რომელიც ცდება, სწორი გზის საპოვნელად ხშირად იქ დაბრუნება სჭირდება, სადაც მდუმარე, მაგრამ საჭირო ჭეშმარიტების ირგვლივ ერთგულად ჩამომსხდარან არამოაზროვნენი. ასეთები ადამიანთა მოდგმის კერიას ინახავენ. ბრძენკაცებს კი ჩირალდნები უჭირავთ. და როცა გაიშვიათებულ ჰაერში ჩირალდნის ალი ბუუტვას ინყებს, ამ დროს კეთილგონივრულია კერიასთან მიახლოება. თითქოს ეს კერია ადგილს არასოდეს იცვლის, ქვეყნებთან ერთად გადაადგილდება და თავისი პანია ცეცხლით კაცობრიობის რეალურ-მინიერ დროს აღნიშნავს. ჩვენ ზედმინევენით ვიცით, რას აძლევს ინერტული ძალა მოაზროვნეს, ხოლო იმას, თუ, თავის მხრივ, რითი უბრუნებს მოაზროვნე, ვარაუდს ვერ ვუწევთ. ქვეყანაში, სადაც მხოლოდ მოაზროვნეები იარსებებდნენ, არა ერთი და ორი ჭეშმარიტება დაიკარგებოდა. სინამდვილეში, მოაზროვნე მხოლოდ მაშინ განაგრძობს მართებულ აზროვნებას, როცა არ კარგავს კონტაქტს იმათთან, ვინც არ აზროვნებს.

შეზიზღება იოლი საქმეა, უფრო ძნელია გაგება. ჭეშმარიტი ბრძენის შემთხვევაში, ზიზღს ადრე თუ გვიან გაგება ენაცვლება. ყველა ის აზრი, რომელიც ზიზღით გადაუფრენს მინაზე დარჩენილთა მრავალრიცხოვან უენო ჯგუფს და რომელიც არ ცნობს

ამ ჯგუფში ჩაძინებულ ათასობით და-ძმას, ხშირად სხვა არაფერია, თუ არა ბედნავსი ან უნაყოფო ოცნება. კარგი იქნებოდა, დროდადრო გაგვხსენებოდა, რომ სულიერ ატმოსფეროში, ისევე როგორც გარეგან-ზედაპირულში, ალბათ, სუნთქვის გასაგრძელებლად ჟანგბადზე უფრო მეტად აზოტი გვჭირდება ხოლმე.

## LXXXV

მესმის, რატომ ეშურებიან ბალზაკის მსგავსი მოაზროვნეები უპირატესად ასეთ პატარა ცხოვრებათა აღწერა-გადმოცემას. არაფერი ისე მარადიულად არ ჰგავს თავის თავს, როგორც ადამიანთა ეს პატარ-პატარა ყოფიერება. იმავდროულად, საუკუნიდან საუკუნემდე არაფერი ისე სიღრმისეულად არ იცვლება, როგორც მათი გარემომცველი ატმოსფერო. იგივე შესტები სხვა ცის ქვეში თუმცა — იმ ცის, რომელსაც თვით შესტების შეცვლის შემთხვევაში განსხვავებულად ვერ დავინახავდით. დიდი ჰეროიკული აქტი ჩვენს მზერას მთლიანად ატყვევებს, ხოლო უმნიშვნელო სიტყვები და მოძრაობები ჩვენს ყურადღებას მათი გარემომცველი ჰორიზონტისკენ მიმართავს. და განა ადამიანური სიბრძნის მანათობელი წერტილიც მუდამ ჰორიზონტზე არ ციმციმებს? თუ საგნებს ბუნებრიობის პოზიციებიდან შევხედავთ, ამ სულთა ზოგადი მდაბიურობა ნამდვილად უფერული აღარ გამოჩნდება სწორედ იმით, რომ ის ზოგადი და საყოველთაოა.

მეორეს მხრივ კი, ნუ დავივინყებთ, რომ სხვა ადამიანის სულს მხოლოდ იმ სიმალლემდე ვიცნობთ, სადამდეც ჩვენსას, და რომ, რაოდენ პატარაც არ უნდა ჩანდეს თავიდან, არ არსებობს ადამიანი, რომელიც იმდენადვე არ ამოყვინთავს სიბნელიდან,

რამდენადაც დაიკლებს თვით ჩვენი გარემომცველი სიბნელე. რასაც ვხედავთ, მაინცდამაინც ის კი არ უნდა გადიდდეს, რათა შევიყვაროთ, — რაც არ გვიყვარს, ცეცხლის ანევით უნდა გავანათოთ, ვინძლო ეს ცეცხლი სიყვარულამდე ამაღლდეს. ყოველდღიურად თითო სხივი გამოვასხივოთ: — აი, ერთადერთი, რაც უნდა ვისურვოთ. მნიშვნელობა არა აქვს, რას დაეცემა ეს სხივი. არ არსებობს საგანი, რომელსაც მზერა თუ აზრი დაეცემა და რომელიც იმაზე მეტ საუნჯეს არ შეიცავდეს, ვიდრე ამ მზერას თუ აზრს შეუძლია გაანათოს. არ არსებობს იმდენად პატარა საგანი, რომელიც სულის მიერ მისთვის გაცემულ მთელ სინათლეზე საგრძნობლად დიდი არ იყოს.

## LXXXVI

თუ გამაღიზიანებელ დეტალებს მოვამორებთ, განა სწორედ ჩვეულებრივ ბედისწერებში არ იკითხება ადამიანურ ბედისწერათა ძირითადი არსი? საუცხოო სანახავია მწვერვალებზე გამართული დიდი სულიერი ბრძოლები. დაკვირვებული თვალი დიდხანს ისიამოვნებს უკაცრიელ პლატოზე მდგარი დიდებული ხის ცქერით, მაგრამ ამ ჭვრეტის ბოლოს კვლავ ტყესმიადგება, ტყეს, რომელშიც ჩვეულებრივი ხეები დგას, თუმცა — აურაცხელი. შესაძლოა, ეს ვეებერთელა ტყე მხოლოდ ყოვლად უბრალო ღეროებისა და ტოტებისგან შედგება, მაგრამ განა სიღრმე და გონება არა აქვს თუნდაც იმიტომ, რომ ტყეა? ბოლო სიტყვა არასოდეს დარჩება რჩეულს და გამონაკლისს. და ის, რასაც დიადს ვუწოდებთ, მხოლოდ უფრო ნათელი და ყოველივე ნორმალურის უფრო მეტად მიმღები ცნობიერება უნდა იყოს. მარგებელია იმათი ყურება, ვინც მწვერვალებზე იბრძვის. ასევე აუცილებელია არ დავივიწყოთ

ისინიც, ვისაც ქვემოთ გადაშლილ ველებზე ძინავს. როცა მათ ვხედავთ და ვხედავთ იმასაც, თუ ჩვენ თვითონ რამდენი ბრძოლა დაგვეჭირდა, რომ მათი შეზღუდული ბედნიერება მარტოხელა მებრძოლთა ბედნიერებისგან გაგვერჩია, ამ დროს, ალბათ, უფრო ნაკლებ მნიშვნელობას ვანიჭებთ ბრძოლას, ეგაა — უფრო მეტად მოგვნონს. რაც უფრო შეუმჩნეველია ჯილდო, მით უფრო სასურველია. არა იმ მიზნით, რომ ორგული კარისკაცისთვის ფარულად დავენაფროთ ბედნიერების მრავალ ნყალობას, არამედ იმიტომ, რომ მის მიერ სხვების უჩუმრად ჩვენთვის ნაბოძები სიხარულები, ალბათ, ერთადერთი სიხარულებია, რომლებიც ბედნიერებას ჩვენი თანამოძმეებისგან არ წაუერთმევია. ამ დროს მათ აღარ ვუყურებთ და საკუთარ თავსაც აღარ ვეუბნებით: „რარიგ შორსა ვარ ამ ადამიანებისგან!“ პირიქით, მაშინ უბრალოდ ვაღიარებთ: „ამაღლებასთან ერთად, ასე მგონია, ნაკლებად ვშორდები ჩემს ყველაზე მრავალრიცხოვან და ყველაზე უბრალო თანამოძმეებს. განუსაზღვრელი იდეალისკენ გადადგმულ ჩემს ნაბიჯებს მე იმ ნაბიჯებთან ერთად ვითვლი, რომლებიც მათთან ვინც ასე მეზიზღებოდა ჩემივე უმეცრებითა და პატივმოყვარეობით აღსავსე პირველ დღეებში“.

## LXXXVII

მანც რას ჰქვია *ქატარა ცხოვრება*? ასე ვუნოდებთ ხოლმე თავისი თავის ვერგამცნობიერებელ არსებობას, რომელიც ერთ ადგილზე იღევა და იმრიტება ოთხი-ხუთი ადამიანის ნრეში და რომლის გრძნობები, აზრები, სურვილები, მისწრაფებები მხოლოდ უმნიშვნელო საგნებს უკავშირდება. მაგრამ იმისთვის, ვინც ამ ცხოვრებას უმზერს, — თვით იმ

ფაქტით, რომ იგი მას უმზერს, — ყველაფერი დიადი ხდება. ცხოვრება, თავისთავად, არც დიდია და არც პატარა. ეს ჩვენ ვიყურებით ფართოდ ან ვინროდ. ესაა და ეს. ხოლო ყოფიერება, რომელიც ადამიანებს დიდად და ამაღლებულად ესახებათ, სწორედ ის არსებობაა, რომელმაც ჩვევად აქცია, რომ თავის თავს ფართო რაკურსით უყუროს. თუ თქვენ არასოდეს უყურებთ თქვენივე არსებობას გვერდიდან, მაშინ აუცილებლად შეზღუდულად იცხოვრებთ. მაგრამ ის, ვინც თქვენს ამნაირ ყოფას დაუკვირდება, თვით ამ ყოფიერების უღიმღამობაშიც კი შენიშნავს თვალსაწიერის რომელიღაც ელემენტს, რომელიღაც უფრო მყარ საყრდენ ნერტილს, რომლიდანაც მისი აზრი უფრო ადამიანური და უფრო ურყევი ძალით ამაღლდება.

ერთი შეხედვით გვგონია, რომ ჩვენს გარშემო ისეთი დაჩლუნგებული, ჩაკეტილი, მონოტონური არსებობაა, როგორც მავანი შინაბერას, გონებაშეზღუდული მოხელის, თავისივე ოქროების ტყვეობაში მყოფი ძუნწის ცხოვრება, რომელიც არაფრით არ ეხმიანება ჩვენს სულს, ჩვენს პერმანენტულ გრძნობას, მარადიულ ინტიერესს, ამოუნყავ კაცთმოყვარებას. მაგრამ, დე, ვინმემ ბალზაკივით თვალგახელილმა და მიყურადებულმა შეაბიჯოს ადამიანურ არსებობათა შუაგულში... და მაშინ საბრალო პროვინციულ სახლში შობილი გრძნობაც ისევე შორს განივრცობა, მთელ ადამიანურ ცხოვრებას ისეთივე ღრმა და ძალმოსილ სათავეებამდე აამღელვარებს, როგორც რომელიმე ხელმწიფის დიდბუნებოვანი ლტოლვა, ტახტის სიმალლიდან რომ ასხივებს მთელ მის ისტორიას.

„არსებობს პატარა ქარიშხლები, — ამბობს ამასთან დაკავშირებით ბალზაკი „ტურსის კიურეში“ (უბრალო მოკვდავებზე შექმნილ ამბავთაგან ყველაზე ჩინებულში), — არსებობს პატარა ქარიშხ-

ლები, რომლებიც იმდენ ვნებებს აღძრავენ სულელებში, რამდენიც უდიდესი საზოგადოებრივი ინტერესების მართვას დასჭირდებოდა. განა შეცდომა არ იქნებოდა გვეფიქრა, რომ დრო მხოლოდ იმ გულებისთვის მიჰქრის, რომლებიც ცხოვრების ამწენავ-ამდულელებელ დიდ გეგმებს ემსხვერპლებიან? აბატი ტრუბეტის საათებიც ისეთი გაცხოველებით მიედინებოდნენ, ისეთი მშფოთვარე აზრებით დატვირთულები მიჰქროდნენ, ისეთი ღრმა იმედებითა და უსასოობით დანაოჭებულებიყვნენ, როგორიც შეიძლებოდა ყოფილიყო პატივმოყვარე ადამიანის, აზარტულ თამაშობათა მოთამაშის ან მიჯნურის სასტიკი საათები. ერთმა უფალმა იცის, რა ფასად გვიჯდება ჩვენი გამარჯვება ადამიანებზე, საგნებზე, თვით საკუთარ თავზე. მართალია, ჩვენ მუდამ არ ვიცით, საით მივდივართ, მაგრამ მოგზაურობის ქანცგაცლა მაინც კარგად მოგვეხსენება. ოღონდ თუ ისტორიკოსს აქვს უფლება, მიატოვოს თავისი თხრობა და ერთი ნუთით კრიტიკოსის როლი იკისროს, თუ იგი გთავაზობთ, თვალი შეავლოთ ამ შინაბერებისა და ორი აბატის პირად ცხოვრებას, რათა სწორედ მათ ყოფიერებაში იპოვოთ იმ უბედურების მიზეზი, გულსგულში რომ ამახინჯებს თითოეულს, მაშინ, ეგების, თვალნათლივ დარწმუნდეთ, რომ ადამიანს უცილობლად სჭირდება გარკვეული ვნებები იმ თვისებათა განსავითარებლად, რომლებიც მის ცხოვრებას აკეთილშობილებენ, თვალსანიერს უფართოვებენ და ყველა არსებისთვის დამახასიათებელ ბუნებრივ ეგოიზმს უცხრობენ."

ბალზაკი არ ტყუის. სინათლე მუდამ თვით სინათლისთვის კი არ უნდა გვიყვარდეს, არამედ იმ საგნებისთვისაც, რომლებსაც ის ანათებს. დიდებულია მწვერვლებზე დანთებული კოცონი, მაგრამ იქ ბევრი ვერავინ ადის და ბრბოს შუაგულში დანთე-



ბულ პატარა ცეცხლს ზოგჯერ უფრო მეტი სარგებლობა მოაქვს. სწორედ პატარა ცხოვრებებში ჭკრეტენ დიდები თავიანთ არსს და თავიანთ გრძნობებსაც იმ პატარ-პატარა გრძნობების ნახვის შემდეგ იფართოვებენ. შეზღუდული გრძნობები საძაგელ სახეს კი არ ლებულობენ, არამედ უფროდაუფრო ნაკლებ თანახმიერებაში არიან ჩვენ მიერ შეცნობილი ჭქმმარიტების სიდიადესთან. დასაშვებია, რომ ადამიანმა ჩვეულებრივ ცხოვრებაზე უკეთეს ყოფიერებაზე იოცნებოს, მაგრამ, ვფიქრობ, დაუშვებელია ამ ოცნების აგება ყოველდღიურ ცხოვრებაში არარსებული ელემენტებით. ჩვენ გვგონია, რომ კარგია ცხოვრების ზემოთ ყურება, მაგრამ ხომ არ აჯობებდა, რომ ჩვენი სულისთვის ზუსტად თავის პირდაპირ ცქერა გვესწავლებინა და — რათა საბოლოოდ იქ განეთავსებინა თავისი სურვილ-ოცნებები — მხოლოდ იმ მწვერვალების იმედით ყოფილიყო, მკაფიოდ რომ იკვეთებიან პორიზონტზე და მკვეთრად გამოირჩევიან მათ ზემოთ მანათობელი ღრუბლებისგან?

## LXXXVIII

ეს ყველაფერი გვაბრუნებს წერტილთან, რომელიც დიდი ხნის წინ დაეტოვეთ. ჩვენ ერთხანს შევჩერდით გარეგან ბედისწერასთან, თუმცა არის სხვა ცრემლებიც, გარდა იმისა, რასაც გარეგანი სევდა-ნალველი გვალვრევიანებს. ბრძენმა, რომელიც ჩვენ გვიყვარს, ადამიანურ ვნებათა შუაგულში უნდა იცხოვროს, რადგან ჩვენი გულის ცეცხლია ერთადერთი საკვები, რომლითაც სიბრძნე ხანგრძლივ და უსაფრთხო საზრდოობას შეძლებს. ჩვენი ვნებები არიან მუშები, რომლებსაც ბუნება ჩვენივე ცნობიერების ანუ ჩვენი ბედ-

ნიერების სასახლის ასაგებად გვიგზავნის. ხოლო ის, ვისაც არ სჯერა ამ მუშების და ფიქრობს, რომ მათ გარეშე შეძლებს ყოფიერების ქვების აზიდვას, ვერსად შეაფარებს სულს, ვინრო, ცივი და ცარიელი სენაკის გარდა.

ბრძენად ყოფნა ვნების უქონლობას კი არ ნიშნავს, არამედ იმის ცოდნას, თუ როგორ უნდა განინმინდოს ვნებები. ყველაფერი დამოკიდებულია იმ პოზიციაზე, რომელსაც დღეთა კიბეზე დაეიკავებთ. ერთისთვის ზნეობრივი სისუსტეები და ჩავარდნები ის საფეხურებია, რომლებსაც იგი ქვემოთ მოუყვება; მეორეს იგივე საფეხურები ზემოთ მიუძღვის. შესაძლოა, ბრძენკაცი ბევრ ისეთ რამესაც შვრებოდეს, რასაც არაბრძენი იქმს. თუმცა ამ უკანასკნელის ვნებები მუდამ უფრო ინსტინქტში ეფლობა, ხოლო ბრძენისა კი, საბოლოოდ, მისივე ცნობიერების მივარდნილ კუნჭულს გაანათებს ხოლმე. აუცილებელი არ არის, რომ ბრძენს, ვთქვათ, შეშლილივით უყვარდეს. მაგრამ თუ მაინც ასე უყვარს, მაშინ შეიძლება სიბრძნის ისეთ საფეხურზე ავიდეს, სადაც ვერასოდეს ავიდოდა მხოლოდ ბრძნულად შემყვარებული. უძრაობასა და სიცარიელეში ხარობს არა სიბრძნე, არამედ ყველაზე უფრო უსარგებლო ჯურის ქედმაღლობა. მხოლოდ იმის ცოდნა არ კმარა, რა უნდა ვქნათ, ან იმის უტყუარი განჭვრეტა, როგორ მოიქცეოდნენ გმირები. ეს ცოდნა შეგვეძლო გარეგნულადაც შეგვეძინა რამდენიმე საათში. არ კმარა არც მხოლოდ კეთილშობილურად ცხოვრების განზრახვა, მერე კი ამ განზრახვის აღსასრულებლად საკუთარ სენაკში გამოკეტვა. ამნაირად მიღებული სიბრძნე ისევე ვერ წარმართავს და ვერ გაამშვენნიერებს თქვენს სულს, როგორც სხვებისგან მიღებული რჩევები ვერ წარმართავდა და ვერ გაამშვენნიერებდა.

„უნდა ვეძებოთ ყვავილი, მდუმარებაში რომ გაიშლება ქარიშხლის შემდეგ, არა მანამდე“, ამბობს ინდური ანდაზა.

## LXXXVIX

რაც უფრო გულმართლად ვინაცვლებთ ნინ ყოფიერების ბილიკებზე, მით მეტად გვჯერა ცხოვრების ყველაზე უბრალო და ყოველდღიური კანონების სიმართლის, მშვენიერებისა და სიღრმის. სწორედ ასეთი ზოგადობა, ასეთი საყოველთაობა, ასეთი ყოველდღიური ხასიათი გვასწავლის მათ პატივისცემას. უფროდაუფრო ნაკლებად ვეძებთ უჩვეულოს, რადგან დროულად ვცნობთ, რომ ბუნების მშვიდ და მონოტონურ სვლაში ყველაზე უჩვეულო რამ თვით ჩვენი უმეცრებისა და პატივმოყვარეობის ბავშვური მოთხოვნებია. მიმდინარე საათებიდან ჩვენ აღარ ველით უცხო და განსაცვიფრებელ ხდომილებებს, რადგან ასეთები მხოლოდ იმათ ემართებათ, ვისაც ჯერ საკუთარი თავის ან ცხოვრების რწმენა არ მოუხვეჭია. აღარ ველოდებით, გულხელდაკრეფილნი, ზეადამიანურ მოვლენას, რადგან ვგრძნობთ, რომ იგი ადამიანის ყველა ქმედებაშია. ამიერიდან აღარ ვითხოვთ, რომ სიყვარული, მეგობრობა და სიკვდილი წარმოსახვითი სამკაულებით მორთულნი, სასწაულებრივი ნიშნებითა და დამთხვევებით გარშემორტყმულნი მოგვევლინონ, — სადღეისოდ ჩვენ უკვე ვიცით, როგორ მივიღოთ ისინი მთელი მათი უბრალოებით და სიძიშვლით. დაბოლოს, ვირწმუნებთ თავს იმაში, რომ ვაჟკაცურად და მთლიანად მიღებულ არსებობაშიც მოეძებნება ექვივალენტი ჰეროიკას და ყოველივე იმას, რაც სუსტთა, შეუგნებელთა და მშფოთვარეთა თვალში დიადსა და უჩვეულოს შეადგენს. საკუთარი თავი სამყაროს რჩეულ

და უნიკალურ შვილად კი აღარ მიგვაჩნია, არამედ ცნობიერებას ვიფართოებთ, ხოლო ღიმილს და სიმშვიდეს იმ ყველაფრით ვინათებთ, რასაც ქედმაღლობას ვართმევთ.

ამ ნერტილამდე მოსულებს, ნმინდა ტერეზას თუ ჯერის ხუანის<sup>25</sup> საკვირველი თავგადასავლები, მისტიკოსთა ექსტაზები, ლეგენდარული სიყვარულების ზებუნებრივი გამოვლინებები, ალექსანდრე მაკედონელის თუ ნაპოლეონის ვარსკვლავი ბავშვურ ილუზიებად გვეჩვენება ნრფელი და ადამიანური სიბრძნის კეთილ და ჯანსაღ ლოიალობასთან შედარებით. ეს სიბრძნე არ ოცნებობს იმაზე, რომ ადამიანებს აღემატოს და ისეთი რამ განიცადოს, რასაც ისინი არ განიცდიან. მან იცის, როგორ იპოვოს ყველას მიერ ყოველთვის განცდილში ის, რაც გულისა და აზრის გაფართოებას სჭირდება. ჭეშმარიტ ადამიანად ჩამოყალიბება იმით არ ხდება, რომ საკუთრივ ადამიანისგან განსხვავებული რამ ვისურვოთ. რამდენი ვინმე ხარჯავს თავის სიცოცხლეს გაურკვეველი კომეტის მოლოდინში და არასოდეს უყურებს სხვა ვარსკვლავებს, რაკი მათ ყველა ხედავს და რაკი ისინი აურაცხელია! ხშირ შემთხვევაში, უჩვეულოს ნდომა ჩვეულებრივი სულების დიდი სნეულებაა. პირიქით: საკუთარ თავს უნდა ვუთხრათ, რომ რაც უფრო მეტად გვეჩვენება ჩვენს თავს გადამხდარი ამბები ნორმალურად, საყოველთაოდ, ერთსახოვნად, რაც უფრო უკეთ ვამჩნევთ და მეტად გვიყვარს ცხოვრების სიღრმეები და სიხარულები ისევდაისევ ამ საყოველთაობაში, მით მეტად ვუახლოვდებით ჩვენი მამოძრავებელი დიადი ძალის სიმშვიდეს და ჭეშმარიტებას. არაფერია, მაგალითად, ისეთი ჩვეულებრივი, როგორც ოკეანე, ჩვენი პლანეტის ორი მესამედი რომ დაუფარავს. მაგრამ, იმავდროულად, არაფერია მასზე უფრცესი. არ

არსებობს ადამიანში აზრი, გრძნობა, მშვენიერი თუ დიადი ქმედება, რომელიც ყველაზე ჩვეულებრივი ყოფიერების უბრალოებაშიც არ დასტურდებოდეს. ხოლო ის ყველაფერი, რაც ასეთ ყოფიერებაში თავის ადგილს ვერ პოულობს, ჯერ კიდევ სიზარმაცის, უვიცობისა და მზვაობრობის სიცრუეებია.

## XC

ამ ყველაფრით იმის თქმა ხომ არ გვსურს, რომ ბრძენი ამ ცხოვრებიდან სხვას არაფერს უნდა ელოდეს, გარდა იმისა, რასაც დანარჩენი ადამიანები ელიან, რომ მას უღიმღამობა უნდა უყვარდეს, მცირედით უნდა დაკმაყოფილდეს, სურვილები შეიზღუდოს და თავისი ბედნიერებაც იმით შეშინებულმა დასაზღვროს, ვაითუ ბედნიერებას ვერ შევწვდეთ? პირიქით: სიბრძნე, რომელიც მეტისმეტად იოლად ამბობს უარს რომელიმე ადამიანურ იმედზე, კოჭლია და ავადმყოფური. ადამიანის არაერთი კანონიერი სურვილი შესანიშნავად უძლებს გონების უმკაცრეს გამოცდას. მაგრამ თავი უბედურად არ უნდა ვიგრძნოთ, თუკი გარშემომყოფნი ჩვენს ბედნიერებაში უჩვეულოს ვერაფერს ხედავენ. ცუდი არ იქნებოდა გვერწმუნა, რომ ადამიანურ ბედნიერებაში ყველაზე შესაშური მისი ყველაზე უბრალო მომენტებია. ბრძენი სწავლობს, როგორ გამოაცოცხლოს და როგორ უყვარდეს სიცოცხლის მდუმარე სუბსტანცია. მხოლოდ ამ მდუმარე სუბსტანციაშია ურყევი სიხარული. რაც შეეხება უჩვეულო სიხარულებს — ისინი ვერასოდეს ბედავენ ჩვენს გვერდით ყოფნას კუბოს კარამდე.

მნიშვნელოვანია, რომ სხვა დღეებივით ძმურად მივილოთ და გულში ჩავიკრათ ის დღეც, რომელიც გვიახლოვდება და გვშორდება რაიმე უჩვეულო სიხარ-

რულისა თუ იმედის გარეშე. ვიდრე ჩვენამდე მოვი-  
დოდა, ამ დღემაც იგივე სივრცეები და სამყაროები  
მოიარა, რომლებიც სხვამ, — გამორჩეულმა, —  
სამეფო ტახტზე ან დიდი სიყვარულის კალთაში  
რომ მოგვისწრო. ეს დღე თავისი მოსასხამის ქვეშ,  
ეგების, ნაკლებად ბრწყინვალე ნუთებს მალავს, სა-  
მაგიეროდ — უფრო მორიდებულად ერთგულებსაც.  
უსიტყვოდ გასულ კვირაში იმდენივე მარადიულ  
ნუთს ვითვლით, რამდენსაც სხვა კვირაში, ხან-  
გრძლივ შეძახილებში რომ ჩაიგრიალა. არსებითად,  
რასაც ესა თუ ის ნუთი გვეუბნება, იმას თვითონვე  
ვეუბნებით საკუთარ თავს. ნუთი, თავისთავად,  
მერყევი და გაუბედავი მოგზაურია, რომელიც გაიხ-  
არებს ან მოილუშება იმისდა მიხედვით, მომლიმარი  
დახვდებით მასპინძელი თუ კოპებშეკრული. მან კი  
არ უნდა მოგვიტანოს ბედნიერება, ჩვენ თავად უნდა  
გავაბედნიეროთ: ის ხომ ჩვენს სულში თავშესაფარს  
ეძებს. ბრძენიც ის არის, ვისაც ყოველთვის მო-  
ეპოვება ამ მოგზაურისთვის რაღაც სასიხარულო და  
დამამშვიდებელი. ჩვენში ბედნიერების უმარტივესი  
საბაბები უნდა დაგროვდეს. ამიტომაც ხელიდან ნუ  
გავუშვებთ ბედნიერად ყოფნის ნურცერთ შანსს.  
ჯერ ისეთი ბედნიერების განცდას შევეცადოთ,  
როგორაც ის ადამიანებს ესმით, რათა შემდეგ  
უკვე შეგნებულად ვარჩიოთ ჩვენებურად გაგე-  
ბული ბედნიერება. აქაც იგივე ხდება, რაც სიყვარ-  
ულში. ოდესმე მაინც უნდა გყვარებოდათ ღრმა  
სიყვარულით, რათა იცოდეთ, როგორ გიყვარდეთ  
მაშინ, როდესაც კიდევ შეგიყვარდებათ. ზოგჯერ  
კარგია ბედნიერების ხილულად გამოვლენა, რათა  
გავიგოთ, როგორია მისი უხილავი ფორმები. და ეგებ  
აუცილებელი არც არის ყური დაუვუგდოთ მაინც-  
დამაინც ხმამაღლა მოლაპარაკე მთვრალ ნუთებს,  
რათა უამისოდაც დავეუფლოთ მუდამ ხმადაბლა

მოჩურჩულე წუთების ენას. მხოლოდ ასეთები არიან მრავლად, ამოუნურავად, მხოლოდ ისინი არ გვიღალატებენ და არ გაგვექცევინან თავისივე სიმრავლის გამო, და ბრძენიც მხოლოდ მათი იმედით თუ იქნება. ბედნიერად ყოფნა, ესაა თვითნართენა იმაში, რომ გამოვავლინოთ უამრავ უსახელო წუთში ჩამალული ღიმილი და მათი იდუმალი სამკაულები, რომლებიც ისევდაისევ ჩვენშია.

## XCI

მაგრამ არაფერი ისე არ უპირისპირდება ჩვენ მიერ ნაგულისხმევ სიბრძნეს, როგორც ფლიდი სიფრთხილე. უკეთესი იქნებოდა, რომ ამაოდ გვეფართხალა ცოტაოდენი ბედნიერების ირგვლივ, ვიდრე კერიის გვერდით გვიძინებოდა იმ იდეალური ბედნიერების მოლოდინში, რომელიც არასოდეს არ მოვა. იმის სახურავზე, ვინც სულ სახლში ზის, როგორც წესი, ისეთი სიხარულები ცვივა, რომელიც არავის არაფრად სჭირდება. ნურც იმას დავარქმევთ ბრძენს, ვინც, მაგალითად, გრძნობების სფეროში იმაზე უსასრულოდ შორს არ მიდის, რის მოლოდინსაც გონება კარნახობს ან გამოცდილება ურჩევს. ნურც იმ ადამიანს ვუნოდებთ ბრძენს, რომელიც თავის მეგობართან არ იხსნება ამ მეგობრობის დასასრულის წინათგრძნობით, და ნურც იმ მიჯნურს, რომელიც მთელი არსებით არ ეძლევა სიყვარულს მასში მთლიანად დანთქმის შიშით.

ჩვენს თავს უნდა ვუთხრათ, რომ ოცი უბედური შემთხვევაც კი ბედნიერებისთვის განკუთვნილი ჩვენი ენერჯიის მხოლოდ მოკვდავ ნაწილებს თუ ნაგვართმევს და, საბოლოო ჯამში, მთელი სიბრძნე მხოლოდ და მხოლოდ ბედნიერების ერთგვარი განწმენდილი ენერჯიაა. ბრძენობა, უწინარეს ყოვლისა,

იმის სწავლაა, როგორ იყო ბედნიერი და, იმავდროულად, უფროდაუფრო ნაკლები ყურადღება მიაქციო იმას, თუ რას წარმოადგენს ბედნიერება თავისთავად. მნიშვნელოვანი ისაა, რომ ადამიანი შეძლებისამებრ დიდხანს იყოს შეძლებისამებრ ბედნიერი, რადგან ის ადამიანი, ვინც საკუთარი თავიდან ბედნიერების კარით გააბიჯებს, ათასგზის უფრო თავისუფალია, ვიდრე ის, ვინც სევდის კარიდან გადის. ბრძენ ადამიანს სიხარული გულსაც უცისკროვნებს და სულსაც, სევდა კი ხშირად ოდენ გულს თუ ანათებს. ადამიანი, რომელიც არასოდეს ყოფილა ბედნიერი, იმ მოგზაურს ჰგავს, რომელსაც მხოლოდ ღამლამოხით უმოგზაურია.

გარდა ამისა, ბედნიერებაში უფრო ღრმა და უფრო კეთილშობილი, უფრო ნმინდა და უფრო ვრცელი თავმდაბლობაა, ვიდრე უბედურებაში. არსებობს თავმდაბლობა, რომელიც უნდა ჩაენეროთ ისეთი პარაზიტი სათნოებების სიაში, როგორიცაა ბერნი თავგანწირვა, სიმორცხვე, თვითნებური უმანკოება, ბრმა განდგომილება, ბნელი მორჩილება, მონანიების ციებ-ციხელება და სხვები, რომლებიც ადამიანური ზნეობის ცოცხალ ნყლებს კიდევ დიდხანს მიაქცევენ იმ ჩაძინებული ჭაობისკენ, რომლის გარშემო დღემდე დანანნალებენ ჩვენი მოგონებები. მე არ ვლაპარაკობ ფლიდ თავმდაბლობაზე, რომლის უკანაც, უმეტესწილად, მხოლოდ გამორჩენა დგას ან, უკეთეს შემთხვევაში, ქედმაღლური მორჩილება და დღევანდელი ამაოების მიერ ხვალინდელი ამაოებისთვის მიცემული ერთგვარი მევახშური სესხი. მაგრამ ზოგჯერ თვით ბრძენიც წარმოიდგენს ხოლმე, რომ უპრიანი იქნება ოდნავ პატარა გამოჩნდეს თავისივე თვალში და არ მიანეროს თავის თავს ის ღირსებები, რომელთაც ნამდვილად ფლობს სხვა ადამიანებთან შედარებით. თავისი სინრფელის მიუხედავად, ასეთი



თავმდაბლობა ჩვენს შინაგან ლოიალობას — ყველაზე უნინარესად პატივისაცემს — ართმევს იმას, რასაც ჩვენივე ცხოვრებისეული პოზიციის სიღბოს ამატებს. ნებისმიერ შემთხვევაში, ეს თავმდაბლობა ამუღავენებს ცნობიერების გარკვეულ მორიდებულობას, არადა, ბრძენის ცნობიერებას არ უნდა ახასიათებდეს რამენაირი მორცხვობა თუ მორიდებულობა.

თუმცა ამ მეტისმეტად პირადული თავმდაბლობის გვერდით არსებობს ზოგადი თავმდაბლობაც, მალალი და მტკიცე, რომელიც იმ ყველაფრით საზრდობს, რასაც ჩვენი გონება, სული და გული ითვისებს. ეს თავმდაბლობა ზედმინვენით გვიჩვენებს, რისი მოლოდინი და იმედი შეიძლება ჰქონდეს ადამიანს; მხოლოდ იმიტომ გვაპატარავენს, რომ უფრო დიდი გახადოს ყველაფერი, რასაც ვუყურებთ; გვასწავლის, რომ ადამიანის მნიშვნელობა იმაში კი არ მოიძიება, რაც იგი არის, არამედ იმაში, რისი დანახვაც მას ძალუძს, რის დაშვება-გაგებასაც ცდილობს. მართალია, ამ თავმდაბლობის საუფლოს კარს მწუხარებაც გვიღებს, მაგრამ ამ დროს მას მეტისმეტად პირდაპირ მივყავართ — ვერც კი გეტყვით — რომელი იმედისკენ, რომლის ზღურბლზე ტყუილუბრალოდ ვკარგავთ უამრავ დღეს; ზღურბლზე, სადაც რამდენიმე საათის შემდეგ ბედნიერებას სხვა აღარაფერი ესაქმება, გარდა იმისა, რომ მდუმარედ მოიაროს ყოვლად მიუწვდომელი ბილიკები. ეს მაშინ, როცა ბრძენი შეძლებისდაგვარად ბედნიერია და, იმავედროულად, იმდენად ცოტას ითხოვს და ისეთი თავმდაბალია, როგორც არავინ. და რაკი იცის, რომ, ბოლოს და ბოლოს, ფლობს ყველაფერს, რისი ფლობის უნარიც ადამიანს შესწევს, ახლალა იწყებს გაგებას, რომ მთელ მის მონაპოვარს ერთადერთი რამ ანიჭებს ღირებულებას: ის, თუ როგორ წარმოუდგება ყოველივე დანარჩენი, რასაც ადამიანი

ვერასოდეს დაეუფლება. ამგვარად, მხოლოდ ხანგრძლივი ბედნიერების კალთაში ვიძენთ ცხოვრების თვითმყოფად ხედვას. ბედნიერი თვით ბედნიერებისთვის კი არ უნდა ვიყოთ, არამედ იმისთვის, რომ ვისწავლოთ, როგორ ვხედავდეთ თვალნათლივ იმას, რასაც ყოველთვის დაგვიმალავს ბედნიერების ამოო და ერთობ პასიური ლოდინი.

## XCII

თუმცა დავტოვოთ ეს თემა და დავუბრუნდეთ, რასაც ცოტა ხნის წინ ვამბობდით. ჩვენი გულის საუფლოში, რომელიც თითქმის ყველა ადამიანისთვის ის საუფლოა, სადაც ყოფიერების მოსავეალი იკრიფება, არ არსებობს უსარგებლო დანაზოგები. უმჯობესი იქნება, ამ საუფლოში საერთოდ არაფერი გაკეთდეს, ვიდრე გაკეთდეს სანახევროდ. და ყოველთვის უცილობლად კარგავენ ხოლმე იმას, რისთვისაც ვერ ბედავენ გარისკვას. სინამდვილეში, ვნებას მხოლოდ ის მიაქვს ჩვენგან, რაც გვეგონა რომ დავუმალეთ, და მუდამ ის ნაწილი გვერთმევა, რომელიც გვეგონია რომ ჩვენთვის გადავინახეთ. სხვათა შორის, ჩვენს სულში არსებობს ზოგიერთი ისეთი ღრმა სამალავი, სადამდე ჩასვლას მხოლოდ სიყვარული თუ გაბედავს. და მხოლოდ იგივე სიყვარულს თუ ამოაქვს იქიდან მოულოდნელი საუნჯე, რომლის ელვარებას მხოლოდ იმ წამში ვამჩნევთ, როდესაც ჩვენი ხელებიდან სატრფოს ხელეებში გადადის. მართლაც: დროდადრო თითქოს გასაცემად გახსნის წამს გამოასხივებენ ხოლმე ჩვენი ხელეები უცხო სინათლეს, რომელიც ისეთ გაუმჭვირ სხეულებშიც შედის, სადაც თვით იდუმალი სხივებიც კი ვერ აღწევს.

რისთვის ვინაღვლოთ დაუსრულებლად საკუთარი შეცდომებისა და დანაკარგების გამო? რაც უნდა მოხდეს, ყველაზე სევდიანი საათის ბოლო წუთებში, კვირის დამლევს თუ წლის დასასრულს საკუთარ თავში შებრუნებულ კეთილ კაცს ყოველთვის გამოუჩნდება ღიმილის მიზეზი. ნელ-ნელა იგი იმასაც სწავლობს, როგორია სინანული უცრემლოდ. იგი ოჯახის მამაა, რომელიც სალამოს სამუშაოს ამთავრებს და შინ ბრუნდება. შეიძლება ამ დროს ბავშვები ტირიან, უხემ ან სახიფათო თამაშებს თამაშობენ, ავეჯი მიუწევ-მოუწევიათ, ჭიქა გაუტეხავთ, ლამპა გადაუბრუნები-ათ... რა ქნას ოჯახის მამამ — სასონარკვეთილებაში ჩავარდეს? თეორიული მორალით, რასაკვირველია, უმჯობესი იქნებოდა ბავშვები წყნარად ყოფილიყვნენ, ეწერათ ან ეკითხათ. მაგრამ საყვედურის საყვედურზე მფრქვეველი რომელი გონიერი მამა არ მიაბრუნებს რალაც მომენტში თავს და არ გაიღიმება უჩუმრად? ის არ მოსთქვამს ცხოვრების პატარ-პატარა გიჟმაყური გამოვლინებების გამო. არაფერია დაკარგული, რადგან შეუძლია დაბრუნდეს და რადგანაც მუდამ თან ატარებს თავისი საბინადროს გასაღებს. საკუთარ თავში ჩასვლის სიკეთე თვით ჩასვლაში უფროა, ვიდრე იმის შემონმებაში, რა მოიმოქმედა ან რას მიაღწია ჩვენმა სულმა, გულმა თუ გონებამ ჩვენს არყოფნაში. და თუ საათებმა ჩვენს ზღურბლზე თავიანთი იდუმალი ქამრების შეუხსნელად ჩაიარეს, თუ ოთახები ისეთივე ცარიელი დაგვხვდა, როგორიც ნასვლისას დავტოვეთ, თუ ხელიც არ გაუწმენვეთ იმათ, ვისაც იქ უნდა ემუშავა, მაშინ ჩვენი დაბრუნებული ნაბიჯების ხმიერი ყლერა რალაცას მაინც გვამცნობს ჩვენი საბინადროს სივრცის, მისი მოლოდინის და ჩვენდამი ერთგულების შესახებ.

ულიმლამო დღეები მხოლოდ ჩვენშივე არსებობს. მაგრამ თვით ყველაზე ულიმლამო დღეებშიც კი ყოველთვის მოიძებნება ადგილი უფრო მაღალი ბედისწერისთვის, რადგან ასეთი ბედისწერა გაცილებით უფრო სრულად იშლება ჩვენში, ვიდრე ევროპის ზედაპირზე გაიშლებოდა. ბედისწერის ადგილი იმპერიის სივრცეში არ არის, ჩვენს გულშია. ჩვენი ჭეშმარიტი ბედისწერა ცხოვრების ჩვენეულ ხედვაშია, — იმ წონასწორობაში, რომელიც მყარდება ცის გადაუნყვებელ კითხვებსა და მიწის ბუნდოვან პასუხებს შორის. გაშლა-გავრცობასთან ერთად, ეს კითხვები უფრო მშვიდობიანი ხდება, და ყველაფერი, რაც ბრძენს შეიძლება გადახდეს, ამ კითხვებს უფროდაუფრო ზრდის, პასუხებს კი უფროდაუფრო მშვიდობიანს ხდის.

ნუ ილაპარაკებთ ბედისწერაზე, როცა რომელიმე მოვლენა ისე გაგახარებთ ან ისე დაგამწუხრებთ, რომ არაფერს შეცვლის თქვენსა და სამყაროს ურთიერთობაში. ერთადერთი, რაც სიყვარულის, დიდების, ყოველგვარი თავგადასავლისა და ყველნაირი ადამიანური ვნების ჩავლის შემდეგ გვრჩება, ესაა უსასრულობის უფროდაუფრო გაღრმავებული გრძნობა. თუ ეს არ გვრჩება, მაშინ საერთოდ არაფერი გვრჩება. მე ვუსმენ გრძნობას და არა აზრთა სიმრავლეს, რადგან, ამ შემთხვევაში, აზრები მხოლოდ ურიცხვი საფეხურებია, რომლებსაც იმ გრძნობისაკენ მივყავართ, რომელზეც ახლა ვლაპარაკობ. არავითარი ბედნიერება არ არის „ბედნიერებაში“, თუკი არ გვებმარება, რომ სხვა რამეზეც ვიფიქროთ და რამდენადმე მაინც გავაცნობიეროთ ის იდუმალი სიხარული, რომელსაც სამყარო განიცდის თავისი არსებობის გამო.

განსაზღვრულ სიმაღლეზე ასულ ბრძენს ყოველგვარი მოვლენა დაამშვიდებს, რადგან მოვლენა, რომელიც თავდაპირველად მასაც ისევე ანუხებს, როგორც ჩვეულებრივ ადამიანებს, ყველა სხვა მოვლენის მსგავსად იმით ამთავრებს, რომ ყოფიერების დიდ განცდას თავის ნონასაც ამატებს. საკმაოდ ძნელია ნაართვა კმაყოფილების გრძნობა იმას, ვინც იცის, როგორ აქციოს ყველაფერი უანგარო განცვიფრებად. ძნელია ნაართვა კმაყოფილების გრძნობა ისე, რომ იდეამ, რომელიც შეიძლება ამ კმაყოფილებიდან მოდიოდეს, მაშინვე არ შვას უფრო მაღალი აზრი, მფარველი შუქივით რომ შემოეხვევა ამ ადამიანს. მშვენიერი ბედისწერა ისაა, რომელშიც არცერთი ხდომილება — ბედნიერი თუ უბედური — ისე არ ჩაივლის, რომ არ ჩაგვაფიქროს, სულის სამოძარო სივრცე არ გაგვიფართოვოს, არ გაზარდოს ცხოვრებასთან ჩვენეული მიმართების სიმშვიდე. ასევე შეგვიძლია ვთქვათ, რომ ბედისწერა გაცილებით უფრო რეალურად იკითხება იმაში, თუ რა თვალით ვუყურებთ ღამეულ ცას, გულგრილ ვარსკვლავებს, გარშემომყოფ ადამიანებს, ჩვენში შეყვარებულ ქალს და ჩვენშივე მოფუთფუთე ათასობით აზრს, ვიდრე იმ ხდომილებაში, რომელიც ჩვენი სიყვარულისგან გვწყვეტს, სადმე ტრიუმფალურ შესვლას გვიმზადებს ან სამეფო ტახტზე აყვავართ.

## XCV

ერთხელ ერთი კაცი ეკითხებოდა ქალს, რომელიც ქალთა შორის უმშვენიერეს, მრავალმხრივ და, მათ შორის, სინორჩითა და ფიზიკური სილამაზით დაჯილოდებულ არსებად მიაჩნდა:

„რას აპირებთ? რანაირ ადამიანს შეიყვარებდით?

გამოსავალს ვერ ვხედავ. არ არსებობს ბედისწერა, რომელიც თქვენი სულის სიმაღლეზე იდგეს.“

რა გაეგებოდა ამ კაცს? სიმაღლე ბედისწერას კი არა, სულს უნდა ჰქონდეს. ალბათ, ადამიანთა კვალობაზე, ეს კაციც სამეფო ტახტზე, ტრიუმფებზე, საოცარ ფათერაკებზე ფიქრობდა. მაგრამ იმას, ვისთვისაც *საგნები* შეადგენს ადამიანის ბედისწერას, ნარმოდგენაც არა აქვს ამ უკანასკნელზე. ან, საერთოდ, რატომ უნდა გვეზიზღებოდეს დღევანდელი დღე? მისი სიძულვილი ნიშნავს, რომ საერთოდ ვერაფერი გაგვივია. ეს ხომ საკუთარი თავის უცხოთესლად გამოცხადებას ნიშნავს. საერთოდ რისი გაკეთების იმედი გაქვთ ნუთისოფელში, თუ თავი მის მკვიდრად არ მიგაჩნიათ? დღევანდელ დღეს გუშინდელთან შედარებით ის უპირატესობა აქვს, რომ *არსებობს* და *ჩვენთვის* არის შექმნილი. როგორიც უნდა იყოს, დღევანდელი დღე გუშინდელზე უფრო გრძელია და, ამდენად, უფრო ვრცელი და მშვენიერიც.

ხომ არ ფიქრობთ, რომ ჩემ მიერ ნახსენები ქალი ვენეციის, ფლორენციის ან რომის უმშვენიერესი ბედისწერა იქნებოდა? იქ გამართულ დღესასწაულებს დაესწრებოდა, სრულქმნილი ლანდშაფტების ფონზე ისეირნებდა, პრინცებს, მეფეებს, მთელ ელიტას, ალბათ, თავის ფერხთით დაჩოქილს ნახავდა, ერთი გაღიმებით გააბედნიერებდა უამრავ ადამიანს, მთელი ეპოქის აზრს შეარბილებდა და გააკეთილშობილებდა. დღესდღეობით კი მთელი მისი ცხოვრება, როგორც ჩანს, ოთხი-ხუთი ადამიანის წრეში ჩაივლის, — ვინც მას იცნობს და ვისაც უყვარს. იქნებ სახლიდანაც კი არ გადის და მისი არსებობა, მისი აზრი და ძალა არავითარ შესამჩნევ და ხანგრძლივ კვალს არ ტოვებს. იქნებ მთელი მისი მშვენიერება, ძალმოსილება, ენერგია მასშივე იმარხება, — მასში და მასთან დაახლოებულ კიდევ რამდენიმე ადამი-

ანში. ისიც შესაძლებელია, რომ მისმა სულმა თავისი არხი მოძებნოს. ჩვენს დროში სასარგებლო და ღირსსახსოვარი ცხოვრებისაკენ გამავალი კარიბჭე სხვაგვარ ანჯამებზე ჰკიდია და სხვანაირი ჭრილით იღება. შესაძლოა, ეს კარიბჭე ნაკლებად მონუმენტურია, მაგრამ ასეთ კარიბჭეთა რიცხვი დღეს უფრო მეტია და გასვლითაც უფრო ჩუმ ბილიკებზე გადის, — ჩუმზე, რამეთუ უფრო შორს მიმავალზე.

მაგრამ, ვთქვათ, ყველაფერი მართლაცდა ნყვ-დიადს მოუცავს. ნუთუ ეს ბანოვანი უბედისნეროდ დარჩება, რაკი მის სამკეიდროში ერთი სხივიც არ შეიჭრება? ნუთუ შეუძლებელია, რომ ბედისნერა თავისთავად იყოს სრული და მშვენიერი? შეჩერდება თუ არა ნამდვილად ძლიერი სული თავის გარდასულ ტრიუმფებთან, თუ ამ გამარჯვებებმა ცხოვრებაზე არ ჩააფიქრა, არ გაზარდა მასში ადამიანური არსებობის კეთილშობილური თავმდაბლობა, უფრო ღრმად არ შეაყვარა დუმილი და მედიტაცია, რომლის დროსაც ვკრეფთ დიდების, სიყვარულის, ენთუზიასტური მხურვალეებით სულ რამდენიმე საათში დამნიფებულ ნაყოფებს? რა დარჩება იმ დღესასწაულებისა და იმ გმირულ, კეთილისმქმნელ თუ ჰარმონიულ ქმედებათა შედეგად, თუ არა რამდენიმე აზრი, მოგონება, ერთი სიტყვით — რამდენადმე უფრო გაფართოებული ცნობიერება და, რაკი უფრო მეტ საგნებთან მოუწია შეხება, ამ მინაზე ადამიანის მდგომარეობის უფრო დამშვიდებულ-გაფართოებული განცდა? აი, დგება მომენტი, როცა დიდების, სიყვარულის თუ ძალმოსილების ბრწყინვალე სამოსელს ვიხდით და მოსვენების საათი მოდის. არადა, განა ეს ჟამი ყოველ საღამოს არ რეკავს, ყოველ საღამოს და ყოველ ჯერზე, როცა მარტონი ვრჩებით? რა მიგვყვება ჩვენს განმარტობაში, სადაც მთელი ცხოვრების ბედნიერება, საბოლოოდ, აზრის, მოხ-

ვეჭილი რწმენის, ცნობიერების სასწორზე იწონება? სად ბუდობს ჩვენი ჭეშმარიტი ბედისწერა — ჩვენ ირგვლივ მიმდინარე ამბებში თუ ჩვენს სულში?

„რაოდენ ძალმოსილიც უნდა იყოს დიდებისა თუ ძალაუფლების ბრწყინვა, რომლითაც ადამიანი ტკბება, მის სულს მალე გამოაქვს განაჩენი ყოველი ჯურის გარეგან მოქმედებასთან დაკავშირებული გრძნობებისთვის, სწრაფადვე ამჩნევს, რა არააობაა სინამდვილეში, და ვერაფერს პოულობს სანაცვლოს, ახალს თუ აღმატებულს თავის ფიზიკურ უნართა განხორციელებისას, — ამბობს მოაზროვნე, — მთელი დედამიწაც რომ ჰქონდეს პირად საკუთრებაში, მეფეც სხვა ყველასავით განწირულია — იცხოვროს პატარა ნრეში, რომლის კანონებსაც ემორჩილება და რომელში მიღებულ პირად შთაბეჭდილებებზეც მისი ბედნიერება ჰკიდია.“

..და რომელ შთაბეჭდილებებსაც ის მოგვიანებით იხსენებს, — დავამატებთ ჩვენ, — რადგან ამ შთაბეჭდილებებმა იგი უკეთესი გახადა. ის სულები ხომ, რომლებზეც ჩვენ ვლაპარაკობთ, მთელი განვლილი ცხოვრებიდან მხოლოდ იმ ხდომილებებს იტოვებენ, რომლებიც მათ ოდნავ მაინც გაზრდის, რამდენადმე კიდევ სრულქმნის. მაშ, ნუთუ შეუძლებელია, რომ სადმე, ნებისმიერ დუმილში, ვიპოვოთ ერთადერთი უცვალებელი სუბსტანცია, რომელიც უკეთილშობილესი გარეგანი არსებობის სიღრმეში რჩება? ჩვენ ხომ მხოლოდ იმდენად ვფლობთ რაიმეს, რამდენადაც ის წყვდიადსა და დუმილშიც მოგვეყვება...

მაგრამ ძალზე შორს ნუ გავყვებით ამ გზებს, — მეტისმეტად თეორიულ სიბრძნემდე მიგვიყვანენ. თუ მშვენიერი გარეგანი ბედისწერა გარანტირებული არ გვაქვს, მაინც უნდა გვექონდეს მისი მოსვლის იმედი და ყველაფერი ვიღონოთ საამისოდ, თითქოს ამას ჩვენთვის უზენაესი მნიშვნელობა ჰქონდეს. ბრძენის



დიდი მოვალეობაა, რომ დიდების, მოქმედების, ბედნიერების, სიყვარულის ყველა ტაძარზე და ყველა სამყოფელზე დააკაკუნოს. თუ დიდი ძალისხმევის და ხანგრძლივი მოლოდინის შემდეგ მაინც არცერთი კარი არ გაიხსნა, მაშინ ეგებ თვით ძალისხმევასა და მოლოდინში ჰპოვოს ნაძებნი სინათლე და ემოცია.

„მოქმედება ნიშნავს ჩვენივე აზროვნებისთვის გამოცდილების უვრცესი ველების დამატებას“, — თქვა სადღაც ბარესმა.<sup>26</sup>

მოქმედება — დავამატებთ ჩვენ — ნიშნავს უფრო სწრაფ და უფრო სრულ აზროვნებას, რასაც საკუთრივ აზრი ვერ იზამს. მოქმედება აღარ გახლავთ მარტოდენ ტვინით აზროვნება, ესაა აზროვნება მთელი არსებით. მოქმედება ნიშნავს აზრის ყველა უღრმესი წყაროს დაკეტვას ოცნებაში იმისთვის, რომ ეს წყაროები რეალობაში გაიხსნას. თუმცა მოქმედება მაინცდამაინც ტრიუმფით სვლას არ ნიშნავს. მოქმედება მცდელობა, დალოდება, მოთმინებით ყოფნაა. მოქმედება ნიშნავს აგრეთვე მოსმენას, მობილიზებას, დადუმებას.

იმ ქალისთვის, რომელზეც ახლა ვსაუბრობთ, ათენში, ფლორენციაში თუ რომში მართლაც შეიძლებოდა ეარსება აღმაფრენის ისეთ მოტივებს ან სილამაზის თუ ჰეროიკის ისეთ ხდომილებებს, როგორსაც იგი დღესდღეობით ვერ იპოვიდა. გარდა ამისა, მისთვის იარსებებდა საკუთარ მოქმედებათა ძალისხმევა და მოგონება — ცოცხალი და მშვენიერი ძალა, რადგან ძალისხმევა, რომელსაც ჩვენ მივმართავთ, და მოგონება ყოველივე იმისა, რაც მოგვიმოქმედებია, ზოგჯერ ჩვენში უფრო მეტ რამეს გარდაქმნის, ვიდრე თვით უმაღლესი რამ აზრი, რომელიც, მორალური თუ ინტელექტუალური თვალსაზრისით, ათას ასეთ ძალისხმევად თუ მოგონებად ელირებოდა. დიახ, და ესაა ერთადერთი რამ, რის გამოც შეი-

ძლებოდა დაუდგრომელი და კაშკაშა ბედისწერის შეგვეშურებოდა, რაკი ის ავრცობს და აღვიძებს ისეთ გრძნობებს და ენერგიას, რომლებიც უამისოდ ვერასოდეს დაუსხლტებოდნენ ძილს ან ერთობ უშფოთველ ყოფიერებას. მაგრამ იმის ცოდნა ან თუნდაც დაგულება, რომ ეს გრძნობები და ენერგიები ჩვენში თვლემენ, განა უკვე იმ საუკეთესოს გაღვიძებას არ უდრის, რაც მათ აქვთ? განა ეს უკვე არ ნიშნავს, რომ ერთი წამით შევხედოთ მშვენიერ ბედისწერას იმ სიმაღლეებთან, სადაც ის მხოლოდ თავის უკანასკნელ დღეებში ავა, და რომ წინდანი მოვწყვიტოთ ყვავილი, რომლის მოწყვეტას ის მხოლოდ მრავალი ქარიშხლის შემდეგ თუ შეძლებს?

## XCVI

გუშინ სალამოს სენ-სიმონის გადაკითხვისას, სადაც თითქოს კოშკის სიმაღლიდან დაჰყურებ ველზე ამოძრავებულ ასობით ადამიანურ ბედისწერას, მე მივხვდი, რომ ადამიანის ინსტინქტი მშვენიერ ბედისწერას მოუხმობს. შესაძლოა, სენ-სიმონმა თვითონვე არ იცის, რა უყვარს და რა აღაფრთოვანებს ზოგიერთ გმირში, რომელთა მიმართ ერთგვარ მორჩილ და გაუცნობიერებელ პატივისცემას განიცდის. ბევრი სათნოება, რომლებსაც იგი მოწინებით უყურებს, სადღეისოდ მკვდარია, და ბევრი თვისება, რომლებსაც ხოტბას ასხამს, დღეს მეტისმეტად მცირე ჩანს. მაგრამ მიუხედავად იმისა, რომ საგანგებოდ არ განიხლავს და, არსებითად, არც ამართლებს მათ მამოძრავებელ იდეას, ოთხი-ხუთი სერიოზული, კეთილმოსურნე და ღირსშესანიშნავი სახე მისთვისვე ანგარიშმიუცემლად გაიელვებს დიდი ხელმწიფის ირგვლივ მოზიმზიმე ჯინჯილებიან ბრბოში. ესაა ფენელონი, შვერესისა და ბოვილიერის ჰერცო-

გები და ბატონი დოფინი. ეს კაცები დანარჩენ ადამიანთა უმრავლესობაზე ბედნიერები არ არიან. მათ არავითარი განსაზღვრული წარმატებისთვის არ მიუღწევიათ და არანაირი ბრწყინვალე გამარჯვება არ მოუპოვებიათ. სხვა ადამიანთა დარად, მათაც აქვთ თავ-თავისი ნაღველი და ისინიც იმის მოლოდინში ცხოვრობენ, რასაც, მე მგონი, თვით ამ მოლოდინის გამო თუ ერქმის ბედნიერება. ფენელონს თავს ატყდება გულისწყრომა იმ საკმაოდ უღიმღამო, თუმცა ფრთხილი და შორსმჭვრეტელი, მედიდური, უნდობელი და პომპეზური, პატარა საგნებში დიდი და დიდ საგნებში წვრილმანი სულისა, როგორიც იყო ლუი XIV. ფენელონს ასამართლებენ, სდევნიან და გადასახლებაში აგზავნიან. მნიშვნელოვანი მოვალეობის მიუხედავად, შვერესისა და ბოვილიერის პერცოგები სასახლის კარზე ერთგვარ წინდახედულ და ნებაყოფლობით განმარტობაში ცხოვრობენ. ვერც ბატონი დოფინი სარგებლობს მეფის კეთილგანწყობით, ძლიერი და მოშურნე პოლიტიკური ინტრიგის სამიზნე ხდება, ინტრიგის, რომელიც, ბოლოს და ბოლოს, ამსხვრევს მის ახალგაზრდა სამხედრო დიდებას. იგი გარემოცულია გულისწყრომით, დაბრკოლებებით და უბედურებით, რასაც, როგორც ჩანს, პატივმოყვრულ და პირმოთნე სამეფო კარზე ვერაფერი გამოასწორებს, რაკი ეს ყველაფერი იმუამინდელი მორალის შესატყვის პროპორციებს იღებს. მაღამ დოფინის გარდაცვალებიდან რამდენიმე დღის შემდეგ (ქალის, რომელიც მას სიგიჟემდე უყვარდა) კვდება თვით ბატონი დოფინიც. ვინ იცის, ეგებ ისიც იმ ქალივით მონამლეს — დოფინი მეხდარტყმულივით იცელება სწორედ მაშინ, როცა თითქოსდა სამუდამოდ ზურგშექცეული მეფის ნყალობა დილის სხივებივით ეფინება მისი სასახლის საფეხურებს.

აი, ის სევდა-ვარამი, იმედგაცრუება და არეულო-

ბა, რომლითაც სავსე იყო ამ ადამიანთა ცხოვრება. და მაინც, როცა ვუყურებთ მათ მდუმარე და ცალკე მდგომ ჯგუფს სხვების ცვალებად-ახირებული ელვარების ფონზე, ეს ოთხი ბედისწერა ნამდვილად დიდებული და შესაშური ჩანს. ყოველგვარ ბედუკულმართობაში მათ ყველგან დაჰყვებათ საერთო სინათლე, რომელიც ფენელონის დიდი სულიდან ასხივებს. იგი არ ლალატობს ალტაცების, სინწინდის, სამართლიანობის, სინაზისა და სიყვარულის მაღალ იდეებს, დანარჩენი სამნი კი თავიანთ მასწავლებელსა და მეგობარს არ ლალატობენ.

რა მნიშვნელობა აქვს ამ შემთხვევაში იმას, რომ ფენელონის მისტიკურ იდეებს ჩვენ აღარ ვიზიარებთ? რა მნიშვნელობა აქვს თუნდ იმას, რომ აზრები, რომლებიც ჩვენ უღრმესი და საუკეთესო გვეგონია და რომლებზეც ვაყრდნობთ ჩვენს ბედნიერებას და ჩვენი ცხოვრების ყველა უეჭველობას, ზურგსუკან ნანგრევებად გვექცევა და მომავალში ღიმილს მოჰგვრის იმათ, ვინც თავის აზრებს უფრო ჰუმანურად და საბოლოოდ ჩამოყალიბებულად მიიჩნევს? ჩვენს ცხოვრებას გაცილებით ნაკლებად აკეთილშობილებს და ანათებს ჩვენი აზრები, ვიდრე საკუთრივ *გრანობები*, რომლებსაც ეს აზრები ჩვენში აღვიძებენ. აზრი შეიძლება მიზანია, მაგრამ ამ მიზანზეც იგივე ითქმის, რაც მოგზაურობათა უმრავლესობაზე: ეს არის ტრაექტორია, ეტაპები, გზად გადამხდარი ამბები, ის, რასაც მოულოდნელად გადავეყრებით ხოლმე, რაც ყველაზე მეტად გვაინტრიგებს. აქ, ისევე როგორც ყველგან, უმთავრესია ადამიანური გრძნობის სინრფელე. არასოდეს არ ვიცით, ვტყუვდებით თუ არა ამა თუ იმ აზრში, მაგრამ სიყვარული, რომლითაც იგი შევიყვართ, ყოველთვის თავზე დაგვეცემა და ცდომილება მისი სინათლისა თუ ძალის ერთ ნვეთსაც კი ვერ შეინირავს. რაც შეადგენს

და კვებავს იმ იდეალურ არსებას, რომლის შექმნასაც თითოეული ჩვენგანი საკუთარ თავში ცდილობს, ანუ რაც ამ არსების კონტურებს მოხაზავს, იმდენად იდეების ერთობლიობა არ არის, რამდენადაც ის ნმინდა მისწრაფება, ერთგულება, უანგარობა, რომლითაც ჩვენ ამ იდეებს ვევლებით და ველოლიავებით. თუ როგორ და რამდენად გვიყვარს ჩვენ მიერ ქეშმარიტებად მიჩნეული ღირებულება თვით ქეშმარიტებაზე უფრო მნიშვნელოვანია. განა აზრზე და აზროვნებაზე უფრო მეტად *სიყვარული* არ გვსრულყოფს? დიდი ცდომილების ერთგული სიყვარული, უმეტესწილად, უფრო ღირებულია, ვიდრე დიდი ქეშმარიტების წვრილმანი მსახურება.

ეს ვნება და ეს სიყვარული, სხვათა შორის, ისევე შეიძლება არსებობდეს ეჭვში, როგორც რწმენაში. არსებობს ისეთი მგზნებარე, ისეთი დიდსულოვანი ეჭვები, რომლებიც თვით უმშვენიერეს რწმენასაც არაფრით ჩამოუვარდება. ჩვენ მიერ უმაღლესად, უწმინდესად თუ უბუნდოვანესად მიჩნეულ აზრში საუკეთესო სწორედ ის არის, რომ იგი რაღაცისადმი განუსაზღვრელი სიყვარულის შესაძლებლობას გვთავაზობს. თუკი მე ვეძლევდი ადამიანს, ღმერთს, სამშობლოს, სამყაროს, თვით ცდომილებას, მაშინ ის ლითონი, რომელსაც, ადრე თუ გვიან, ჩემი გარდასული სიყვარულის ფერფლში იპოვიან, ამ სიყვარულის საგნიდან მომდინარე კი არ იქნება, არამედ თვით სიყვარულიდან. წარუშლელ კვალს მხოლოდ გულითადი სიყვარულის უბრალოება, მხურვალება და სიმტკიცე ტოვებს. ყველაფერი მიდის, იცვლება, ეგებ იღუპება კიდევ — ჩვენი გულის ამ სიღრმის, ამ სიმტკიცის, ამ ნაყოფიერების თვინიერ.

„არასოდეს არავის შეუნარჩუნებია სულში ასეთი მშვიდობა“, ამბობს სენ-სიმონი ინტრიგებით, გულსწყრომითა და ხაფანგებით გარემოცულ ორ ადამიანთაგან ერთ-ერთზე. შემდეგ ლაპარაკობს მეორის „ბრძნულ სიმშვიდეზე“ და ეს ბრძნული სიმშვიდე მთლიანად მსჭვალავს იმას, რასაც სენ-სიმონი „პანანინა გუნდს“ უწოდებს. ეს, მართლაცდა, პანანინა გუნდია, საუკეთესო აზრთა ერთგულების, მეგობრობის, კეთილსინდისიერების, საკუთარი თავის პატივისცემისა და შინაგანი სიამოვნების პატარა გუნდი, რომელიც თავისთვის მიაბიჯებს უბრალო და მშვიდ სინათლეში, ვერსალის ყველა იმ ამბიციით, ამოებით, სიცრუითა და დალატით გარემოცული.

ისინი არ არიან ნმინდანები, ამ სიტყვის გავრცელებული აზრით, ტყეში ან უდაბნოში არ გახვენილან და არც ვინრო სენაკებში უძებნიათ თავმისადრეკი. ისინი ბრძენი ადამიანები არიან, ცხოვრების საზღვრებს არ ტოვებენ, რეალობაში რჩებიან. ნუ დავიჯერებთ, რომ მათი ხსნა მათივე ღვთისმოსაობაა და რომ მათი სულის ნავსაყუდელი მხოლოდ ღმერთშია. საკმარისი არ არის ღვთის სიყვარული და მისი შეძლებისდაგვარი მსახურება ადამიანის სულის განსამტკიცებლად და დასამშვიდებლად. ღმერთს მხოლოდ ადამიანებთან კონტაქტის დროს შეძენილ-განვითარებული აზროვნებითა და გრძნობებით თუ შევიყვარებთ. ადამიანის სული, ყოველივეს მიუხედავად, მუდამ ღრმად ადამიანური რჩება. შეგვიძლია მრავალი უხილავი საგნის სიყვარული ვასწავლოთ, მაგრამ მარტივი ადამიანური გრძნობა და სათნოება მას უფრო ქმედითად ასაზრდოებს, ვიდრე ყველაზე ღვთაებრივი გზნება. როცა ნამდვილად მშვიდ და ჯანსაღ სულს ვხედავთ, შეგვიძლია დარწმუნებით ვთქვათ, რომ თავის სიმშ-

ვიდესა და სიჯანსაღეს იგი ადამიანურ სათნოებებს უნდა უმაღლოდეს. რომ შეიძლებოდეს გარდასულ ადამიანთა გულის საიდუმლოში ჩახედვა, ეგების დაგვენახა, რომ ფენელონის შინაგანი სიმშვიდის წყარო, გადასახლებაში ყოფნის ყოველ საღამოს რომ ენაფებოდა, გაცილებით უფრო მეტად ჩქეფდა მის ერთგულებაში უბედური მაღამ გიონისადმი, მის სიყვარულში არალიარებული და დევნილი დოფინისადმი, ვიდრე სიკვდილისშემდგომი ანაზღაურების მოლოდინში, ანუ უფრო ადამიანურად ნაზ, ადამიანურად ლოიალურ, ადამიანურად უსაყვედურო ცნობიერებაში, ვიდრე მის ქრისტიანულ იმედებში.

## XCVIII

„პანანინა გუნდის“ საკვირველი უსაფრთხოება! არცერთი სათნოება არ ანთებს აქ დამაბრმავებელ კოცონს მთის თხემზე, ყველა ცეცხლი სულში და გულში რჩება. არც სხვა გმირობა ხდება, გარდა ნდობის, სინრფელისა და სიყვარულის, რომლებსაც ახსოვთ და ითმენენ. არიან ადამიანები, რომელთა სათნოებას რაღაც მომენტში გაღებულ-დაკეტილი კარის ხმა გამოხდება ხოლმე. არიან სხვებიც, ვისი სათნოებაც ჰგავს მდუმარე მხეველს, რომელიც არასოდეს გამოდის სახლიდან, ხოლო გარედან შემოსული და შემცივნული ადამიანები მას მუდამ ყურადღებიანს და მოფუსფუსეს ხედავენ კერიასთან.

იქნებ მშვენიერ ცხოვრებაში ნაკლები ჰეროიკული ნუთი უნდა იყოს და მეტი დარბაისლური, თანაბარი და ნმინდა საათი? იქნებ პირდაპირი და ბოლომდე სამართლიანი სული ნაზ და ერთგულ სულზე უფრო ძვირფასია? თუ ასეთი სულის შემთხვევაში ნაკლებად უნდა ველოდეთ სითამამეს ან არსებობის მძაფრ ფათერაკებში გამოვლენილ ენთუზიაზმს, სა-

მაგიეროდ მეტი რწმენითა და უეჭველობით დავენდობით ორდინარულ სიტუაციებში. და როგორი უცნაური, ანენილი, დიდებულიც არ უნდა იყოს ცხოვრება მთლიანობაში, რომელი ადამიანის ცხოვრება არ მიმდინარეობს ორდინარულ სიტუაციებში თითქმის თავიდან ბოლომდე? თუ ჩაუფიქრდებით და, განსაკუთრებით, თუ თვითონვე ვმონანილებთ მათში, — რომელია ყველაზე კაშკაშა მოვლენების ყველაზე გამამწყვეტი მომენტები? განა არ გვანცვიფრებს, როცა უმწვერვალესი ნუთის დიდ ფეიერვერკში თვით უმშვიდესი ნუთის ყველა ჩვევასა და რეფლექსიასაც ვხედავთ? მუდამ უნდა ვუბრუნდებოდეთ ნორმალურ ცხოვრებას: იქ, სადაც მყარი ნიადაგი და პირველყოფილი კლდეა. სავალდებულო არ არის ყოველდღიურად სიკვდილის, უბედურების, სასონარკვეთის საზღვრებამდე მისვლა, მაგრამ ეგების აუცილებელია, რომ ყოველი დღის ყველა სევდიან ნუთში შემეძლოს ჩემს თავს ვუთხრა: „სადღაც არსებობს შენს სულთან ახლომდგომი სული — მდუმარე, ერთგული, უგრძნობელი ყოველივე ისეთის მიმართ, რაც ჭეშმარიტებასთან შეუსაბამოდ მიგაჩნია, — სული უცვლელი, შეურყეველი.“

რა თქმა უნდა, დიდებულია ხან აქ და ხან იქ შეროიკული თუ ერთობ დიდსულოვანი აქტის განხორციელება. მაგრამ კიდევ უფრო საქებაარია — და ამას უფრო მუდმივი ძალვა სჭირდება — არასოდეს ვაცდუნებიანოთ თავი მდაბალ აზრს და ვენეოდეთ ნაკლებად გოროზ, თუმცა არანაკლებ საიმედო ცხოვრებას. დე, ჩავდოთ ზოგჯერ ჩვენს მედიტაციებში სრულქმნილების ჩვენეული სურვილი ყოველდღიური ჭეშმარიტების დონეზე იმის დასანახად, რომ დროდადრო დიდი სიკეთის ქმნა უფრო იოლია, ვიდრე უმცირესი ბოროტების არქმნა, პერიოდული გაღიმება, ვიდრე არასოდეს ტირილი.



სენ-სიმონის თქმით, ამ ადამიანებს თავშესაფარი ერთმანეთში ჰქონდათ, უფრო კი — თითოეული მათგანი საკუთარ თავში ატარებდა „თავის მტკიცე კლდეს“. და ამ კლდის შეურყეველ ნაწილს ზუსტად იმდინვე სივრცე ეჭირა, რაც თითოეულის გულის უმნიკელობას.

„მტკიცე კლდე“ ათასი შრისგან შედგება, მაგრამ განა მისი ცენტრალური პლატო ყოველთვის ის არ არის, რაც ჩვენს არსებაში უმნიკელოდ მიგვაჩინია? ისიც მართალია, რომ ამ უკანასკნელს ხშირად საკმაოდ უხეში გემოვნება აქვს და რომ არ დაიარება ამქვეყნად ავაზაკი, ყოველ საღამოს ერთი წამით მაინც რომ არ ადიოდეს იმ საბრალო ნაყარ-ნუყარზე, რასაც თვითონ მიიჩნევს „უმნიკელოდ“. მაგრამ ამჯერად მე ოდნავ უფრო მაღალ სათნოებაზე ვლაპარაკობ და არა მკაცრად აუცილებელზე. ყველაზე ჩვეულებრივმა ადამიანმაც მშვენივრად იცის, რას წარმოადგენს არაჩვეულებრივი სათნოება. განსაკუთრებით ეს ითქმის ყველაზე მოულოდნელ ზნეობრივ სილამაზეზე: ყველაზე შეზღუდული ადამიანიც კი ვერასოდეს განაცხადებს გულწრფელად — ვერაფერი გავუგეო. ასევე ყველაზე ადვილად ესმით ხოლმე მავანის ყველაზე დიდბუნებოვანი საქციელიც. ალბათ, აუცილებელი არ არის იმ საგნის სიმაღლეზე დგომა, რომელსაც აღტაცებაში მოვყავართ, — აუცილებელი ისაა, რომ არასოდეს ჩაგვეძინოს იმაში, რაც ნამდვილად გასაკიცხია.

მაგრამ დავუბრუნდეთ ჩვენს ბრძენთა თავშესაფარს. ცხოვრებაში მრავალ ბედნიერებას და უბედურებას შემთხვევითობა განსაზღვრავს, მაგრამ ჩვენი შინაგანი მშვიდობა არასოდეს არ არის დამოკიდებული შემთხვევაზე. ვიცი, რომ არსებობენ მშენებელი

სულები, არსებობენ მნგრეველები და კიდევ ისეთებიც, ცხოვრებას სხვათა ჭერქვეშ, თავშესაფრიდან თავშესაფრამდე ნანნალში რომ ატარებენ. მაგრამ თუ იოლი არ არის სულის ინსტინქტის გარდაქმნა, მაშინ უპრიანი იქნება, რომ იმათ, ვინც არ აშენებს, ქვების ქვებზე დანყობის სიხარული მაინც გაიგონ. აზრები, კავშირები, სიყვარულები, რწმენები, განხიბვლები, თვით ეჭვები — მშენებლობისთვის ყველაფერი გამოდგება. იმით კი, რასაც ქარიშხალი მოანგრევს და ძირს ჩამოყრის, სჯობს მოშორებით უფრო მოკრძალებული და ცხოვრების მოთხოვნებთან უკეთ მისადაგებული ნაგებობა აიგოს.

რომელ სევდას, რომელ სინანულს, რომელ განხიბვლას ძალუძს შეურყიოს სახლი იმას, ვისაც არ გადაუყრია ის ყველაფერი, რაც ამ სევდაში, სინანულში თუ განხიბვლაში ბრძნული და მდგრადია? და, გარდა ამისა, განა უმართებულო იქნებოდა გვეთქვა, რომ შინაგანი ბედნიერების ფესვები დიდი ხის ფესვებს ჰგავს? ქარიშხლით გატანჯული მუხები ხშირად ყველაზე ძალუმ და ყველაზე მკვებავ ფესვებს იდგამენ მარადიულ ნიადაგში. და ბედისწერამაც, უსამართლოდ რომ გვანჯღრევს და გვეჯაჯგურება, ისევე არ უწყის, რა ხდება ჩვენს სულში, როგორც ქარიშხალმა არ იცის არაფერი მინის ქვეშ მიმდინარე ამბებზე.

## C

საინტერესო იქნებოდა, აქ ჭეშმარიტი ბედნიერების ძალა და იდუმალი მშვენიერება მოგვეხვდებინა. როცა „პანანინა გუნდის“ ერთ-ერთი წარმომადგენელი გაივლის ხოლმე სასახლის კარის ბედნიერ და ტრიუმფალურ ბრბოში, რომელსაც თავისი ინტრიგებით, რევერანსებით, პანია სიყვარ-

ულებით თუ პანია გამარჯვებებით ვერსალის მარ-  
მარილოს კიბეები და დიდებული აპარტამენტები  
გადაუჭედავს, მაშინ სენ-სიმონის ხმაურიან თხრო-  
ბაში რალაცნაირი მდუმარება შემოდის. რაიმე სა-  
განგებო აღნიშვნის გარეშე, დგება მომენტი, როდე-  
საც თითქოს მშვიდი და ძლიერი სულის სიმალლიდან  
ვზომავთ ყველა ამ მჭლე პატივმოყვარეობას, ყველა  
ამ თავადურ, თუმცა ხანმოკლე დაკმაყოფილებას,  
ამ ვითომცდა თამამად მეტყველ, თუმცა ნყვი-  
ადში მოცახცახე სიცრუეებს. თითქოს აკრძალულ  
თამაშებში, რომლის დროსაც ბავშვები ყვავილებს  
გლეჯენ ან თელავენ, ხილის მოსაპარად ემზადებიან,  
ჩუმად ანვალევენ უწყინარ ცხოველს, — თითქოს  
სწორედ იმ დროს და იმ ადგილას მღვდელი ან მოხუ-  
ცი კაცი ჩაივლის, თუმცა აზრადაც არ მოსდის მათი  
დატუქსვა. თამაში უცებ ნყდება, ჩაძინებული შეგ-  
ნება იღვიძებს და უხერხულ-შეცბუნებული მზერები  
უნებლიეთ მიაჩერდებიან დავინყებულ მოვალეობას,  
რეალობას, ჭეშმარიტებას.

მაგრამ, როგორც ნესი, უფროსები ბავშვებზე მეტ  
ხანს არ აყოვნებენ მზერას იმ მოხუცზე, მღვდელზე  
თუ, საერთოდ, რეფლექსიაზე, რომელმაც მათ ჩაუ-  
არა და სადაცაა თვალს მიეფარება. არა უშავს —  
მათ ის უკვე *დაინახეს*. ადამიანის სული ხომ, თა-  
ვისთავად, იმდენად კეთილშობილია, რომ როგორც  
არ უნდა დახუჭონ თვალები, საითკენაც არ უნდა  
მიაბრუნონ მზერა, კაცთა უმეტესობას იგი არ სურს,  
რაკი სიმშვიდეს ურღვევს. სული კი მაინც ადვილად  
ამჩნევს ყველაფერს, რაც აღემატება იმ უსარგებლო  
წამს, რომლითაც მის დაინტერესებას ცდილობენ.  
ამაოდ ავჩურჩულდით ბრძენის ზურგსუკან, ბრძე-  
ნის, რომელიც უკვე თვალთახედვიდან გვეკარგება:  
— ისე, რომ თვითონაც არ უწყოდა, ცდომილებათა  
და ამოებათა ჯუნგლში მან ისეთი ხნული გაავლო,

რომელიც უფრო ნელა ნაიშლება, ვიდრე შეიძლება გვეგონოს. მერე კი ამწვანდება, განსაკუთრებით — მოულოდნელ ცრემლიან ნამში. სხვებზე ოდნავ უფრო სუფთა, ოდნავ უფრო ცოცხალი სული სენსიმონის ნაამბობში საკმაოდ იშვიათად ტირის. თუ იტირებდა და — მხოლოდ ერთ-ერთი იმათგანის გვერდით, რომელსაც ასე ჩავლილს ნახავდა იმ ოდნავ დაძაბულ დუმილსა და თითქმის არაკეთილმოსურნე განცვიფრებაში, უმნიველო ადამიანის ნაბიჯებს რომ თანსდევს ხოლმე ამ ნუთისოფელში.

არასოდეს ვუსვამთ საკუთარ თავს შეკითხვებს ბედნიერების შესახებ იმ დღეებში, როცა თავს ბედნიერად ვგრძნობთ. მაგრამ, აი, დაჰკრავს ტკივილის ნამი და ჩვენ იოლად ვიხსენებთ ადგილს, სადაც იმალება სულის მშვიდობა, რომელიც არც მზის სხივზეა დამოკიდებული, არც უარყოფილ კოცნაზე და არც მეფისგან მიღებულ საყვედურზე. ამ დროს არ ვაკითხავთ იმათ, რომლებიც იმნაირადვე არიან ბედნიერნი დღეს, როგორც ჩვენ ვიყავით გუშინ, — ბოლოს და ბოლოს, ვიცით, რა დარჩება ამ ბედნიერებისგან მას შემდეგ, რაც შემთხვევა მცირედენ მოუთმენლობას გამოიჩენს. თუ გსურთ, გაიგოთ, სად იმალება ყველაზე სარწმუნო ბედნიერება, თვალმოუშორებლად უყურეთ ნუგეშმონყურებულ საბრალოთა დემარშებს. მწუხარება ჰგავს ჯადოსნურ ჯოხს, რომელსაც უწინდელ დროში საგანძურის ან მინისქვეშა ნყლების მაძიებლები იყენებდნენ — მწუხარეს იგი იმ საბინადროს შესასვლელს უჩვენებს, სადაც უღრმესი მშვიდობა სუნთქავს. და ეს იმდენად მართალია, რომ ხანდახან საკუთარ თავსაც უნდა ვკითხოთ: შეგვიძლია თუ არა ბოლომდე ვენდოთ ჩვენი სიმშვიდის ხარისხს, ჩვენს აუღელვებლობას, ჩვენი სინრფელის თანახმიერებას ყოფიერების დიად კანონებთან, ჩვენი სიხარულის

მდგრადობას, ვინძლო გულმწუხარეთა ინსტინქტმა არ აიძულოს ისინი კარზე მოგვიკაკუნონ, რაკი, როგორც ჩანს, ვერ ცნობენ მარადუქრობელი ლამპის მშვენიერ, მდგრად და უშფოთველ სხივს — ამ კარის ზღურბლზე ჩაძინებულს.

დიახ, მხოლოდ იმათ აქვთ უფლება, თავი სამშვიდობოზე იგულვონ, ვისთანაც ყველა მტირალი ისურვებდა სატირლად მისვლას. ასე რომ, მთელ დედამიწაზე არსებობენ ადამიანები, რომელთა შინაგან ღიმილს მხოლოდ იმ მომენტიდან ვამჩნევთ, როცა ცრემლები ჩვენს მზერას თავიანთ უიდუმალეს სათავემდე ჩარეცხავენ და გვასწავლიან, თუ როგორ შევნიშნოთ ჩვენს გვერდით მყოფი ბედნიერება, შობილი არა რომელიმე ცალკეული ნუთის ბრწყინვიდან თუ კეთილმოსურნეობიდან, არამედ თვით ცხოვრების უფრო გაფართოებული მიღებიდან. აქაც, ისევე როგორც ბევრ სხვა რამეში, შეგრძნებებს სურვილი და აუცილებლობა გვიმახვილებს. დამშეული ფუტკარი თაფლს ყველაზე ღრმა გამოქვაბულშიც პოულობს. გულამოსკენით მტირალი სული ამჩნევს სიხარულს, რომელიც განმარტოებაში ან ყველაზე უფრო შეუღწევ მდუმარებაში შეყუჟულა.

## CI

როგორც კი ადამიანში ცნობიერება იღვიძებს და მოძრაობაში მოდის, ბედისწერაც იწყება. ლაპარაკია არა სულთა უმრავლესობის გამოფიტულ და პასიურ ცნობიერებაზე, არამედ აქტიურზე, რომელიც იღებს მოვლენას, როგორც არ უნდა იყოს ის, როგორც დედოფალი მიიღებდა ძღვენს თუნდაც ციხეში ჩამწყვდევის შემდეგ. თუ თქვენს ცხოვრებაში არაფერი ხდება, თქვენს ცნობიერებას მაინც ძალუძს შექმნას დიდი მოვლენა და, ასე თუ ისე, დააფიქსიროს

რამენაირი ხდომილების არარსებობა. მაგრამ, ალბათ, არ არსებობს ადამიანი, რომელსაც იმაზე მეტი რამ არ ხვდებოდეს ცხოვრების გზაზე, ვიდრე თვით ყველაზე ხარბ და ყველაზე დაუღალავ ცნობიერებას სჭირდება.

ამნუთას თვალწინ მიდგას ბიოგრაფია ერთ-ერთი ისეთი ძალუმი და მგზნებარე სულისა, რომლის გვერდით თითქოსდა ფერმკრთალდება კაცთა ბედნიერების თუ უბედურების განმსაზღვრელი ყველა ფათერაკი და ამბავი. ლაპარაკია ამ საუკუნის პირველ ნახევარში მცხოვრებ, ყველაზე უჩვეულო და უდავო გენიალობით დაჯილდოებულ ქალზე, ემილი ბრონტეზე. მან ერთადერთი ნიგნი დაგვიტოვა: რომანი "Wuthering Heights". ეს უცნაური სახელი შეიძლება ითარგმნოს, როგორც „ქარიშხლიანი მწვერვალები“.

ემილი იყო ქალიშვილი ინგლისელი კლერიკალის, ღირსი პატრიკ ბრონტესი — ყველაზე უფრო ცარიელი, ხეშეში, პრეტენზიული, ეგოისტი არსების, როგორც კი შეიძლება წარმოვიდგინოთ. ეს ადამიანი ცხოვრებაში ორად ორ რამეს ანიჭებდა მნიშვნელობას: თავისი ბერძნული პროფილის სინძინდეს და თავისი მომწელებელი სისტემის უსაფრთხო მუშაობას. რაც შეეხება ემილის საბრალო დედას, მან, როგორც ჩანს, თავისი ცხოვრება ქმრის პროფილით აღფრთოვანებასა და მათი საერთო-ცოლქმრული მომწელებელი სისტემის პატივისცემაში გაატარა. თუმცა რისთვისღა გავიხსენოთ მისი არსებობა, თუკი ეს ქალი ემილის დაბადებიდან ორიოდე წლის შემდეგ გარდაიცვალა? მიუხედავად ამისა, ერთსაც დავამატებთ: ალბათ, ამ შემთხვევამ კიდევ ერთხელ დაადასტურა, რომ უფერულ ადამიანთა ცხოვრებაში ქალი თითქმის ყოველთვის აღემატება კაცს, რომელთანაც მას თანაცხოვრებამ მოუწია. პატივმოყვარე და ვეგეტატიურ ქმარს დაქვემდებარებ-

ული ცოლის გარდაცვალებიდან დიდი ხნის შემდეგ აღმოაჩინეს მთელი დასტაწერილებისა, რომლებშიც ეს მარადწაკლული ქალი სავსებით სალად განსჯიდა თავისი ქმრის გულგრილობას, ფუქსავატობას და ეგოიზმს. მართალია, სხვების ნაკლოვანებათა შემჩნევა არ გულისხმობს, რომ ჩვენ თვითონ ამ ხარვეზებისგან თავისუფალნი ვართ, მაგრამ, აი, სათნოების აღმოჩენა კი, ალბათ, მაინც მოითხოვს სათნოების მარცვლის ტარებას საკუთარ თავში. ასეთები იყვნენ ემილის მშობლები. ერთი ძმა და ოთხი და ემილისთან ერთად შეჰყურებდა ერთსახოვანი საათების ტაატიტ სვლას. მთელი ოჯახის და, მასთან ერთად, ემილის არსებობამაც იორკშირის ბუჩქნარებში მდებარე პატარა, ბნელ, ეულ, უნუგეშო და უნაყოფო სოფელ ჰავორთში ჩაიარა.

არავის ჰქონია უფრო მიგდებული, ნაღვლიანი, მონოტონური ბავშვობა და ახალგაზრდობა, ვიდრე ემილის და მის ოთხ დას. არ გადახდენიათ ერთი პატარა ბედნიერი ან რამდენადმე მოულოდნელი თავგადასავალიც კი, რომელიც — მომდევნო წლებით კიდევ უფრო გაზრდილ-გამშვენიერებული — ცხოვრების მომღიმარი მოგონების ერთადერთ ამოუნურავ საუნჯედ იქცეოდა. პირველიდან უკანასკნელ დღემდე განუხრელად მეორდებოდა ერთი და იგივე: ადგომა, სახლის საქმეები, გაკვეთილები, მუშაობა მოხუცი მამიდას გვერდით, ერთობლივი საუზმე-სადილი, ხელიხელჩაკიდებული და თითქმის ყოველთვის მდუმარე სეირნობა აყვავებულ ან თოვლით დაფარულ ბუჩქნარში. შინ სხვა არაფერი ელოდათ, მამის სრული განურჩევლობის გარდა, მამის, რომელსაც თითქმის ვერასოდეს ხედავდნენ, რომელიც საჭმელს თავის ოთახში მიირთმევდა და მხოლოდ სალამოობით ჩამოდიოდა ქვემოთ, რათა საერთო სალონში ხმამაღლა ეკითხა ინგლისის სა-

პარლამენტო დებატების გულისგამანვრილებელი ანგარიშები. სახლს კი, ამასობაში, ყოველი მხრიდან სასაფლაოს სიჩუმე ერტყმოდა და ჩრდილოეთის სასტიკი ქარი ზამთრიდან გაზაფხულამდე ნენავდა ბურქების ამარა დარჩენილ ხრიოკ ველ-ბორცვებს.

ცხოვრებისეულმა შემთხვევითობამ (არ არსებობს ცხოვრება შემთხვევის განსაზღვრული ძალისხმევის გარეშე) ემილი სამჯერ თუ ოთხჯერ მონყვიტა ამ უდაბნოს, რომელიც მან შეიყვარა და — ყველა იმათსავით, ვისაც მეტისმეტად დიდხანს უცხოვრია ერთსა და იმავე ადგილას — მიიჩნია ერთადერთ გარემოდ, სადაც ცა, მიწა, მცენარეები რეალური და საუცხოო იყო. მაგრამ რამდენიმე კვირის არყოფნის შემდეგ ემილი ნალელიანდებოდა, მგზნებარე თვალეები ებინდებოდა, რის გამოც რომელიმე დას უნდა ეზრუნა და სასწრაფოდ დაებრუნებინა პასტორის განმარტოებულ სახლში.

1843 წელს ოცდახუთი წლის ემილი სამუდამოდ დაბრუნდა შინ. არანაირი ამბავი, არავითარი ღიმილი, სიყვარულის არავითარი იმედი მთელი თავისი არსებობის მანძილზე! ბოლოს კი — ეს საბოლოო დაბრუნება მშობლების სახლში. რომელიმე უბედურების, რომელიმე გულნაკლულობის მოგონებაც კი არ შემოუნახავს, — ისეთი, რომელიც ძალზე სუსტ ან ძალზე მცირედმომთხოვნ სულებს აფიქრებინებს, რომ პასიური ბედნიერება იმით, რაც თავის თავს ანგრევს, უკვე სათნოების აქტია, რომ უმოქმედობა ცრემლებში უკვე ამ უმოქმედობის პატიებაა და რომ მათ ყველაფერი გააკეთეს, რაც გასაკეთებელი იყო, რაკი თავიანთი ტანჯვიდან ყველა შესაძლებელი სევდა და ყველა რეზინაცია გამონურეს.

ემილის უნარსულო, უმოგონებო თუ ურეზინაციო სულის გლუვი და ქალწულებრივი კედლები კი არაფერს ებმის და არაფერს უკავშირდება. არაფერი



უსწრებდა წინ ამ საბოლოო დაბრუნებას, არაფერი მოჰყოლია შემდეგაც, ძმის მომვლელად ქცეული დის საბრალო და ნაღვლიანი ამბების გარდა, ძმის — ამ თითქმის შეშლილი, გამოუსწორებელი ლოთისა და ოპიუმისტის — რომლის სიცოცხლე სიზარმაცემ და დიდმა უიღბლო სიყვარულმა იმსხვერპლა. მერე კი, დეკემბრის ერთ ნაშუადღევს, როცა დაბადებიდან ოცდამეცხრე წელი უახლოვდებოდა, პატარა კლერიკალის ცარცით შეთეთრებულ მოსაცდელ ოთახში ემილი თავის გრძელ შავ თმას ბუხართან ივარცხნიდა და სავარცხელი ცეცხლში ჩაუვარდა. მის ამოსაღებად ქალს ძალა არ ეყო და სიცოცხლეზე კიდევ უფრო უხმაურო სიკვდილმაც ბედის მიერ მისთვის დატოვებული ორი დის სუსტ მკლავებში მოუსწრო.

## CII

„ბედისწერის დიად მუხლებზე მდგომი, მე ვერ ვხედავ შენს არსებობაში ვერც სიყვარულის ნიშანს, ვერც დიდების ნაპერწკალს, ვერც მომღიმარ წუთს!“ — შესძახებს უძირო სევდით შეპყრობილი მის მერი რობინსონი ემილის ცხოვრების გადმოცემისას. მართლაც, თუ გარედან შევხედავთ, ვერსად ვიპოვით ამ ცხოვრებაზე უფრო პირქუშ, უფერულ, ამაო და გაყინულ არსებობას.

მაგრამ რომელი მხრიდან უნდა შევხედოთ ადამიანის ცხოვრებას, რათა ვიპოვოთ მისი ჭეშმარიტება, ვიმსჯელოთ მასზე, გავამართლოთ და გვიყვარდეს? თუ ერთი ნამით მოვაშორებთ მზერას უშენ ადგილზე განცალკევებით მცხოვრებ პატარა კლერიკალს, მერე კი ამ მზერას ჩვენი გმირი ქალის — ემილის სულს მივაპყრობთ, უკვე სხვა სურათს დავინახავთ. იშვიათად თუ მოიხელთება სულის ცხოვრება იმ სხ-

ეულში, რომელსაც არაფერი გადახდენია. უფრო ხშირად იმ აზრისაკენ ვიხრებით, რომ სულის პირადი ცხოვრება ვერ წარიმართება კვირის თუ წლის განმავლობაში მომხდარი მოვლენებისგან სრულებით დამოუკიდებლად. ემილის წიგნში — ვნებების, სურვილების, რეალიზაციების, განაზრებების და მისი სულის იდეალის, მისი ნამდვილი ისტორიის ამ პანორამაში — უფრო მეტი ენერგია, მეტი ვნება, მეტი თავგადასავალი, მეტი მხურვალეობა და მეტი სიყვარულია, ვიდრე რიგრიგობით აღებულ ოც გმირულ ცხოვრებას, ოც ბედნიერ თუ უბედურ ბედისწერას დასჭირდებოდა.

მისი საბინადროს ზღურბლზე არასოდეს არაფერი მომხდარა. მაგრამ არ არსებობს მოვლენა, რომელიც შეუდარებელი ძალით, სილამაზით, სიზუსტითა და მოცულობით არ მომხდარიყოს *მის გულში*. თითქოს არასოდეს არაფერი გადახდენია... მაგრამ განა უფრო პირადულად და უფრო რეალურად არ შეემთხვა ყველაფერი, ვიდრე ადამიანთა დიდ უმრავლესობას, რაკი ყოველივე, რაც ემილის ირგვლივ ხდებოდა, რასაც ამჩნევდა და რაც ესმოდა — აზრებად, გრძნობებად, დამთმენ სიყვარულად, აღფრთოვანებად თუ თაყვანისცემად ექცეოდა?

რა ბედენაა, ესა თუ ის ამბავი ჩვენ გადაგვხდება თუ ჩვენს მეზობელს? ღრუბლიდან ჩამოსული წყალი იმისია, ვინც მას დააგროვებს, ხოლო ბედნიერება, სილამაზე, სასარგებლო მოუსვენრობა თუ სულის მშვიდობა — იმისი, ვინც აზროვნების უნარი გამოიმუშავა. ემილის არასოდეს სწვევია სიყვარული, ერთხელაც კი არ გაუგონია მიჯნურის საოცარი ნაბიჯების ხმა და, მიუხედავად ამისა, ქალმა, რომელიც ქალწულად გარდაიცვალა ოცდახრა წლის ასაკში, იცოდა, რა იყო სიყვარული, გველაპარაკა მასზე, გაუგონარ საიდუმლოებებში შეაღწია იქა-

მდე, რომ ისინი, ვისაც ყველაზე ძლიერად ჰყვარებია, ხანდახან საკუთარ თავს ეკითხებიან — ნეტავ ჩვენს გრძნობას რაღა დავარქვათ? ამ ქალისგან ხომ ისეთი სიყვარულის სიტყვები, აღმაფრენები თუ საიდუმლოები ესმით, რომლის გვერდით ყველაფერი მქრქალი და შემთხვევითი ჩანს.

სად მოისმინა, თუ არა თავისივე გულში, ქალის ბაგიდან გადმოსული ეს შეუდარებელი სიტყვები, ქალის, რომელიც თავის ძიძას ესაუბრება იმ ადამიანის შესახებ, ვისაც ყველა დევნის, ვინც ყველას ეზიზღება და ვისაც მხოლოდ იგი აღმერთებს?

„ჩემი დიდი უსიამოვნებები ამქვეყნად სწორედ ეს უსიამოვნებები იყო: ყველას იმთავითვე ჩავუკვირდი, ყველა იმთავითვე ვიგრძენი. სანამ ცოცხალი ვარ, ჩემი აზრი *ის* არის. ყველაფერი რომ დალუპულიყო და მხოლოდ *ის* გადარჩენილიყო, მე არსებობას გავაგრძელებდი. მაგრამ თუ ყველაფერი დარჩებოდა და *ის* განადგურდებოდა, სამყარო ჩემთვის ერთ ვეებერთელა უცნობად იქცეოდა, რომელთანაც მე საერთო აღარაფერი მექნებოდა. ჩემი სიყვარული იმ სხვის მიმართ, ვის შესახებაც შენ საუბრობ, ტყის ფოთლებივითაა: დრო მას ისევე გადაასხვავებებს, როგორც ზამთარი — ხეებს. აი, *მის* მიმართ კი ჩემი სიყვარული ისეთივეა, როგორც მარადიული და მინისქვეშა კლდეები: ისინი ხილულ კმაყოფილებას ბევრს ვერაფერს იძლევიან, მაგრამ გარდაუვლად საჭირონი არიან. მე თვითონ *ის* ვარ. *ის* მუდამ, მუდამ ჩემს ფიქრშია, ოღონდ არა როგორც სიამოვნება, — მე თვითონაც ხომ ყოველთვის არ ვარ სიამოვნება საკუთარი თავისთვის. მე *ის* იმიტომ კი არ მიყვარს, რომ ლამაზი მეჩვენება, არამედ იმიტომ, რომ *ის* უფროა „*მე*“, ვიდრე მთელი ჩემი არსება, და რა მატერიალისგანაც არ უნდა იყოს შექმნილი ჩვენი სულები, მისი და ჩემი სული ერთი და იგივე სულია...“

ემილი სიყვარულის გარეგან რეალობებს ისეთი უმანკოებით უტრიალებს, რომ ამან შეიძლება ღიმილი მოგვეგვაროს. მაგრამ საიდან შეიტყო ეს შინაგანი რეალობები, რომლებიც ეხება ყველაფერ იმას, რაც სიყვარულში ყველაზე უფრო ღრმა, ყველაზე ალოგიკური, ყველაზე გაუთვალისწინებელი, ყველაზე დაუჯერებელი და ყველაზე მარადიულად მართალია? ვგონებ, მთელი ოცდაათი წელი უნდა გაგვეტარებინა უმხურვალეს კოცნათა ბორკილებში, რათა გაგვეგო ის, რაც ემილიმ იცის; რათა გაგვებედა და ასეთი უტყუარობით, ასეთი უცდომელი სიზუსტით გვეჩვენებინა ბედისწერით ერთმანეთისთვის შობილი ორი ადამიანის ტანჯვის მომტანი სინაზის და ბედნიერების მომტანი სისასტიკის, სიკვდილის მხმოებელი ნეტარების და სიცოცხლესთან მიმბმელი მწუხარების, სურვილით გათანგული უკუგდების და უკუგდებით მთვრალი სურვილის, სიძულვილით აღსავსე სიყვარულის და სიყვარულის სასწორზე მოქანავე სიძულვილის ყველაზე უფრო წინააღმდეგობრივი მოძრაობები...

### CIII

არადა, ჩვენთვის ემილის შესაბრალისი ცხოვრების ყველა მომენტი ცნობილია და ვიცით, რომ მას არავინ ჰყვარებია და არც იგი ჰყვარებია არავის. მაშ, ნუთუ სიმართლეა ის, რომ ადამიანის არსებობის უკანასკნელი სიტყვა ის სიტყვაა, რომელსაც ბედისწერა ჩვენი გულის უიდუმალეს კუნჭულს ჩაუჩურჩულებს? რომ არსებობს შინაგანი ცხოვრება — ისეთივე ნამდვილი, რეალურად დაცდილი და ფილიგრანული, როგორც ხილული არსებობაა? რომ შეგვიძლია ფეხმოუცვლელად ვიცხოვროთ ერთ ადგილზე, გვიყვარდეს, გვძულდეს ისე, რომ არც უკუვაგდოთ ვინმე და

არც ველოდოთ? რომ სული ყველაფერს ჰყოფნის და რომ გარკვეულ სიმაღლეზე მუდამ ის იღებს გადანყვეტილებებს? რომ გარემოებები მხოლოდ იმათთვის არის ნაღვლიანი ან უნაყოფო, ვისაც ჯერ არ გაუღვიძია?

განა ის ყველაფერი, რასაც დავეძებთ, — სიყვარული, ბედნიერება, სილამაზე, ფათერაკები, — თავისით არ მოვიდა ემილის გულთან პაემანზე? არცერთ დღეს არ მოუტანია მისთვის ისეთი სიხარული, ემოცია, ღიმილი, რომელსაც თვალთ დაინახავდა ან ხელით შეეხებოდა. და მაინც: ემილიმ სრული ბედისწერით იცხოვრა, არაფერს სძინებია მასში, — იქ, გულში, მუდამ სინათლე, უტყვი მხიარულება, რწმენა, ცნობისნადილი, ალტაცება და სასოება ედგა.

ის ბედნიერი იყო, ამაში ეჭვს ველარ შევიტანთ. თუ გულს გადაგვიშლიდა, უთუოდ იმავე უკვდავ მონაგარს დავინახავდით, როგორსაც გვაჩვენებდნენ ადამიანთა შორის საუკეთესონი, ამქვეყნად ყველაზე მრავალფეროვანი, ყველაზე ხანგრძლივი, ყველაზე ცოცხალი და ყველაზე სრული ბედნიერება რომ იგემეს. თუ არასოდეს ჰქონია ის ყველაფერი, რაც სიყვარულში, მწუხარებაში, შიშში, ვნებაში, სიხარულში ხდება, — ის ხომ მაინც ჰქონდა, რაც ადამიანური ემოციებისგან რჩება მას შემდეგ, რაც ეს ემოციები ჩაივლის. ვინ დაეუფლება, საბოლოო ჯამში, სანადელს: ბრმა, რომელიც ზღაპრულ სასახლეში ცხოვრობს, მაგრამ ვერაფერს ხედავს, თუ ის, ვინც ამ სასახლეში ერთხელ შევიდა, ოღონდ — გახელილი თვალებით?

„ცხოვრება, არა ცხოვრება“ — სიტყვები ნუ დაგვაბნევს! სავსებით შესაძლებელია ცხოვრება აზროვნების გარეშე, მაგრამ შეუძლებელია აზროვნება ცხოვრების გარეშე. მოვლენის ბედნიერი თუ უბედური არსი იმ იდეაშია, რომელსაც ადამიანები ამ

მოვლენისგან იღებენ. ძლიერთათვის — იმ იდეაში, რომელსაც თვითონვე ანიჭებენ, სუსტთათვის — იმაში, რასაც ანიჭებენ სხვები. თქვენი საფლავისაკენ მსვლელს, შესაძლოა, გზად ათასი ხდომილება შემოგხვდეთ, მაგრამ ვერცერთმა ვერ ჰპოვოს თქვენში ის ძალა, რომელიც თითოეულ ხდომილებას ზნეობრივ მოვლენად გადასაქცევად სჭირდება. ალბათ, მხოლოდ ამ შემთხვევაში ეთქმის ადამიანს — ამქვეყნად არ მიცხოვრიაო.

#### CIV

ასევე დასაშვებია ვიფიქროთ, რომ ემილის და, საერთოდ, ყველა ადამიანის ინტიმური ბედნიერება ზედმინუნებით არის წარმოდგენილი მის ზნეობაში და ქვეყნიერების მისეულ ხედვაში. აი, ის მოღიავებული ადგილი შემთხვევათა ტყეში, მუდამ ცხოვრების ბოლოს რომ უნდა გაიზომოს ჩვენი ბედნიერების მასშტაბის დასადგენად. და ვინღა გადმოღვრიდა ყოველდღიური გულგატეხილობის, შფოთვის და ნუხილის პანია ცრემლებს, — რომლებიც მხოლოდ იმიტომ არის სევდისმომგვრელი, რომ გადახალისების ნაცვლად, მზერას ამღვრევენ, — ვინღა გადმოღვრიდა ამ ცრემლებს გაგებისა და დამშვიდების იმ მწვერვალებზე, სადამდეც ემილი ბრონტეს სული ამაღლდა?

და მაშინ ისიც გასაგებია, რომ ეს ქალი ისე არ ტირის, როგორც ქალთა უმრავლესობა, თავიანთ ცხოვრებას პატარა დამსხვრეული სიხარულებიდან პატარა დამსხვრეულ სიხარულებამდე ნანწალში რომ ატარებენ. დამსხვრეული სიხარული მხოლოდ მაშინ გვაბეჩავებს, როცა მას ხმელი ფიჩხივით ვატარებთ ზურგზე, როგორც შეშისმჭრელი, რომელსაც ზურგზე ნამოკიდებული ტვირთი ვერა და ვერ ჩამოუხსნია.

მაგრამ ფიჩხი იმისთვის არ არის, რომ სულ მხრებზე გვედოს, მას ცეცხლი უნდა შევეუნოთ და ავაგიზ-გიზოთ. ემილის სულში ავარდნილი ცეცხლის დანახვისას, ხმელი ფიჩხის სევდა-ნალველზე ჩვენ იმაზე მეტხანს აღარ ვფიქრობთ, რამდენსაც თვით ემილი ფიქრობს. არ არსებობს დაუსრულებელი უბედურება, არ არსებობს მოურჩენელი ნალველი იმ ადამიანისთვის, ვინც — თუნდაც სხვებივით გატანჯულ-დამწუხრებული — სევდისა და უბედურების ნიაღში ბუნების დიადი და ერთადერთი რეალური ჟესტის მიდევნას სწავლობს.

„ბრძენი ადამიანი არასოდეს არ იტყვის, მთელი არსებით ვიტანჯებიო, რადგან ის თავის ცხოვრებას ფლობს და მალლამფრენი ფრინველის თვალით დაჰყურებს, — წერდა ერთი ჩინებული და ტანჯვაგამოვლილი ქალი, — და თუ დღეს მაინც იტანჯება, ესე იგი, ამ ადამიანს მზერა თავისი სულის დაუმთავრებელი კუნჭულისაკენ მიუმართავს.“

სიყვარულის, სიკეთისა და ერთგულების გვერდით, ემილი ჩვენს თვალწინ ამოდრავებს ბოროტებას, სიძულვილს, ყველაზე ბასრ შურისგებას და ყველაზე გამჭრიახ მზაკვრობას, ამოდრავებს და პატიებაც კი არ სჭირდება, რადგან პატიება ჯერ კიდევ ნახევრად გაგებას ნიშნავს. ის უყურებს, ის იღებს, მას უყვარს. იღებს და უყვარს ორივე — სიკეთეცა და ბოროტებაც, რადგან, ყოველივეს შემდეგ, ბოროტება ხომ შეცდომამი შესული სიკეთეა. ემილი გვასწავლის (არა მორალისტის თვითნებური ფორმულებით, არამედ ისე, როგორც წლები და ადამიანები გვასწავლიან ჭეშმარიტებებს, რომელთა მიღების უფლებაც ჩვენ უკვე მოპოვებული გვაქვს) ბოროტების საბოლოო უძლურებას ცხოვრების წინაშე, ყოველივეს დაცხრობა-დამშვიდებას ბუნებასა და სიკვდილში, „რომელიც სხვა არაფერია, თუ არა

სიცოცხლის გამარჯვება მის ერთ-ერთ კონკრეტულ ფორმაზე"; გვიჩვენებს ძალითა და ნიჭით აღსავსე თვით ყველაზე მარჯვე სიცრუის უსარგებლობას ყველაზე სუსტი და უმეცარი ჭეშმარიტების წინაშე; გვიჩვენებს ხელმოცარვას სიძულვილისა, რომელიც, თავისდაუნებურად, ბედნიერებას და სიყვარულს თესავს იმ მომავალში, რომლის განადგურებასაც თვითონვე აპირებდა. შეიძლება ემილი პირველია, ვინც მემკვიდრეობის დიდ კანონზე გვესაუბრება და ასე გვასწავლის შემწყნარებლობას. რომანის ბოლოს, როდესაც იგი სოფლის სასაფლაოზე თავისი გმირების სამუდამო განსასვენებელს მიაკითხავს, იქ კი ჯალათების და ნამებულების საფლავებს ერთნაირად აბიბინებულს ხედავს, ემილის უკვირს: როგორ შეეძლო წარმოედგინა მავანს, რომ ავი ზმანება ამ განურჩეველ და მშვიდ მინაში მძინარეთაც შეაწუხებდაო?..

## CV

მშვენივრად ვიცი, რომ მე გენიალურ ადამიანზე ვლაპარაკობ, მაგრამ ასეთი ადამიანები მხოლოდ იმას შერებიან, რომ უფრო ნათლად გვიჩვენებენ, რა შეიძლება მომხდარიყო და რა ხდება ყველა ადამიანში. თუ არადა, მაშინ საქმე გვაქვს არა გენიალობასთან, არამედ ექსცენტრულობასთან ან სიგიჟესთან. რაც უფრო შორს მივდივართ, მით უკეთ ვხედავთ, რომ გენიალობა საკუთრივ არაჩვეულებრივში არ მდგომარეობს და რომ ნამდვილი უპირატესობა იმ ელემენტებისგან შედგება, რომლებიც ყველას ყოველდღიურად ეძლევა. ისე კი, ამნუთას ლიტერატურაზე არ ვსაუბრობთ. ემილის ლიტერატურა კი არ ანუგეშებს, არამედ თავისი შინაგანი ცხოვრება. ხომ არსებობს ბრწყინვალე ლიტერატურა, რომელშიც ზნეო-



ბრივი აქტივობის ნატამალიც არსად ჩანს. ემილი გაჩუმდებოდა, არასოდეს აიღებდა ხელში კალამს, რომ არა ეს ძალმოსილება, ეს სიცოცხლისუნარიანობა, ეს სიყვარული, ეს სიუხვე, ეს შინაგანი ღიმილი იმ არსებისა, რომელსაც სახეზე ეტყობა, რომ იცის, საით გაუნევია, ეს გავრცობილ-გაფართოებული უეჭველობა სულისა, რომელმაც იცის, როგორ მოიპოვოს მშვიდობა მწვერვლებზე ნუთისოფლის დიდ გაურკვევლობებთან და უსიამოვნებებთან ერთად. გაჩუმდებოდა და ჩვენც მას ვერ შევამჩნევდით, მორჩა და გათავდა.

ეს მოკრძალებული ცხოვრება არაერთ რამეს გვასწავლის. ეგაა, მაგალითს ვერ მისცემს რეზინაციისკენ მიდრეკილ სულებს (შეცდებოდნენ, თუ ასე იფიქრებდნენ). ემილის ცხოვრება თითქოს მთლიანად მოლოდინში გადის, არადა, ყველას არა აქვს ლოდინის უფლება. ემილი ქალიშვილად გარდაიცვალა ოცდაცხრა წლის ასაკში. ამაოდ. განა ის არ არის ყველა ადამიანის უპირველესი მოვალეობა, რომ თავის ბედს ყველაფერი აგემოს, რაც კი ადამიანურმა ბედისწერამ შეიძლება დასცადოს? ჯობს ისევ ქმნილება იყოს დაუმთავრებელი, ვიდრე ცხოვრება — არასრული. ცუდი არ არის ამო ან უსარგებლო სიამოვნებათა იგნორირება, მაგრამ მიწიერი ბედნიერების ძირითადი შანსების თითქმის ნებაყოფლობითი უარყოფაც არაბრძნულია. მწუხარე სულს კეთილშობილური სინანულებით საზრდოობა არ ეკრძალება. ხოლო საკუთარი ყოფიერების სევდის რამდენადმე გაფართოებული ხედვა — ეს უკვე ფრთების მოსინჯვაა ნყვდიადში, ფრთების, რომლებიც დაგვეხმარებიან, რომ ერთ დღესაც ამ სევდის თავზემით ვილივლივოთ.

ეგებ ემილის ცხოვრებას ძალისხმევა აკლდა? ყოველგვარი ვნება, გაბედულება, თვითმყოფადობა

მას სულში ჰქონდა. ცხოვრება კი სავსე იყო მორიდებულობით, ღუმილით, უმოქმედობით, შეზღუდვებით, თავშეკავებით და ცრურწმენებით, რომლებიც ემილის ფიქრში ეზიზღებოდა. ასეთია, ძალზე ხშირად, მეტისმეტად გულჩათხრობილ სულთა ამბავი. ერთობ ძნელია მსჯელობა ადამიანის ცხოვრებაზე, როგორც ასეთზე, განსაკუთრებით — ემილი ბრონტეს შემთხვევაში. ბევრი რამ შეიძლებოდა თქმულიყო იმ ერთგულებაზე, რომლითაც მან თავისი საუკეთესო ნაწარმოებები უბედურ და უღირს ძმას შესწირა. აქ მხოლოდ ძალზე ზოგადად თუ ვილაპარაკებთ. მაგრამ რაოდენ გრძელია და რაოდენ ვინრო თითქმის ყველა ადამიანისთვის ის გზა, რომელიც თითოეულის სულს მისივე ცხოვრებასთან აკავშირებს! ამ გზაზე, სიმამაცესთან, სამართლიანობასთან, პატიოსნებასთან და სიყვარულთან დაკავშირებული ჩვენი ფიქრები მუხაზე გამოსხმული რკოებივით არიან: ათასობით რკო ცვივა და მიწაში ღრება, ვიდრე, ბოლოს და ბოლოს, ერთი ხე აღმოცენდება. აი, რას ამბობს ჩემ მიერ ახლახან ნახსენები ქალი მეორე ქალის შესახებ:

„მას მშვენიერი სული ჰქონდა, მშვენიერი გონება, მგრძობიარე გული, მაგრამ ეს ყველაფერი ცხოვრებაში მხოლოდ მისივე შეზღუდული ბუნება-ხასიათის ღრეხიდან შემოდოდა. თითქმის ყოველთვის ვამჩნევ შორსმჭვრეტელობის ანალოგიურ ნაკლებობას, განსაკუთრებით — ასეთ გონსმოუსვლელობას. როცა ადამიანს სურს თავისი ცხოვრება გვიჩვენოს, იმით იწყებს, თუ როგორ ხედავს, როგორ ესმის, როგორ გრძნობს, და ამ დროს ჩვენც სულის კეთილშობილებას ვუყურებთ. შემდეგ მას თავის ყოფიერებაში შევყავართ, ჩამოგვითვლის საკუთარ მოქმედებებს, სევდა-საწუხარს, სიხარულებს და ამ ყველაფერში იმის ნატამალიც აღარ ჩანს, რაც მის პრინციპებში და იდეებში მოჩანდა. მოქმედების დაწყებისთანავე

შემოდის ინსტინქტები, ხასიათი თავისას შვრება და საულიც — ადამიანის უზენაესი ნაწილი — თითქოს იმ პრინციპსადავით ქრება, რომელსაც ურჩევნია ჭყუ-  
ჭყიან სილატაკეში იცხოვროს, ვიდრე ხელის კანი  
;გაიუხემოს ყოველდღიური საქმეების კეთებით.“

## CVI

ეჭა, რომ ვერაფერი გაგვიკეთებია, თუკი ხელის კანი არ გაგვმაგრებია თუკი ვერ გვისწავლია, როგორ გვექცია ჩვენი აზრების ოქრო-ვერცხლი იმ გასაღებად, რომელიც ჩვენი სიზმრების სპილოსძვლის კარს კი არ ალებს, არამედ ჩვენი სახლის კარს! გვექცია იმ თასად, რომელშიც მხოლოდ ჩვენი ოცნებების სასწაულებრივი წყალი კი არ გროვდება, არამედ ჩვენს სახურავზე დაღვრილი სრულებით რეალური წყალიც! გვექცია სასწორად, რომელიც აღარ კმაყოფილდება მხოლოდ ბუნდოვანი აწონვით იმისა, რის გაკეთებასაც მომავალში ვაპირებთ, არამედ ზუსტად გვიჩვენებს იმის წონას, რაც დღეს მოვიმოქმედეთ. ყველაზე მაღალი იდეალიც მხოლოდ დროებით მიზნად იქცევა, თუ ჩვენი სხეულის ყველა კუნჭულში არ შესულა, თუ ჯერ, ასე ვთქვათ, თითების წვერებამდე არ გაუუყლენთივართ. ზოგი ადამიანისთვის ჭკუაში ჩავარდნა მხოლოდ აზროვნების გაზრდით გამოიხატება. სხვებს ხასიათში ემატებათ რაღაც. ზოგი გამჭრიახია მხოლოდ სხვებთან მიმართებაში, მხოლოდ მაშინ, როცა მოქმედების საკითხი არ დგას. სხვებს კი თვალეხი სწორედ იმ დროს ენთებათ, როცა საქმე რეალობაში შესვლაზე, ანუ მოქმედებაზე მიდგება. გეგონებათ, არსებობს, ერთის მხრივ, *ინტელექტუალური ცნობიერება*, რომელიც მარადიულად ზის ან ნევს უძრავად მდგარ ტახტზე და *ნებელობას* მხოლოდ ორგული ან ზოზინა ელჩების მეშვე-

ობით უკავშირდება, და, მეორეს მხრივ, *ზნეობრივი ცნობიერება*, რომელიც მუდამ ფეხზე დგას და მუდამ მზად არის მისასვლელ-მოსასვლელად. თუმცა მეორე, როგორც ჩანს, დამოკიდებულია პირველზე და ეგებ ამ პირველმაც, ხანგრძლივი წოლით დაღლილმა და ყველაფერ იმის გამგებმა, რის გაგებასაც ტახტიდან წამოუდგომლად შეძლებდა, ბოლოს და ბოლოს, გადანყვიტოს და წამოდგეს, უმოქმედობის კიბეებს ჩამოუყვეს და ცხოვრებაში შემოაბიჯოს. ყველაფერი რიგზეა, თუ მეტისმეტად არ დაუგვიანდება, თუ კიდურებმა არ უღალატეს და მოძრაობაზე უარი არ უთხრეს.

ვინ გვეტყვის: ხომ არ აჯობებდა ზოგჯერ საკუთარი აზრის წინააღმდეგ წავსულიყავით, ვიდრე საერთოდ ვერასოდეს გვემოქმედა ჩვენი აზრების მიხედვით? აქტიური ცდომილება იშვიათად თუა უსაშველო: საგნები და ადამიანები სწრაფად მობილიზდებიან მის გამოსასწორებლად. მაგრამ რა ვუყოთ პასიურ ცდომილებას, რომელიც რეალობასთან კონტაქტს გაურბის? თუმცა ამ ყველაფრით იმას არ ვამბობთ, რომ ჩვენი ინტელექტუალური ცნობიერება უნდა „გავაზომიეროთ“ და მოვერიდოთ მის მეტისმეტ კვებას ჩვენივე *ზნეობრივი ცნობიერების* მოლოდინში. ნუ შეგვეშინდება ერთობ მეფური იდეალის ქონა, ვაითუ ცხოვრებას ვერ შეეგუოსო. სიყვარულის ან სამართლიანობის უმცირესი აქტის განსახორციელებლად კეთილის ნების მთელი მდინარეა საჭირო. ჩვენი იდეებიც ათგზის უნდა ჭარბობდეს ჩვენსავე ქცევას, რათა ეს ქცევა, უბრალოდ, კეთილსინდისიერი მაინც იყოს. მხოლოდ სიკეთის უზარმაზარი სურვილი აგვარიდებს მცირედ ბოროტებას. ამქვეყნად არაფერი ისე უზომოდ არ ზარალდება, როგორც იდეა, რომელიც ყოველდღიურ ცხოვრებაში შემოდის. ამიტომაც უნდა ვი-

ყოთ ჰეროიკულნი ჩვენს აზრებში, რათა მისაღებნი ან უწყინარნი მაინც აღმოვჩნდეთ ჩვენს რეალურ მოქმედებებში.

## CVII

უკანასკნელად მივუახლოვდეთ ბნელ ბედისწერებს. ისინი გვასწავლიან, რომ თვით დიდ ფიზიკურ უბედურებათა ნიაღშიც კი არაფერია უსაშველო და რომ ბედისწერაზე ჩივილი სხვა არაფერია, თუ არა ჩივილი საკუთარი სულის უსუსურობაზე.

რომაელთა მატიანე გვიამბობს, როგორ დამარცხდა იმპერატორ ვესპასიანეს წინააღმდეგ ამბოხებული გოლუაზელი სენატორი, იულიუს საბინუსი. მას სულ ადვილად შეეძლო გაქცეულიყო, მაგრამ, ასეთ შემთხვევაში, თან ვერ იახლებდა თავის ახალგაზრდა ცოლს, ეპონინს, მარტო ნასვლა კი გულმა არ დაანება. თითქოს შევიწროებისა და უბედურების დღეებში ადამიანი, ბოლოს და ბოლოს, ცნობს სიცოცხლის ჭეშმარიტ და შეუდარებელ ფასს. ამრიგად, სენატორმა ცხოვრებაზე ხელი არ აიღო. მას ჰქონდა ვილა, რომლის ვეებერთელა მინისქვეშა სათავსოების არსებობა მხოლოდ თვითონ და კიდევ ორმა გათავისუფლებულმა მონამ იცოდა. სენატორმა ვილა გადაწვა. გავრცელდა ხმები, რომ საბინუსმა თავი მოინამლა, რის შემდეგაც მისი სხეული ხანძარმა შთანთქა. ამ ხმებმა თვით ეპონინიც კი შეაცდინაო, — გვიამბობს პლუტარქე, რომლის ნაამბობი მოგვიანებით ისტორიკოსმა დეზ ანტონინმა, ჩამპანის გრაფმა შეაფსო. როცა ერთ-ერთმა გათავისუფლებულმა მონამ ეპონინს ქმრის თვითმკვლელობა შეატყობინა, ქალი მინას განერთხა და სამი დღელამე ასე გაატარა მშიერ-მწყურვალმა. ეს ამბავი რომ შეიტყო, საბინუსს ცოლი შეებრალა და შეატყო-

ბინა, ცოცხალი ვარო. ქალმა კეთილგონივრულად განაგრძო გლოვა და საჯაროდ ტირილი დღისით, ღამით კი მეუღლეს თავშესაფარში მიაკითხა. შვიდი თვის განმავლობაში ყოველ ღამე ჩადიოდა ქვესკნელში და ქმარს ნახულობდა. მისი გამოყვანაც კი სცადა: თმა-წვერი მოპარსა, თავზე ნაჭრები მოახვია, შენიღბა, ტანსაცმლის ყუთში დამალა და ასე გადაიყვანა თავის მშობლიურ ქალაქში. თუმცა შემდეგ ქმრის იქ ყოფნა ძალზე სახიფათო ეჩვენა და უკანვე დააბრუნა მინისქვეშეთში. ხან სოფელში იყო და ღამეებს მასთან ატარებდა, ხანაც ქალაქში ბრუნდებოდა, დობილებს დაენახვებოდა. ერთხელაც ქალი დაორსულდა, მაგრამ ისეთ მალამოს ისვამდა, რომ თვით საერთო აბანოშიც კი, სადაც ის ტრადიციულად ბანაობდა, ვერცერთმა ქალმა მისი ფეხმძიმობა ვერ შენიშნა. როცა მშობიარობის დრო დაუდგა, მინისქვეშეთში ჩავიდა, ბუნაგში დანოლილი ძუ ლომივით მარტოდმარტომ იმშობიარა და ქვეყანას ტყუპი ვაჟი შესძინა. თავის რძეს ასმევდა და ასე ზრდიდა. რაც შეეხება მეუღლეს, მას იმ წყვდიადში ცხრა წელიწადი უარა. ბოლოს და ბოლოს, საბინუსი აღმოაჩინეს და რომში წაიყვანეს. რალა თქმა უნდა, იგი იმსახურებდა შეწყალებას. ეპონინმა იმპერატორს მინის ქვეშ გამოზრდილი ტყუპი შვილი უჩვენა და უთხრა: „მე ისინი გავაჩინე და გავზარდე, რათა უფრო ბევრს გვეთხოვა შენი წყალობა“.

იმპერატორის მხლებლები ტიროდნენ, თვითონ ვესპასიანე კი შეუვალი დარჩა. მამაცმა გალელმა ქალმა ქმართან ერთად სიკვდილი ითხოვა:

„მის გვერდით, წყვდიადში, მე ისეთი ბედნიერი ვიყავი, კეისარო, როგორიც შენ არასოდეს ყოფილხარ მზის სინათლეში და შენი იმპერიის ბრწყინვალეობაში!“

რომელ გულს შეეპარება ეჭვი ამაში? რომელი გული შეყოყმანდება, შეიყვაროს თუ არა ასეთი სიყვარულით გაცისკროვნებული წყვილი? თქმა არ უნდა, თავიანთ მინისქვეშეთში მათ შიშისა და დათრგუნვის მრავალი დღე გადაიტანეს. მაგრამ თვით იმათ შორისაც კი, ვინც არსებობას მხოლოდ პანანკინტელა სიამოვნებებით აფასებს, რომელი არ ამჯობინებდა ასეთ მხურვალე სიყვარულს იმ საფლავისებურ თავშესაფარში, ვიდრე უგერგილო ტრფობას მზის სინათლეში? ეპონინის განსაცვიფრებელი შეძახილი ყველა იმათი შეძახილია, ვინც სიყვარული შეიცნო, ვისმა სულმაც ამ ცხოვრებაში ინტერესი, ცნობისნადილი, სასოება, მოვალეობა იპოვა. ცეცხლი, რომელიც ეპონინს ღამის წყვილადში ამოძრავებდა, იგივე ცეცხლია, ბრძენს რომ ამოძრავებს ერთფეროვან დღეებში. სიყვარული ჩვენი სულის გაუცნობიერებელი მზეა, მაგრამ ამ მზის ყველაზე ნმინდა, ყველაზე თბილი, ყველაზე მდგრადი სხივები განსაცვიფრებლად ჰგავს იმ სხივებს, რომლებსაც სამართლიანობით, სიდიადით, მშვენიერებითა და ჭეშმარიტებით აღტყინებული სული თავის თავში ამრავლებს. განა ბედნიერება, რომელიც ეპონინის გულში აღმოჩნდა, კეთილი ნების ყველა გულში არ შესახლდება? ის, რაც ყველაზე მეტად მანუგეშებელია მის სიყვარულში, ანუ საკუთარი თავის დავინყება, სინანულების გადაქცევა ღიმილებად, სიამებზე უარის თქმა გულის მიერ უკვდავყოფილი ბედნიერების სახელით, ინტერესი, რომელსაც ვიჩენთ ყოველი დღის უმკრთალესი ნათების მიმართ, რაკი ეს ნათება გულით სასურველ საგანს ეფინება, დანთქმა იმ სინათლესა და მხიარულებაში, რომლებსაც სურვილისამებრ განვაერცობთ, რაკი საკმარი-

სია, რომ კიდევ უფრო მეტად ვეთაყვანებოდეთ, — ნუთუ ეს ყველაფერი და ათასი ასეთივე ფაქიზი, ასეთივე დასახმარებლად მზადმყოფი ძალა არ მოიპოვება ჩვენი გულის, სულის და აზრის უფრო მგზნებარე ცხოვრებაში? განა ეპონინის სიყვარული ერთგვარი მოულოდნელ-უნებლიე, ამ ცხოვრებისგან დაუმსახურებელი გამონათება არ იყო? სიყვარული ყოველთვის არ აზროვნებს. ხშირად არავითარი რეფლექსია, არავითარი თვითანალიზება არ სჭირდება იმისთვის, რომ დატკბეს ყოველივე საუკეთესოთი, რაც აზრში დევს. თუმცა ის, რაც საუკეთესოა სიყვარულში, თითქმის არსებითად იგივეა, რაც საუკეთესოა აზრში. რაკი უყვარდა, ეპონინი თავისი ტანჯვის მხოლოდ სხივმოსილ სახეს ხედავდა. მაგრამ აზროვნებდე, მედიტაციებს აკეთებდე, საკუთარ ტკივილზე უფრო შორს იყურებოდე და უფრო მხიარულად იქცეოდე, ვიდრე ბედისწერის ამჟამინდელი წესრიგი გკარნახობს, — ეს ხომ ნებაყოფლობითი და მიზანმიმართული კეთებაა იმისა, რასაც ბედნიერი შემთხვევა ანგარიშმიუცემლად აკეთებინებს სიყვარულს? ეპონინის თითოეული ტანჯვა მინისქვეშეთში თითო ჩირალდანს ანთებდა. და განა განმარტოებას ნაჩვევი სულიც ასე არ იქცევა? განა ყოველგვარი ნალეელი, რომელიც მას თავის თავში აბრუნებს, იმავდროულად, ნუგეშის დიდ ჩირალდნებსაც არ ანთებს? და რაკი ჩვენი კეთილშობილი ეპონინის ეპოქა დევნა-შევიწროების ეპოქაა, ნუთუ არ შეგვეძლო გვეთქვა, რომ ასეთი მწუხარება ჰგავს იმ წარმართ ჯალათს, რომელიც — აღტაცების თუ შეწყალების გრძნობით ატანილი — შუა წამების დროს თავისივე მსხვერპლის ფეხებთან იჩოქებს, ნაზად ამხნევენს მას, მასთან ერთად ტანჯვის სურვილს ამჟღავნებს, ბოლოს ეამბორება და ცისკენ მიმავალ გზას ეკითხება?



ჩვენი გზის ზოგ ნერტილში, ზეციური თაღების ქვეშ უხვად მოჩქეფს სიცოცხლის მდინარე. ციხის კედლებშიც კი, თუნდაც იქ მზე ტალღებს არ უნათებს, იგი ისე მილივლივებს, თითქოს დიდებისა და ბედნიერების სასახლის წინ მიედინებოდეს. ჩვენთვის მნიშვნელოვანია არა მისი სიგანე, სიღრმე ან ძალა, — მდინარე ხომ ყველას ეკუთვნის და მარად მიედინება, — არამედ სინმინდე და ტევადობა იმ თასისა, რომლითაც მდინარიდან სიცოცხლის წყალი ამოგვაქვს. ყველაფერს, რასაც კი ცხოვრებიდან ვისრუტავთ, გარდაუვლად ამ თასის ფორმა ეძლევა, ეს უკანასკნელი კი, თავის მხრივ, ჩვენი გრძობების და აზრების, ანუ ჩვენი შინაგანი ბედისწერის ყალიბზე ჩამოისხა (როგორც გარდასულ დროთა მოქანდაკის ფიალა — ქალღმერთის მკერდის ყალიბზე). ჩვენ საკუთარი ხელით ჩამოსხმული თასი გვიჭირავს, თითქმის ყოველთვის ის თასი, რომელიც შინაგანად გვსურდა რომ გვექონოდა. ხოლო ბედისწერას ვერაფერს შეეჩივლებთ, გარდა ერთისა: რატომ არ მოგვცა უფრო დიდი, უფრო სრულყოფილი თასის იდეა ან სურვილი? დიახ, მხოლოდ სურვილი განგვასხვავებს ერთმანეთისგან, მაგრამ ამ უთანასწორობასაც მხოლოდ მაშინ შევიგრძნობთ, როცა ის ნაშლა-გაფერმკრთალებას იწყებს. განა იმის შეგნება, რომ ჩვენი სურვილი კიდევ უფრო ლამაზი შეიძლებოდა ყოფილიყო, უკვე მის გამშვენიერებას არ ნიშნავს? განა ეს არ გულისხმობს, რომ ჩვენი ბედისწერა ახლებურად სუნთქავს და, თუნდაც აქედან გამომდინარე, თანდათან ფართოვდება იმ იდეალური და მოქნილი თასის კიდევები, რომლის გავარვარებული ლითონი, საბოლოოდ, მხოლოდ სიკვდილის ხისტ და სუსხიან ჟამს ცივდება?

არაფერი აქვს დასაჩივლი იმას, ვინც უფრო მწველ და უფრო დიდ გრძნობას ელოდება; ვინც ოდნავ უფრო მეტი ბედნიერების, მეტი სამართლიანობის, მეტი მშვენიერების სურვილს მოელის. აქაც იგივე ითქმის, რაც რჩეულთა ნეტარების შესახებ უთქვამთ: თითოეულ მათგანს საზეიმოდ აცვია, თითოეულს — თავისი შესაფერისი სამოსი. არავის სურს იმაზე მეტი განცხრომა, ვიდრე აქვს: თვით სურვილი უკვე მის ფლობას ნიშნავს. თუ მე კეთილშობილი შურით მშურს იმათი, ვინც ჩემს თასზე უფრო ბრწყინვალე და უფრო მძიმე თასს სიცოცხლის დიდი მდინარის ყველაზე სხივდაფრქვეულ ტალღებში უშვებს, მაშინ, ჩემთვისვე უცოდნელად, მეც მერგება საუკეთესო ნაწილი ყოველივე იმისა, რასაც ისინი მდინარიდან იღებენ, და ჩემი ბაგეც თასის კიდეზე მათ ბაგეთა გვერდით აღმოჩნდება.

## CX

რანაირ ადამიანს შეიყვარებდითო, — თუ გახსოვთ, ასე ეკითხებოდნენ ქალს, ვიდრე ამ თემიდან გადაუხვევდით. იგივე კითხვა შეიძლებოდა დაესვათ ემილი ბრონტესთვის და სხვა ბევრისთვისაც. და ამქვეყნად უამრავი კეთილი ნების სული სიყვარულის საუკეთესო ნლებს იმაში კარგავს, რომ საკუთარ თავს ამ ტიპის კითხვებს უსვამს თავის სენტემენტალურ მომავალთან დაკავშირებით.

სხვა მხრივ კი, ბედისწერის საუფლოში სწორედ სიყვარულის ირგვლივ შემოკრებილა ადამიანური ჩივილის, სინანულის, უქმი მოლოდინის, ფუჭი შიშების, შეუსაბამო იმედების უდიდესი ნაწილი. ამ ყველაფრის სიღრმეში ბევრი ქედმაღლობა, ბევრი ყალბი პოეზია, ბევრი სიცრუეა. საერთოდ, ყველაზე მეტ გაუგებარ სულს სწორედ იმათ შორის ვპოუ-

ლობთ, ვისაც ყველაზე ნაკლებად უცდია გაეგო საკუთარი თავისთვის. ისე კი, ყველაზე უღონო, ყველაზე გონებაშეზღუდული, ყველაზე დროებითი ის იდეალია, ყველაზე უხვად რომ იკვებება შიშებით, გულგატეხილობებით, მოთხოვნებითა და პატარ-პატარა ზიზღებით. განსაკუთრებით ვშიშობთ, რომ ვერ დააფასებენ და შეურაცხყოფენ იმ სათნოებებს, აზრებს, თვისებებს თუ ზნეობრივ სილამაზეს, რომლებიც ჯერ მხოლოდ წარმოსახვაში გვაქვს. ამ ტიპის ღირებულებებზეც იგივე ითქმის, რაც მატერიალურ სიკეთეებზე: ადამიანური იმედი მათგან, უნინარეს ყოვლისა, ისეთებს ებლაუჭება, რომელთა მოხვეჭის ძალა, ალბათ, არასოდეს ექნება. ის თაღლითიც, გამოსწორებას რომ ფიქრობს, საკმაოდ გაკვირვებულია, რატომ არ მივაგებთ დაუყოვნებლივ და საგანგებო მისაგებელს მის გულში ერთი წამით გაღვიძებულ პატიოსნებას. მაგრამ როდესაც ჩვენ წამდვილად უანგაროები და წრფელნი ვართ, როდესაც ჩვენი ფიქრები ჩვეულებისამებრ და უბრალოდ მაღლდებიან ამაოებასა თუ ინსტინქტურ ეგოიზმზე, მაშინ გაცილებით ნაკლებად გვალეღვებს — გაგვიგებენ, გაგყამართლებენ, აღფრთოვანდებიან თუ არა ჩვენით გარშემომყოფნი. არასოდეს დაუჩივლია ეპიქტეტეს, მარკუს ავრელიუსს ან ანტონიუს ღვთისმოსავს — ადამიანები ვერ მიგებენო. არცერთი მათგანი არ ფიქრობდა, რომ რაღაც არგაგონილს ან მიუნვდომელს ფლობდა. პირიქით: ფიქრობდნენ, რომ იმას, რაც მათ სათნოებაში საუკეთესოა, ყველას შეუძლია ეზიაროს რაიმე განსაკუთრებული ძალისხმევის გარეშე. ის, რასაც ვერ ვცნობთ (და არცთუ უმიზეზოდ, რადგან გრძნობის ზოგად უმოქმედობას ყოველთვის აქვს თავისი აღმატებული მიზეზი), ესაა ავადმყოფური სათნოებები, რომლებსაც მეტისმეტ ყურადღებას ვაქცევთ. არადა, ავადმყოფურია

ყველა სათნოება, რომლებსაც დიდ მნიშვნელობას ვანიჭებთ და რომლებისთვისაც სხვებისგან პატივისმცემელ ყურადღებას მოვითხოვთ. ავადმყოფური სათნოება ხშირად ჯანსაღ მანკიერებაზე უფრო დამლუპველია. ასეა თუ ისე, ამგვარი სათნოება უფრო მეტად შორდება ჭეშმარიტებას. იქ კი, ჭეშმარიტებისგან შორს, არაფრის იმედი არ უნდა გვექონდეს. რაც უფრო მალღდება ჩვენი იდეალი, მით უფრო მრავალი რეალობის არსებობას უშვებს. და ჩვენი სულიც, რაც უფრო იზრდება, მით ნაკლებად შიშობს, ვაითუ ჩემს თარგზე გამოჭრილი ძმობილი-სული ვერ ვიპოვოო. მზარდი სული ხომ ის სულია, რომელიც ჭეშმარიტებას უახლოვდება, ხოლო ჭეშმარიტების სიახლოვეში ყველაფერი მისი სიდიადის თანაზიარი ხდება.

თითქმის ერთნაირად დამაბრმავებელ ციურ სინათლეთა შუაგულში, მესამე სარტყელამდე მისული და ამ უმოძრაობის შემხედვარე დანტი უცებ თავის თავს ჰკითხავს — კიდევ მივდივარ თუ არა ღვთის საუფლოსკენო. შემდეგ ბეატრიჩეს შეხედავს და, რაკი უფრო ლამაზი მოეჩვენება, ამით მიხვდება, რომ მიზანს მიუახლოვდა. და ჩვენც იმით შეგვიძლია დავითვალოთ ჭეშმარიტების გზაზე გადადგმული ნაბიჯები, რომ უფროდაუფრო გვეზრდება ცნობისნადილი, სიყვარული, პატივისცემა და აღტაცება ყოველივე იმის მიმართ, რაც ცხოვრებაში მოგვყვება.

## CXI

როგორც წესი, ადამიანი სახლიდან სიხარულის, მშვენიერების, ჭეშმარიტების, სიყვარულის საძებნელად გამოდის და მხოლოდ მაშინ ბრუნდება სავსებით კმაყოფილი, როდესაც შვილებს შეუძლია უთხრას, სახირო ვერაფერი ვნახეო. გვარიანი მედიდურობა დევს საკუთარი თავის უკმაყოფილოდ შერაცხვაში

და ადამიანთა დიდი ნაწილიც მხოლოდ იმიტომ ად-  
 ანაშაულებს ცხოვრებასა და სიყვარულს, რომ, მათი  
 წარმოდგენით, ერთისგანაც და მეორისგანაც უფრო  
 მეტი ეკუთვნით, ვიდრე ეძლევათ. მართალია, სი-  
 ყვარულს, როგორც ყოველივე დანარჩენს, შეძლები-  
 სდაგვარად ამალღებული იდეალი სჭირდება, მაგრამ  
 ყოველგვარი იდეალი, რომელიც არ პასუხობს ადა-  
 მიანის ძალუმ შინაგან სინამდვილეს, სხვა არაფერია,  
 თუ არა უქმი, უნაყოფო, მონური სიცრუე. ორი-სამი  
 მიუწვდომელი იდეალი სრულებით საკმარისია ადა-  
 მიანის ცხოვრების დასადამბლავებლად. შეცდომა  
 იქნებოდა გვეფიქრა, რომ სულის სიმაღლე მისივე  
 მისწრაფებების თუ ოცნებების სიმაღლით იზომება.  
 სუსტებს, ძირითადად, უფრო ლამაზი და უფრო მრავ-  
 ვალრიცხოვანი ოცნებები აქვთ, ვიდრე ძლიერებს,  
 რადგან მთელი მათი ენერგია, მთელი მათი აქტივო-  
 ბა მათივე სურვილ-ოცნებებში ორთქლდება. ჩვენი  
 ზნეობრივი სიმაღლე ჩვენი თანმდევი ოცნების სი-  
 მაღლით მხოლოდ იმდენად თუ განისაზღვრება, რამ-  
 დენადაც ეს ოცნება უკვე ნლობით ფესვგამჯდარი,  
 ღრმად დაცდილი და ღრმად ადამიანური ცხოვრების  
 და ნებელობის ანარეკლია. ამ შემთხვევაში, დასაძ-  
 ვებია მისი წამიერი ჩარჭობა მზითა და გარეგანი  
 რეალობებით დატბორილ ველზე. ასე ჩაარჭობენ  
 ხოლმე ჯოხს სამრეკლოსთან, რომლის სიმაღლესაც ამ  
 ჯოხის ჩრდილს უნდა შეუფარდონ, რათა განსაზღვ-  
 რონ მიმართება დღის კონკრეტულ საათში დაფენილ  
 ჩრდილსა და მარადიულ სამრეკლოს შორის.

## CXII

სავსებით ბუნებრივია, როცა კეთილშობილი  
 გული დიდ სიყვარულს ელის. მაგრამ გაცილებით  
 უფრო ბუნებრივია, როცა მას უყვარს თვით ამ

მოლოდინში და, ვიდრე უყვარს, არ ფიქრობს, რომ ელის. სიყვარულშიც ისევე, როგორც ცხოვრებაში, თითქმის სრულებით უსარგებლოა ლოდინი. სიყვარულს თვით სიყვარულის დროს ვსწავლობთ და — ყველაზე უბრალოდ და ყველაზე დანამდვილებით — სწორედ პატარა სიყვარულების ეგრეთწოდებული განხიზვლებით გამოვკვებავთ დიდი სიყვარულის ურყევ ცეცხლს, მთელი დარჩენილი ცხოვრების გასაცისკროვნებლად რომ გვეწვევა.

ხშირად უსამართლონი ვართ განხიზვლების მიმართ: ფერწასულებად, გულდანყვეტილებად, მხნეობადაკარგულებად გვესახება. არადა, პირიქით, სწორედ განხიზვლაა ჭეშმარიტების პირველი გაღმება. თქვენ კეთილი ნების კაცი ხართ, გასურთ იყოთ სამართლიანი, სარგებლობის მომტანი, ბრძენი და ბედნიერი... მაგრამ, აი, გენვიათ განხიზვლა და დაგალონათ. ნუთუ თქვენ ნანობთ სიცრუეს, რომელშიც მანამდე იმყოფებოდით? ნუთუ ამჯობინებთ, რომ ცდომილებების და ოცნებების სამყაროში იცხოვროთ და არა რეალობაში? საუკეთესო ნების საუკეთესო საათები ძალზე ხშირად იკარგება ლამაზი ოცნების ბრძოლაში გარდაუვალი კანონის წინააღმდეგ, კანონის, რომლის მშვენიერებას მაშინ-ღა ვამჩნევთ, როდესაც ლამაზ ოცნებას ძალები დაშრეტილი აქვს. ვთქვათ, სიყვარულმა გიმტყუნათ. მაგრამ ნუთუ ნამდვილად წაგადგებოდათ, რომ მთელი ცხოვრების მანძილზე სიყვარული ისეთ რამედ მიგეჩნიათ, რაც ის, სინამდვილეში, არ არის და არც შეიძლება იყოს? ნუთუ გჯერათ, რომ ასეთი ილუზია არ ამახინჯებს თქვენს უმნიშვნელოვანეს ქმედებებს და ხანგრძლივად არ ფარავს ნაწილს იმ ჭეშმარიტებისა, რომლის მიღწევაც გასურთ? და თუ დიდი საქმეების კეთება გასურდათ და განხიზვლამ მეორეხარისხოვან საგნებში დაგაბრუნათ, ნუთუ ამიტომ თქვენი დარ-

ჩენილი სიცოცხლე სულ ჭეშმარიტების ამ შიკრიკის წყევლაში უნდა გაატაროთ? საბოლოო ჯამში, ნრფელი რომ ყოფილიყო, განა თქვენი ილუზია სწორედ ჭეშმარიტებას არ მოძებნიდა? ვისნაველოთ, როგორ ვაქციოთ ჩვენი განხიზვლები იღუმალ-ერთგულ მეგობრებად და მოუსყიდველ მრჩევლებად. თუ რომელიმე, სხვებზე უფრო შუუბრალებელი განხიზვლა ერთი წამით დაგვჯაბნის, ქვითინით ნუ ვეტყვით ჩვენს თავს: „ცხოვრება ოცნებასავით მშვენიერი არ ყოფილა“. უმჯობესია ასე ვთქვათ: „ჩვენს ოცნებებს რაღაც აკლდა, რაკი ცხოვრებამ არ დაადასტურა“. საბოლოოდ, ძლიერ სულთა მიერ ხოტბაშესხმული ძალაც მხოლოდ მათივე მიერ გამოვლილი არა ერთი და ორი განხიზვლიდან იქმნება. ყოველი გულგატეხილობა, ყოველი აუღიარებელი სიყვარული, ყოველი გაქარწყლებული იმედი გარკვეულნილად ზრდის ჩვენი ჭეშმარიტების წონას. რაც უფრო მეტი ილუზია გვემსხვრევა, მით უფრო კეთილშობილად, უფრო სარწმუნოდ წარმოჩინდება დიდი სინამდვილე, როგორც უფრო ნათლად ჩანს ხოლმე მზე ზამთრის ტყის ფოთოლგაცვენის ტყეში.

### CXIII

თუ თქვენ დიდ სიყვარულს ეძებთ, ნუთუ ფიქრობთ, რომ შესაძლებელია თქვენი ოცნებებივით მშვენიერი სულის პოვნა, თუ მის საძებნელად მხოლოდ ეს ოცნებები წავლენ? რამდენად სამართლიანია მხოლოდ სურვილის, ნდომის, უფორმო ოცნების შეთავაზება და, ამის სანაცვლოდ, ზუსტი სიტყვების და გადამწყვეტი მოქმედებების მოლოდინი? არადა, თითქმის ყველანი ასე ვიქცევით. და თუ შემთხვევა — მეტისმეტად ბედნიერი, რამეთუ უკვე *მოსალოდნელი* — მოგვახვედრებდა ისეთი ადამიანის გვერდით,

რომელმაც ჩვენი იდეალი ზედმინევნით განახორციელა, ნუთუ გვექნებოდა უფლება წარმოგვედგინა, რომ ჩვენი დუნე და ბუნდოვანი მისწრაფებები დიდხანს დარჩებოდნენ თანხმობაში ამ ადამიანის აქტიურ და კარგად გამოკვეთილ სინამდვილესთან?

შანსი არა გვაქვს, ვიპოვოთ ჩვენი იდეალი სადმე ჩვენს გარეთ მანამდე, სანამ, რამდენადაც კი შესაძლებელია, მას *ჩვენშივე* არ განვახორციელებთ. ნუთუ იმედოვნებთ, რომ იცნობთ და შეინარჩუნებთ თქვენს გვერდით წესიერ, ღრმა, მოსიყვარულე, ერთგულ, ამოუნურავ სულს, — დიდბუნებოვანს, სპონტანურს, თვითმყოფადს, მხნეს, კეთილმოსურნესა და სულგრძელს, — თუ არანაკლებ კარგად არ უწყით, რას წარმოადგენს, თავისთავად, ყველა აქ ჩამოთვლილი თვისება? და როგორ გეცოდინებთ, თუ არასოდეს გყვარებიანთ ეს ყველაფერი და დიდხანს არ გიცხოვრიათ ამ თვისებათა კალთაში ისევე, როგორც იმ. სულმა შეიყვარა და იმ სულმა იცხოვრა?

არაფერია უფრო მრავლისმომთხოვნი, უფრო მოუქნელი, უფრო ბრმა, ვიდრე ჯერ კიდევ *სურვილის* მდგომარეობაში მყოფი სიკეთე, სილამაზე თუ ზნეობრივი სრულყოფილება. თუ იდეალური სულის პოვნა გსურთ, იმით დაინყეთ, რომ ნელ-ნელა თქვენ თვითონ დაემსგავსეთ ნაძებნ იდეალს. მისი მოხვეჭის არავითარი სხვა გზა არ არსებობს. რაც უფრო რეალურად მიუახლოვდებით ამ იდეალს, იმასაც დაინახავთ, რომ, ყოვლად სამართლიანად და საბედნიეროდ, ის თითქმის ყოველთვის განსხვავდება იმისგან, რასაც თქვენი ბუნდოვანი იმედები ელოდნენ. რამდენადაც უფრო მეტად განხორციელდება თქვენი იდეალი რეალურ ცხოვრებასთან კონტაქტში, იმდენად უფრო გაფართოვდება და გაუკეთესდება, უფრო რბილი და უფრო მოქნილი გახდება. და მაშინ



თქვენი სიყვარულის საგანში უმტკივნეულოდ აღ-  
მოაჩენთ იმას, რაც ნამდვილად მშვენიერია, მყარად  
კარგია და მარადიულად ნამდვილია თვით თქვენში,  
რადგან არაფერი არ მიგვანიშნებს ჩვენს გარემომცვე-  
ელ სიკეთეზე, თუ არა ის სიკეთე, რომელიც ჩვენსავე  
გულშია. დაბოლოს, უფრო ნაკლებ მნიშვნელობას  
მიანიჭებთ ხარვეზებს, რომლებიც ამიერიდან ველარ  
ხელყოფენ თქვენს პატივმოყვარეობას, ეგოიზმს თუ  
უმეცრებას, ანუ ნაკლოვანებებს, რომლებიც აღარ  
იქნებიან თქვენი შინაგანი ხარვეზების მსგავსნი,  
რადგან სწორედაც ჩვენში არსებული ბოროტებისთ-  
ვის არის ყველაზე აუტანელი სხვათა ბოროტება.

## CXIV

ისევე მივინდოთ სიყვარულს, როგორც ცხოვრე-  
ბას. ჩვენ იმისთვის გაეჩნდით, რომ ნდობა გვექონდეს  
და ამქვეყნად ყველაზე დამლუპველია ის აზრი,  
რომელსაც რეალობისადმი უნდობლობისკენ მი-  
ვყავართ. სიყვარულისგან დამსხვრეული არაერთი  
ცხოვრება მინახავს. მაგრამ თუ სიყვარული არა,  
მაშინ იგივე ადამიანთა ცხოვრების ნგრევის მიზეზი  
შეიძლებოდა ყოფილიყო მეგობრობა, აპათია,  
გაურკვეველობა, ყოყმანი, გულგრილობა, უმოქმ-  
ედობა. სიყვარული გულში მხოლოდ მყიფე საგნებს  
ამსხვრევს. და თუ ყველაფერს ამსხვრევს, ეს იმი-  
ტომ, რომ მთელი გული მყიფე ყოფილა. არ არსე-  
ბობს ადამიანი, რომლის ცხოვრებაც, მისივე აზრით,  
ერთხელ მაინც არ დამსხვრეულიყოს. მაგრამ მათი  
უბედურება, ვისი ცხოვრებაც ნამდვილად გაცამტ-  
ვერდა, ამ ამბავს — ვერც კი ვიტყვი — ნანგრევთა  
რომელ პატივმოყვარეობას უნდა უმადლოდეს.

სიყვარულშიც, ისევე როგორც მთელ ჩვენს და-  
ნარჩენ ბედისწერაში, მრავალი ბედნიერი და უბე-

დური შემთხვევა ხდება. ყოფიერების ასპარეზზე პირველად გასვლისას, შესაძლოა, ენერგიით, სინაზით და კეთილი ადამიანური მისწრაფებებით აღსავსე ადამიანი შეხვდეს სულს, რომელიც თავის პერმანენტულ ბედნიერებაში რეალიზაციას უკეთებს სიყვარულის ყოველგვარ ნადილს — უმაღლესს თუ ყველაზე მცირედს, უფართოესს და, იმავდროულად, ყველაზე დელიკატურს, ყველაზე მარადიულსაც და ყველაზე დღემოკლესაც, უძლიერესს და უნაზესს. შეიძლება მოხდეს, რომ ცხოვრებაში ამ ახლადფეხშედგმულმა ადამიანმა მყისიერად იპოვოს გული, რომელსაც მისცემს და რომელიც მიიღებს კიდევ მისგან ყოველივე საუკეთესოს. შესაძლოა მოხდეს, რომ ერთბაშად მიწვდეს დღემუდამ სურვილებით აღსავსე უნიკალურ სულს, სიკვდილამდე რომ იმაზე ათასგზის მეტს მიიღებს, ვიდრე აძლევენ, და გაცემითაც ათასგზის იმაზე მეტს გასცემს, ვიდრე მიიღო. რადგან სიყვარული, რომელიც წლებს უძლებს, ამ დელიკატურად არათანაბარი გაცვლა-გამოცვლით იქმნება. და, საბოლოოდ, აქ ხომ იმას ვფლობთ, რასაც გავცემთ, და რასაც ვიღებთ, იმასაც მხოლოდ ჩვენ არ ვფლობთ.

## CXV

არსებობს სრულყოფილად ბედნიერი ბედისწერებიც. მაგრამ თუ, ერთის მხრივ, ყველას აქვს მეტნაკლები უფლება, რომ ასეთი ხვედრი ისურვოს, მეორეს მხრივ, ადამიანი მაინც ტყუილუბრალოდ გამოამწყვდევს თავის ცხოვრებას ამ იმედში. მას სხვა არაფერი ძალუძს, გარდა იმისა, რომ შეემზადოს და ერთ დღესაც ასეთი სიყვარული დაიმსახუროს. შემზადების კვალდაკვალ მისი მოლოდინიც უფროდაუფრო დამთმენი გახდება. ასევე შესაძლე-

ბელი იქნებოდა, რომ სულ ახლახან ნახსენებ ახალ-ბედას მთელი ცხოვრება წინდაუკან ევლო იმ კედელთან, რომლის მეორე მხარეს მას მეტისმეტად მდუმარედ ელოდა თავისი ბედნიერება. მაგრამ ნიშნავს თუ არა ეს, რომ კედლის აქეთ მხოლოდ უბედურება და უსასოობაა? ესეც ბედნიერება არ არის — გქონდეს უფლება გვერდზე აუარ-ჩაუარო ხოლმე ბედნიერებას? განა უმჯობესი არ იქნება, რომ ჩვენსა და ჩვენთვის სასურველ დიდ სიყვარულს შორის ერთგვარი, ასე ვთქვათ, გამჭვირვალე და თუნდაც მყიფე შემთხვევის არსებობა ვიგრძნოთ, ვიდრე სამუდამოდ გამოგვეყოს მისგან ყოველივე იმან, რაც ჩვენში არაადამიანური, უსარგებლო და უღირსია? ბედნიერია, ვისაც შეუძლია ყვაველი მონყვიტოს და წაილოს, მაგრამ მაინდამაინც არც იმას დაეჩივლება, ვინც სალამომდე ამ ყვაველის უხილავი ჯამიდან ამოფრქვეულ უნაზეს სურნელში დაიარება. ნუთუ ცხოვრება სრულებით კარგავს ღირებულებას და გამოსადეგობას, თუ იმდენად ბედნიერი არ არის, რამდენადაც კი შეიძლებოდა რომ ყოფილიყო? განა იმ სიყვარულში, ურომლისობასაც თქვენ მისტირიხართ, საუკეთესო ისევ თქვენვე — ამ სიყვარულის მიმტანი — არ იქნებოდით? და თუ, როგორც ზემოთ ითქვა, სულს სხვა არაფერი აქვს, გარდა იმისა, რისი გაცემაც შეუძლია, ეს ხომ უკვე იმას ნიშნავს, რომ მუდამ გაცემის შესაძლებლობას ელოდოს? დიახ, ვფიქრობ, არ არსებობს ამქვეყნად მშვენიერ და ხანგრძლივ სიყვარულზე უფრო სასურველი ბედნიერება. მაგრამ თუ ასეთს ვერ პოულობთ, მაშინ ის, რაც თქვენი ღირსებისთვის გაგიკეთებიათ, არც თქვენი გულის მშვიდობისთვის არ არის დაკარგული და არც დარჩენილი სიცოცხლის უფრო მხნე და უფრო ნმინდა სიმშვიდისათვის.

სხვა რომ არაფერი, ჩვენ მუდამ შეგვიძლია გვიყვარდეს. გატაცებით გიყვარდეთ თქვენის მხრივ და წარმტაცი სიყვარულის ყველა სიხარულს ეზიარებით. თვით ყველაზე სრულქმნილ სიყვარულშიც კი, ორი სავსებით შეხმატკბილებული მიჯნურის ბედნიერებაც არ არის ზუსტად ერთნაირი, — ის უფრო ბედნიერია, ვისაც უკეთესად უყვარს. თქვენი პარტნიორის ბედნიერებაზე მეტად, თვით თქვენივე ბედნიერებისთვის უნდა გახდეთ სიყვარულის ღირსი. ნუ წარმოგიდგენიათ, რომ უთანასწორო სიყვარულის სევდიან ჟამს ის მხარე უფრო მეტად იტანჯება, რომელიც უფრო სამართლიანი, უფრო გონიერი, უფრო სულგრძელი და უფრო კეთილშობილურად გატაცებულია. ვინც ორთა შორის უკეთესია, ის თითქმის არასოდეს იქცევა შესაბრალის მსხვერპლად. ჩვენ მხოლოდ მაშინ ვართ სრული და ნამდვილი მსხვერპლი, როცა საკუთარ შეცდომებს, საკუთარ დანაშაულებს, საკუთარ უსამართლობებს ვემსხვერპლებით. რაოდენ არასრულყოფილიც უნდა იყოთ, თქვენთვის სრულებით საკმარისი იქნება, თუ მშვენიერი ადამიანი გეყვარებათ. აი, მშვენიერ ადამიანს კი, თუ თქვენ მართლაც არასრულყოფილი ხართ, თქვენი სიყვარული არ დააკმაყოფილებს. სასურველია, რომ ერთ მშვენიერ დღეს იღბალმა თქვენს სამყოფელში გულისა და გონების ყველა სიკეთით დაჯილდოებული ქალი შემოიყვანოს, რათა შესაძლებლობა მოგეცეთ მოხვდეთ დიდებით, ბედნიერებითა და სიყვარულით სახელგანთქმული გმირი ქალების მატრიანეში და მისით აღფრთოვანდეთ. მაგრამ ვერაფერს დაინახავთ, თუ არასოდეს გისწავლიათ ამ უნარების ცნობა და სიყვარული რეალურ ცხოვრებაში. ხოლო რა არის რეალური ცხოვრება ყოველი მამაკაცისთვის, თუ

არა მისი საკუთარი ყოფიერება? სატრფოს ერთ-გულებაში თქვენი ერთგულება გაიფურჩქნება, მის ჭეშმარიტებაში თქვენი ჭეშმარიტება დაივანებს და თქვენი ხასიათის ძალაც იმ ძალით გაიხარებს, რომელიც მის ხასიათშია. მაგრამ საყვარელი ადამიანის სათნოებამ, რომელსაც ჩვენი გულის ზღურბლზე არ დახვდა რამდენადმე მაინც მონათესავე მეორე სათნოება, აღარ იცის, ვის ხელებს მიანდოს მხიარულება, რომლებიც მას მოაქვს.

## CXVII

როგორიც უნდა იყოს თქვენი სენტიმენტალური ბედისწერა, ნირს ნუ წაიხდენთ! მეტადრე კი, ნუ გეგონებათ, რომ, რაკილა სიყვარულის ბედნიერება არ გერგოთ, ამიტომ ადამიანური არსებობის დიდ ბედნიერებასაც ვერასოდეს შეიცნობთ. მდინარის ფორმას იღებს, მინისქვეშა ნაკადის თუ კამკამა ტბის — ბედნიერება ისევდაისევ ჩვენი გულის საიდუმლო საცავებიდან ამოედინება და კაცთაგან ყველაზე უბედურსაც კი ძალუძს შეიქმნას წარმოდგენა ბედნიერებათაგან უდიდესის შესახებ.

დიახ, სიყვარულში არის ზარხოში, რომელსაც სიყვარულის არმცოდნე ადამიანი ვერ ეზიარება. მაგრამ წრფელი და სერიოზული გულის სიღრმეში ეს ზარხოში ოდენ დიდ მელანქოლიას დატოვებს, თუკი ჭეშმარიტ სიყვარულში ვერ აღმოაჩენს რალაც ისეთს, რაც ყოველგვარ ზარხოშზე უფრო ღრმა, უფრო მდგრადი, უფრო შეურყეველია. ხოლო რაც სიყვარულში უფრო ღრმა, უფრო მდგრადი და უფრო შეურყეველია, არის იგივე, რაც უფრო ღრმა, უფრო მდგრადი და უფრო შეურყეველია საკუთრივ დიდბუნებოვან ცხოვრებაში.

ყველა ადამიანი გმირი ვერ იქნება; ვერ იქნება

ჩინებული, ტრიუმფალური, გენიალური ან თუნდაც ბედნიერი გარეგან საგნებში. მაგრამ ჩვენ შორის ყველაზე ნაკლებად იღბლიანსაც კი შეუძლია იყოს სამართლიანი, ლოიალური, რბილი, მეგობრული, დიდსულოვანი; ყველაზე ნაკლებად ნიჭიერიც შეიძლება შეეჭვიოს იმას, რომ ირგვლივ არა ავისმოსურნე, არა შურიანი, არა ღვარძლიანი ან არა უსაზმნოდ დამნუხრებული მზერით იყუროს; ყველაზე უპოვარ ადამიანსაც კი ძალუძს რალაცნაირი ჩუმი მონანიღეობა მიიღოს გარშემომყოფთა სიხარულში, და ეს ყოველთვის ყველაზე მცირე სიკეთე არ არის; ყველაზე გაუნაფავმაც შეიძლება იცოდეს, სადამდე აპატიოს შეურაცხყოფა, სადამდე მიუტევოს ცდომილება, სადამდე შეიძლება აღფრთოვანდეს ადამიანური სიტყვით ან მოქმედებით. იმასაც, ვინც ყველაზე ნაკლებად უყვართ, შეუძლია უყვარდეს და პატივს ცემდეს სიყვარულს. ამგვარად, ისიც იმავე ნყაროსკენ იხრება, რომლის დასანაფებლად ბედნიერი ადამიანები მოდიან. იმაზე უფრო ხშირად აყურადებს ბედნიერების მზურვალე საათებს, — აბა, ნამდვილად ბედნიერია თუ არა ეს ჟამიო, — ვიდრე ერთი შეხედვით შეიძლება გვეგონოს. სიყვარულის ნეტარებათა სიღრმეში, ისევე როგორც მოკრძალებულ არსებობაში გულმართალი კაცისა, რომელსაც ბედმა მაინცდამაინც არ გაუღიმა, ყველაფერი შეიძლება შეიცვალოს და გადაადგილდეს, სამართლიანობის, ნდობის, კეთილმოსურნეობის, გულითადობისა და სულგრძელობის გარდა. ამ მანათობელ მწვერვალებს სიყვარული რამდენადმე უფრო ძალუმად აცისკროვნებს და ეს უკანასკნელიც სწორედ ამიტომ უნდა ვეძებოთ. მისი უდიდესი უპირატესობა ისაა, რომ თვალს გვიხელს ზოგიერთ მშვიდ და სათუთ ჭეშმარიტებაზე; რომ შესაძლებლობას გვაძლევს გვიყვარდეს და აღტაცებულნი ვიყოთ

ერთადერთ საგანში იმით, რასაც არ და ვერ შევი-  
ყვარებდით ათას სხვადასხვა საგანში; რომ სამომავ-  
ლოდ გულს გეიფართოვებს. მაგრამ თვით ყველაზე  
სასწაულებრივ სიყვარულსაც კი საფუძვლად უდევს  
სრულიად მარტივი ნეტარება, სავსებით გასაგები  
სინაზე და თაყვანისცემა, სრულებით მისანვდომი  
ნდობა, იმედიანობა და სინრფელე, ღრმად ადამი-  
ანური აღტაცება და სილალე, ანუ ის ყველაფერი,  
რაც ბედუკულმართ კეთილ ნებასაც შეიძლებოდა  
ჰქონოდა თავის დანალვლიანებულ ცხოვრებაში, თუ  
ოდნავ ნაკლები ნალველი და ოდნავ მეტი მოთმინება,  
მეტი ინიციატივა, მეტი ენერგია აღმოაჩნდებოდა.

## შენიშვნები

<sup>1</sup> ფრანგი პოლიტიკური მოღვაწე (1767–1794).

<sup>2</sup> რომის იმპერატორი (138–161 წწ.), რომლის მეფობის პერიოდი გამოირჩეოდა სიმშვიდით, ეკონომიკური და სოციალური სტაბილურობით.

<sup>3</sup> „ილიადას“ კომიკური პერსონაჟი, სიუმნოვისა და სიმხდალის განსახიერება.

<sup>4</sup> იგულისხმება აგამემნონი და მენელაოსი, მეფე ატრეოსის შვილები.

<sup>5</sup> ესქილეს ტრილოგია — „აგამემნონი“, „მოფორები“ და „ევმენიდები“ — მისი შემოქმედების მწვერვალი. მოცემულ შემთხვევაში, მეტერლინიკი გულისხმობს დატრიალებულ ტრაგედიათა მწკრივს.

<sup>6</sup> კადორი — შოტლანდიის ოლქი; თენი — ტიტული (გრაფზე რამდენადმე უფრო დაბალი), ამ შემთხვევაში — მაკბეტი.

<sup>7</sup> ფრანგი პრელატი (1651–1715).

<sup>8</sup> შექსპირის „ჰამლეტის“ პერსონაჟები.

<sup>9</sup> ფრედერკ აქსელ დე ფერსენი, შვედი გრაფი (1719–1794).

<sup>10</sup> ჟირონდისტები, პოლიტიკური დაჯგუფება საფრანგეთის რევოლუციის დროს.

<sup>11</sup> პიერ ვიქტურნიენ ვერნიო, ფრანგი პოლიტიკური მოღვაწე (1753–1793).

<sup>12</sup> სახლი პარიზში, რომელშიც 1792–95 წლებში იკრიბებოდა საგანგებო ასამბლეა.

<sup>13</sup> იოზეფ ჟუბერტი, ფრანგი მორალისტი (1754–1824).

<sup>14</sup> არისტოდე (II საუკუნე ჩვ.წ.აღ.) — ქრისტიანული რელიგიის პირველი აპოლოგიის ავტორი.

<sup>15</sup> პაულიუს-ემილიანე, რომაელი გენერალი (გარდ. 216 წ.).

<sup>16</sup> ბერძენი პოლიტიკური მოღვაწე (410–337 წწ. ძვ.წ.აღ.).

<sup>17</sup> ამ შემთხვევაში: მაკედონიის უკანასკნელი მეფე (212–165 ძვ.წ.აღ.).

<sup>18</sup> კატონ მცირე, კატონ უფროსის შვილთაშვილი, რომაელი პოლიტიკოსი (93–46 ძვ.წ.აღ.).

<sup>19</sup> ინგლისელი ისტორიკოსი, კრიტიკოსი და ფილოსოფოსი (1795–1881).

<sup>20</sup> ფრანგი მწერალი (1823–1892).

<sup>21</sup> შოტლანდიის მეფე, მოკლული მაკბეტის მიერ. იმეფა 1034–40 წლებში.



<sup>22</sup> იგულისხმება 1897 წლის 4 მაისს პარიზის საქველმოქმედო ბაზრობაზე მომხდარი ხანძარი.

<sup>23</sup> ფრანგი ფილოსოფოსი (1854-1888), ავტორი წიგნისა „მომავლის რელიგიურობა“.

<sup>24</sup> ტიტუს ფლავიუს საბინუს ვესპასიანუს, რომის იმპერატორი (79-81), ვესპასიანეს ვაჟიშვილი, განთქმული თავისი ლმობიერი ბუნებით.

<sup>25</sup> „ჯერის ხუანი“, ანუ ხუან დე იეპესი, ესპანელი მისტიკოსი (1542-1591).

<sup>26</sup> მორის ბარესი, ფრანგი მწერალი და პოლიტიკური მოღვაწე (1862-1923).

## დათო აკრიანის სხვა თარგმანები:

შარლ ბოდლერი: „ბოროტების ყვავილები“  
მორის მეტერლინკი: „ფუტკრების ცხოვრება“  
„განძი თვინიერთა“  
რომენ როლანი: „რამაკრიშნას ცხოვრება“  
მარი მეტრაიე: „ღიმილი მტვერი“  
კლოდ დელარუ: „დიდი ადამიანი“  
„სპილოების ტრიუმფი“  
„მოზაიკა“

გიორგი ჩიჩერინი: „მოცარტი“  
იოსიფ ბროდსკი: „ქორის ძახილი  
შემოდგომით“ (ორენოვანი)  
ლიდია ობუხოვა: „ლილიტ“

ჯორჯ ორუელი: „1984“  
რიჩარდ ბახი: „თოლია სახელად  
ჯონათან ლივინგსტონი“

„ეს ჩემგან იყო“ (რელიგიურ-ფილოსოფიური ესეები, რე-  
ლიგიური პოეზია)

ქართული პოეზია ინგლისურად (ორენოვანი)

„დაბადება“ (დ.ა. — პროზა, პოეზია, ფოტოფერნერა)